

আনন্দ-বাজার

শ্রীঅশোক চট্টোপাধ্যায়

ব্রজেন পাবলিশিং হাউস

২৫১২ মোহনবাগান রো, কলিকাতা

ভাদ্র, ১৩৪৩

প্রকাশক

শ্রীমজনীকান্ত দাস

২৫২ মোহনবাগান রো,

কলিকাতা

মূল্য আড়াই টাকা

মুদ্রাকর

শ্রীপ্রবোধ নান

শনিরঞ্জন প্রেস

২৫২ মোহনবাগান রো,

কলিকাতা

নিবেদন

গ্রন্থ লিখিত গল্পগুলি পাঠ করিলে মনে হইতে পারে যেন নায়ক নায়িকাদের পূর্বে কোথায় দেখিয়াছি। কারণ আংশিক ভাবে এই জাতীয় চরিত্র বাংলায় বিরল নহে। কিন্তু মানুষের চরিত্রগত বৈশিষ্ট্যই তাহার পূর্ণ পরিচয় নহে। নাট্যকার বলিলেই শেক্সপিয়ার মনে হইতে পারে, কিন্তু নাট্যকার যাত্রাই শেক্সপিয়ার নহেন। এই হেতু অনুরোধ যেন গুণবিশেষ দেখিয়া ব্যক্তিবিশেষ বলিয়া পাঠক ভ্রম না করেন। যদি পাঠক বিশেষ কোন ভূমিকায় নিজ স্বরূপ দেখিতে পান, যেন ক্রুদ্ধ না হন। আমি তাঁহাকে কিছুমাত্র অবমাননা করিবার চেষ্টা করি নাই। তাঁহার গুণ তাঁহাতেই শোভে; অপরে যেন তাঁহার অনুল্লেখ করিয়া সমাজে হাস্যাস্পদ না হন, ইহাই প্রচেষ্টা। এ সকল কারণ সত্ত্বেও বাংলার সকল নরনারীর নিকট ক্ষমা ভিক্ষা করিয়া পুস্তকখানি লোক সমাজে উপস্থিত করিলাম।

সূচিপত্র

পীতাম্বর সাগেল	১
সর্বেশ্বর ঘটক	২০
যুগ পরিবর্তন	৩১
কুমার বাহাদুরের রোগমুক্তি	৪০
“জীবন-মরুভূমি”	৫১
হারুড ল-রসিদের পুনর্জন্ম	৬৬
দি গ্রাশনাল সাইক্লোপিয়ান লীগ	৭৭
হেতুয়া ক্লাব	৮৯
আবেদন পাকড়াশী	১০২
হসন্ত তরফদার	১৩১
পাচু:গাখান ডিটেক্টিভ	১৪৯

পিতাম্বর সাঙোল

সকাল বেলা বিছানার উপর উঠিয়া বসিয়াই পিতাম্বর গুরু পিতাম্বর একটা দেড় বিঘত আন্দাজ হাই তুলিয়া ও সেই সঙ্গে চিনে পটকা ছোড়ার মত তিনটা তুড়ি দাগিয়া স্বগত বলিলেন, “হন্তে হয়ে উঠেছি। কি কুক্ষণেই যে পুণ্যম নরক ‘এভয়েড’ করবার জন্যে এ কাজ করতে গিয়েছিলাম—উঃ, কেঁদে, কোকিয়ে, গালিয়ে, চৌচিয়ে গিন্নি যেন মেনিন্‌জাইটিসের মত মাথার ভিতরটা ছারখারে দিতে বসেছে; আর ছেলেটা ‘আগ্যারে’, ‘হাফ-আগ্যারে’, ‘কোয়াটারে’ গির্জের ঘড়ির মত হাঙ্গামা ক’রে ঘুমের পাট একেবারেই তুলে দিয়েছে। এর পর এক দিন কিছু একটা ক’রে বসব ব’লে রাখছি— পিতাম্বর সাঙোল রাগ করে না, করে না; কিন্তু করে যখন...তখন হুঁ... ম্...।”

পাশের ঘর থেকে নারীকণ্ঠ কে বলিল, “ওগো, এখানে অন্ধকারে সিদ্ধকটার ভেতর অবধি ঠিক দেখতে পাচ্ছি না, এটা একটু বারান্দায় বার ক’রে দাও তো। রিং থেকে সেফ্‌টি-পিনটা যে কোথায় খুলে পড়ল—কিছুতে যদি হাতড়ে পাচ্ছি!”


পিতাম্বর মনে মনে গর্জিয়া উঠিলেন, “অত্যাচার, অনাচার, অরাজকতা! সেফ্‌টি-পিন পাচ্ছ না ব’লে আমি এখন ঘুমের চোখে তোমার পিতামহের আমলের জাহাজী সিদ্ধকটা কাঁধে ক’রে দৌড়া দৌড়ি করি! জাহাজীমে যাক তোমার সেফ্‌টি-পিন।”

বাহিরে মিহি গলায় বলিলেন, “মেধোকে ডেকে বল না সিদ্ধকটা বার ক’রে দিতে; আমার শরীরটা ভাল নেই তেমন।”

নারীকণ্ঠ কিছু উচ্ছে উঠিল, “বেলা ছ-টা হয়ে গেল এখনও বিছানায় শুয়ে গা মোড়ামুড়ি দেওয়া হচ্ছে। আমার খেটে খেটে প্রাণ গেল আর উনি শুধু আরাম করবেন। এসু বলছি শীগ্‌গির বাইরে, নইলে কুরুক্ষেত্র হবে!”

পিতাম্বর একবার নেপথ্যে পরোলোকগতা মাতৃদেবীকে স্মরণ করিয়া স্ফুটস্ফুট করিয়া প্লাশের ঘরে প্রবেশ করিলেন। ভাঁড়ারের সিদ্ধকটি নিরামিষ চাল ভাল ও আমিষ ইঁদুর আর শুলায় বেশ পূরা দুই কি আড়াই মণ হইবে। পিতাম্বর তাহা তুলিতে চেষ্টা

করিয়া, না পারিয়া তাহাতে কাঁধ দিয়া ঘষ্মাক্ত কলেবরে দরজার আলোর দিকে ঠেলিয়া লইয়া যাইতে লাগিলেন। এই আকস্মিক আন্দোলনে ভীত হইয়া একটুকু ইঁদুর এক ছিদ্রপথে সিন্দুক হইতে তড়াক করিয়া বাহির হইয়া পিত্তোমবাবুর গলার উপর অবতীর্ণ



আড়াই মণ সিন্দুকটি কাঁধ দিয়া দরজার আলোর দিকে ঠেলিয়া লইয়া যাইতে লাগিলেন।

হইয়া তাহার শিরদাঁড়া বাহিয়া নামিয়া গেল। পিত্তোমবাবু, “আরে, আরে” বলিয়া ইঁদুরটিকে তাড়াইতে গিয়া একটু বেনামাল হইয়া মেঝের উপর গিল্লির রক্ষিত এক বাটি সরিষার তেলের উপর বসিয়া পড়িলেন।

গিল্লি তারস্বরে চীৎকার করিয়া উঠিলেন, “এক ফোঁটা কাজ করতে এসে অমনি পোয়াখানেক তেল উন্টে বসল! বাবাবে বাবা, আমি তো আর পারিনে—সেই কোন্ রাজ্য থেকে নসু খুড়োকে সেধে সেধে ঘানির তেল আনাই; তার হয়ে গেল। বলি, রোজ যে এক গঙ্গা গিলে উজাড় কর, তা যায় কোথায়? একটা কাঠের বাস্ক নেড়ে সরাতে গিয়ে যে হাঁপিয়ে ফুঁপিয়ে তেলের বাটি উন্টে গোল্লায় গেলে একেবারে!”

পিত্তোমবাবু, “এ্যাডিং ইন্সার্ণ্ট্ টু ইন্জুরী” বলিয়া কি-একটা বলিতে গেলেন; তাহাতে উন্টা উৎপত্তি হইল। গিল্লি আবার হাঁকিয়া উঠিলেন, “আরে রেখে দাও তোমার ইন্জুরী—ইন্জুরী আদালতে বল গিয়ে;—এক পয়সার যার দেহে সুমর্থ্য নেই সে আবার ইন্জুরী বলে, মুখে আগুন অমন ইন্জুরীর!”

পিতোমবাবু অনুরোধের স্বরে বলিতে আরম্ভ করিলেন, “আরে বাবা।” কিন্তু কে সে কথা শোনে? গিল্মি আরও খাপ্পা হইয়া উঠিলেন, “তোমার বাবাকে যা বলতে চাও, তাঁকে গিয়ে বল। আমি কিসে তোমার বাবা হলাম শুনি? এক বাটি তেল উর্নে আবার রস করবার চেষ্টা হচ্ছে! দূর হও এখনি আমার ভাঁড়ার থেকে, নইলে ঐ বাকি তেলটুকুনও মাথায় ঢেলে দেব বলছি।”

পিতোমবাবু দেখিলেন, তাঁহার প্রিয়তমা পত্নী সত্য সত্যই কিছু উত্তেজিত হইয়াছেন। তিনি তাই গেল্লির উপর তেলের ছোপটুকুকে পরাজয়ের তীকারূপে বহন করিয়া অক্ষত দেহে অবিলম্বে ভাণ্ডার-গৃহ পরিত্যাগ করিলেন।

স্নান করিতে করিতে পিতোমবাবু ভাবিতে লাগিলেন, এ কি? স্বামীর প্রতি স্ত্রীর এই যে ব্যবহার, ইহাই কি চিরস্থান? সীতা, সাবিত্রী, গান্ধারী, দময়ন্তী, শকুন্তলা, বেহলা কি তবে পত্নী-সম্মার্জনী-পীড়িত কবির পরিহাস মাত্র? ‘পতি পরম গুরু’ এ মন্ত্র কি স্ত্রীলোকের মস্তে স্থান না পাইয়া অবশেষে তাহার চিকণীতে আশ্রয় লইয়াছে? দেহ-গোদের উপর এ কি নিদারুণ বিনোদন! পিতোমবাবু নিজ চিস্তার স্রোতে গা ভাসাইয়া দিয়া মাথায় ঘটির পর ঘটি জল ঢালিয়া চলিয়াছেন—চৌদাচা নিঃশেষ, তাহাতে আক্ষেপ নাই। হঠাৎ স্নানাগারের বাহির হইতে তীক্ষ্ণ কণ্ঠে কে বলিল, “খুব যে নবাবী করে সব জলটুকু খরচ করে রাখছ—কলে তো জল নেই—আমরা কি সব শালপাতায় গা হাত পা পুঁছে স্নানের কাজ সারব নাকি? রাস্তার কল থেকে চার পাঁচ বান্টি জল তুলে তবে তুমি আফিস যাবে, বুঝলে?”

পিতোমবাবু আতঙ্কে স্নানের জল ছাপাইয়া ধামিয়া উঠিলেন। তিনি বাহিরে আসিয়া অগ্ন্যমনস্তার দোহাই দিয়া পার পাইবার চেষ্টা করিলেন; কিন্তু নিদ্রয় নারী-হৃদয়ে তাঁহার সে বেদনাপূর্ণ আবেদন “আকামো” বলিয়া অভিহিত হইল। অগত্যা তিনি বান্টি হস্তে রাস্তায় জল আনিতে বাহির হইলেন। ভাবিয়াছিলেন মেধোকে উৎকোচ-দানে বশ করিয়া উন্মুক্ত রাজপথে বান্টি হস্তে বিচরণ করার অপযশ হইতে আত্মসম্মান রক্ষা করিবেন। কিন্তু মেধো তাঁহাকে প্রাণ কাটাইয়া সিঁড়ির পথে “মা ঠাকরণ ডাকছেন” বলিয়া উপর তলায় উধাও হইয়া গেল। প্রথম দুই বান্টি জল পিতোমবাবু লোক-চক্ষুর অস্তুরালে বাড়ীর মধ্যে লইয়া আনিলেন। কিন্তু তৃতীয় বান্টি লইয়া তিনি সবে দরজার গোড়ায় পা দিয়াছেন এমন সময় পিছনে কে “হাঃ, হাঃ, হাঃ, হাঃ,” করিয়া অটহাস্ত করিয়া উঠিল। পিতোমবাবু ঘাড় ফিরাইয়া দেখিলেন নেপেন ভাড়ুড়ীকে। নেপেন ভাড়ুড়ী তাঁহার সহিত এক আফিসে কাজ করে—এবং সময় পাইলেই অবাস্তুর কথা বলিয়া সকলের চিত্তবিনোদন করে। এই ভাবে ধরা পড়িয়া পিতোমবাবু লজ্জায় আতঙ্কে শিহরিয়া উঠিলেন। নেপেনবাবু বলিলেন, “আরে সাণ্ডেল মশায়, দিন দুপুরে জলচুরি করে কোথায় পালাচ্ছেন?”

পিতোমবাবু কোন উপায়ে আত্মসম্মান বজায় রাখিবার জন্ত বলিলেন, “আঃ ভাই, চাকর বেটা পালিয়েছে, দুর্দশার পার নেই—বল কেন?”



এমন সময়ে পিছনে কে “হাঃ হাঃ হাঃ হাঃ” করিয়া অট্টহাস্য করিয়া উঠিল। পিতোমবাবু ঘাড় ফিরাইয়া দেখিলেন নেপেন ভাড়াড়ী।

কম আনার জন্ত জবাবদিহি করিতেছিলেন সেখানেও পৌছিল। পিতোমবাবু ক্ষণেকের জন্ত কি যেন একট আতঙ্কে শিহরিয়া উঠিলেন। স্ত্রী বলিলেন, “ও আবার কি রকম চং করছ?”

পিতোমবাবু বলিলেন, “কিছু না, আফিসের বেলা হয়ে গেছে।”

স্ত্রী বলিলেন, “এখানে ভাত বাড়ি আছে নিয়ে খেয়ে আফিসে বেরোও। ফেরবার পথে দুটো ডাব কিনে এন—মেধো বললে, তোমাদের আফিসের কাছে পাওয়া যায়।”

দুই হস্তে দুইটি ডাব লইয়া নিজে আফিস হইতে গৃহাভিমুখে যাইতেছেন ও নেপেন ভাড়াড়ী তাঁহার সহকর্মীদের নিকট উক্ত ঘটনার সব ব্যাখ্যা করিতেছে, এই চিত্র অস্তরে অঙ্কিত করিয়া পিতোমবাবু কম্পিত চরণে আফিসের দিকে রওয়ানা হইলেন।

আফিসে চুকিয়াই তিনি দেখিলেন, নেপেন ভাড়াড়ী জন্ম দেশের ছোকরা-গোছের কশ্মীরী পরিবাস্তু হইয়া কি যেন একটা অভিনয় করিতেছে। পিতোমবাবু বুঝিলেন

উপরের বাগান্দা হইতে ঘন কক্ষ দেখখানি অন্ধকের অধিক বাহির করিয়া ঝুঁকিয়া পড়িয়া মেধো চীৎকার করিয়া উঠিল, “বাবু, শীগ্গির করুন, মাঠাকরণের চানের বেলা হয়ে যাচ্ছে।”

“হে ধরণী দ্বিধা হও! এ কি নিদারুণ অপমানের আঙুনে আ মা য পুড়িতে হইল!” পিতোমবাবু এক মিনিটে তিন চার বার রং বদলাইয়া করুণ নেত্রে নেপেনবাবুর দিকে চাহিয়া কোনো কথা না বলিয়া বাণ্টটা তুলিয়া লইয়া উপরে চলিয়া গেলেন। নেপেনের অট্টহাস্যে পথঘাট ধ্বনিত হইয়া উঠিল। সে ধ্বনি যেখানে পিতোমবাবু স্ত্রীর নিকট এক বাণ্ট জল

যে, তাঁহার গার্হস্থ্য জীবনের সহিত এ অভিনয়ের খুব নিকট কোন যোগ আছে। তিনি মুখ ফিরাইয়া কোন কল্পিত সরল রেখা অনুসরণ করিয়া সটান নিজের টেবিলে গিয়া বসিলেন। নেপেন ভাদুড়ী যে সকল কর্মচারীদিগকে লইয়া জটলা করিতেছিল, তাহারা একে একে নিজের টেবিলে গিয়া বসিতে লাগিল। কেহ কেহ পিতোমবাবুর টেবিলের পাশ দিয়া যাইতে যাইতে তাঁহার পিঠ চাপড়াইয়া, “বাবু আপু পিতোমবাবু” বলিয়া তাঁহাকে সম্ভাষণ করিয়া গেল,—যেন পিতোমবাবু তাহাদের নিকট সান্ত্বনার জন্ত কখনও আবেদন করিয়াছিলেন। একজন বলিয়া গেল, “ব্রাদার, তোমার শুনছি বড় দুঃসময় চলেছে। আমাদের পাড়ার ভুটানী বাবার একটা মাদুলী জোগাড় ক’রে ধারণ কর না; দেখো অব্যর্থ গ্রহ-শান্তি হবেই হবে—বলব বাবাকে তোমার কথা?”

পিতোমবাবু নাক মুখ সিঁটকাইয়া বলিলেন, “না, না, তোমায় অত পরোপকার করতে হবে না।” বলিয়া বাস্তবতা দেখাইবার জন্ত একটা আধমুণে লেজার টান দিতে যাইয়া টেবিলে ও নিজের ধুতি-খানার উপর একটা লাল কালির দোয়াত উল্টাইয়া ফেলিলেন। রাগে ক্ষোভে পিতোমবাবু পাগলের মত হইয়া উঠিলেন। কাপড়ে কালি লাগা দেখিলে স্ত্রীভাষিণী, অর্থাৎ পিতোমবাবুর গৃহিণী, তাহাকে কি যে না বলিয়া লাজিত করিবেন তাহা পিতোমবাবু ভাবিতেই পারিলেন না। তাঁহার মামসিক অবস্থা যখন পত্নীভগ্নদিত্ত কোনও এক আগ্নেয়গিরির ন্যায় ধূমান্বিত, কম্পিত ও বিচলিত ঠিক সেই সময় নেপেন ভাদুড়ী আসিয়া পিতোমবাবুর খুঁড়িতে হস্ত দিয়া গাহিয়া উঠিল—



ধর্মিত নেপেনের উপর উগত-ওয়েষ্ট-পেপার-বাস্কেট পিতোমবাবু, উদ্ভাতবজ্র ইন্ডের শায়ই শোভা পাইতে লাগিলেন। এমন সময় তিন-তলার সিঁড়ি বাহিয়া আফিসের ছোট সাহেব নামিয়া আসিলেন।

পিতোমবাবু ভাবিতেই পারিলেন না। তাঁহার মামসিক অবস্থা যখন পত্নীভগ্নদিত্ত কোনও এক আগ্নেয়গিরির ন্যায় ধূমান্বিত, কম্পিত ও বিচলিত ঠিক সেই সময় নেপেন ভাদুড়ী আসিয়া পিতোমবাবুর খুঁড়িতে হস্ত দিয়া গাহিয়া উঠিল—

“দাদারে আমার,
 দরগায় লাগাও সিন্নি,
 পীরের কুপায় হবেন গিন্নি
 তোমা পরে সদয়া...ভাইরে সদয়া আ আ...।”

পিতোমবাবু বহু বর্ষের অনভ্যাস তুলিয়া হঠাৎ পম্পিয়াই-বিধ্বংসী ভিস্ত্রিয়সের মত সংহারমূর্তি ধরিয়া জুলিয়া উঠিলেন। একবার “দি লাষ্ট টু” বলিয়া সিংহনাদ করিয়াই পিতোমবাবু ঝুঁকিয়া পড়িয়া টেবিলের নীচ হইতে ওয়েষ্ট-পেপার বাস্কেটটা তুলিয়া লইয়া নেপেন ভাড়ুড়ীকে তীব্রবেগে আক্রমণ করিলেন। নেপেন আত্মরক্ষার জন্ত যথেষ্ট চেষ্টা করিয়াও কিছু করিতে পারিল না। পিতোমবাবু তাহার পশ্চাতে “রাস্কেল, রাস্কেল” বলিয়া চীৎকার করিতে করিতে ছুটিয়া সিঁড়ির নিকট তাহাকে চাপিয়া ফেলিলেন। ধর্ষিত নেপেনের উপর উদ্যত-ওয়েষ্ট-পেপার-বাস্কেটটা পিতোমবাবু উদ্যত-বজ্র ইন্দ্রের গ্রায়ই শোভা পাইতে লাগিলেন। এমন সময় তিনতলার সিঁড়ি বাহিয়া আফিসের ছোট সাহেব নামিয়া আসিলেন। তাহার মেম সাহেব সেদিন তাহাকে গলদা চিংড়ির সহিত তুলনা করিয়া কি বলাতে তাহার চিত্ত কথঞ্চিৎ বিক্ষিপ্ত ছিল। সম্মুখে এইরূপ দৃশ্য দেখিয়া তিনি ভীষণ চটিয়া গেলেন ও বড়বাবুকে ডাকিয়া নেপেন ভাড়ুড়ীর পাঁচ টাকা ও পিতোমবাবুর দশ টাকা জরিমানার ব্যবস্থা করিয়া দিলেন। পিতোমবাবু অনেক করিয়া সাধ্য সাধনা করা সত্ত্বেও সাহেবের কঠিন প্রাণে দাগমাত্র পড়িল না।

২

জরিমানার কথাটা পিতোমবাবু গিন্নির কাছে অনেক দিন ঢাকিয়া রাখিয়াছিলেন; কিন্তু মাসান্তে সুভাষিণী যখন তাহার নিকট হইতে বেতনের টাকা গুণিয়া লইতেছিলেন তখন টাকা কম দেখিয়া পিতোমবাবুকে প্রশ্ন করিলেন, “এ কি? দশ টাকা কম কেন?”

পিতোমবাবু, “আমি এই কি না...” বলিয়া কি একটা বলিতে গিয়া দুই পথে ঢোক গিলিয়া বিষম খাইয়া বসিলেন। তিনি পুনর্বার স্বাভাবিক ভাবে নিশ্বাস ফেলিতে আরম্ভ করিলে পর গিন্নি আবার তাড়া দিয়া তাহাকে বলিলেন, “সত্যি কথা বল বলছি, নইলে অনর্থ হবে! রেস খেলেছ? বাজি হেরেছ? কি করেছ?”

পিতোমবাবু বলিলেন, “না জরিমানা দিয়েছি। সেদিন কি রকম মাথাটা গরম হয়ে উঠল.....”

“তাই কি রাস্তায় মারপিট করেছিলে? ওমা কি হবে গো! বড়ো বয়সে শেষ কালে মারামারি করে থানা পুলিশ করলে! ওগো মাগো, আমায় কিনা এও শুনতে হ'ল!”

পিতোমবাবু যতই বলেন, “আরে না না, থানা নয়, পুলিশ নয়, আফিসে...” গিন্নির ততই শোক বাড়িয়া চলে, “ওগো তুমি আসামীর কাঠগড়ায় দাঁড়ালে শেষ কালে—মুখে চূণ কালি মাখলে, আমার এ কি লজ্জা হ’ল।”

এমন সময় নসু খুড়া আসিয়া পড়ায় গিন্নি পিতোমকে ছাড়িয়া তাঁহার পায়ের কাছে ধূপ করিয়া বসিয়া পড়িলেন ও ডুকরাইয়া কাঁদিয়া উঠিলেন, “ও নসু খুড়া, বুড়া বয়সে মারপিট...”

নসু খুড়া গর্জিয়া উঠিলেন, “ইস্টপিড, পাষণ্ড কোথাকার, তুমি স্বীলোকের গায়ে হাত তোল।”

পিতোমবাবু দেখিলেন তিনি ক্রমে গভীর হইতে অতল জলে গিয়া পড়িতেছেন। তিনি এবার প্রাণপণ করিয়া গিন্নির কান্না খুড়ার গর্জন সব ডুবাইয়া চীৎকার করিয়া বলিলেন, “পুলিসেও যাইনি স্ভাষিণীকেও মারিনি। ঝাপা ভাতুড়ীকে সিঁড়ির মোড়ে চেপে ধ’রেছিলাম ব’লে সাহেব জরিমানা করেছে।”

গিন্নি বলিলেন, “ও, আফিসে গিয়ে বুকি ঐ সবই করা হয়?”

নসু খুড়া বলিলেন, “তা আগে বলনি কেন?”

স্ভাষিণী এতক্ষণ পুলিশ-সংক্রান্ত কলঙ্ক-ভীতি হইতে সামলাইয়া উঠিতেছিলেন। তিনি এখন ঝঙ্কার দিয়া বলিয়া উঠিলেন, “ছেলেছোকরাদের মত ধস্তাধস্তি করতে তোমাদের একটু ঘেন্নাও কি হয় না? দশ দশটা টাকা। এখন কি তোমার বাঁচুরেপনার জন্মে খোকার দুধ বন্ধ করব, না, সকলে নিরিমিষ খেয়ে দিন কাটােব?”

নসু খুড়া বিচারকার্যনিরত সলোমনের গায় মুখ করিয়া বলিলেন, “না না, শিশুর দুগ্ধপান বন্ধ করা কদাপি উচিত হইবে না। তদ্ব্যতীত, পীতাম্বর অনবধানতাবশত যে অবিস্ময়কারিতার কার্য করিয়া ফেলিয়াছে তাহার উপযুক্ত প্রায়শ্চিত্তস্বরূপ তাহার উচিত হইবে আগামী এক মাস কাল ট্রামে আফিস যাতায়াত না করিয়া পদব্রজে গমনাগমন করা।”

স্ভাষিণী অঙ্ককারে যেন আলোক দেখিতে পাইয়া আনন্দে মুখ উদ্ভাসিত করিয়া বলিলেন, “ঠিক বলেছ, নসু খুড়া! হেঁটে হেঁটে আফিসে যেতে হ’লে, ওনার বসের কেঁড়ে একটুখানি হাঙ্কা হয়ে আসবে—ছেবলামী করাও একটু বন্ধ হবে।”

পিতোমবাবু নসু খুড়ার দিকে একবার বিয়নেত্রে তাকাইলেন; কিছু বলিলেন না। স্ভাষিণী খুড়া মহাশয়ের রায়ে বিশেষ প্রীত হইয়াছিলেন। তিনি খুশী মনে স্বামীকে বলিলেন, “তুমি যাও তো গো ছ-পয়সার কচুরী নিয়ে এসগে। মেধো খোকাকে খেলা দিচ্ছে। নসু খুড়া একটু ব’সে চা-টা খেয়ে যাও।”

নসু খুড়া একটা নিকেলের ডিবা বাহির করিয়া তাহা হইতে এক টিপ তীব্রগন্ধ নসু গ্রহণ করিয়া একটি মাসাধিককাল রক্তকর্ষণ-বঞ্চিত রুমালে নাক মুখ মুছিয়া বলিলেন,

“বিলক্ষণ, তা তোমরা যদি বল, তাহা হইলে কি আমি তোমাদের ইচ্ছার বিরুদ্ধে কিছু করিতে পারি?”

পিতোমবাবু ছয়টি পয়সা হস্তে লইয়া খাবারের দোকানে কচুরী আনিতে চলিলেন। মনে হইল কচুরী না হইয়া যদি নস্ব খুড়ার জন্ত বিষ আনিবার জন্ত এ যাত্রা হইত তাহা হইলে তাঁহার অন্তরে অন্তত কিছু সুখের সঞ্চার হইত। যে ব্যক্তি পুরুষ হইয়া উৎপীড়িত পুরুষের বেদনা বুঝে না, বরং তাহার যন্ত্রণা আরও বাড়াইয়া দিবার চেষ্টা করে, তাহার উপযুক্ত পুরস্কার বিষই, কচুরী নহে। হঠাৎ মনে হইল কচুরী খাইয়াও তো কেহ কেহ কলেরা হইয়া মারা যায়—নস্ব খুড়াকেও বাসী দেখিয়া কচুরী খাওয়াইতে পারিলে তাঁহারও হয়তো একটা ভালমন্দ ঘটতে পারে। দোকানে পৌঁছাইয়া পিতোমবাবু বলিলেন, “বেশ ভাল রকম বাসী কচুরী আছে?”

দোকানদার অবাক হইয়া তাঁহার মুখের দিকে চাহিয়া রহিল; বলিল, “সে কি মশাই—বাসী কচুরী কি আবার কেউ বিক্রি করে নাকি?” যেন কলিকাতার ময়রার অভিধানে বাসী বলিয়া কোন শব্দই নাই।

পিতোমবাবু বলিলেন, “আবে বাপু, কুকুরকে খাওয়াতে হবে—সস্তা টস্তা করে দাও না থাকে তো।” ময়রা অগত্যা, যেন খুবই অনিচ্ছার সহিত, তাঁহাকে এক ঠোঙা কচুরী বাহির করিয়া দিল। পিতোমবাবু সানন্দে কচুরী লইয়া গৃহে চলিলেন। মনে মনে বলিলেন, “কলেরা না হোক অন্তত দু'চার দিনের জন্ত ঘর থেকে বেরন বন্ধ হবে তো!”

একখানা কচুরী মুখে দিয়াই নস্ব খুড়া বলিলেন, “খুঃ, খুঃ, ছাঃ, ছাঃ, এই কি অদ্যকার কচুরী না কি? বাবাজি, তোমাকে ময়রা ঠকাইয়াছে। এ কচুরী নিদেন পক্ষে তিন দিবসের বাসী মাল।”

গিন্নি বলিলেন, “বলি, তুমি কি চোখের মাথা পেয়ে দোকানে গিয়েছিলে নাকি? যাও শীগ্গির খাবারটা বদলে নিয়ে এস। এদিকে চায়ের জল ফুটে উঠল; কোনও কাজ কি তোমায় দিয়ে হবে না?”

পিতোমবাবু নিজের সম্বন্ধকল্পিত প্রতিহিংসার পথ এমন করিয়া হঠাৎ বন্ধ হইয়া যাইতে দেখিয়া মরিয়া হইয়া বলিলেন, “না, না, ও কিছু তেমন বাসী নয়; হাতে রম না হ'লেই কি খাবার বাসী হয়; খান না, খুড়ো মশায়; কিছু হবে না।”

খুড়া শিরঃসঞ্চালন করিয়া বলিলেন, “না বাবাজি, আমাব আর বাসী খাইবার বয়স নাই।”

গিন্নি হাঁকিলেন, “শী...গ্গি...র যাও বলছি। নইলে তোমায় রাত্রে ভাতের বদলে ঐ কচুরী খেয়েই থাকতে হবে।”

পিতোমবাবু হতাশ হইয়া পুনর্বার ঠোঙা হস্তে পথে বাহির হইলেন। মুখখানা তাঁহার হস্তস্থিত বাসী কচুরী অপেক্ষাও শুষ্ক, ম্লান।

ট্রামের পয়সা না পাওয়াতে আজকাল পিতোমবাবু আফিসে প্রায়ই 'লেট' হইতে আরম্ভ করিলেন। বড়বাবু তাঁহাকে আড়ালে ডাকিয়া বলিলেন, একথা সাহেবের কানে গেলে মুঞ্চিল হইবে। পিতোমবাবু তাঁহাকে বলিলেন যে, কোন ঘোর বিপদে পড়িয়া তাঁহার বর্তমানে ট্রামে যাতায়াত করিবার সংস্থান নাই—কি করিবেন? বড়বাবু বলিলেন, যেমন করিয়া হউক আফিসে সময়ে না পৌঁছাইলে বিপদ অনিবার্য।

পিতোমবাবু গৃহে ফিরিয়া স্ত্রীকে বলিলেন, “আফিসে ‘লেটে’ পৌঁছানতে বড়বাবু শাসিয়েছেন ‘রিপোর্ট’ করবেন, বুঝলে?”

গিন্নি বলিলেন, “কেন, পথে কি খেলা ক’র নাকি? দেরী হয় কেন?”

সকালে বাজার ক’রে, তোমার ফুট-ফরমাস খেটে, ভাত পেতে দেরী হয়, তার পর যদি ট্রামের পয়সা না পাই তা হ’লে ‘পাংচুয়াল’ হ’তে হ’লে আফিসে দৌড়ে যেতে হয়।”

স্বভামিণী বিষকণ্ঠে উপদেশ দিলেন, “তবে এ ক’টা দিন দৌড়েই য়েও।”

হতাশা ও গতাস্তরবিহীনতা পিতোমবাবুকে পাগলের মত করিয়া তুলিল। তিনি চীৎকার করিয়া উঠিলেন, “না, ট্রামেই যাব, আলবৎ যাব!”

গিন্নি আরও জ্বরে বলিলেন, “অমন ক’রে জানোয়ারের মত চেঁচাচ্ছ কেন? মারবে না কি?”

পিতোমবাবু বলিলেন, “ই্যা মারব, যদি ফের আমার কথার উপর কথা বল তো মারই থাকে।”

গিন্নি বৌ করিয়া ঘুরিয়া ঘরের বাহিরে চলিয়া গিয়া দড়াম করিয়া দরজাটা বন্ধ করিয়া বাহির হইতে শিকল তুলিয়া দিয়া চীৎকার করিয়া বলিলেন, “তুমি আজ নিশ্চয় মদ খেয়ে এসেছ। তা নইলে আমায় মারতে ওঠ। থাক আজ ঐ ঘরে বন্ধ হয়ে, আজ তোমার খাওয়া-দাওয়া বাদ; নেশা ছুটলে পর আমার কাছে মাপ চাইবে, তবে তোমায় আমি ছাড়ব। ঝাঁটা মার অমন পুরুষমানুষের মুখে! চামারের মত কথা শোন একবার; বলে কি না মারবে! ইত্যাদি ইত্যাদি ইত্যাদি।”

পিতোমবাবু চীৎকার করিয়া বলিলেন, “খোল বলছি দরজা, তা নইলে লাথি মেয়ে ভেঙে ফেলব।”

“ভাঙ না ক্ষেমতা থাকে তো। তার পর বাড়ীগুলোকে গুণ্গার দিও।”

পিতোমবাবু দড়াম করিয়া দরজায় একটা লাথি মারিলেন। পায়ে লাগিল বটে, তবে দরজার কিছুই হইল না। ডাকিলেন, “মেধো, মেধো!” শুনিলেন গিন্নি বলিতেছেন, “মেধো, ওদিকে যাস যদি তো ঝাঁটা মেয়ে বিদেয় করব।”

পিতোমবাবু হতাশ হইয়া একটা বেতের চেয়ারের উপর বসিয়া পড়িলেন। আফিস হইতে ফিরিয়া কিছু খাওয়া হয় নাই; কি করিবেন? একখানা 'প্রবাসী' পড়িয়াছিল ভুলিয়া গইলেন। প্রথমে চোখে পড়িল একটি প্রবন্ধ, 'নবনারীর সমান অধিকার।' পিতোমবাবু ভাবিলেন, "হাররে, সে রকম সুদিন কি আমাদের কখনও হবে?"

তিন চার ঘণ্টা অতিবাহিত হইয়া গেল। কয়েকবার ডাকাডাকি করিয়াও সুভাষিনীর কোনও সাড়া পাওয়া গেল না। একবার তোপসে মাছ ভাজার একটা উগ্রমধুর গন্ধ নমকা হাওয়ার সহিত ঘরের ভিতর ঢুকিয়া পিতোমবাবুর রসনায় বান ডাকাইয়া দিয়া আবার মিলাইয়া গেল। তিনি চীৎকার করিয়া বলিলেন, "ওগো, লক্ষ্মীটি, দরজা খোল, খিদেয় প্রাণ গেল, আমি দৌড়েই আফিস যাব, দরজা খোল।" শুনিলেন ভক্তিতমঃশ্রদ্ধিত জিহ্বায় নস্ব খুড়া সুভাষিনীকে বলিতেছেন, "না, না, খুলিয়া কাজ নাই। মাতাল মানুষ পুনরায় যদি প্রহার আরম্ভ করে, আমি এ বয়সে রোধ করিতে পারিব না।"

দরজা বন্ধই রহিল। পিতোমবাবু 'প্রবাসীর' গল্প ও প্রবন্ধ শেষ করিয়া বিজ্ঞাপন-গুলি পাঠে মনোনিবেশ করিলেন। হঠাৎ দেখিলেন একখানা ছবি। একজন লোক আদেশ করিবার জায় ভক্তিতে হস্ত প্রসারিত করিয়া দণ্ডায়মান। চক্ষু দিয়া তাহার অপূর্ব জ্যোতি নিঃসারিত হইতেছে। তাহার সম্মুখে দলে দলে লোক—কেহ করজোড়ে, কেহ হাঁটু গাড়িয়া, কেহ বা সাষ্টাঙ্গে প্রণত। এক পাশে গুটিকয়েক হস্তী ও অশ্ব উক্তরূপে আত্মসমর্পণ-মুদ্রায় উপস্থিত রহিয়াছে। ছবিটির নীচে বড় অক্ষরে লেখা রহিয়াছে—

অদ্ভুত ইচ্ছা-শক্তি

পথহারা চলৎশক্তিরহিতপ্রায় পথিক মরুভূমির মধ্যে হঠাৎ ওয়েসিস্ দেখিতে পাইলে যেমন নিশ্বাসে প্রশ্বাসে পুনর্জন্মের আশ্বাস পাইয়া পুনর্বার চাঙ্গা হইয়া উঠে, পিতোমবাবু বিজ্ঞাপনটা দেখিয়া তেমনি স্খাতৃষ্ণা, বন্দীদশা, নস্ব খুড়া, তোপসে মাছ সব ভুলিয়া আধভাঙা বেতের চেয়ারখানার উপর যতটা পারেন সোজা হইয়া বসিলেন। তাঁহার অন্তরে যেন কোটি বিহঙ্গম কোনো এক নূতন উষার আশা-সূর্যের পানে চাহিয়া গাহিয়া উঠিল, "আর ভয় নাই; দুখ হ'ল অবসান।"

পিতোমবাবু পাঠ করিলেন—

অদ্ভুত ইচ্ছা-শক্তি

"ইচ্ছা শক্তির প্রভাবে মানুষ কি না করিতে পারে? পৃথিবীতে এই যে এত বিকলতার ক্রন্দন, এত উৎপীড়িতের ব্যাকুল আর্তনাদ, ইহার মূলে রহিয়াছে ইচ্ছাশক্তির বা অশিক্ষিত ভাব। শিক্ষিত ইচ্ছা-শক্তি মানুষকে তেমনি করিয়াই কমতাশালী ও অভাবী। অন্য উপর প্রভাবাপন্ন করিয়া তোলে যেমন করিয়া শিক্ষিত মাংসপেশী কুস্তিগির বা অপরের মতো। সাতরে অপরের উপর শারীরিক প্রভাব বিস্তারে সক্ষম হয়। আমাদের যুগুৎসু-যোদ্ধা অক্ষয় পনি বর্তমানে যতই পরনির্ভরশীল, কাপুরুষ ও অপরের উপর শিকারী অহুসারে চলিলে বা

প্রত্যাহীন হউন না কেন, তিন মাসের ভিতর আপনার কথায় লোকে উঠিবে বসিবে, আপনার চোখের চাহনির সম্মুখে উদ্যত-ছোরা গুণ্ডাও হটিয়া যাইবে, অদমা আত্মনির্ভরশীলতা আপনাকে উন্নতির সর্বোচ্চ শিখরে আসীন করিয়া দিবে।

“এ শক্তি লাভের জন্য আপনাকে কিছু খাইতে হইবে না, কিছু খরচ করিতে হইবে না। নিছক মানসিক শক্তির উপযুক্ত ব্যায়ামের দ্বারা আপনি দিনে দিনে অধিক হইতে অধিকতর শক্তিশালী হইয়া উঠিবেন।

“এ শক্তি আপনার ভিতরেই আছে। আমরা মাত্র তাহাকে আশ্রিত করিয়া তুলিব।

“নীচের ঠিকানায় পত্র লিখুন—

শ্রীপ্রভাবানন্দ স্বামী

পোষ্ট বক্স ০৩১৩, কলিকাতা।”

পিতোমবাবু ভাবিলেন, “কি আশ্চর্য্য; আর আমি একটা সামান্য নারীর দ্বারা উৎসাহিত হয়ে কি করব তা ভেবে কুল পাচ্ছি না! কালই আমি স্বামীজিকে চিঠি লিখে সব ঠিক ক’রে ফেলব।”

গভীর রাত্রে ঘরের দরজা খুলিয়া স্ত্রীভাষিণী দেখিলেন, তাঁহার স্বামী অঘোরে নিদ্রা দিতেছেন। মুখ তাঁহার কি একটা বিজয়ানন্দের আলোকে উদ্ভাসিত। স্ত্রীভাষিণী মনে মনে বলিলেন, “মদের এমনই গুণ বটে! পেটে ভাত পড়েনি একটাও, ঘুমের ঘোরে মুখ করেছে যেন ওকে কে লাটের গদিতে বসিয়ে দিয়েছে।”

৪

প্রভাবানন্দ পিতোমবাবুকে লিখিলেন—

“আপনি যে আমাকে পত্র লিখিয়াছেন তাহার জন্য আপনাকে আমি সংপ্রশংস সম্ভাষণ করিতেছি। আপনি এই পত্র লিখার সঙ্গে সঙ্গেই শক্তিশক্তিলাভের পথে অনেক দূর অগ্রসর হইয়াছেন।

“এখন আপনাকে বলি, ইচ্ছা-শক্তি কি। আমরা যখন সজ্ঞানে কোন ইচ্ছা প্রকাশ করি বা কোনরূপ ইচ্ছানুসারে কার্য করি তখন একথা আমরা কদাচ মনে করি না যে, আমাদের জ্ঞানের অন্তরালে কোন কিছু আছে বাহার উপর আমাদের কার্য বা ইচ্ছা কোনরূপে নির্ভর করে। বস্তুত আমাদের যে মন তাঁহার মধ্যে সজ্ঞানতার কেন্দ্র অতিশয়ই স্বল্প-পরিসর। আমাদের যে অনভিব্যক্ত অনহৃত মনঃকেন্দ্র তাহা সর্বদাই আমাদের সজ্ঞান চিন্তা ও কার্যকে নানা ভাবে প্রভাবিত করিতেছে। যে ব্যক্তি বহুকাল

কোন কার্য সম্বন্ধে কোন এক প্রকার মনোভাব পোষণ করিয়াছে সে যদি কখনও জোর করিয়া তাহার বিপরীত কিছু করিতে যায়, তাহা হইলে সজ্ঞানতার ক্ষেত্রে তাহার সেইরূপ কার্য করিবার ইচ্ছা থাকিলেও সে তাহা করিতে পারিবে না; কারণ তাহার মনঃক্ষেত্রের প্রত্যেক আপাত অননুভূত প্রান্ত হইতে সে বিপরীত দিকে আকর্ষিত হইবে। এই জন্য সজ্ঞানে কোনও প্রকার কার্য চিন্তা বা ব্যবহার উত্তমরূপে করিতে হইলে সর্বাগ্রে আমাদের সমগ্র মনঃক্ষেত্র উপযুক্তরূপে প্রস্তুত করা প্রয়োজন।

“আপনি যদি অপরের ইচ্ছাশক্তির বিরুদ্ধে সংগ্রাম করিতে অক্ষম হন, তাহার কারণ এই যে, আপনি আজ্ঞা সজ্ঞানে ও অজ্ঞানে এই ধারণাই মনে পোষণ করিয়া আসিয়াছেন যে, আপনি অপর হইতে অধম। এ মনোভাব আপনাকে দূর করিতে হইবে।

“আপনি পত্রোত্তরে ১৩০ টাকা আমায় পাঠাইলে আপনাকে আমি মংলিখিত পুস্তক ‘অদ্ভুত ইচ্ছাশক্তি’ পাঠাইয়া দিব। পুস্তকানুগত নির্দেশ অনুসারে কার্য করিলেই আপনি ক্রমে ক্রমে প্রবল ইচ্ছাশক্তি লাভ করিয়া পৃথিবীকে পদতলে আনিতে পারিবেন।”

পিতোমবাবু অবিলম্বে নিজের ঘড়িটি বন্ধক দিয়া পনের টাকা সংগ্রহ করিয়া স্বামী প্রভাবানন্দকে পাঠাইয়া দিলেন। ‘অদ্ভুত ইচ্ছাশক্তি’ আসিল। ছাদের ঘরে লুকাইয়া বসিয়া পুস্তকের প্রথম অধ্যায় পাঠ করিয়া পিতোমবাবু বুঝিলেন তাঁহার ইচ্ছাশক্তি আছে অনেক, কিন্তু তাহা চতুর্দিকে ছড়াইয়া পড়িয়াছে। সেই ছত্রভঙ্গ ইচ্ছাশক্তি একত্র করিতে হইলে তাঁহাকে কোন কঠিন কার্য প্রত্যাহ একাগ্রমনে কিয়ৎকাল ধরিয়া করিতে হইবে। যথা সূতার জট ছাড়ান। অনেকটা সূতা জট পাকাইয়া তাহা এক মনে খুলিতে থাকিলে বিক্ষিপ্ত ইচ্ছাশক্তি শীঘ্রই ঐ জটের মধ্যে কেন্দ্রীভূত হয়। পিতোমবাবু গিন্নির ‘ক্রোশের’ সূতার বাণ্ডিল একটি অপহরণ করিয়া ছাদের ঘরে লইয়া খুলিয়া জট পাকাইয়া ফেলিলেন। তার পর জট ছাড়াইবার পালা। পিতোমবাবু যতই এক দিক খুলেন উহা ততই অপর দিকে বিগুণ জট পাকাইয়া যায়। তিন দিন ধরিয়া পিতোমবাবু তাঁহার বিক্ষিপ্ত ইচ্ছাশক্তির কণাগুলি একত্র করিবার চেষ্টা করিয়াও দেখিলেন সূতায় যে জট সেই জট।

গিন্নি তাঁহাকে ঘন ঘন ছাদের ঘরে বাইতে দেখিয়া জিজ্ঞাসা করিলেন, “আশে পাশে সব গেরস্ত মানুষের বাড়ী; বৌ-ঝিরা ছাদে বড়ি দিতে, চুল শুকুতে ওঠে; সূঁচি ছাদে কিসের জন্ত ঘোরাঘুরি কর, বল তো?”

পিতোমবাবু বলিলেন, “না ঘোরাঘুরি তো করি না; এই একটু বিজ্ঞান হয়।”

সন্ধিভাঙিত পৃথিবী সে কথায় বিশ্বাস না করিয়া এক দিন হঠাৎ যখন স্বামী এক মনে হাজার জট খুলিতে ব্যস্ত, সেই সময়ে ছাদে গিয়া উপস্থিত হইলেন। রাশিকৃত হস্তা

দেখিয়া তো তাঁহার চক্ষুস্থির। তিনি বলিলেন, “ওমা, বুড়ো বয়সে তুমি কি শেষে ঘুড়ি উড়তে আরম্ভ করলে না কি? ছি, ছি, লোকে বলবে কি? খবরদার আর তুমি ছাদে উঠে এ সব করবে!”

স্বামী বলিলেন, “ঘুড়ি আবার কোথায় ওড়াই; একি ঘুড়ির স্ততো?”

“তাইতো এ দেখছি আমার বুনবার স্ততো! এ তুমি কোথায় পেলে? আমি ব’লে স্ততো নেই দেখে খোকাকে মারধোর করলাম, মেধোকে কত গাল দিলাম। দেখ দিখিন আর তুমি স্ততোটুকু নিয়ে এখানে খেলা করছ। ওমা কি ঘেন্না, তুমি কের যদি আমার স্ততোয় হাত দেবে তো দেখতে পাবে।” বলিয়া তিনি জট-পাকান স্ততার রাশি লইয়া চলিয়া গেলেন।

পিতোমবাবু অতঃপর আফিসে অবসর সময় টোয়াইন স্ততা জট পাকাইয়া ও খুলিয়া দুই তিন সপ্তাহের মধ্যে প্রথম পাঠ শেষ করিলেন।



দ্বিতীয় অধ্যায়ের নাম ‘আমি’।

স্বামীজি লিখিয়াছেন, “আমি কে? আমি সব। আমি সৃষ্টিকর্তা বিষ্ণু, আমি পালনকর্তা ব্রহ্মা, আমি সংহারক মহেশ্বর। আমার মধ্যেই সৃষ্টি, আমিই সৃষ্টি, আমিই স্রষ্টা। আমি ছাড়া আর কিছু নাই।”

দ্বিতীয় পাঠের উদ্দেশ্য ছাত্রকে নিজের উপর বিশ্বাসবান করা। উপায় প্রত্যহ প্রাতে, মধ্যাহ্নে ও রাতে ১০০ হইতে ১০০০ বার ‘আমি মাহাত্ম্য’-সূচক কোন মন্ত্র জপ করা। ইহাতে সজ্ঞানে অজ্ঞানে সর্বতোভাবে মানসক্ষেত্র আত্মবিশ্বাস-বারিতে সিক্ত সরস হইয়া উঠে।

প্রথম সাত দিন পিতোমবাবু জপ করিলেন, “আমি বেলুন অপেক্ষা উর্দ্ধগামী, নায়েগারা অপেক্ষা প্রবল, সমুদ্র অপেক্ষা বিশাল ও গভীর, হিমালয় অপেক্ষা উচ্চ, তুবার হইতে শুভ্র, সূর্য্য হইতে প্রধর; আমি সর্বাপেক্ষা সকল বিষয়ে শ্রেষ্ঠ।”

তার পর পনের দিন তিনি মনে মনে পৃথিবীর সকল বস্তু ও মানবকে সম্বোধন করিয়া বলিতে লাগিলেন, “আমি অপেক্ষা তুমি বহু নিম্নে। হে জলধর, হে শর্কর, হে বৃক, আমি অপেক্ষা তোমরা ক্ষুদ্র। হে স্তাণ্ডে, হে হাকেনশিট, হে গান্ধা ও ইমান-বস্তু, তোমরা আমি হইতে বহু অল্পবল। হে নেপোলিয়ান, তোমা হইতে আমি বহু বোকা; চাণক্য, আমি তোমাপেক্ষা বিচক্ষণতর রাজনীতিবিদ; কালিদাস, তোমা হইতেও

আমি বড় কবি ; সেকপীর, তোমা হইতেও আমি বড় নাট্যকার । হে ধরণীর অধিবাসী, তোমরা আমার পদে প্রণত হও ।”

এইরূপে পিতোমবাবু বহু অধ্যায় পাঠ সমাপ্ত করিয়া অবশেষে সেই পাঠে আসিলেন, যাহাতে কি করিয়া অপরকে নিজ ইচ্ছানুরূপ কার্য্য করান যায়, তাহা শিক্ষা দেওয়া হইয়াছে ।

প্রথমত, যে ব্যক্তিকে বশ করিতে হইবে তাহার অলঙ্কিতে তাহার ঘাট্টা ঠিক মধ্য দেশে এককালীন পাঁচ দশ মিনিট কাল এক দৃষ্টে তাকাইয়া থাকিতে হইবে ও মনে মনে বলিতে হইবে, “তুমি আমার দাস (বা দাসী), তুমি আমার কথামত কাজ করিবে,— অস্ত্রধা করিবার তোমার ক্ষমতা নাই । তুমি আমার ইচ্ছাশক্তির অধীন, আমার আজ্ঞাবহ ; তোমার নিজের বলিয়া কোন ইচ্ছা নাই ।” তৎপরে (কয়েক দিবস এইরূপ করিবার পরে) এক দিন তাহার চোখে চোখে চাহিয়া তাহাকে ধীর শাস্ত কণ্ঠে, সকল তীব্রতাবর্জিত ভাষায় বুঝাইয়া দিতে হইবে যে তাহার পক্ষে তাঁহার আদেশ মত কার্য্য না করা স্বভাবতই অসম্ভব । ইহার পর তাহাকে যাহা বলা যাইবে সে তাহাই করিবে ।

পিতোমবাবু দিন পনের আড়ালে আড়ালে স্ত্রীবাণী ও মেধোর ঘাড়ের উপর দৃষ্টি নিবদ্ধ করিয়া তাহাদের দাসত্বে বাধিবার ব্যবস্থা করিতে লাগিলেন । তার পর এক দিন তিনি মেধোকে সিঁড়ির নিকট ধরিয়া এক দৃষ্টে তাঁহার চোখের দিকে চাহিয়া ধীর শাস্ত কণ্ঠে বলিলেন, “হে মাধব, আমি তোমার প্রভু, তুমি আমার দাস । পরমপিতা ভগবান তোমাকে আমাপেক্ষা নিম্নমান অলঙ্কিত করিবার জন্তই সৃষ্টি করিয়াছেন । অতএব হে মাধব, তুমি তোমার ভাগ্যান্বিতার নির্দেশ অহুমরণ কর । এই পাছকা-ধূলি বহন করিয়া তুমি আমার কক্ষে স্থাপন কর ।”

মেধো বাবুর কথা একটাও বুঝিতে না পারিয়া ভাবাচ্যাকা খাইয়া হাঁ করিয়া তাঁহার মুখের দিকে চাহিয়া রহিল । বাবু বুঝিলেন, মেধোর ইচ্ছাশক্তি সম্পূর্ণ লোপ পাইয়াছে ও সে তাঁহারই ইচ্ছায় এখন নড়িবে চড়িবে । তিনি আবার বলিলেন, “মাধব ।” মেধো এবার সত্যই ভয় পাইয়া বলিল, “আজ্ঞে বাবু কি বলছেন ?”

পিতোমবাবু বলিলেন, “জুতোজোড়া নিয়ে ঘরে রেখে এস ।”

মেধো তাঁহার পা হইতে জুতোজোড়া খুলিয়া লইয়া ঘরের দিকে চলিল ; তাহার পশ্চাতে পিতোমবাবু বিজয়োল্লাস-গর্জিত বদনে বুক ফুলাইয়া অগ্রসর হইলেন ।

গিন্নি রান্নাঘর হইতে বাহির হইয়া কোথায় যাইতেছিলেন । তিনি জুতা হস্তে ভৃত্য ও তৎপশ্চাতে খালি পায়ে বাবুর এই অপরূপ মিছিল দেখিয়া কণিকের জন্ত হতবুদ্ধি হইয়া তাকাইয়া রহিলেন । তার পরে পিতোমবাবুকে সম্বোধন করিয়া জিজ্ঞাসা করিলেন, “এ কি ?”

পিতোমবাবু গৃহিণীর মুখে একরূপ কিংকর্তব্যবিমূঢ় ভাব দেখিয়া বুঝিলেন, সময় হইয়াছে । এইবার তাঁহার আত্মপ্রতিষ্ঠা পূর্ণ হইবে । তিনি মেধোর হস্ত হইতে চটিজোড়া

লইয়া পায়ে দিয়া গভীরকণ্ঠে বলিলেন, “রে নারী, সৃষ্টিতে তোমার স্থান কোথায় তাহা বুঝিয়াছ কি? তাহা আমার পদতলে। আইস আপন প্রকৃতিদত্ত স্থান পূর্ণ কর।



পিতাম্বর—রে নারী, সৃষ্টিতে তোমার স্থান.....

সুভাষিনী—আ মরণ,.....

অসুখা হইবার নহে, তুমি আমার দাসী; আমার আজ্ঞা পালনেই তোমার জীবনের সার্থকতা।”

সুভাষিনী প্রথম একটু অবাক হইয়া গিয়াছিলেন। হঠাৎ তাঁহার মনে হইল স্বামী সন্তুষ্ট কোন অ্যামেচার থিয়েটারের পালায় নামিয়াছেন, এ তাহারই রিহার্সাল হইতেছে। তাঁহার মেজাজটাও আজ একটু ভালই ছিল, তাই তিনি দ্বন্দ্ব হাস্য করিয়া বলিলেন, “আ মরণ, রস কববার ইচ্ছা তো সঙ্গে চাকর বাকর, নিয়ে বেরিয়েছ কেন? চল এই ঘরে তোমার জালা জ্বনিগে।”

পিতোমবাবু বলিলেন, “প্রিয়ে, এ যে-সে অভিনয় নহে। ইহা জীবন-নাট্য। তুমি আমার দাসী—চিরকালের—আমার আজ্ঞা পালনেই তোমার পূর্ণতা ও স্থিতি।”

গিন্নি নিজের ভুল বুঝিলেন। বলিলেন, “ও, তাই না কি? আচ্ছা দেখা যাবে কে কার মুনিব।”

পিতোমবাবু একটা ঘরের দরজার দিকে অঙ্গুলি নির্দেশ করিয়া বলিলেন, “যাও।”

গিন্নি বলিলেন, “তুমি যাও না।”

পিতোমবাবু হঠাৎ বিকট চীৎকার করিয়া বলিলেন, “যাও বলছি এক্ষুনি।”

গিন্নি ভাবিলেন, হয়তো স্বামী আবার নেশাটেশা করিয়াছেন তাই আত্মরক্ষার্থে ঘরে গিয়া প্রবেশ করিলেন ও ভিতর হইতে অর্গল বন্ধ করিলেন।

একাধারে একরূপ দুইটি জয়ের আনন্দে পিতোমবাবু বিভোর হইয়া ছাদে গিয়া পাইচারি করিতে লাগিলেন। ঘণ্টা খানেক পরে আফিসের কাপড় পরিবার জন্য ঘরে ঢুকিতে গিয়া দেখিলেন, দ্বার বন্ধ। বহু চীৎকার করিলেন, বহু ইচ্ছাশক্তি প্রয়োগ করিলেন, কিন্তু কোন ফল হইল না। অগত্যা বাসার কাপড়ে ও বাজারের খাবার খাইয়া পিতোমবাবু আফিসে গেলেন। জয়ের মধ্যেও পরাজয়ের ভেজাল পাইয়া আনন্দটা তাঁহার কিছু কমিয়া গেল।

বৈকালে গৃহে ফিরিয়া দেখিলেন বাড়ীতে কেহ নাই, শুধু মেধো। সে একটা তালা ও চাবি তাঁহার হাতে দিয়া বলিল, “মা ঠাকরুণ বাপের বাড়ী গেছেন, আমায় ছুটি দিয়েছেন, আমি চললুম।”

পিতোমবাবু বলিলেন, “সে কি? আর খাওয়া-দাওয়া, তার কি ব্যবস্থা?”

মেধো বলিল, “বাড়ীতে চাল-ডাল-গুন-তেল কিছুই নেই; মা ঠাকরুণ টাকা পয়সাও কিছু দিয়ে যাননি।”

পিতোমবাবু পকেটে হাত দিয়া দেখিলেন মাত্র সাড়ে তিন আনা পয়সা আছে। তিনি মেধোকে বলিলেন, “তুমি যাও।” মেধো চলিয়া গেল।

উপরে উঠিয়া পিতোমবাবু দেখিলেন, ঘরে বাস্তুপ্যাটার কিছুই নাই—মায় বিছানাপত্র আয়না চিরুণী সব লইয়া গিন্নি শুধু ঘরে খালি তক্তপোষটা ও একখানা চেয়ার মাত্র রাখিয়া গিয়াছেন। ভাঁড়ারে ঢুকিয়া দেখিলেন একটা টিনে কয়েকটা আদা আর শুকনো লঙ্কা রহিয়াছে, আর রহিয়াছে এক ঝুড়ি ঘুঁটে। পিতোমবাবু হতাশ হইয়া সাড়ে তিন আনা পয়সা-পকেটে বাস্তায় বাহির হইয়া পড়িলেন। তাঁহার স্বস্ত্রালয় ঠাকুর-পুকুর; ট্রানে ও গাড়ীতে অনেক মাইল ও অনেক পয়সার মামলা। দারুণ শ্রুতি, কৃষিবৃত্তি করিতেই পয়সা কটা কুরাইয়া গেল, তার পর পিতোমবাবু যখনই কোন উষ্ট্রের মায় স্বস্ত্রালয়ের পথে দেহটাকে টানিয়া লইয়া অগ্রসর হইলেন।

পথে-বহুবার বিজ্ঞানের জন্য ও জল খাইবার জন্য বাসিয়া ও শেষের দিকে একটা আলু-বোকাই গরুর গাড়ীর চালকের রূপায় তাহার উপর চড়িয়া রাতি দুইটার সময়

পিতামবাবু খুশি হয়ে পৌঁছিলেন। স্বয়ং খুশি মহাশয় তাঁহাকে দরজা খুলিয়া আলো ধরিয়া শয়নাগারের দিকে আগাইয়া দিলেন। শুধু একবার তিনি অস্থযোগের স্বরে বলিলেন, “ছিঃ বাবাজি, অন্তত ছেলেটার মুখের দিকে চেয়েও তোমার ওসব নেশা-টেশা করা উচিত নয়।”

পিতামবাবু ক্লান্তি ও অবসাদের তাড়নায় তাঁহার কথার প্রতিবাদও করিতে পারিলেন না। মিথ্যা কলঙ্কের বোঝা বহিয়া শয়ন করিতে প্রবেশ করিলেন। স্ত্রী বলিলেন, “কি গো মুনিব ঠাকুর, এসেছ? বলি হেঁটে হেঁটে তো পায়ের নড়া খইয়ে এসেছ—এখনও কি আমি তোমার দাসী বাদী?” পিতামবাবু সকল ইচ্ছাশক্তি পত্নীর পদে বিসর্জন দিয়া বলিলেন, “না গো না; আর কখনও অমন কথা আমি মুখে আনব না। ঘরে কিছু খাবার আছে?”



পিতামবাবু ‘অদ্ভুত ইচ্ছাশক্তি’ গ্রন্থটি রাজপথে নিক্ষেপ করিয়া আজ কাল আবার ঠিক পূর্বের স্থায় স্ত্রীর কথামত ঘুম হইতে উঠেন, বাজারে যান, ছেলেকে খেলা দেন, আফিস যান, মাহিনা আনিয়া স্ত্রীকে বুঝাইয়া দেন, উঠেন বসেন। কিন্তু প্রাণে তাঁহার দারুণ অশান্তি। গিন্নি তাঁহাকে বড়ই কড়া শাসনে রাখেন, তাঁহার সিগারেট খাওয়া বারণ—সাক্ষাৎসঙ্গের জন্ত এক ঘণ্টার অধিক বাহিরে থাকা বারণ—কোন প্রকার বদহজমের অর্থাৎ সর্বপ্রকার মুখ-রোচক খাদ্য খাওয়া বারণ—বন্ধু-বান্ধবকে বাড়ীতে নিমন্ত্রণ করা বারণ—আরও কত কিছু বারণ। এতদ্ব্যতীত তাঁহাকে মেধোর, খোকার, নসু খুড়ার, আরও কত লোকের মন জোগাইয়া চলিতে হয়,—প্রত্যহ শত বার শুনিতে হয় তিনি অকর্মা, নির্লজ্জ, বেহায়া ও নির্কোষ।

সরিয়া হইয়া শেষাবধি পিতামবাবু একদিন পরম শত্রু নেপেন ভাড়াড়ীর শরণাপন্ন হইলেন। বলিলেন, “ভাই নেপেন, জানইতো ভাই, আমার কেমন ক’রে দিন কাটছে। কি ক’রে, ভাই, বাড়ীতে একটু নিজের মত স্বখে শান্তিতে থাকতে পারি তার একটা উপায় বলতে পার? তুমি বুদ্ধিমান লোক, ইচ্ছে করলে পারবে একটা উপায় বলে দিতে।”

নেপেনবাবু তাঁহাকে বহু প্রশ্ন করিয়া অবশেষে একটা পরামর্শ দিলেন।

দিন কয়েক পরে এক দিন রাতে তরকারিতে হুন বেশী হইয়াছে বলায় হুজাখিনী পিতামবাবুর পাতে এক হাতা হুন জল ঢালিয়া দিয়া বলিলেন, “এবার খাও কম হুন লাগবে এখন। কাছ নেই কোঁন, শুধু খুঁত-ধরা বাই হয়েছে। এর পর তুমি হোঁটলে গিয়ে হার পটা খসলা দিয়ে জাত খেও।”

পিতোমবাবু রাগ করিয়া না খাইয়া উঠিয়া গেলেন। খাবার ঘরের বাহিরে গিয়াই কিছু তাঁহার মুখ কি একটা অপূর্ণ আনন্দে উৎফুল্ল হইয়া উঠিল।

পর দিন সকালবেলা ঘুম ভাঙিতেই সুভাষিনী দেখিলেন পিতোমবাবু মশারির দিকে পা তুলিয়া, “মা মা” বলিয়া ডাকিতেছেন ও মধ্যে মধ্যে নিজের বৃদ্ধাঙ্গুষ্ঠ চুষিতেছেন। প্রথমে তিনি তর্জন, গর্জন, গালিগালাজ দিয়া দেখিলেন কিছুই হইল না। পিতোমবাবু তক্তপোষের উপর চিৎ হইয়া শুইয়া এক বিরাটাকৃতি দৈত্য-শিশুর ছায় হাত পা ছুঁড়িয়া ক্রমাগত “মা মা” করিতে লাগিলেন। গিন্নি ভয় পাইয়া নসু খুড়াকে ডাকিয়া পাঠাইলেন।

খুড়া আসিয়া টানাটানি করিয়া পিতোমবাবুকে মেঝেতে নামাইয়া দিতেই পিতোমবাবু হামা দিয়া ঘরময় “হুহু কাব ; হুহু কাব,” বলিয়া ঘুরিতে লাগিলেন।

গিন্নি এবার সত্য সত্যই ভয় পাইয়া মহা কান্নাকাটি জুড়িয়া দিলেন। নসু খুড়া দৌড়াইয়া গিয়া ডাক্তার ডাকিয়া আনিলেন। ডাক্তার এরূপ ব্যায়রাম কখনও দেখেন নাই। তিনি নিজ অজ্ঞতা ঢাকিবার জন্য বলিলেন, “অ্যাকিউট নার্ভাস ব্রেক-ডাউন, রোগীকে কোন প্রকার নাড়া চাড়া বা উত্তেজিত করিবে না। দুধ চাহিতেছে, দুধ খাওয়াইয়াই রাখ। পরে আসিয়া দেখিব, কি হয়।”

সকলে ধরাধরি করিয়া পিতোমবাবুকে খাটের উপর শোয়াইয়া দিলেন। তিনি শুইয়া শুইয়া কখন হাত পা ছুঁড়িতে লাগিলেন কখন বা “গ, গ, গ, গ,” বলিয়া চীৎকার বা অযথা হাস্য করিতে লাগিলেন। শিশুরা যেমন ক্রমাগত চিৎ হইতে উবুড়, উবুড় হইতে চিৎ হইয়া দৈহিক ‘এনাজির’ সদ্যবহার করে, পিতোমবাবুও সেইরূপে ব্যায়ামের কাজ করিয়া যাইতে লাগিলেন। একবার নসু খুড়া অনবধানতাবশত পিতোমবাবুর পায়ের কাছে আসিয়া বসাতে ক্রীড়ানিরত পিতোমবাবুর পদসঞ্চালনে দূরে নিকিপ্ত হইলেন। কেহ দেখিল না যে, পিতোমবাবুর মুখখানা ইহাতে কি এক অনির্কচনীয় আনন্দে উদ্ভাসিত হইয়া উঠিল।

সুভাষিনীর কেশ ধরিয়া একবার পিতোমবাবু সহাস্ত বদনে সুলিয়া পড়িলেন। সুভাষিনীকে বহু কষ্টে সেই দৈত্য-শিশুর কবল হইতে রক্ষা করা হইল।

খাওয়া লইয়া আর এক তুমুল কাণ্ড বাধিয়া গেল। ঘরময় দুইয়ের চেউ খেলিয়া গেল। দুই তিনটি পেরালা, তিন চারিটি বাটি খণ্ড বিখণ্ড হইয়া মেঝেতে পড়াইতে লাগিল। পিতোমবাবু সেই হুঙ্কারেতে ছপাং ছপাং করিয়া হামা দিয়া বেড়াইয়া বিছানার উপর হইতে টানিয়া সুভাষিনীর আদরের লক্কী ছিটের নূতন লেপখানা সেই হুঙ্কারেতে কেলিয়া মাখামাখি করিয়া এক নব দক্ষতার সূচনা করিলেন। সুভাষিনী আজ জীবনে প্রথম নিশদের মুখে পরাজিত হইয়া “সুখসুখ” নেড়ে এই ত্যাগের অভিনয় নির্বাক হইয়া দেখিতে লাগিলেন।

সুভাষিনী বাটি করিয়া দুধ খাওয়াইতে নুঁ পাইয়া পিতোমবাবুকে অসজ্ঞা বোকার

“কিডিং বটলে” দুধ খাওয়াইতে বাধ্য হইলেন। নস্ব খুড়া নস্য লইতে লইতে বলিলেন, ‘হুর্গা হুর্গা’।



...‘কিডিং বটলে’ দুধ খাওয়াইতে বাধ্য হইলেন।

তিন চার দিন অতিশয় যত্নের সহিত শুক্রবা করিয়া পিতোমবাবুকে ক্রমশ আরোগ্যের পথে লইয়া যাওয়া হইতে লাগিল। সকলেই তাঁহার সেবায় নিযুক্ত। স্বভাষিণী শয়নকালে তাঁহার পা টিপিয়া দেন। নস্ব খুড়া তাঁহাকে মাঝে মাঝে হাওয়া করেন। ডাক্তার বলিয়াছেন, “সম্পূর্ণ শান্তি ও আরাম দেখিয়া চাই;—নতুবা পাগল হইয়া যাইবার ভয় আছে।”

৭

কয়েক দিন হইল পিতোমবাবু আবার আফিস যাইতেছেন। নেপেনবাবু তাঁহাকে জিজ্ঞাসা করিলেন, “কি ভায়া, আহ কেমন? মনে তো হচ্ছে খেয়ে দেয়ে ভোকা ফুলছ।”

পিতোমবাবু নিজের বাম চকু দৈব নিম্নলিখিত করিয়া বলিলেন, “হুহু।”



আমি লোকটি কিছু সৌখীন ধরণের। সাধু ভাষায় যাকে মার্জিতরুচি বলে, আমার আজন্মই সেই রকম একটা ভাব মনের ভিতরে আছে। শুনেছি, ছেলেবেলায় ময়লা কাঁথায় শুতে দিলে আমি কুরুক্ষেত্র বাধাতাম, আর যথাসময়ে মুখে পাউডার মাখিয়ে ও গায়ে রেশমের ক্রক না দিয়ে দিলে আমি সমুদ্রমহনের সমন্বকার সমুদ্রেরই মত চঞ্চল হ'য়ে উঠতাম। বড় হয়েও আমার স্বভাবটা বদলায়নি; বরং আমি মার্জিতভাবে দিকটা আরও গাঢ় ক'রে তুলেছিলাম। বাড়ীর বাহিরে আমার জালায় বৃদ্ধা পিসিমা তাঁর নবাবী আমলের তসরখানি ধুয়ে কদাপি রৌদ্রে শুকাবার অঙ্ক ঝুলিয়ে দিতে পারতেন না—তাতে বাড়ীর সৌন্দর্যের হানি হ'ত। বাড়ীর ভিতরে যেখানে সেখানে ঘুঁটে ও পুরাতন শিশি বোতল কেউ শুপাকার ক'রে রাখতে সাহস করত না। চাকর-বাকরের নোংরা কাপড় গামছা প'রে বা তৈলসিক্ত নয় দেখে বিচরণ করা আমার আইনে বারণ ছিল। এ ছাড়া চাঁচিয়ে কথা বলা, সশব্দে গলা অথবা নাক পরিষ্কার করা প্রভৃতি নানান বিষয়েও আমার অনেকগুলি 'বাই-ল' ছিল।

আমার বাড়ীর আসবাবপত্র যথাসাধ্য ভাল রাখতে আমি চেষ্টা করতাম। দামী দামী কারপেট, কাউচ, চেয়ার, টেবিল, ঘড়ি, ছবি ও উৎকৃষ্ট ছাপাই ও বাঁধাইএর বই-পত্র আমার বাড়ীর তুলনা মধ্যবিত্ত সমাজে প্রায় পাওয়া যেত না বললেই হয়। গোবাক আধাকেও আমার নজর ছিল উচ্চ ধরণেরই! এ কোন শাখার যে, নরকের মত রক্ত কি ক'রে জুটল জা বলা যায় না। সে ছিল বেশ মৃত্যুরক, বিপুলস্বরূপ মত। রক্ত কদাপি শুয়োটেঁর উপর চেহারাটা ভাল থাকা সত্ত্বেও নরকেরকে কেবলেই মনে হ'ত যে, সস্তা ডেনু থেকে উখিত একটি স্প্যানিয়েল কুকুর। লম্বা লম্বা চিরনী-বুরুশের সম্পর্ক-বর্জিত একরাশ চুল, না-ধোওয়া মুখের উপর এক জোড়া অগোঁছা চশমা, গায়ের একটা

দুই সাইজ বড় কিম্বা তিন সাইজ ছোট সার্ট, একখানা এগার দিন পরিহিত খুঁটি ও একজোড়া 'ভেজিটেব্ল স্‌' পায়, যখন সর্বেশ্বর রাস্তা দিয়ে যেতে যেতে আমায় দেখে হঠাৎ "এই যে ভাই, কোথায়?" বলে গলাটা জড়িয়ে ধরে প্রায় বুকে পড়ে আমার সঙ্গে চলতে শুরু করত, তখন আমার মনে হ'ত যেন আমার অকস্মাৎ কোন চর্মরোগ হয়ে গেছে বা কেউ আমায় বলপূর্ব্বক এক ঝাঁকা আবর্জনা মাথায় দিয়ে ধাঙড়ের কাজে বহাল করেছে। গোপনে সর্বেশ্বরকে আমি ভালই বাসতাম কিন্তু মনের ভিতরের পাপের মতই তাকে আমি লোক সমাজের চোখের আড়ালে রাখবার চেষ্টা করতাম।

সর্বেশ্বর কি ছিল তা বলা যায় না। সে আমার সঙ্গে ছেলেবেলায় এক ক্লাশে পড়েছিল। তার পর সে পাটের দালাল থেকে আরম্ভ করে মন্দিরের পুজুরী, সব কিছুই কাজ করেছে। বর্তমানে সে সকালে এক জন শাস্ত্রগ্রন্থ-প্রকাশকের ক্যান্ডাসিং ও বিকালে একটা থিয়েটারে 'মোশন-মাষ্টারী' করে এবং উপরি স্বরূপ মাঝে মাঝে আমার কাছে দু'দশ টাকা ধার করে চালাচ্ছিল। অবসর সময়ে তার সঙ্গে আমার ভাল লাগত বলেই হোক অথবা কোন মনোবিজ্ঞান-ঘটিত 'ফ্রয়েডিয়ান' কারণেই হোক, সর্বেশ্বরকে আমি কাছে পেলে একাধারে সন্তুষ্ট ও আনন্দিত হয়ে উঠতাম। সন্তুষ্ট হতাম, কারণ সর্বেশ্বর স্বভাবতই আমার সাধের আসবাবপত্রের উপর তাগুবনৃত্য করতে স্বীকা মাত্র করত না; এবং আনন্দিত হতাম, কারণ সে এলে আমার ঘরে বসে একাধারে থিয়েটার, বায়স্কোপ, সার্কাস ও হরবোলার কেরামতি দেখা হয়ে যেত।

২

সেদিন বিকেলে ঘরে বসে আছি এমন সময় বাইরে মাত্র একটা ষ্ট্যাচু ও গোটা দুই হল-চেয়ার গায়ের ধাক্কায় উল্টে দিয়ে সর্বেশ্বর এসে হাজির হ'ল। ঘরের বাইরে এক পাটি কাদামাথা চটি ও আমার বোখারা কারপেটখানার উপর অল্প পাটিটা রেখে সে এলে ধুপ করে একটা গদিমোড়া চেয়ারের উপর বসে পড়ল। পা দুটো একটা আবলুস কাঠের টেবিলের উপর তুলে এবং সিগারেট নিতে গিয়ে হাতের দাঁতের বাঁদ্রটা প্রায় উল্টে দিয়ে সর্বেশ্বর বললে, "গোটা পাঁচশ টাকা ধার দিতে পার?"

আমি হতভম্ব হয়ে বললাম, "সে কি হে, অত টাকা কি হবে?"

সে বললে, "কি বললে ঘেঁষে?"

আমি উত্তর দিলাম, "সত্যি কথা।"



সর্বোত্তমের সিংহাসন কল্প

সর্বেশ্বর বললে, “রেস খেলব। একটা ‘টিগ’ পেয়েছি ব্রহ্মাঙ্গের মত অব্যর্থ। ঘোড়া নয়তো যেন বন্ধুকের গুলি। ময়দানে হাওয়া খেতে বেরিয়েছে; জকি বেটাকে যেন একটা লাগাম দেওয়া সাইক্লোনের উপর বসিয়ে দিয়েছে। অল্প ঘোড়া তো দূরের কথা, একটা মোটরকার দিলেও এর আগে যেতে পারবে না।”

আমি জিজ্ঞেস করলাম, “নামটা কি ঘোড়াটার?” সর্বেশ্বর মাথা নেড়ে একবার “উহু” বলে একটু ড্রামাটিক পজ দিয়ে বললে, “নাম বলা চলবে না। কিছু ধরতে চাও তো আমি ক’রে দেব। এ যেন টাকা ছড়ান রয়েছে—তুলে নিলেই হয়। ‘টোয়েন্টি টু ওয়ান’; কথাবার্তা নেই; লাল হ’য়ে যাবে।” বলেই সে বহু কষ্টে অর্ধশায়িত দেহটাকে টেবিলের কাছ বরাবর তুলে তার উপর ছুম ক’রে একটা কিল মেরে আমার সাধের ফুলদানিটা উর্টে দিলে।

আমি ফুলদানিটা সোজা ক’রে দিয়ে বললাম, “লাল হয়ে কাজ নেই, এই কুড়িটা টাকা নাও। দশ টাকা নিজের আর দশ টাকা আমার নামে ধ’রে যদি গোলাপি-টোলাপি কিছু হয়ে উঠতে পার তো দেখ।” সর্বেশ্বর হাসি মুখে কুড়িটা টাকা ও এক মুঠো সিগারেট তুলে নিয়ে বেরিয়ে গেল।

দুতিন দিন পরে তার সঙ্গে পথে দেখা। সে আমার গলার উপর ঝাঁপিয়ে প’ড়ে বললে, “ভাই কিছু মনে করো না; সত্যি বলছি আমার কোনো দোষ নেই।”

আমি জিজ্ঞেস করলাম, “কেন, কি হয়েছে কি? ঘোড়াটা বুঝি ‘অলসো র্যান’ হ’য়ে গেছে?”

সর্বেশ্বর মুখ কাঁচুমাচু ক’রে বললে, “আর বল কেন; বেটা রেস-কোর্সের অর্ধেক পথ গিয়ে হঠাৎ চিং হয়ে শুয়ে পড়ল; তার পর বার দুই চিঁহিঁ চিঁহিঁ ক’রেই বাস খতম! বিষ হে বিষ! ‘রাইভ্যাল’ ঘোড়ার ‘সাপোর্টার’ কেউ সাবড়ে দিয়েছে আর কি!” এই বলে সর্বেশ্বর চ’লে গেল।

এক জন রেস খেলুড়ে বন্ধুকে ক্লাবে জিজ্ঞেস করলাম যে, একটা ঘোড়া গত শনিবারের রেসে ঐ রকম লোমহর্ষণভাবে মারা গিয়াছে কি না। সে তো হাঁ ক’রে রইল। বললে, “কই না। ও রকম ক’রে তো ১৯১১ না ১৯১২ সালে আমেরিকায় একটা রেসে

একটা ঘোড়া মারা গিয়েছিল।”

আমি অসম্মত হয়ে সর্বেশ্বরকে পথে ধ’রে বললাম, “সেদিন আমায় অমন ক’রে

সর্বেশ্বর বললে, “ভাই, টাকা ক’টা নিয়ে তোমার ‘সাপোর্টার’ ঘোড়ার পাশে লুকিয়ে ছিল, এসে চেপে ধরল। কি করি, টাকা ক’টা নিয়ে তার হাত থেকে নিজস্ব পেলাম।” তার পর হঠাৎ সর্বেশ্বর, “এই রকম ঘটনা

অনিশ্চিত ব্যক্তিবিশেষের অঙ্গসরণে অস্তর্ধান হয়ে গেল! আমিও মনে মনে হাসতে হাসতে বাড়ী ফিরে এলাম।



দিন কতকের জন্তে দেওঘর গিয়েছিলাম। ফিরে এসে বসবার ঘরে ঢুকে দেখলাম সর্কেশ্বর এক জন লোকের কাছে গায়ের মাপ দিচ্ছে। আমি ঢুকতেই বললে, “একটু ব’স ভাই, এই মাপটা দিয়ে নি।” ব’লে সেই লোকটির সঙ্গে এত অনর্গল কথা ব’লে যেতে লাগল যে, সে ব্যক্তি তার খাতা-পত্র নিয়ে বিদায় হবার আগে আমি একটা কথাও বলতে পারলাম না। সে চ’লে গেলে পর সর্কেশ্বর বললে, “লোকটার সঙ্গে পথে দেখা হ’ল; আমার ওখানেই যাচ্ছিল, আবার অতটা যাবে, তাই এখানে নিয়ে এলাম মাপগুলো লিখিয়ে দেবার জন্যে।”

আমি জিজ্ঞেস করলাম, “কি ব্যাপার, তুমি আবার জামা কাপড় করাচ্ছ? এ রকম দুর্ঘটি তো তোমার কখনও দেখা যায়নি।”

সর্কেশ্বর কপালের ঘাম পুছবার জন্তে পর্কেটে হাত দিয়ে ক্রমাল খুঁজে না পেয়ে মাথা নীচু ক’রে সোফার কভারটার উপর কপালটা পুছে নিয়ে বললে, “আরে ভাই, একটা নতুন দালালির কাজে নেবেছি; কিছু সাজ সরঞ্জাম না থাকলে চলবে কি ক’রে? আজ কাল যা দিন কাল, লোকে শুধু মলাট দেখে বই কেনে, কনের মুখ দেখবার আগে শাড়ী আর গয়না দেখে।”

আমি তার সঙ্গে বসে কিছু ক্ষণ আড্ডা দিলাম, তার পর সে চলে গেল।

*

*

*

এর পর প্রায় মাস খানেক সর্কেশ্বর এল না। আমারও নানান কাজে তার কথা ততটা মনে পড়েনি। একদিন সকালে একটা পোষাকের দোকান থেকে প্রায় আড়াইশো টাকার বিল নিয়ে হাজির করাতে আমি কি ব্যাপার বুঝতে না পেরে বিলটা পরীক্ষা করে দেখলাম আমার নাম ও আমার ঠিকানাভেই বিল হয়েছে। আশ্চর্য্য হয়ে আমি সেই দোকানে গেলাম। গিয়ে বললাম, “এ কি রকম, আমি আপনাদের কখনও চোখেও দেখিনি, আর জিনিষও এখান থেকে কিছু কিনিনি; আপনারা আমার নামে এত টাকার বিল পাঠালেন কেন?”

তারা বললে, “সে কি মশায়, আপনার নিজের বাড়ীতে গিয়ে আমরা মাপ নিয়ে এলাম। আপনি নিজে এসে ছট তিনটে নিয়ে গেলেন, আর বলছেন এ বিষয়ে কিছু জানেন না।”




অসেসন-অরগানাইজারি সর্বোত্তম যটক

আমি মহা ধাক্কা হয়ে ওঠায় যে ব্যক্তি স্ট্রের মাপ নিয়েছিল তাকে ডাকান হ'ল। সে এসে আমার দেখে বললে, এই নামের লোকের বাড়ীতে আমি মাপ নিতে গিয়েছিলাম ও এই নামের এক জন ভদ্রলোক স্ট্রগুলিও নিয়ে গিয়েছেন বটে, কিন্তু ইনি তো সে লোক নন। তখন হঠাৎ আমি দেখলাম যে, লোকটা সেই কার্টারটিই, যার কাছে আমার ঘরে সর্কেশ্বর নিজের মাপ দিচ্ছিল। আমি বুঝলাম যে, সর্কেশ্বর আমার নামেই মাপ দেবার জন্তে আমারই বাড়ী ব্যবহার করে নিজের পোষাক করিয়ে নিয়েছে, এবং বর্তমানে হয় আমার টাকা দিতে হবে, নয় সর্কেশ্বরকে জেলে দিতে হবে। আমি উপস্থিত মত বিলটা বাকী রেখে সর্কেশ্বরের বাড়ী গেলাম। শুনলাম, সকলের সঙ্গে ঝগড়া করে এক মাসের জেলে হ'ল সে নিকরদেশ হয়ে গেছে। কি আর করি, তার পোষাকের দামটা দিয়ে পাম। ঠিক করলাম, অতঃপর তাকে গেলে অন্তত তার ময়লা কানটা হাত দিয়ে ধরতে না পারলে চিমটে দিয়ে ধরেও মলে দেব। এ কি রকম ব্যবহার তার? বন্ধু ও বিশ্বাস বলেও তো জিনিষ আছে।

বহু কাল সর্কেশ্বরের সাক্ষাৎ পেলাম না। শুধু এক দিন মোটরে করে এক বন্ধুর সঙ্গে যেতে যেতে অল্পকণের জন্তে তাকে দেখলাম। একটা কিসের জন্তে যেন চাঁদা আদায়ের দল বেরিয়েছে। ক্ল্যারিওনেট ও হারমোনিয়ম এবং সেই সঙ্গে বেঞ্জরো চীৎকার সব মিলে একটা বিকট সোরগোলের সৃষ্টি হয়েছে। ডি. এল. রায়ের একটা গানের সুর ও কথা বিকৃত করে চৌচিয়ে লোকের মনে দয়ার উদ্রেক করবার সশক চেষ্টা হচ্ছে। আমাদের গাড়ীটা দলের পাশ দিয়ে যাবার সময় দেখলাম, সর্কেশ্বর সর্কাগ্রে একটা হারমোনিয়ম গলার ঝুলিয়ে বাজিয়ে চলেছে। অন্তেরা তার অনুসরণ করছে। তার পায়ে এক জোড়া ভারী বুট ও হাক মোজা। এক বার ইচ্ছে হ'ল গাড়ীটা থামিয়ে তাকে ধরে সকলের সামনে অপমান করি, কিন্তু সর্কেশ্বরের আমার উপর একটা প্রভাব, সে বহু অন্য় করা সত্ত্বেও, তখনও ছিল বলেই হোক, অথবা একটা বিক্রী ব্যাপার হবে এই ভয়েই হোক, অপমান করা তখন আর হ'ল না। ঠিক করলাম, তাকে একবার এক দিন ঠিক ধরবই ধরব।

আমার সে আশা শীঘ্র সফল হ'ল না। তার বাড়ীতে খোঁজ করে এবং অন্য উপায়েও তার কোনই সন্ধান পেলাম না। ভাবলাম এবার ছোড়াটা একেবারে গোলায় গেল। যেতে যে তার বাকি ছিল তা নয়—তবু ভাবলাম।



প্রায় ছ মাস হয়ে গেছে। একদিন লালদীঘিতে বেড়াতে গিয়েছি। কোথাও কোন বাজীকর সমবেত ছেলে ছোকরাদের বাজী দেখাচ্ছে। কোথাও কেউ জলের ধারে দাঁড়িয়ে মাছ দেখছে। কোথাও বা ফিরিঙ্গী মেম সাহেবরা মুখে পাউডার মেখে কালো পাথর-বাটিতে রক্ষিত চূণের কথা লোককে স্মরণ করিয়ে স্বজাতীয় ইয়োৰোপীয়ানদের হাত ধ'রে বেড়াচ্ছেন। মোটের উপর লালদীঘি বেড়াবার মত জায়গা। পুরাকালে নাকি ওখানে কি একটা মন্দির ছিল। সেখানে এত সিঁদুর ও আবীর ব্যবহার হ'ত যে, তাতে দীঘির জলটা লাল হয়ে থাকত। এখনও বিকেলের দিকে ওখানে এত লোক রংএর মাথায় ঘোরে ফেরে যে, অন্তত সে কারণেও দীঘির নামটার সার্থকতা এখনও লোপ পায়নি।

এদিক ওদিক ঘুরে গিয়ে একটা বেঞ্চিতে বসলাম। এক মনে কি যে দেখছিলাম বলা যায় না, হঠাৎ একটা দৃশ্য দেখে চমকে উঠলাম। এক জন ফিরিঙ্গী একটা পেরাম্বুলেটের ঠেলে মানছিল। তার সেই ঠেলা-গাড়ীতে, তার হাত ধ'রে, তার গলা ধ'রে ঝুলে অসংখ্য ছেলপিলে কিলবিল করছে। আতঙ্কে শিউরে উঠলাম। বাপ! কে বললে ফিরিঙ্গীদের 'আন'এম্‌প্লয়মেন্ট' হয়েছে? এরকম ঘোর 'এম্‌প্লয়মেন্ট'-ভারে যারা প্রপীড়িত, তাদের অল্প কাজের সময় কোথায়?

লোকটা কাছে এগিয়ে এল। অদূরে বোধ হয় তারই মেম সাহেব—স্কুল কৃষ্ণাঙ্গী বয়স পঞ্চাশ ষাটের মাঝামাঝি—একটি বই পড়তে পড়তে প্রাগৈতিহাসিক কোন 'ম্যামথের' মতই হেলতে তুলতে এগিয়ে আসছেন। হ্যা! রত্ন-প্রসবিনীর মতই চেহারা বটে! বোধ হয় প্রাচীন কালে যখন মহাপুরুষদের পত্নীরা শতপুত্রবতী হ'তেন—তখন তাঁরা এই রকমই দেখতে হ'তেন। তা নইলে অতগুলি পুত্রকে শাসনে রাখতেন কেমন ক'রে? এ রকম চেহারা হ'লে মহিষাসুর বধ করা যায়—সন্তান-শাসন তো দুয়ের কথা।

ছেলে পিলের ভিড়ের মধ্যে ধস্তাধস্তি ক'রে লোকটা আরও কিছু এগিয়ে এল। ওমা! এ যে আমাদের সর্বেশ্বর! কি সর্বনাশ! তার গায়ের কোট প্যান্ট লন টানটান ধরণের—অস্ত্রের সম্পত্তি বোধ হয়—তার পায়ে বুটজুতা ও মাথায় একটা পুলিশের কি অল্প কিছু হেলমেট। এবার সে আমায় দেখতে গেল। কী করণ, ব্যাকুল দৃষ্টি তার চোখে! বৃষ্টি নরকদর্শক দাস্ত্রের দিকে পাপীরা এমনি করেই চেয়েছিল! বহু কষ্টে গোটা তিন চার ছেলে মেয়েকে ঠেলে সরিয়ে সর্বেশ্বর আমার কাছে এগিয়ে এসে বললে "God! ভাই, আমায় বাঁচাও!"

আমি বললাম, “এ কি কাণ্ড! এ কি করেছ? এ মেমসাহেব আর সন্তান-সন্ততি কোথেকে জোটালে?”

সে বললে, “ভাই, তোমায় বিপদে ফেলে—মাপ কোরো ভাই—সেই যে পালানাম, একেবারে রেছনে গিয়ে থামলাম। সেখানে দিন কতক চালের কারবার করে ও একটা বাংলা থিয়েটার চালিয়ে কিছু সুবিধা করতে না পেরে কলকাতায় ফিরে এলাম। তার পর কিছু দিন ‘স্ববুদ্ধি প্রচারিণী সভা’র অরগ্যানাইজার হয়ে বেড়াচ্ছি এমন সময় একটা সুবিধা হয়ে গেল। এক দিন তোমার খরচে করান একটা স্ট্রট প’রে—কাপড় ছিল না—ইডেন গার্ডেনে বেড়াচ্ছি এমন সময় এক মেমসাহেব কান্দতে কান্দতে আমার কাছে এসে হাজির হ’ল। আমার হাত চেপে ধ’রে সে বললে, আমি ঠিক তার দ্বিতীয় পক্ষের স্বামী মত দেখতে। আমি তাকে না বাঁচালে তার আর গতি নেই! আমি জিজ্ঞেস করলাম, কি ব্যাপার?”

“সে বললে, ‘আমার দ্বিতীয় পক্ষের স্বামী যুদ্ধের সময় গর্ভগণ্ডের কাজ করত। আজ দু মাস নিরুদ্দেশ হয়ে গেছে। যুদ্ধের সময় কাজের জন্তে সে একটা কি পেন্সন পেত। তাতেই আমাদের চলত। এখন সে নেই বলে টাকাটা আর পাচ্ছি না। তুমি ঠিক তার মত দেখতে, যদি তার হয়ে টাকাটা এনে দাও তো আমার বড় উপকার হয়। দেখ, স্বামী থাকলে তো টাকাটা পেতামই, কাজেই এটা তুমি যদি এনে দাও তো কোনও অস্বাভাবিকতা হ’বে না।’

“আমি বললাম, ‘আর সেই ইত্যাদি? সে সব কি ক’রে হবে?’

“সে বললে, ‘আমার বাড়ীতে তুমি চল, তার সেই দেখে দশ কুড়িবার অভ্যেস ক’রে নিলেই হবে। নিজে গিয়ে সেই ক’রে টাকা নেবে, কেউ সন্দেহ করবে না।’

“আমি দেখলাম, মজা মন্দ নয়। দেখাই যাক না কি ব্যাপার। যদি সত্যি পেন্সনটা পাওয়া যায়, তা হ’লে মেমসাহেব নিশ্চয়ই আমায় তার ভাগ দেবে কিছু।

“সই-টই মেমসাহেবের বাড়ী গিয়ে অভ্যেস ক’রে—ও কাজটা আমার আসে এক রকম—বুক ঠুকে পেন্সনের আফিসে গিয়ে দাঁড়ালাম। নাম বলতেই সই করিয়ে টাকা দিয়ে দিলে। একবার কেউ তাকিয়েও দেখলে না আমার দিকে। আমি দেখলাম, বেশ সুবিধা। মেম সাহেব আফিসের বাইরে দাঁড়িয়েছিল—সে টাকাগুলি সমস্তই হস্তগত ক’রে বললে, ‘ভিক, চল বাড়ী চল।’

“আমি ছেসে বললাম, ‘নামটা বেশ ‘গুড লোক’ হ’য়েছে।’

“মেম সাহেব বললে, ‘আজ থেকে তুমি আমার ভিকই হলে।’

“আমি বললাম, ‘তা তো ভালই, আমায় তুমি বাড়ীতে থাইয়ে পরিয়ে রাখ; একটা বাইরের ঘর দিও থাকতে, তা হলেই হবে। আমি তোমার পেন্সন ঠিক ঠিক এনে দেব।’


“ভাই, সেই যে মেম সাহেবের কবলে পড়লাম, তার পর থেকে আর নিস্তার পাইনি। তার বাড়ীর একটা ঘরে থাকি। তার সাতশো ছেলে মেয়ে আমার ‘ভ্যাভি’ বলে ডাকে। বুড়ী খেতে দেয় ও খোপা নাপিতের খরচ দেয়। তা ছাড়া একটি পয়সা দেয় না। কিছু বললে বলে, ‘তুমি মনে রেখ যে, জাল করে টাকা নিয়েছ গভর্নমেন্টের। আমি যে সে টাকা পেয়েছি তার প্রমাণ নেই কিছু। বেশী গোলমাল করো না।’

“আমি চুপ করে সব সহ্য করি। বুড়ীর হুকুম তামিল করে দিন কাটাই। আমি তার তাঁবেদার ‘ডিক’; আমি ঐ সব শয়তানের বাচ্চাগুলির সংবাপ! ভাই, তোমার পায়ে ধরছি, আমার বাঁচাও!”

সর্কেশ্বর জন্ম হয়েছে দেখে মনে হ’ল ভগবান তা হ’লে আছেন।

সর্কেশ্বর গুরুকে ডিকের সম্বানগণ এত ক্ষণ চেষ্টামেচিক করে তাদের মাকে ডাকছিল। তিনি বইখানা নিয়ে এত মস্ত ছিলেন যে, ডিক খেমেছে তা না দেখেই এগিয়ে চলে গিয়েছিলেন। এত ক্ষণে তাঁর হ’ল হ’ল। হাসকাস করে ক্ষত এগিয়ে এসে তিনি সর্কেশ্বরকে প্রচণ্ড এক ভাড়া দিয়ে ইংরেজীতে বললেন, “ডিক, তোমার লজ্জা করে না! নিজের কর্তব্য অবহেলা করে একটা নেটিভের সঙ্গে গল্প করছ!”

আমি বেগতিক দেখে সেখান থেকে সরে পড়লাম। সর্কেশ্বর বিদায় কালে শুধু এক বার আমার দিকে চাইলে। জলে ডুববার সময় হাতের কাছে একটা ভেলা পেয়েও হাতছাড়া হয়ে গেলে লোকে যেমন করে তার দিকে তাকায় সর্কেশ্বরের চাউনিটা ঠিক সেই রকমই হয়েছিল।



যুগ পরিবর্তন

প্রথম দৃশ্য

আবেগ জিনিষটা বড় গোলমালে। সকল কাজের সিদ্ধির মূলেও আবেগ, আবার সকল কাজে ব্যাঘাত দিতেও ঐ আবেগই রহিয়াছে। কোন ঘটনার কারণ অহুস্কার করিয়া পাঠক বা শ্রোতা মহলে খ্যাতি লাভের একমাত্র উপায় তাহার মূলগত আবেগটাকে টানিয়া প্রকাশ্যে বাহির করিয়া দেখান, আবার কোন বিষয় গোপন করিবার অথবা অপরকে ভুল বুঝাইবার ইচ্ছা থাকিলেও সেই আবেগটাকেই মুখোমুখি পরাইয়া লুকাইয়া বা বাঁকা করিয়া দেখাইয়া সে উদ্দেশ্য সফল করাই পছন্দ। উদাহরণ স্বরূপ বলা যাইতে পারে যে সমস্ত সৃষ্টিটার মূলে সৃষ্টিকর্তার প্রাণের বা সৃষ্টির আবেগ নিহিত রহিয়াছে, আবার সৃষ্টি নষ্ট করারও মূলে রহিয়াছে সংহারের তাড়না। যে আবেগ প্রেমে সফলতা আনয়ন করে তাহাই ব্যবসায়ে মানুষকে দেউলিয়া করে, যে প্রেরণায় মানুষ খ্রেষ্ট 'গেরসু' রূপে সমাজে পরিচিত হয় সেই প্রেরণাতেই সে যুদ্ধে পৃষ্ঠপ্রদর্শন করিয়া চির অখ্যাতিভাজন হয়। সামাজিক বা রাষ্ট্রীয় মনোবিজ্ঞানালোচনা করিয়া সজ্জমনের আবেগ আলোড়ন করিয়া আমরা স্বরাজ্য-পার্টির উত্থান বা মডারেটের পতনের যথার্থ ব্যাখ্যান করিতে পারি, আবার কোন বিষয় খামাচাপা দিতে হইলেও সেই সজ্জমনের আবেগটাকে মোচড় দিয়া তেরছা করিয়া দেখাইয়া সে কার্য সাধন করিতে পারি। বস্তুত এই আবেগের ব্যাপারটা একাধারে সকল রহস্যের উন্মোচক সকল রহস্যের কারণ, সকল অকৃতকার্যতা বা সফলতার মূল, সর্ব বিষয়ে সত্য ও মিথ্যা। এ হেন নিঃশূন্য আবেগের আরাধনা করিয়া গল্পের সূচনা করি।

সকালবেলা চা খাইতে বসিয়া সবে বিকুটে এক কামড় ও পেয়ালায় দ্বিতীয় চুমুক মাত্র দিয়াছি এমন সময় বাহিরে ঘন ঘন তোপধ্বনি শুনিয়া চমকিয়া উঠিলাম। তৎপরে চুমদাম শব্দ, হনন-মন্ত সেনানীর হিংস্র সিংহনাদ ও হতাহতের মরণ-কাতর-আর্জুনাদ। ভয়ে চায়ের ঢোক পাকস্থলীর পথ পরিত্যাগ করিয়া ফুসফুসের দরজায় আসিয়া হানা দিল। কাশিতে কাশিতে হাঁপাইতে হাঁপাইতে শয্যা হইতে লেপখানা তুলিয়া লইলাম, শরীরে জড়াইলাম, ক্রান্ত গড়াইয়া পালকের নিম্নে প্রবেশ করিলাম, প্রবেশ করিয়াই মুচ্ছিত হইয়া পড়িলাম। স্বপ্ন জ্ঞান হইল, দেখিলাম আধো অন্ধকার আধো আলো। ভাবিলাম, তাইতো সন্ধ্যা হইল না কি? কোন প্রকারে মূর্ছাকাতর লেপজড়িত আড়ষ্ট দেহটিকে ন্যাড়া দিয়া দ্রব্য সূজাগ করিয়া পালকের আধোদেশ ত্যাগ করিয়া বাহির হইয়া অন্ধিলাম। দেখিলাম

ঘরের সকল আসবাবপত্র মায় চা ও বিস্কুট যথাস্থানে মোতামেন রাখাচ্ছে। বাহিরে রাস্তায় গোলমাল নাই বলিলেই চলে। ঝাঁটা ও বুরুষ চালনা এবং ছু একখানা ময়লা গাড়ীর ঘড়ঘড়ানি ব্যতীত চরাচর শব্দহীন। খোঁড়াইতে খোঁড়াইতে ঘর হইতে বাহির হইয়া ভারতীয় কায়দায় কারুকার্য করা রি-ইন্ফোস'ড কংক্রীটে ঢাল। অলিন্দে গিয়া দাঁড়াইলাম। দেখিলাম সন্ধ্যা নহে, উষা। পূর্বে লালের আভা, সন্ধ্যার রেলিংএ প্রভাতী শিশিরের আর্দ্র সন্ধ্যাষণ। কিন্তু একি? পূর্বে গগনের সে লালকে যেন মুখ ভ্যাঙাইয়া অদূরের সরকারী খাজাঞ্চিখানার শীর্ষ হইতে একটা উৎকট রক্তবর্ণ পতাকা পতপত নিনাদে ভোরের হাওয়ার সহিত কলহ করিতেছে। আশ্চর্য হইলাম! কাল ঐ অট্টালিকা-শীর্ষে মহাত্মা গান্ধীপ্রণোদিত চরখাবহ ত্রিবর্ণ পতাকা জগতবাসীকে ভারতের অহিংসা-ডিগনিটি-অফ-লেগার-রাকুসে-কারখানাবাদ-বর্জন প্রভৃতি কত কথা মৃদু ভাষে জানাইতে ছিল—আজ আবার এ কি উৎপাত! এ তো জাতীয় নব জাগরণের নূতন আশার সূর্যের আলো বিকিরণ করিতেছে না, এ যেন পশ্চিমের অন্তগামী তপনের বার্ককাজটিল লালসার মেহে অস্ত্র সাহায্যে 'মহি ম্যাগ'বসান নকল যৌবনের লালিমা।

প্রাণে আতঙ্ক অথচ আত্মাপুরুষ কুতূহল-জর্জরিত। 'বায় প্রাণ থাক' বলিয়া বারান্দা ছাড়িয়া রাস্তায় বাহির হইয়া দেখিতে চলিলাম ব্যাপারটা কি ও কীভাবে পড়াইয়াছে। মার্কেল বীথান সিঁড়ি বাহিয়া, অজস্র অক্ষুরণে চিত্রিত করিতর অতিক্রম করিয়া, তিক্ততী মঠের নকলে উৎকীর্ণ কাঠে গড়া দরজা খুলিয়া রাস্তায় গিয়া দাঁড়াইলাম। প্রথমেই কানে আসিয়া পশিল—বুরুষের ধমধম আওয়াজ ও তৎসঙ্গে মিহি গলায় স-দরদে রবীন্দ্র প্রথের—

আজ প্রথম ফুলের পাব প্রসাদখানি

তাই ভোরে উঠেছি—

ভাবিলাম, কি সর্বনাশ! ধাকড়ের সঙ্গে বুরুষের তালে তালে এ গান কে গায়? আবার কয়েডীয় যাদুঘরের কোন্ কপ্পের? পুষ্পে ও পুরীষে মিলন; মানব প্রাণে কোন জটপড়া আবেগের ফলে এ অঘটন-ঘটন সম্ভব হইল?

গানটা ক্রমে নিকট হইতে আরও নিকটে আসিতে লাগিল; বুরুষের ও নিখুঁত কাওয়ালিতে ধ্বনিত হইতে লাগিল। আমি আশা করিতে লাগিলাম যে আজ বোধ হয় ধাকড় মহাশয় নিজে কাজে বাহির না হইয়া নিজ পরিবারের অপর কাহাকেও প্রতিনিধি পাঠাইয়াছেন; তাই প্রাতে বুরুষ প্রান্তে এ তরুণ সমাগম।

কিন্তু যখন বুরুষ-চালককে দেখিলাম তখন নিমেষেই আমার সে কষ্টকল্পিত রোম্যান্স অস্তহিত হইয়া গেল। দেখিলাম বুরুষ-চালক ও গায়ক একই লোক। চূড়িদার পাঞ্জাবি পরিহিত সুবিন্ধ্য কেশ এক যুবা বুরুষ ঠেলিতে ঠেলিতে চলিয়াছে—ভ্রুনের গন্ধকে তাহার প্রাণের কল্পনা কুহুমের প্রভাতী আহ্বান অগ্রাহ্য করিতেছে। বিশ্বের নির্ঝাক হইয়া গেলাম।



কেতাবের উপর কেতাব সাজাইয়া.....কড়া তামাক খাইয়াছে

যুবক কিছু ময়লা সংগ্রহ করিয়া টিনের আধারে সযত্নে তুলিয়া অদূরস্থিত হইল-
ব্যারোতে রাখিল। গাহিল—

হ'ল মোদের পাওয়া,
তাই ধরেছি গানু গাওয়া—

আর থাকিতে পারিলাম না; বলিলাম, “ও মহাশয়, বলি শুনছেন? সকাল বেলা হ্রর ভাঁজবার উপযুক্ত পারিপার্শ্বিক কি আর ভাল কিছু পেলেন না? তাই সখের ধাকড় সেজে নর্দমাতে ‘প্রথম ফুলের প্রসাদ’ খুঁজে বেড়াচ্ছেন?”

যুবক একটা অবাধ গতিশীল ভঙ্গীতে ঘাড়খানা অল্প ফিরাইয়া, আমার দিকে চাহিয়া বলিল, “কমরেড, কর্মক্ষমতার আবেশের মধ্যে যে পুষ্পের সৌরভ লুকান আছে, তার কাছে মধ্যযুগের বেগম-মহলের গুলবাগের খোসবয় কিছুই না।”

আমি বলিলাম, “মহাশয়, ভালবেসে যা করেন তাতেই আনন্দ, আর আনন্দ থাকলেই সৌরভ এ কথা স্বীকার করি; কিন্তু আমায় যে প্রিয় সম্ভাষণটা করলেন ওটা ঠিক হৃদয়ঙ্গম করতে পারলাম না।”

যুবক মুহূর্ত হাশ্ব করিয়া কহিল, “সখে, বললাম ‘কমরেড’ অর্থাৎ কি না বন্ধু। ছনিয়ার যেখানে যেখানে যে কোণে মাহুষের ছেলে খেটে থাকে, শক্ত হাতে কপাল থেকে খাটুনির ঘাম মুছে ফেলছে, সেখানের হাওয়াতে একটা নতুন ফুল আপনা হ’তে ফুটে উঠছে—বন্ধুদের ফুল—সহকর্মের সৌরভ তার প্রাণে, সাহচর্যের রঙে সে ফুল রঙীন—সহস্রদলের মতই তার পাপড়ি আকারে বিভিন্ন কিন্তু পরিপূর্ণ শক্তি, প্রাণ, সৌন্দর্য্য ও সমগ্রের সৌষ্ঠবের দিক দিয়ে মূল্যে এক অর্থাৎ বহু বিভিন্ন মানবে বহু ক্ষেত্রের শ্রমের মধ্যে এই পুষ্পের বিকাশ এবং আকার ও কর্মের বিভিন্নতার মধ্যেও সকল শ্রমিকের সম্মান ও প্রয়োজনীয়তা সমান।”

কি যেন একটা আবেগ আমার প্রাণে প্রবল হইয়া উঠিতে লাগিল। রুসো, টলষ্টয়, মার্কস, ক্রপটকিন, লেনিন প্রভৃতি মহা মহা পুরুষের বাণী যেন মূর্ত হইয়া আমার চক্ষে ধাঁধা লাগাইয়া দিল। কর্মের মধ্যে সাম্যের অমরত্ব যেন ফুটিয়া আমায় পূজায় ডাকিতে লাগিল। যে ধ্যানী বুদ্ধের আদর্শ যুগ যুগ ধরিয়া আমার শত পূর্ব পুরুষকে কর্ম-ক্ষয়ের মধ্যে নির্বাণ ও নির্বাণের মধ্যে সর্ব জীবের মুক্তি ও মুক্তির মধ্যে মিলন দেখাইয়া আসিয়াছে, সে বুদ্ধ যেন আজ চঞ্চল হইয়া কোদাল, কাণ্ডে, হাতুড়ি হস্তে নিজ ভ্রম সংশোধনে মাতিয়া উঠিল। যেন আফিমের সন্মোহন বাণ ব্যর্থ করিয়া মদিরার উদ্দাম নেশায় নূতন করিয়া প্রাণ যত্নের পথ খুঁজিতে লাগিল। বৃকের রক্ত হিমের আড়ষ্টতা ভাঙিয়া বগায় জাগিয়া উঠিল। উৎসাহে উন্নত হইয়া বলিলাম, “ঠিক বলেছ বন্ধু, ঠিক বলেছ। কিন্তু আমায় বল, আজ হঠাৎ ভারতের জড় অস্তিত্বের তুষারার্জ্র অন্ধনে এ আশ্রণ কি ক’রে জ্বালাতে সক্ষম হ’লে।”

যুবক বলিল, “শোননি! কাল প্রাতে যে দেশে বিপ্লব হয়ে গেছে। সমগ্র ভারত আজ কর্মীর শ্রমের মূল্য বাবদ তার সম্পত্তি ব’লে প্রমাণ হয়ে গেছে। সর্বত্র আয়তন জয় হয়ে গেছে। আমরা যুগ যুগ ধরে অল্পপার্কিত ঐশ্বর্যের সন্তোষ-ব্যাপিত হ’লে ধুঁকে মরছিলাম, আমাদের সকলের উপর কাল প্রাতে সামাজিক ভাবে অল্প-প্রিয়তা হইল।”

গেছে—কেউ কেউ আমরা নীরোগ হয়ে কাজে লেগে গেছি—আর কেউ কেউ 'বাট দি পেনশেন্ট সাকার্ড' বলিয়া নিজ নিজ অকর্মণ্যতা বহন করে পরপারে গমন করেছে। তুমি বন্ধু, কি ঘুমচ্ছিলে, যে এত বড় কথাটা জান না?"

আমি সলজ্জ কণ্ঠে বলিল, "না ঘুমিয়ে থাকিনি, মুচ্ছিত হয়ে ছিলাম।" যুবক বলিল, "দিনে আট ঘণ্টা পুরো কাজ করতে হবে। দশ মিনিট বেরিয়ে গেল। কমরেড, আজ তবে..." নির্ঝাক হইয়া একটা উইষা গাড়ীর দিকে চাহিয়া রহিলাম তাহার চালক একজন সাহিত্যিক-জাতীয় যুবক। মনে হইল, ভাবের বাজারে ভিড়ের মধ্যে কলম চালান আর শকট-সঙ্কুল রাজবর্ষে এক জোড়া উদ্দাম মহিষ চালনা দুইয়ে কি সাদৃশ্য অথচ কি পার্থক্য! সে একই আবেগ, শুধু অভিব্যক্তিতে বৈচিত্র্য।


উইষা গাড়ীর গাড়োয়ান যেন আমার মনের কথা বুঝিতে পারিয়াই বলিল, "হ্যাঁ বন্ধু, এ লাজুল মর্দনের যে গৌরব তার পাশে মাইকেলের মেঘনাদ-বধ লেখা, রবীন্দ্রনাথের বলাকা রচনা মধুমক্ষিকার দুর্দমনীয় আবেগের কাছে প্রজাপতির ফরফরায়নের সামিল। দেখো যেন 'ষ্ট্যাগনেট' করো না। চরিত্রে সর প'ড়ে যাবে। খাসি নাড়া দাও। কর্মের ঘোল-মোড়ায় ফেলে জীবন-দুঃস্বকে মছন কর; তবেই না মুক্তির নবনীত তোমার নিজের হয়ে দেখা দেবে।"

মুগ্ধ হইলাম। চালায় মহিষ অথচ কি উপমা-কুশলতা! কর্ম চাই কর্মের জন্তই হিমাচল অপেক্ষা তাহার ক্রোড়চর ছাগশিশু অধিক গৌরবময়, উদর অপেক্ষা হস্ত, কপাল অপেক্ষা নয়ন, খাটিয়া অপেক্ষা ছারপোকা এবং পথ অপেক্ষা পথের কুকুর অধিক জীবন্ত। এই কারণেই স্বাস্থ্য অপেক্ষা ব্যাধি, পুণ্য অপেক্ষা পাপ এবং আত্মা অপেক্ষা অবয়ব অধিক চিন্তাপ্রসূ। সমগ্র সৌরজগৎ, সমস্ত সৃষ্টি চাক্ষুষ ভাবে মানবসন্তানকে দেখাইয়া দিতেছে, ঘোর, ঘোর, পাক খাও, চল, দৌড়াও, স্থান ও কালের বন্ধে ক্রমাগত নিজের চঞ্চল পদচিহ্ন এখানে ওখানে সেখানে আঁকিয়া দাও, জয় কর, সব আপনার ক'রে নাও—মাথা ঘুরিতে লাগিল।

এই জগত এই সৃষ্টি ইহার মধ্যে কর্মের এই প্রচণ্ড পরিবর্তনশীলতার আবেগ অথচ এতদিন শুধু ত্রিভুজ খেলিয়া কাটাইতেছিলাম! লজ্জায় ঘুণায় ঘাড় হেঁট করিয়া গৃহের দিকে ফিরিলাম।

দ্বিতীয় দৃশ্য

কর্মের জগতে প্রায়শ্চিত্ত আন্তরিক হয় না—বাহ্যিক প্রবলতার সহিতই তাহা পালীর মস্তকে আসিয়া পড়ে।



মোটরটোতে চড়িয়া বেড়াইতে যায়

বিজ্ঞানবাহিত দরজীর পথ ছাড়িয়া গৃহে চলিলাম। আবেগে টেলিকোমের ডায়োনাইট বাতাসকেও লাল মনে হইতে লাগিল। কবে এক দিন হোলির আবেগে, ধবধবের ব্রহ্মবাসী চরাচর বিখকে লাল দেখিয়াছিল—আজ আবার কব-রসে মাতিয়া আমরা জনতকে লাল দেখিলাম।

গৃহে প্রবেশ করিতেই একটা রুট খাড়া খাইলাম। দরজায় দেখিলাম এক জন হ্যাটকোটধারী ইংরেজতনয় উবু হইয়া বসিয়া তোলা উননে কটি সেকিতেছে। আমার প্রবেশেজুক দেখিয়া জিজ্ঞাসা করিল, আমি কি চাই। বলিলাম, আমি গৃহের মালিক, নিজের গৃহে প্রবেশ করিতে চাই। সে বলিল, মালিক আবার কি পদার্থ? আমি কিঞ্চিৎ চটয়া জিজ্ঞাসা করিলাম যে, সে কে যে, আমার দরজায় বসিয়া কটি সেকিতেছে! সে উত্তর দিবার পূর্বেই দরজার পথে আর এক বিপত্তির আবির্ভাব হইল। খোঁচা খোঁচা আঁচাছা-দাড়ি এক ব্যক্তি ঢেকুর তুলিতে তুলিতে আসিয়া দ্বারপথে দাঁড়াইল। আমি এবার সত্যই চটয়া গিয়া বলিলাম, “তুমি কে হে বাপু? আমার বাড়ী চড়াও হয়ে কি করছ?”

সে ব্যক্তি যেন হতভম্ব হইয়া গেল। বলিল, “বাড়ী? বাড়ী আবার কাহারও হয় না কি?”

আমি বলিলাম, “তামাসা রাখ। কার হুকুমে আমার বাড়ীতে তোমরা ঢুকে বসে যা-ইচ্ছে-তাই করছ?”

লোকটা এবার হাসিয়া ফেলিল। ইংরেজ পুরুষটিকে লক্ষ্য করিয়া বলিল, “লোকটা কি পাগল?”

ইংরেজ-তনয় অতঃপর আমার সমঝাইয়া বলিল যে, দেশের আইন অনুসারে বাড়ী ঘর আর কোন ব্যক্তির সম্পত্তি নহে। সকল কর্মীদের ব্যবহারের জন্য সকল বাড়ী বর্তমান আছে। যে যত অধিক শ্রমের কার্য করে তাহাকে তত উত্তম বাসস্থান রাষ্ট্র হইতে নির্দেশ করিয়া দেওয়া হয়। খোঁচা দাড়ি-বিশিষ্ট ব্যক্তি নিকটবর্তী মিলে মোট-বহনের কার্য করে এবং ইংরেজটি নিজে সেই মিলেরই ইঞ্জিনীয়ার। শ্রমাল্পতা হেতু ইংরেজকে বাড়ীর প্রবেশ-পথটি বাসের জন্য দেওয়া হইয়াছে এবং শ্রম-বাহুল্যের জন্য মোটবহনকারীকে বাড়ীর অবশিষ্টাংশ ব্যবহার করিতে দেওয়া হইয়াছে।


আমি বলিলাম, “আর আমি?”

এবার উভয়ে সম্মুখে জিজ্ঞাসা করিল, “তুমি কি কর?” আমি বলিলাম, “কিছু না, শুধু লেখাপড়া বক্তৃতা ইত্যাদি।”

খোঁচা দাড়ি লোকটা উৎসাহিত হইয়া বলিল, “তা বেশতো, ভাবছ কেন! আমাদের এখানে ঝাড়-পৌছের কাছে লেগে যাও আর কি? খাওয়াদাওয়ার অভাব হবে না। ভতেও পাবে।” আমি আপ্যায়িত হইয়া তাহার নিমন্ত্রণ অগ্রাহ করিব এমন সময় ইংরেজ ব্যক্তি আমার বলিল যে, আমার পক্ষে মানে মানে কোন শ্রমের কার্যে লাগিয়া যাওয়াই

মহল, কারণ, তাহা না করিলে রাষ্ট্রীয় অতিথিশালায় আমার জন্ম যে কার্যের ব্যবস্থা হইবে তাহাতে আমার অনন্ত্যন্ত শরীরের প্রথম লাঘব হইবে না। সুতরাং আমি কাজে লাগিয়া গেলাম।

সকাল বেলা খোঁচা দাড়ির খাবার ব্যবস্থা করি, তার পর সে মিলের প্রাচীনযুগের ম্যানেজারের ও বর্তমানে রাষ্ট্রের সম্পত্তি মোটরটাতে চড়িয়া বেড়াইতে যায়। ইঞ্জিনীয়ার-সাহেব গাড়ী চালায়। আমি সেই সুযোগে আমার সখের লাইব্রেরিতে গিয়া চুকি, যেখানে কেতাবের উপর কেতাব সাজাইয়া তাহার উপর বসিয়া লোকটা মেটে কলিকায় কড়া তামাক খাইয়াছে, সেখানটা পরিষ্কার করি। বইগুলিকে যত্নে ঝাড়িয়া পুঁছিয়া তুলিয়া রাখি যেন আমি প্রাচীন গ্রীসের কোন ক্রীতদাস, গোপনে আপনার উৎপীড়িত সম্মানদিগকে মনিবের চোখ এড়াইয়া আদর করিতেছি। হায় সাম্য, আজ তোমার ধাক্কায় কালিদাসের কাব্য গুপ্তপ্রেস পত্রিকার কমরেড হইয়া দাঁড়াইয়াছে। ভাগ্যে কালিদাস মরিয়াছেন, না হ'লে বুঝিবা তাঁহাকে দিয়া নব যুগের কোন সংবাদ পত্রের সম্পাদকীয় মস্তব্য কম্পোজ করান হইত। অজস্র গুহা-চিত্র অঙ্কন আজ ঘর-লেপার সামিল। হে সাম্য, তুমি অবশেষে মানুষকে কোথায় না লইয়া ফেলিবে!



টেবিলের উপর শুইয়া নাক ডাকায়

বিকালে মিল হইতে ফিরিয়া আমার মনিব আমারই লিখিবার টেবিলের উপর শুইয়া নাক ডাকায় বতকণ না নৈশ ভোজনের জন্ম তাহাকে জাগান হয়। মানুষটা রোজ বড় বড় শিল্পীর চিত্র দেখে আর হিঃ হিঃ করিয়া হাসে। গ্রামোকোনে উৎকৃষ্ট গান বাজনা শুনিয়া কড়িকাঠ হইতে পাগোষ পরিমাণ হাই তোলে। ইংরেজটা বলে, পরে ইহার শিক্ষার সহিত কঠোর উন্নতি হইবে; আমি বলি, ইয়া তবে ও তখন আর মোট বহিবে না।

কষ্টে দিন কাটে। তাবি আবার কবে যুগচক্র উন্নতির চরমে উঠিয়া নিরাভিনুখী হইবে।

সমাপ্তি

বন্ধু বলিলেন, “বেশ লিখিয়াছ। প্রায় সত্যের মতই কষ্ট উপভোগ্য হইয়াছে। কিন্তু প্রথম দৃশ্যে ও দ্বিতীয় দৃশ্যে কমিউনিষ্টিক বিপ্লবের প্রতি লেখকের মনোভাব বিভিন্ন হইয়াছে। ইহার কারণ কি?”

আমি বলিলাম, “উভয় দৃশ্যেই একই আবেগের বিভিন্ন রূপ দেখাইয়াছি। প্রথম দৃশ্যে দেখাইয়াছি, পরকীয় কমিউনিজম, দ্বিতীয়ে স্বকীয়। উন্নতিশীলতা ও রক্ষণশীলতা শুধু পরদ্রব্যে ও স্বীয়দ্রব্যের বিভিন্নতা মাত্র।” বন্ধু বলিলেন, “সাবাস!”



কুমার বাহাদুরের রোগমুক্তি

কলিকাতা হইতে গিরিডি যাইতেছিলাম। গাড়ীটা যথাসম্ভব ধীরে ধীরে গড়াইয়া গড়াইয়া মধুপুর জংশনে গিয়া পৌঁছিল। শুনিলাম, দুই ঘণ্টা পরে গিরিডির গাড়ী ছাড়িবে। বুঝিলাম যে, এই ধ্যানের দেশে রেলগাড়ীগুলোও অল্পবিস্তর আত্ম-নিগ্রহ সংযম-শিক্ষা প্রভৃতি না করিয়া নড়াচড়া করে না। কি আর করিব, প্র্যাটফর্মের এদিক হইতে ওদিক অবধি পায়চারি শুরু করিলাম। রেল স্টেশনের প্র্যাটফর্মের উপরে বিশ্বের সকল কিছুই দেখিতে পাওয়া যায়—এ যেন বিশ্বেরই এক সুলভ ও ক্ষুদ্র সংস্করণ। মানব-জীবনের প্রায় সকল অবস্থার চিত্রই রেলের প্র্যাটফর্মে দেখা যায়। জন্ম মৃত্যু ও বিবাহ সাক্ষাৎভাবে প্র্যাটফর্মে না ঘটিলেও এখানে সদ্যজাত শিশু, মুমূর্ষু বৃদ্ধ ও বরবধুর ছড়াছড়ি; ক্ষণে ক্ষণে সূর্যোদয় ও সূর্যাস্ত প্র্যাটফর্মে না হইলেও, ক্ষণে ক্ষণে নিত্য নূতন রেলগাড়ীর আগমন ও বিদায়ের মধ্যে সূর্যোদয়-সন্ধ্যাত জাগরণের তীব্র কোলাহল ও সূর্যাস্ত-প্রসূত নিস্তরক নিদ্রার ভাব এখানেও বেশ ফুটিয়া উঠে। কুলি ও যাত্রীগণ পশু পক্ষী অপেক্ষা কম কোলাহল করিতে পারে না—অল্প সময়ের মধ্যে গভীর নিদ্রায় মগ্ন হইয়া যাইতেও ইহারা কম পারগ নহে। বিশ্বের রক্ষমঞ্চে যেমন নানা প্রকার অকারণ চাকল্য ও অসহ জড়তা আমাদেরকে সৃষ্টিকর্তার বুদ্ধিমত্তা সম্বন্ধে সন্দেহান করিয়া তুলে, রেল প্র্যাটফর্মের আশে-পাশের নানান ব্যাপার দেখিয়াও আমরা সেইরূপ রেল কর্তৃপক্ষের মস্তিষ্ক সম্বন্ধে হতাশ হইয়া উঠি। এক পাশে দেখিলাম, সারি সারি পুরাতন চটাওঠা মালগাড়ী নিঃসঙ্গ নিঃসাড়; সম্মুখে অনন্ত বিস্তৃত উন্মুক্ত রেল লাইন, অথচ নড়িবার কোনও চেষ্টা নাই, যেন অশীতিপর বৃদ্ধের দল,—স্বর্গের পথ উন্মুক্ত অথচ মরিবার নামটি নাই। কোথাও কয়েকখানা ইঞ্জিন, কাজ নাই কর্ম নাই, ধোঁয়া ছাড়িতেছে, যেন বেকার যুবক, কখন বাহির হইতে কোন্ ড্রাইভার আসিয়া কল-কলময় মোচড় দিয়া কাজে লাগাইয়া দিবে সেই আশায় বসিয়া আছে। প্র্যাটফর্মের ঠিক মাঝখানে বসিয়া একজন বীভৎস-আকৃতি পুরুষ আরসিতে মুখ দেখিয়া সম্মিত বদনে টেরি ঠিক করিতেছে, বিশ্বাস তিনি ব্যতীত কার্তিক ঠাকুরের অপর কোন প্রতিদ্বন্দ্বী নাই। সত্যই এই প্র্যাটফর্ম যেন রেল মরু-পথের ওয়েসিস, একটি ছোট-খাট বিশ্ব যেন ইহার মধ্যেই বিশ্বের সকল রস কবিরাজী বড়ির ন্যায় জমাট বাঁধিয়া অস্বাভাবিক রূপে মূর্ত হইয়া উঠিয়াছে।

হঠাৎ একদিকে নজর পড়িল। বেজায় ভীত, সকলেই উদ্গ্রীব হইয়া পরস্পরকে কয়ইয়ের গুঁতু দিতেছে। ডাবিলাম হয়তো কোন সাপুড়িয়া কিম্বা বাছুর রেল প্র্যাটফর্মে বসিয়া বসিয়াই অবসর সময়ে বতাব-হুলভ বুদ্ধিবস্তুর ভাঙনায় টিকিটের দাম উঠাইবার চেষ্টা করিতেছে। ধীর পদক্ষেপে সেইখানে গিয়া উপস্থিত হইলাম। আমার মূর্খ কাপড়

দেখিয়া দুই এক ব্যক্তি একটু জায়গা করিয়া দিল। যাহা দেখিলাম তাহাতে একেবারে স্তম্ভিত হইয়া গেলাম। এক জন মেদিনীপুরী কিম্বা উড়িয়া ভৃত্য উবু হইয়া বসিয়া একটা হাঁড়ি হইতে কৈ মংস্র বাহির করিয়া প্ল্যাটফর্মের ধুলির উপর আছড়াইয়া মারিতেছে এবং একটা আঁশবাটিতে সেগুলির কোটা সমাধান করিয়া এক পার্শ্বে রাখিতেছে। অবাক হইয়া এই দৃশ্য দেখিতেছি এমন সময় পশ্চাৎ দিক হইতে কে স্কম্পষ্ট বামাকণ্ঠে বলিয়া উঠিল, আ মরণ! মিলেরা ভীড় করেছে দেখ! যেন বাই-নাচ হচ্ছে আর কি।



উবু হইয়া বসিয়া একটা হাঁড়ি হইতে কৈ মংস্র বাহির করিয়া...

সসম্মুখে তফাতে সরিয়া যাইতেই বাম হস্তে কটাহ ও খুস্তি, দক্ষিণ হস্তে পুঁটুলি এবং হস্ত ও দেহের মধ্যে একটি প্রাইমাস ষ্টোভ ধারণ করিয়া একটি নাতি বৃদ্ধা স্কলকায়া

রুমণী মংস্র-কোটা-রত ভৃত্যের পার্শ্বে আসিয়া উপবেশন করিলেন। অবস্থা দেখিয়া বুঝিলাম, প্ল্যাটফর্মের এই অঞ্চল অতঃপর কিয়ৎকাল হেঁসেলে পরিবর্তিত হইবে এবং এই রূপ পারিবারিক ব্যাপারের মধ্যে বাহিরের লোকের না থাকাই বাঞ্ছনীয়। সে স্থান ত্যাগ করিয়া অদূরে গমন করিয়া কয়েকটি কমলালেবু ক্রয় করিয়া সেগুলির সঙ্গতি করিতে লাগিলাম। মাঝে মাঝে ছ্যাকছোক জাতীয় শব্দ অঘাচিত ভাবে কর্ণে প্রবেশ করিয়া কৈ মাছের ঝোল রন্ধন হইতেছে এইরূপ একটা সন্দেহ মনে জাগাইতে লাগিল। আরও কিছুকাল পরে সেই স্থান হইতে ভীড় সরিয়া গেল; বুঝিলাম ঝোল প্রস্তুত হইয়া গিয়াছে এবং যে সৌভাগ্যবান পুরুষের জন্ত রেল জংশনের প্ল্যাটফর্মের বক্ষে হাঁড়িতে রন্ধিত কৈ মংস্র সদা নিহত ও ঝোল রন্ধন হয় তিনি সম্ভবত এক্ষণে অবিচলিত চিত্তে সেই ঝোল দিয়া ভাত মাখিতেছেন। কি উদ্দেশ্যে যে তিনি ঝোল দিয়া ভাত মাখিতেছেন তাহা বাহাছর ভয়ে আর বলিলাম না।

হঠাৎ হইয়া তাবিষ্টেছি যে এই পৃথিবীতে কি... অটল বকম ভেদান্তের স্রষ্ট

হইয়াছে—কেহ খাইতে পার না, কেহবা রেলের যাইতে যাইতেও কৈ-মন্ত জোকা
করে, কেহ বস্ত্রের অভাবে শীতে মরে, কেহ বা বস্ত্র-বাহুল্যে গরমে মরে ইত্যাদি।



'মেধো' নামধেয় ভৃত্য 'খোকা' নামধেয় ব্যক্তিকে কোলে করিয়া

গাড়ী হইতে অবতীর্ণ হইল

মাংসপেশী ও অস্থি সংরক্ষণ করিয়া রাখিয়াছিলাম বলিয়া খোকাকে দেখিয়াও সে যাত্রা
বাঁচিয়া গেলাম। কিন্তু, হে ভগবান, সে কি দৃশ্য! অনুমান হইল খোকার বয়স চৌদ্দ
কিছা পনের হইবে, দৈর্ঘ্য চার ফুট চার ইঞ্চি, ওজন সওয়া দুই মন, ছাতি চূয়ালিশ ইঞ্চি,
কোমর ঐ, স্থানাভাবে অপরাপর মাপ দিলাম না। বর্ণে খোকা বর্ষার মেঘের স্তম্ভ,
পটল-চেরা চোখ দুইটি ঈষৎ টেরা, পরনে জরির টুপি, লাল কোর্টা ও টিলা পায়জামা,
গলায় কমফোর্টার ও পায়ে উলের মোজা। খোকাকে দেখিয়া সামলাইয়া উঠিতেছি এমন
সময় মেধো আমায় পাশে আসিয়া হোঁচট খাইল। মুহূর্তের অন্ত ভাবিলাম, পরিয়া
যাই, দেখি, খোকা পড়িলে প্ল্যাটফর্মে কি প্রকার দাগ পড়ে; কিন্তু সে লোভ সংরক্ষণ করিয়া

সময় সেই পূর্বপ্রস্তুত বামাকণ্ঠে
আবার ধ্বনিত হইল, "মেধো,
যা না, খোকাবাবুকে ইঞ্জিন
দেখিয়ে আন; যা যা, শীগগির
যা, তা নইলে আবার কান্নাকাটি
সুরু করবে।

ভাবিলাম, মহাপুরুষ এইবার
নিদ্রা যাইবেন তাই ক্রন্দন-
পরায়ণ বংশধরকে ইঞ্জিনের
ছুতা করিয়া গাড়ী হইতে বিদায়
করিতেছেন। পর মুহূর্তে মেধো
নামধেয় ভৃত্য খোকা নামধেয়
ব্যক্তিকে কোলে করিয়া গাড়ী
হইতে বহু কষ্টে অবতীর্ণ
হইল। যদি হৃদযন্ত্রের কোন
ব্যাদি থাকিত তাহা হইলে
আমি অচিরাতঃ মৃত্যুমুখে পতিত
হইয়া প্ল্যাটফর্মে আন্দোলনের
সৃষ্টি করিতাম, সন্দেহ নাই।

শুধু বাল্যকাল হইতে ব্যায়ামের
সাহায্যে উক্ত হৃদযন্ত্রের চারি
দিকে প্রায় দুই মণ পরিমাণ

মেধো ও খোকাকে খাড়া মারিয়া সিধা করিয়া দিলাম। মেধো খুলান্ত হাতে কৃতজ্ঞতা জ্ঞাপন করিয়া বলিল, “এনা হচ্ছেন, —এর ছোট তরফের কুমার। গিরিভিতে হাওয়া বদলাতে যাচ্ছেন।”

আমি মেধোর সহিত আলাপের স্বযোগ না ছাড়িয়া জিজ্ঞাসা করিলাম, “ও! আর রাজাবাবু বুঝি গাড়ীতে?” মেধো বলিল, “আজ্ঞে না, রাজাবাবু সঙ্গে নেই, এনাকে আমি, বামুন ঠাকরুণ আর সরকারবাবু, আমরাই নিয়ে যাচ্ছি। রাজাবাবু লাটের দরবার হয়ে গেলে পর আসবেন। গিরিভিতে বাড়ী আছে, লোক জন আছে, এক জন ডাক্তারবাবু রোজ আসবেন, রোগা শরীর কিনা; অরুচির ব্যায়রাম, কিছু মুখে রোচে না, টাটকা কৈ-মাছের ঝোল আর পুরানো চালের ভাত না হলে খাওয়া হয় না, দু পা হেঁটে বেড়াতে পারেন না, কোলে কোলে রাখতে হয়……”

আমি বলিলাম, “ও! বেশ বেশ, সাবধানে রেখ, দেখ যেন খাওয়া-দাওয়া ঠিক মত হয়। গিরিভির হাওয়া বড় শুকনো, জোয়ান লোকেই রোগা হয়ে যায়।”

মেধো পুনর্বার দস্তবিকাশ করিয়া বলিল, “সে আর বলতে হবে না; বামুন ঠাকরুণ বড় কড়া লোক; তেনার চোখে ধুলো দিতে পারে এমন লোক জন্মায়নি……”

আমি বলিলাম, “ই্যা তাতো বটেই, তবে কিনা, এই সাবধানের মার নেই, বুঝলে না?”

মেধো বলিল “এজ্ঞে, তা আর বুঝি না?”

২

গিরিভি পৌছিবার পর বহু দিন —এর ছোট তরফের কুমারকে দেখি নাই। নূতন জায়গায় আসিয়া ও চতুর্দিকের সুন্দর প্রাকৃতিক দৃশ্য দেখিয়া প্রায় ভুলিয়া গিয়াছিলাম যে নিকটে, হয়তো অতি নিকটেই, প্রাকৃতিক বীভৎসতার সেই চরম নিদর্শনটি কৈশোরে পূর্ণাঙ্গ করিয়াও শিশুর জায় ব্যবহার ও জীবন যাপন করিয়া নিজ পারিপার্শ্বিককে কদর্যা করিয়া তুলিতেছে। কিন্তু একদিন তাহাকে দেখিলাম। মেধো, বামুন ঠাকরুণ ও সরকারবাবু পরিবৃত হইয়া খোকা হাওয়া খাইতে বাহির হইয়াছে। একটা ঠেলা-গাড়ীতে দুই জন ভৃত্য তাহাকে ঠেলিয়া লইয়া চলিয়াছে। খোকার আপাদমস্তক গরম কাপড়ে আবৃত। হাতে একটা বড় লজ্জুষের বোতল। বামুন ঠাকরুণ চলিতে চলিতেও সঙ্গী সতর্ক। যেন খোকার অঙ্গের কোন অংশ অনাবৃত না থাকিয়া যায়। মেধো আমায় দেখিয়া একটা সেলাম করিয়া বলিল, “সেলায় বাবু, আপনার বাড়ী কি এই-কাছই নাকি?”

আমি ভয়ে ভয়ে বলিলাম, “না, খুব কাছে না, আর-একটু দূরে।” মেধো আমার জানাইল, “রাজাবাবু কাল আসবেন, খোকার শরীর তেমন ভাল যাচ্ছে না, রাজাবাবু এসে বড়ই রাগ করবেন, আপনি ঠিকই বলেছিলেন, এদেশের জল-হাওয়া ভাল নয়, ইত্যাদি ইত্যাদি।”

আমি নীরব হইয়া সব শুনিয়া বলিলাম, “হাঁ তা ঠিক, তবে খোকার একটু হাঁটালে চললে হয়তো শরীরটা আরও ভাল হতে পারে।”

বামুন ঠাকরণ এতক্ষণ চুপ করিয়াছিলেন, তিনি আমার কথা শুনিয়া ঘোমটা টানিয়া দিয়া বলিলেন, “ওমা তা কি আবার হতে পারে? ডাক্তারের মানা আছে যে! এত বাঁচিয়ে বাঁচিয়ে চলি তাতেই এই, হাঁটা চলা করলে কি আর বাঁচবে?”

আমি রণে ভঙ্গ দিয়া, “আর এক জায়গায় কাজ আছে” বলিয়া ক্ষতপদে সে স্থান ত্যাগ করিলাম। চক্ষের সম্মুখে অত বড় একটা হত্যাকাণ্ড দাঁড়াইয়া দেখা আমার পক্ষে অসম্ভব হইয়া উঠিল। তার পর যে কয় দিন গিরিজিতে ছিলাম দূর হইতে কখন কখন কুমার বাহাদুরের সেই শিশু-হিমাচল সদৃশ আকৃতি দেখিয়াছিলাম। সাহস করিয়া কখন কাছে যাই নাই; কারণ সেই ঐরাবতের শ্মশ্রু চক্ষির বস্তাকে কেহ সাদরে খোকা বলিয়া সম্বোধন করিতেছে অথবা লজ্জাস খাওয়াইতেছে দেখিলে আমার পক্ষে স্থির হইয়া দাঁড়াইয়া থাকা অসম্ভব হইত। মেধো, বামুন ঠাকরণ প্রভৃতিকে উল্টাইয়া ফেলিয়া খোকাকে খানিকটা দৌড় করাইয়া স্বাস্থ্য ও মহুশ্যত্বের পথে টানিয়া আনিবার একটা দুর্দমনীয় প্রলোভন হয়তো বা আমাকে হাজতের পথের পথিক করিয়া তুলিত—কে বলিবে?



কলিকাতায় কিরিয়া আসিয়া ওয়ালফোর্ডের বাস, টালার জলের ট্যাঙ্ক, গ্যাস রিজার্ভুয়েণ, ভিক্টোরিয়া মেমোরিয়াল প্রভৃতি বিভিন্ন বৃহদায়তন বস্তুনিচয় সতত দেখিয়া—এর ছোট তরফের কুমার বাহাদুরের কথা অনেকটা ভুলিয়াছিলাম। তা ছাড়া চাকুরির অবশেষে ঘরে ঘরে ঘুরিয়া ও ‘ওয়াল্টেড কলম’ হাতড়াইয়া অবসর সময়ের অভাব এত অধিক ছিল যে শ্রুতির ভাঙার ঘাঁটিয়া মানসিক সুখ সাধন অসম্ভব হইয়া উঠিয়াছিল। তবুও মাঝে মাঝে একটা অতিশয় দুঃস্বপ্নের মতই কুমার বাহাদুরের সেই সদা-কল্পমানি মেদভারের চিত্র কণিকের জন্ত শ্রুতির আকাশ অন্ধকার করিয়া কালবৈশাখীর মেঘের মত অস্তহিত হইত। এমন সময় একটা বিজ্ঞাপন চোখে পড়িল—

WANTED. Highly Educated young man of good character and physique to serve as resident tutor to young boys of the school.

family. Knowledge of the Principles of health and hygiene essential. Pay and prospects according to qualification. Apply Box No. ইত্যাদি ইত্যাদি।

কন্যাদায়গ্রস্ত পিতা উপযুক্ত পাত্রের সন্ধান পাইলে যেমন একটা আশার নিশ্বাস ফেলে আমিও সেইরূপ একটা নিশ্বাস ফেলিয়া একখানা দরখাস্ত পাঠাইয়া দিলাম। দিন তিন পরে উত্তর আসিল, আমায় হারিসন রোডের একটা বাড়ীতে গিয়া কোন এক ব্যক্তির সহিত সাক্ষাৎ করিতে হইবে। আমি সেখানে গিয়া বেয়ারার সাহায্যে ধবর পাঠাইতেই আমার ডাক পড়িল। উপরে গিয়া একটা কামরায় আমায় ঢুকিতে বলা হইল। ঘরে ঢুকিয়াই তো আমার চক্ষুস্থির! দেখিলাম—এর ছোট তরফের কুমার বাহাদুরদের সরকারবাবু একটা তাকিয়ায় হেলান দিয়া যত্নের সহিত একটি খেলো ছাঁকায় ধূমপান করিতেছেন। আমায় দেখিয়াই বলিলেন, “আরে, আরে, এ যে আপনি! আসতে আজ্ঞা হোক। তাহলে আপনিই—বাবু? কি সৌভাগ্য, কি সৌভাগ্য!” আমি বলিলাম, “আজ্ঞে হ্যাঁ, আমিই আপনাদের উমেদার। এ ছাত্রটি কে, যার জন্মে লোক চাইছেন?” সরকারবাবু বলিলেন, “ছাত্রটিকে তো আপনি ভাল ক’রেই চেনেন। আমাদের কুমার বাহাদুর, বুঝলেন না, সেই যে যিনি শরীর খারাপ ব’লে গিরিডি গিয়েছিলেন? রাজা বাহাদুর আর রাণীমা সামনের মাসে কাশী যাচ্ছেন কি না, বুড়ো রাণীমাকে দেখতে। তাই, একজন পাকা পোক্ত লোকের হাতে কুমারকে রেখে যেতে চান। লেখাপড়াও হবে, শরীরের দিকেও নজর রাখবে, এমন এক জন কাজের লোক চাই। তা আপনি হ’লে বেশ হবে, চেনা-শোনা লোক...”

আমি সরকারবাবুর কথার শ্রোতে বাধা দিয়া বলিলাম, “তা রাজা-রাণী কাশী যাচ্ছেন, তা হ’লেও আপনাদের বামুন ঠাকরণ ও মেধো তো আছে, তারা তো খোকাকে খুবই আদরে রাখে।”

সরকারবাবু বলিলেন, “আজ্ঞে, তা ঠিক, কিন্তু বামুন ঠাকরণ রাণীমার সঙ্গে কাশী যাচ্ছেন; আর মেধোকে কোন বিশ্বাস নেই, কাজেই লোক রাখতে হচ্ছে। আপনার কোন অসুবিধে হবে না। লোক জনের অভাব নেই, বড় বাগান, ফল মূল অনেক, টাটকা খাবেন...”

আমি আর কথা না বাড়াইয়া বলিলাম, “আহা, সে কথা কি আমি জানি না, তবে কিনা, রাজা-রাজড়ার ব্যাপার আবার কোথায় কার মন জুগিয়ে চলতে হবে, কি করতে হইবে এই কথাই ভাবছিলাম।”

আঁসলে ভাবিতেছিলাম যে, সম্মুখে যে সমস্তা তাহাকে স্বর্ণ সুযোগ বলিব, না, স্বর্ণের মহা সন্ধিকণ বলিব, কুমার বাহাদুর গুরুর খোকাকে হাতে পাইলে, হয় তাহার জীবনের একটা মহা উপকার হইবে, নয়, আমার নিজের জীবন বিপর্য হইবে। যুদ্ধক্ষেত্রে খাওয়ার সৈনিককে বলকে স্ত্রী চড়াইয়া উন্নুক্ত কেয়ে শত্রুর সম্মুখীন হইতে লাগিলে যেমন

কশিকের জন্ম তাহার মানস-পটে মহা গৌরব অথবা অপমান-পূর্ণ বৃত্তার একটি পরিবর্তনশীল চলচ্চিত্র ফুটিয়া উঠিয়া মিলাইয়া যায়, এই মহাকণ্ঠে আমার প্রাণেও সেইরূপ একটা এস্পার-ওস্পার ভাব প্রবল হইয়া উঠিল। হয় খোকাকে মেদ-সমাধি হইতে রক্ষা করিয়া নিজের নিকট অনন্ত যশের ভাগী হইব, নয় খোকায় চক্ষির চাপে নিজেও পিষ্ট হইয়া অমায়ুষ হইয়া যাইব। আর ভাবিলাম না। সরকারবাবু জিজ্ঞাসা করিলেন, “তা কি বলেন ?”

আমি সজোরে দম লইয়া বলিলাম, “আমি আপনাদেরই, আদেশ কখন, কবে কোথায়, কি করতে হবে ?”

৪

প্রাতরাশ—	মধ্যাহ্নে—	অপরাহ্নে—	নৈশভোজন—
দুধ ১১০, কলা ৪টি, সন্দেশ ৮টি, লুচি ১২ খানা, আলুর দম, পোয়াটাক আঙুর, বেদানা, বাদাম প্রভৃতি যথেষ্ট	হুন্ডুনী, ডাল, ভাজা, দাদখানি চালের ভাত, এক ছটাক ঘী, কৈ অথবা মাসুরের বোল, দৈ-বড়া, ডালনা, ধোঁকা, অখল, পায়েস, সর-ভাজা, রসগোলা, এক গেলাস দুধ	পরটা ৬ খানা, খোয়া ক্ষীর আধপোরা, মাল -পোয়া চারখানি, দুধ, বাদামের ঠাণ্ডাই এক গেলাস (প্রমাণ এক সাইজ)	লুচি ১৬ খানা, পটলের দোলমা, ছোলার ডাল, মাছের মালাই-কারি, মাটনের কোর্মা, চাটনি, রাবড়ী, সন্দেশ, কমল- লেবুর রস (এক গেলাস)

প্রথম দিন রাজবাড়ীতে পৌছিয়াই খোকায় কুমারের সেদিনকার খাবারের ব্যবস্থা দেখিয়া আমার তো চক্ষুস্থির! ছেলেটা যে কেন দিনে দেড় সের হারে ওজনে বাড়ে তাহা আর আমার নিকট গোপন রহিল না। পুরাকালীন রাজনীতির ইতিহাস পাঠ করিয়া ভাবিয়াছিলাম যে, রাজপুত্রদিগকে হত্যা করিবার যে সকল প্রথা আছে তাহার মধ্যে বিষদান, ছুরিকাঘাত, গলা টিপিয়া মারা প্রভৃতিই শ্রেষ্ঠ। কিন্তু আজ বুঝিলাম, হুন্ডু চর্কাচোগালেছাপেয় সরবরাহের সাহায্যেও রাজপুত্রদিগকে অতি উত্তম ও নিশ্চাপ উপায়ে হত্যা করা যায়। আমার হাতে যে অভিজাত-বংশীয় বালকের শিক্ষার ভার পড়িল, তাহাকে রেহমত পিতা মাতা দাসদাসীগণ ভিল ভিল করিয়া চক্ষিতে চুবাইয়া মারিবারি, যে ব্যবস্থা করিয়াছেন দেখিলাম, তাদৃশ নির্মম ব্যাপার প্রাচীন কালের যড়যন্ত্রের ইতিহাসে কোথাও পাওয়া যায় না। অহ যে কত নিষ্ঠুর, তাহা বুঝিলাম। এবং মনে প্রতিজ্ঞা করিলাম যে রাজা রাণী বাড়ীর বাহির হইবামাত্র এই ব্যাপারের একটা নিশ্চিন্তি করিয়া তুলে ছাড়িব।

তাই তিন দিন চোখের সম্মুখে কুমারের আহার ও নিদ্রার রীতিনীতি দৃষ্ট দেখিয়া কোঁর

একাত্তর কালান্তিপাত করিলাম। তার পর বহু হট্টগোল অশ্রুস্রবণ সহযোগে রাজা ও রানীমা পূর্ণ তিস মাসের জন্য কাশী যাত্রা করিলেন। কুমার বাহাছর মন্ত মাতকের স্নায় দাশাধাপি করিয়া আর্ভনাদ করিতে লাগিলেন। সকলে বলিল, “আহা, বাছা রে, এতটুকু ছেলে, যাকে ছেড়ে, বামুন ঠাকরণকে ছেড়ে কেমন করে থাকবে?” আমি স্থির করিলাম, ভাল করিয়াই থাকে যাহাতে তাহার ব্যবস্থা করিব।

৫

রাত্রি প্রভাত হইল। কুমার বাহাছর নিজ্রাভকের পর ঠোট চাটিতে চাটিতে খাটের বেড়া ধরিয়া বহু কষ্টে উঠিয়া বসিলেন। আধ-আধ ভাষে ইকিলেন, “মদো, খাবাল আন।”

মেধোকে আমি ছুটি দিয়াছিলাম। বিজয় বলিয়া অপর এক ভৃত্য একটি রেকাবিতে করিয়া দুইখানি হাতে-গড়া রুটি, গুড় ও এক গেলাস ঘোল আনিয়া শয্যাপার্শ্বস্থ ছোট টেবিলটার উপরে রাখিল। সন্তজাগ্রত কুমারের অঙ্গরকে প্রাতরাশের জন্য একটি চুই পাখী দিলে সে যেমন যথার্থই আশ্চর্য হইয়া যায়, কুমার এই রুটি দুখানা দেখিয়া তেমনই নির্বাক মোহাবিষ্ট হইয়া তাকাইয়া রহিল। আমি বলিলাম, “খাও।”

যেন ঘুম হইতে সদ্য জাগিল এই ভাবে কুমার বলিল, “খাব, তি খাব?”

আমি বলিলাম, “ঐ রুটি দুখানা খাও।”

কুমার এইবার হাউ হাউ করিয়া কাঁদিয়া উঠিল। তার পর ঘরের চতুর্দিকে মাথার বালিশ, পাশ-বালিশ, কোল-বালিশ, গাল-বালিশ প্রভৃতি বিভিন্ন বালিশ ছুঁড়িতে লাগিল। আমরা বহু কষ্টে সেই ঝড়ের মুখে আশ্রয় করিলাম।

বহুক্ষণ বিকট চীৎকার করিয়া কুমার রুটি দুইখানি খাইয়া পুনর্বার মেধোকে ডাকিতে লাগিল, তাহাকে কোলে করিয়া বাগানে লইয়া যাইবার জন্য। আমি বলিলাম, “তুমি নিজে নিজে হেঁটে যাও।”

ফলে এই হইল যে, খোকা সে দিন সারা সকাল বাগানে বাহিরই হইল না। আমিও সকালবেলা বাহির হইয়া খোকার চিকিৎসার অনুরোধ ব্যক্তি সম্পূর্ণ করিয়া আসিলাম। বিশ্রাহরে খোকার খাবার বাহির বাড়ীতে দিবার ব্যবস্থা করায় খোকা হাঁটিয়া বাহিরে যাইতে বাধ্য হইল। হাঁপাইতে হাঁপাইতে প্রায় গজ পকাশ ঘাট গিয়া যখন সে দেখিল যে, ডোজের ব্যক্তির মধ্যে ধান চার গড়া-রুটি ও দুই টুকরা মাগুর মৎস্যের কোল, তখন তাহার ক্রোধের সীমা রহিল না। নিফল আক্রোশে কুমার নিজের আধ-আধ বুলি কুলিয়া বেশ বয়স্ক তাহার কবলের পিতৃ-পুত্রের প্রাণ আক্রমণ করিল। আমরা তাহার উত্তরে কিছু না বলিয়া তাহাকে পুনর্বার পদক্ষেপে নিজের কক্ষে প্রত্যাবর্তন করাইলাম।

এইরূপ খাদ্যের উপর দিন দুই তিন কুমারকে রাখিয়া আমি দেখিলাম যে, শুধু এই উপায়ে তাহার মেন্ডার কমাইবার চেষ্টা কিছুকের সাহায্যে পুকুর সেচিবার চেষ্টা করা যায়। তাই আরও প্রচণ্ডতর উপায়ের উদ্ভাবনা করিতে উঠিয়া পড়িয়া লাগিলাম।

খাজাঞ্চিখানার এক দরওয়ানের প্রিয় একটা ছাগল ছিল, তাহার কথাই আমার সর্ব প্রথমে মনে পড়িল। আমি দরওয়ানকে কিছু বকশিশ কবুল করিয়া ছাগলটাকে বাগানের এক কোণে আনিয়া রাখিলাম।

তৃতীয় দিবসে খোকাকে প্রাতরাশের পরে চাকর দিয়া বলাইলাম যে, বাগানে অনেক ফলের গাছ আছে, ঘুরিয়া ফিরিয়া চেষ্টা করিলে হয়তো দুই একটা খাবার উপযুক্ত ফল হাতে পড়িতেও পারে। খোকার অনন্ত উদর-গহ্বরের যে বেকার নব-দশমাংশ সদাসর্বদা হাহাকার করিতেছিল তাহার তাড়নায় খোকা বড়দিনের বাজারের স্পৃষ্ট হংসশাবকের ত্রায় ধীর পদক্ষেপে বাগানের দিকে অগ্রসর হইল। আমিও একটি গাছের আড়ালে ছাগলটার দড়ি ধরিয়া উন্নত পেরিস্কোপ ড্রেড-নট্‌ধ্বংসী সাবমেরিনের মত গা ঢাকা দিয়া দণ্ডায়মান ছিলাম। খোকা এদিক ওদিক তাকাইয়া ঘুরিতেছে, এমন সময় আমি ছাগলটার বাঁধন খুলিয়া দিলাম। তৎপরে চীৎকার করিয়া বলিলাম, “খোকা, পালাও, পালাও, ছাগলে তুঁ মারবে, শীগগির পালাও।” খোকাও ভয়ে কোন দিকে না তাকাইয়া ধীরে ধীরে ছুটিয়া বাড়ীর দিকে যাইতে লাগিল। ছাগলটাও ঐরকম একটি জীবকে হঠাৎ ছুটিতে দেখিয়া আবার আশাহুরূপ ভাবে তাহাকে তাড়া করিল। খোকা একবার ঘাড় ফিরাইয়া সেই দৃশ্য দেখিয়া হঠাৎ তাহার প্রকৃতিদত্ত চির-অব্যবহৃত ক্ষমতা যেন ফিরিয়া পাইল। তার পর



.....হঠাৎ তাহার প্রকৃতিদত্ত চির-অব্যবহৃত ক্ষমতা যেন ফিরিয়া পাইল।

যে দৃশ্য দেখিলাম তাহা যুদ্ধে হস্তীর ব্যবহার উঠিয়া যাইবার পরে আর কেহ দেখে নাই। খোকা তাহার বিপুল দেহ লইয়া বেগে ছুটিয়া বাগানে জল দিবার একটা চৌবাচ্চা ছিল তাহার ভিতর গিয়া লাফাইয়া পড়িল। আমরা উত্তেজিত ছাগলটাকে বহু কষ্টে শান্ত করিয়া খোকাকে জল হইতে তুলিয়া গৃহে লইয়া গেলাম। এই অপূর্ব শক্তির পরিচয়

দেওয়ার পুরস্কার স্বরূপ খোকাকে সেই দিন মধ্যাহ্নে দুইখানি রুটি অধিক দেওয়া হইল।
খোকাও তাহাতে বিশেষ সন্তোষ প্রকাশ করিল।

অতঃপর খোকাকে এক দিন বলা হইল যে, তাহাকে কিছু মিষ্টান্ন দেওয়া হইবে, তবে মিষ্টান্নগুলি পুঁটুলি করিয়া একটি বৃক্ষের ডালে ঝুলান থাকিবে। তাহাকে একটি মই দেওয়া হইবে, তাহা বাহিয়া উঠিয়া মিষ্টান্নগুলি পাড়িয়া খাইতে হইবে। কুমার সন্মিত বদনে এই প্রস্তাবে রাজি হইয়া গেল। বাগানের যে গাছটির উচ্চ এক ডালে এক পুঁটুলি বাতাসা ও একটি সন্দেশ ঝুলান ছিল তাহার গায়ে একটা মই লাগান হইল। কুমার বেশ সহজেই মই বাহিয়া পুঁটুলি অবধি উঠিয়া গেল এবং আর সময়ের অপব্যবহার না করিয়া পুঁটুলিটি খুলিতে লাগিয়া গেল। যতক্ষণ বৃক্ষের ডালে আকাশ আড়াল করিয়া বসিয়া কুমার সোৎসাহে মিষ্টান্ন ধ্বংস করিতেছিল আমরা তদবসরে মইখানা সরাইয়া লইয়া বাড়ীর ভিতরে চলিয়া গেলাম।

সে খাওয়া শেষ করিয়া নামিবার সময় মই নাই দেখিয়া আতঙ্কে বিবর্ণ হইয়া গেল। বার কয়েক জড়িত কণ্ঠে ডাকাডাকি করিয়া অবশেষে নিরুপায় হইয়া সে নিজেই বৃক্ষ হইতে নামিবার চেষ্টা করিতে লাগিল। প্রায় পনের কুড়ি মিনিট ধস্তাধস্তি করিয়া গলদঘর্ষ হইয়া গায়ের পায়ের ছাল তুলিয়া অবশেষে কুমার ধরাতলে অবতীর্ণ হইল।

রাজারাণীরা কাশী যাইবার পর প্রায় দশ বারো দিন কাটিয়া গিয়াছে। কুমার জ্বর-দস্তি-মিতাহারের ফলে এবং মধ্যে মধ্যে ছাগল-তাড়িত এবং অপরাপর উপায়ে লাহিত হইয়া ওজনে অনেকটা কমিয়া আসিয়াছিল। তাহার সেই কুটবলকাস্তি দেহ ও মুখের মধ্যে যেন ভাঁটা পড়িয়া গিয়াছিল। ফলে অবশ্য চেহারাটা আরও সুদৃশ্য ও মল্লছোচিত হইয়াছিল। আমি এই আশাতীত সফল লাভে উৎসাহিত হইয়া নিত্য-নূতন উপায়ে কুমারকে দেহসঞ্চালনে বাধ্য করিতে লাগিলাম। এক দিন তাহাকে বন-ভোজনে লইয়া গিয়া গাড়ী হারাইয়া মাইল দুই হাঁটিয়া ফিরিয়া আসিলাম। অপর এক দিন তাহাকে একটা একরোখা ঘোড়ার উপর তুলিয়া দিয়া ছাড়িয়া দেওয়াতে ঘোড়া তাহার রাস টানাটানি অগ্রাহ্য করিয়া পাঁচ ছয় মাইল ঘুরিয়া আসিল। তারপর শরীর একটু হালকা হইয়া আসার সঙ্গে-সঙ্গেই কুমারের বালকসুলভ খেলাধুলার প্রতি আপনা হইতেই মন যাইতে লাগিল। আমিও তাহাকে লেখাপড়ার ভিতর দিয়া ক্রমাগত খেলাধুলা ও অস্থায়ী পুরুষোচিত কার্যকলাপের প্রতি আকৃষ্ট করিবার চেষ্টা করিতে লাগিলাম। ফলে কুমার ক্রমশ ক্রীণতর হইয়া আসিতে লাগিল ও দেহের সহিত তাহার মনেরও পরিবর্তন হইতে লাগিল। এইরূপে সময় কাটিতে লাগিল; রাজারাণীদের আসিবার সময়ও নিকট হইতে লাগিল।

উপসংহার

রাজারানী কিরিয়া আসিয়াছেন। হৈ রৈ সোরগোল পড়িয়া গিয়াছে। গাড়ী হইতে বড় বড় বাজ নামিতে লাগিল; স্বক হইতে ভারি ভারি পুঁটলি পড়িতে লাগিল; যে যত কম কাজ করিতেছিল সে তত জোরে চীৎকার করিতে লাগিল। রাজারানী বলিলেন, “খোকা কোথায়?”

বামুন ঠাকুরানী নাকে কাঁদিয়া বলিল, “ওমা আমার খোকাকে নিয়ে এস না, একবার হু-চোখ ভ'রে দেখি।”

আমি ভাবিলাম, চোখ ভরিবার যত মালমসলা আর খোকাতে নাই।

রাজারানী ক্রমশ যে ঘরে কুমার পিতামাতার সহিত পুনর্স্থলনের জন্ত বসিয়া ছিল সেই ঘরে পৌঁছাইলেন। হঠাৎ কণিকের জন্ত সব নিস্তর হইয়া গেল। তার পর কিছুক্ষণ খালি কায়া আর চীৎকার। আমি দূর হইতে আমার উদ্দেশ্যে বর্ষিত বহুবিধ গালি শুনিতে লাগিলাম। সর্বাপেক্ষা উচ্চ কণ্ঠ বামুন ঠাকুরের। যেন আমি তারই পুত্র-হস্তা।

বহুক্ষণ বসিয়া থাকিবার পর এক জন চাকর আসিয়া বলিল, “রাজা বাহাদুরের হুকুম, আপনি এখনই আপনার জিনিষপত্র নিয়ে চলে যান।”

আমি “আচ্ছা” বলিয়া নিজের জিনিষপত্র একত্র করিতে লাগিলাম।

যাইবার উপক্রম করিতেছি, এমন সময় বাহিরে খুব একটা হৈ চৈ শুনিলাম। দেখিলাম, কুমার বিকট চীৎকার করিয়া কাঁদিতেছে এবং বলিতেছে, “মাষ্টার মশায় গেলে আমিও তাঁর সঙ্গে যাব। তোমরা সব সরে যাও, ছেড়ে দাও আমাকে।”

তার পর, তার পর আর কি! রাজার প্রস্তাব রাজপুত্রের আদেশে (অর্থাৎ রাণীর আদেশে) অগ্রাহ হইল। আমি রহিয়া গেলাম—আর রহিয়া গেল কুমারের দেহত্রী।

নায়মাত্মা বলহীনেন লভ্যঃ।

ন মেদসা ন বহুভোজনেন ॥

“জীবন-মরুভূমি”

(১) অবস্থা

নরহরি প্রেমে পড়িয়াছে !

(২) ব্যবহার

কি করিয়া বুঝাইব তাহার হৃদয়ে কি প্রেহেলিকাময় ভাব-সংগ্রাম চলিতেছে ? সে চাঁদের আলোয় বসিয়া বসিয়া অবশেষে ঘুমাইয়া পড়ে। কবিতার ছন্দে তাহার ভাবনা চিন্তা কথা স্বপ্ন ও পত্রালাপ ; এমন কি ছন্দে না মিলিলে সে কোন কার্যেই হস্তক্ষেপ করে না। কত খাবার সে খায়ই না, কেননা তাহাদের নাম কবিতায় ব্যবহার করা চলে না। রসগোলা ! শুধু একবার নামটা ! কি করিয়া কোন সৌন্দর্যপিপাসু কবি উহা খাইতে পারে তাহা নরহরি ভাবিয়াই পার না। শেষে কি রসপিপাসু নরহরির রসসমুদ্রে গোল্লায় পরিণত হইবে !

ভাল বিপদ ! এমন সুন্দর খাবারটা শুধু নামের টাল সামলাইতে না পারিয়া গোল্লায় গেল ! নরহরি সিঁদাড়াই বা খায় কি করিয়া, আর মেটিরিয়া-মেডিকাই বা পড়ে কি বলিয়া ?

এই গদ্যময় জগতের বস্তুতন্ত্রের চাপে কোকিলের ডাকটুকুও না শুনিতে পাইয়া নরহরির জীবন বিষময় হইয়া উঠিয়াছিল, কিন্তু ঘোর বর্ষায় কলিকাতা শহরে কোকিল ডাকিবে কোথা হইতে ? অগত্যা গ্রামোফোনে কোকিলের কণ্ঠস্বরের মত একটি ইংরেজী গানের রেকর্ড পাইয়া তাহার সাহায্যেই নরহরি ক্ষুধিত হিয়ার হিঙ্গার উৎপীড়ন হইতে নিস্তার লাভ করিল। নরহরির ডাক্তারি-পড়ুয়া বন্ধুবর্গ তাহার অবস্থা দেখিয়া তাহাকে নানান প্রকার ব্যাধিতে আক্রান্ত বলিয়া স্থির করিয়াছে, কিন্তু তাহার ব্যাধি কি তুচ্ছ ডাক্তারে বৃষ্টিতে পারে ? সে যে প্রেমে পড়িয়াছে !

প্রেম—এই প্রেমে রোমিও পড়িয়াছিল, জুলিয়েট পড়িয়াছিল, শকুন্তলা পড়িয়াছিল, দুঃস্বপ্ন পড়িয়াছিল, সাবিত্রী পড়িয়াছিল, সত্যবান পড়িয়াছিল ; নল ও দময়ন্তীও এই প্রেমেই পড়িয়াছিল। এই প্রেমের তাড়নাতেই শূর্ণগথা নাসিকা বলিদান দিয়াছিল ও ইহারই প্রকোপে রাবণ খিয়েটারী পোষাক পরিয়া ভিখারীর সাজে সীতা হরণ করিয়াছিল। আর আজ নরহরিও এই প্রেমেই পড়িয়াছে। এক নিমিষে সে এই অপূর্ণ প্রেমরাজসভার এক জন সভাসদ হইয়া গেল। তাহার আশে পাশে বিখ্যাত প্রেমিকগণ কাতারে কাতারে দণ্ডায়মান ! দিব্যচক্ষে নরহরি দেখিল আজ সেও তাহাদেরই এক জন হইয়া জীবন ধন করিয়াছে। নরহরি আকুলকণ্ঠে বলিল, “ভাই রোমিও ! তোমায় যে বিবজালায় জর্জরিত

করিয়া চিরনির্বাণ লাভ করে, আজ আমার হৃদয়েও যে সেই একই বিষ, একই ভাবে প্রবেশ করিয়াছে। এস ভাই, তোমার বুকের অনল আমার সহায়ত্বের অশ্রুজলে নিবাহিত হইয়া লাভ কর।” রোমিও দুই হাত কাড়াইয়া ইতালিয়ান আলিঙ্গনে নরহরির কলেবরে রোমাঞ্চ আনয়ন করে। সেই নিবিড় নিভৃত হৃদয়ের অন্তরালস্থিত গোপন পরশম্পন্দনে নরহরি নিবুম হইয়া বসিয়া থাকে—বাজে লোকে বলে—তাহার লেখাজিকা এনকেফেলাইটিস্ স্ত্রীপিং সিকনেস হইয়াছে।

হৃদয়ে প্রেম থাকিলে হাওয়াতেও কি এক অপূর্ব রসের আশ্রয় পাওয়া যায় তাহা শুধু নল দয়মন্তী নরহরি প্রমুখ ভাগ্যমন্ত প্রেমিক-প্রেমিকাগণই বলিতে পারেন। সে রসে বঞ্চিত থাকিবে এই ভয়ে নরহরি দিবানিশি মুখব্যাদান করিয়া জীবনযাপন করে। জিহ্বা তাহার ঐ স্থানিকর্ষিণীর মধুস্রোতে সর্বদা সরস হইয়া থাকে—কিন্তু অজ্ঞ নর অন্ধ অর্ধহীন মর্ষমাতী ভাস্করি যন্ত্রপাতি বহন করিয়া নিজেকে জ্ঞানী ও গুণীজন ভ্রমে অহঙ্কারমন্ত হইয়া বলে “নরহরির অ্যাডিনয়েড্‌স হইয়াছে।”

বিজ্ঞান বলে, কোন অজ ব্যবহার না করিলে তাহা শুকাইয়া নষ্ট হইয়া যায়। এই বাস্তবের পঙ্কিলতাময় সংসারে, যাহারা আত্মার ব্যাপার লইয়া সদা সর্বদা তন্ময় হইয়া থাকে, তাহাদের পক্ষে বাস্তবের সহিত যথাযথ সম্বন্ধ রক্ষা ক্রমশ অসম্ভব হইয়া উঠে। নিগূঢ় আধ্যাত্মিক প্রেমের পূজারী নরহরি ক্রমশই বাস্তবের কদর্য্য অসামঞ্জস্যে অতিষ্ঠ হইয়া উঠিতেছে। সে স্ত্রামবাজারের ট্রামে উঠিয়া এস্প্রানেডের টিকিট চাহিয়াছিল। বস্তুতঃ-বিষময় সংসারে পুন্সৌরভবিমূর্ছিত মনোবৃত্তিগুলিকে কোন প্রকারে জীবিত রাখিয়া যে বাচিয়া আছে তাহার পক্ষে ওরূপ একটু ভ্রমপ্রমাদ কি অস্বাভাবিক? তাহাতে রুচ টিকিট-বিক্রেতা তাহার আহাৰ্য্য ও পানীয়-বিচার সম্বন্ধে তীব্রভাষা ব্যবহার করায় ক্রুদ্ধ নরহরি ট্রাম হইতে সম্বর নামিয়া পড়িল। ব্যথিত হৃদয় তাহাকে কণিকের জন্তু দিগ্বিদিকজ্ঞানশূন্য করিয়া দিল। যদিকে মুখ করিয়া চলন্ত ট্রাম হইতে নামা উচিত তাহার বিপরীত দিকে মুখ করিয়া শিথিল চরণে ট্রাম হইতে অবতরণ চেষ্টায় সে সফল হইল বটে, কিন্তু চরণ-যুগল তাহার মাটিতে না পড়িয়া উর্দ্ধমুখ হইয়া ছিন্ন মোজার আবরণ পাছকা ছুটিকে রুচ কণ্ডাক্টরের সহিত অসহযোগের ও প্যাসিভ রেজিষ্ট্যান্সের পতাকা-রূপে জগতের সম্মুখে সর্গৌরবে হাওয়ায় ফ্লাইতে লাগিল। পিঠে তাহার কিছু গোময় ও কর্দম লাগিয়া রহিল বটে, কিন্তু মুখে তাহার ছিল সকলতার জ্যোতি এবং বুকে তাহার ছিল বাস্তবের কড়া-বহুল হস্ত দ্বারা অস্পর্শিত নিছক প্রেমের কয়েকটি পবিত্র অশ্রুকণা। লাগিলই বা পিঠে ধূলা, বাজিলই বা শরীরে ব্যথা—হৃদয় তাহার ভালবাসার পূর্ণতার বেলুনের মত সকল কিছু ভুল করিয়া উর্দ্ধে ভাসিতেছিল।

এই ঘটনাটি লইয়া অনেকে অনেক-কিছু বলিল। কেহ নব্যজ্ঞানলব্ধ মূর্ষমাতী অভিহিত হইয়া বলিল—নরহরির শরীরে অসংখ্য হক-ওয়াম বাসা বাধিয়া কালব্যাপন

করিতেছে ; কেহবা তর্কশাস্ত্র সম্বন্ধীয় কেতাব ক্রয় করিলেই স্মৃতক আপনা হইতে আসে, এই ভ্রমে পড়িয়া ভর্ক করিল—যদি নরহরি অতিরিক্ত চা পান করিয়া ও রাত্রি জাগিয়া উজ্জ্বিত কুছুট-উষ ভক্ষণ করিয়া তাহার ব্লাড-প্রেসারটির সর্কনাশ-সাধনই না করিয়াছে, তাহা হইলে তাহার মাথা ঘুরিয়া ট্রাম হইতে পতন কি বিনা কারণে হইল ? নরহরিই শুধু বুঝিল যে প্রেম-বিহ্বলতার মূল্য তাহাকে শারীরিক কষ্ট স্বীকার করিয়াই দিতে হইবে এবং তাহাতে তাহার কোনও অসোয়াস্তি হইল না।

(৩) পোষাক

বাহু জগতের সহিত যে প্রেমিকজনের কোনও সম্বন্ধ থাকিতে পারে, ইহা সহজে প্রত্যয় হয় না ; কিন্তু তাহাদের সাজসজ্জা দেখিয়া মনে হয় এই মাটির পৃথিবীর সহিত ভেজাল-বিহীন ভাবরাজ্যের বুঝি বা একটি সূক্ষ্ম সংযোগতন্ত্রী হতাতের শেষ আশার মতই জোর করিয়া নিজ অস্তিত্ব রক্ষা করিতেছে। এই জোর করার ভাবটাই খুব চোখে পড়ে। নরহরি এই নিয়মের কোনও ব্যতিক্রম করে নাই। প্রেমিকজনের সম্মানসংকার্ধ নখ-শিখ বর্ণনার চিরাগত প্রথা অল্পসারে আমরা তাহার পদযুগল হইতে ক্রমশ উদ্ধারোহণ করিয়া তাহার টেড়ি পর্যন্ত আসিয়া আমাদের জ্ঞানপিপাসার নিবৃত্তি করিব।

তাহার পাদুকা ছটিকে দেখিলে মনে হয়, যেন ঐ পদপল্লবে ভাগ বসাইবার জন্য জগতের সকল জুতা সতত উদ্গ্রীব (অথবা উদ্জিহ্ব) হইয়া নরহরির পদযুগলের দিকে শনৈ শনৈ আগুয়ান হইতেছে, তাই উক্ত পদযুগলের মালিক লপেটাঘর স্বার্থসংকার্ধ ফণা ধরিয়া পাদুকা-জগৎকে “যুদ্ধং দেহি, যুদ্ধং দেহি, বিনা যুদ্ধে সূচাগ্র-প্রমাণ পায়ের চামড়া নখ ফোকা বা কড়া ছাড়িব না” বলিয়া সম্মুখ-সমরে আহ্বান করিতেছে। তাহাদের বীরদর্পে আজ দুই বৎসর যাবৎ নরহরির শ্রীচরণে অপর পাদুকাস্পর্শে কলুষিত হয় নাই।

যোজা জোড়াটা তাহার শত যুদ্ধের জয়-পতাকার মতই ছিন্ন ও মালিন্য-গৌরবে গুর্জিত। তাহাদের দ্বায়েই বাহিরের আলো বাতাস নরহরির চরণ পরশে জীবন ধন্য করিতে পারে।

তাহার পরনের ধুতিখানি অর্ধমগ্ন হইলেও গাড়সৌঠমে আশ্চর্য্যবাহা বন্ধার রাখিয়াছে। রাক্ষসের সপ্তবর্ষ ই তাহার পাড়ে অধিষ্ঠিত, এবং প্রত্যেকটি বর্ষ ই নিজ ঐচ্ছিক প্রমাণ করিবার জন্য সেই পাড়ে হৃদয়ের সকল আবেগ ঢালিয়া প্রচণ্ডরূপে ছুটিয়া উঠিয়াছে। তাহাদের রেবারেবির ফলে ধুতির পাড়খানি সর্দীর্ণ রণক্ষেত্রের মতই বিপজ্জনক বনিয়া মনে হয়।

কিন্তু সেই রথক্ষেত্রের উপরে আকাশের যত অনন্তবিস্তৃত একখানি নীল পাঞ্জাবি সব-কিছু ব্যাপিয়া পড়িয়া রহিয়াছে। যেন ধূতির ছুরির সাহায্যে-কোচান কুঁচ মুক্তি পাড়খানার ভয়েই পাঞ্জাবিটি চরণ ছাড়িয়া সাবধানতার খাতিরে কয়েক ইঞ্চি উঠে রহিয়াছে। পাঞ্জাবির বোতামগুলি জার্মান দেশ হইতে তাহাদের নকল সোনা ও আসল কাচে সজ্জিত সৌন্দর্য লইয়া নরহরির বৃকে স্থান পাইবে এই আশাতেই বহু দীর্ঘ পথ অতিক্রম করিয়া আসিয়াছিল। সে আশা সফল হওয়ায় আনন্দের আতিশয্যে কোন কোনটি কাচহারা হইয়া গিয়াছে।

তার পর সেই চশমাখানি! অতল সমুদ্রের কচ্ছপ ও খনির গভীর সোনা ছুইয়ে মিলিয়া তার পীতবর্ণের কাচছটি ধরিয়া বিরাজমান। নরহরির তৃষ্ণার্ত আখির আকুলতা সেই পীত পিঞ্জরের ভিতর দিয়া শীর্ণকায় বন্দীর মতই লোকের প্রাণে করুণার উল্লেখ করে। যেন তার দৃষ্টি জগৎকে ব্যাকুল হইয়া বলিতেছে, “ওগো!

কেন?

কোথায়?

হায়!

সে কি আর?

ওঃঃ!

উহু!” ইত্যাদি।

সে দৃষ্টির কাহিনী ভাষায় বলা যায় না; আলোক-চিত্রে তাহা প্রস্তর-পুষ্পের মতই অসাড় দেখায়; সিনেমায় বৃষ্টি তাহার নিবিড় ভাবলালিত্যের একটু আভাস ক্ষণিকের জন্য পাওয়া যায়। অবগুণ্ঠনবতীর সরমের মত সেই চাহনি চশমার অস্তরালে মর্মদহনের ব্যথা অঙ্গে মাখিয়া আহত মরালের মত গোপনে মৃত্যু-প্রতীক্ষা করিতে ‘চাই কিন্তু পারি না’ বলিয়া অপরাধীর মত জড়সড় হইয়া রহিয়াছে। সেই চাহনি দেখিয়া নরহরির মানসপ্রিয়া মুহূর্মুহু মুচ্ছিতা ও চিরবন্দিনী!

আর সেই টেড়ি! বটবৃক্ষ যেমন স্বভাব-সুন্দর হইয়া বাড়িয়া উঠে, মানুষের কৃত্রিমতার যন্ত্র যেমন বটবৃক্ষকে কেয়ারি করিতে সাহস পায় না, তেমনই নরহরির চুল স্বভাব-সৌন্দর্যময় গতিতে তাহার মেরুদণ্ড বাহিয়া বহু দূর আসিয়া পড়িয়াছে। মাথার উপর তাহা বিচিত্র ভঙ্গীতে অবস্থিত। কোথাও প্রলয়-ভূফানের মত তাহা তরঙ্গায়িত, কোথাও তাহা টেনিস-কোর্টের মতই সমতল, কোথাও তাহাতে উত্তেজনা অপ্রতিহত প্রভাব বিস্তার করিয়া রহিয়াছে, আর কোথাও তাহা মরণের ন্যায় শান্ত ধীর। এ যেন তাহারই হৃদয়ের বাহ্যিক প্রতিচ্ছবি।

হায়, এ হেন নরহরিকে তাহার ভাস্করিপোড়ো বন্ধুবর্গ ‘প্যাকমধরা সারসপক্ষী’ আখ্যায় বিভূষিত করিয়াছিল! কেন তাহাদের এ দুঃখিত হইল তাহা বুঝাইতে হইলে আরও একটি কথা বলা প্রয়োজন।

(৪) চলন

হাট্টিয়া বেড়াইলে নরহরিকে কিঞ্চিৎ অপার্থিব-রকম দেখায়। মনে হয় যেন এই উদ্ভাম পৃথিবীতে সে একটা বিরাট জিজ্ঞাসার চিহ্নের মত ঘুরিয়া বেড়াইতেছে। তাহার মস্তক স্তনীর্ষ গ্রীবার উপর সম্মুখে ঝুলিয়া পড়িয়া অবস্থিত। যেন পৃথিবীর কোলে তাহার জীবন-সর্ব্ব হারাইয়া, সে আজীবন হারামণির অবেশে চঞ্চল হইয়া ঘুরিয়া বেড়াইতেছে। অধোদেশে দীর্ঘ রুগ্ন শরীর পূর্ব্ববর্ণিত সাজ-সজ্জায় মণ্ডিত হইয়া আকাশ-প্রদীপের বংশ-দণ্ডের স্তায় বর্তমান। সে যেন জগৎকে জিজ্ঞাসা করিতেছে, “তবে কেন মিছে ভালবাসা ?” প্রতি পদক্ষেপে নরহরি প্রমাণ করিয়া দেয় যে ভগবান মানুষের পদযুগলকে পথ অতিক্রম করিবার জন্তই সৃষ্টি করিয়াছেন ; তাহা হইতে জ্বতা ঝুলাইয়া রাখিবার জন্ত নহে। যাহারা পরশ্রীকাতর তাহারা বলিত যে তাহার হৃৎন দেখিলে মনে হয় কোনও শুচিবায়ুগ্রস্ত উষ্ট্র সস্তর্পণে মন্দিরপথে চলিয়াছে।

চলিবার সময় নরহরি এদিক-ওদিক চাহিয়া চলিত। কারণ, মানুষ শুধু সম্মুখে তাকাইয়াই চলিবে এমন ইচ্ছা ভগবানের থাকিলে, তিনি মানুষের ঘাড় স্থির অচল করিয়াই সৃষ্টি করিতেন। তাঁহার ইচ্ছা যে বিপরীত প্রকার তাহার প্রমাণ মানুষের ঘাড় নাড়িবার ক্ষমতা। এই কারণে ভগবদ্ভক্ত নরহরি ভগবানের ইচ্ছার বিপরীত কার্য করিত না। তাহার সম্মুখে ঝুলিয়া পড়া মস্তক যখন ইতস্তত সঞ্চালনে ভগবদ্-উদ্দেশ্য সিদ্ধির সহায়তা করিত, তখন সতাই মনে হইত যে তাহার ঘূর্ণায়মান গ্রীবার গতিভঙ্গীর অন্তরালে কোন নিগূঢ় উদ্দেশ্য নিহিত আছে। বহুগণ বলিত নরহরির “উদ্দেশ্য ভাল নয়”। কিন্তু নিন্দুক যাহারা, তাহাদের কথায় বিশ্বাস করা কি বুদ্ধিমানের কাজ ?

(৫) কাহিনী

কলিকাতার বাহিরে কোন একটা ছোট শহরে নরহরিদের বাসস্থান। সেখান হইতে তাহার পিতা প্রত্যাহ ডেলি-প্যাসেঞ্জারী করিয়া একটা মার্চেন্ট আপিসে বড়বাবুগিরি করিতেন। বেশ দু-পয়সা তাহাতে তাঁহাদের আয় হইত।

নরহরি পিতা মাতার একমাত্র সন্তান, সাদরে লালিতপালিত ও চর্কিত-মস্তক। বাল্যকালাবধি সনাতন-রীতি (অথবা ভীতি) অনুসারে তাহাকে বাহিরের আলো বাতাস, উপযুক্ত ও যথেষ্ট খাদ্য, স্বাস্থ্যকর (মূল্যবান্ নহে) পোষাক, খেলাধুলা, গৌয়ার্ডুমি, একরোখামি ইত্যাদি দোষ হইতে দূরে রাখিয়া মানুষ করা হয়। ফলে নরহরি স্কুলে প্রীহাগ্রস্ত, শীর্ণদেহ, অল্পভীক ও পরনির্ভর হইয়া বাড়িয়া উঠে। তাহাকে মানুষ-

করা লইয়া তাহার পিতা মাতার প্রায়ই সশব্দ চিন্তার বিনিময় চলিত। ফলে নরহরির বিশ্বাস হইয়া দাঁড়ায় যে পুরুষ জাতিকে সায়েস্তা রাখিবার জন্য স্ত্রীলোক ভগবানের এক অপূর্ব সৃষ্টি। স্ত্রীলোক যে আবার কোন আকর্ষণের বস্তু এ কথা মাতৃ-অকলান্তরালস্থিত নরহরি কখনও স্বপ্নেও ভাবে নাই এবং ম্যাট্রিকুলেশন পাস করা অবধি তাহার এই বিশ্বাস স্থির ও অচল ছিল। সে প্রাইভেট পরীক্ষা দেয়, স্কুলে কখনও যায় নাই। কেননা স্কুলে গেলে ছেলেরা খারাপ হইয়া যায় এইরূপ একটি জনরব তাহাদের অন্তঃপুর অবধি পৌঁছিয়াছিল। কিন্তু পাস করিবার পরে তাহাকে কুসংসর্গের বিপদ মস্তকে করিয়াই কলিকাতায় কলেজে যাইতে হইল। অবশ্য সে তাহার পিতার মতই ডেলিপ্যাসেঞ্জারী করিত। কিন্তু তাহাতেও সে আর সংসর্গদোষ-মুক্ত থাকিতে পারিল না। কলেজের বই বলিয়া নরহরি শীঘ্রই উপগ্রাস পাঠ করিতে আরম্ভ করিল। মাতা ভাবিলেন পুত্রের পাঠে অসাধারণ মনোযোগ, নতুবা সে ঘণ্টার পর ঘণ্টা এক মনে নিত্যনূতন মোটা মোটা পুস্তক হস্তে করিয়া বসিয়া থাকে কেন ?

ক্রমে দেখা গেল কলেজে দেরি হইয়াছে ছুতা করিয়া নরহরি বন্ধুদিগের সহিত ম্যাট্রিনীতে বায়স্কোপ দেখিতেছে। বহির্জগতের সঙ্গে এইরূপে পরিচয় হওয়ার ফলে ইহার পর হইতেই তাহার কলেজের সম্মুখে রাস্তায় দাঁড়াইয়া গাড়ী-ঘোড়া দেখিবার সখ কিছু অতিরিক্ত মাত্রায় বাড়িয়া গেল; বিশেষ করিয়া মেয়ে-স্কুলের বাস বাইবার সময় তাহার রাস্তায় উপস্থিত থাকা একান্তই প্রয়োজনীয় হইয়া উঠিল। নিজের মাতা ব্যতীত অপর কোন নারীকে যে কখনও দেখে নাই, তাহার পক্ষে কলিকাতার নূতন জীবন একটি স্বপ্নময় জীবন হইয়া উঠিল। নাটক নভেল ও সিনেমায় তাহাকে এই শিক্ষাই দিল যে, নারী শুধু পুরুষকে শাস্তি দিবার জন্য সুলবপু কাংশু-বিনিম্বিত-কণ্ঠ মারাত্মক-অলঙ্কার ও মর্মভেদী বচন-বিগ্ৰাস প্রভৃতি নিদারুণ উপকরণে সৃষ্ট প্রলয়ের অবতার নহে। পুরুষকে মায়ামুগ্ধ করিয়া শৃঙ্খলাভিলাষী বন্দীতে ও আনন্দবিহ্বলতার জড়স্তূপে পরিণত করিবার সম্মোহন বাণও নারীই। নরহরি তাহার আজন্ম শিক্ষার ফলে পরহস্তে জীবন সমর্পণ করিবার আনন্দটা খুবই উপলব্ধি করিতে পারিত। সে চাহিত আপনাকে বিলাইয়া দিতে, প্রেমিকের মত আত্মবিস্মৃত হইয়া প্রেমানন্দে মজিয়া যাওয়াটা তাহার কাছে বড়ই আদর্শ অবস্থা বলিয়া বোধ হইত। কলিকাতার কলেজে পাঠ করিয়া ও নানা প্রকার নূতন পারিপার্শ্বিকের মধ্যে পড়িয়া নরহরির অবস্থা নিরামিষভোজী পরিবারের সম্বানের রেশমী-পরিবৃত হইয়া বাস করার মতই হইল। তাহার নমনীয় মন মদাই লুক লোলুপ হইয়া প্রেম ও নারী লইয়া জল্পনা-কল্পনা করিত।

ইতিমধ্যে অধিক পাঠ প্রয়োজন হওয়ার তাহাকে কলিকাতায় আসিয়া বাস করিতে হইল। মির্জাপুরের এক মেসে তাহার বাসস্থান স্থির হইল। করনা আজকাল তাহার উপর এত অধিক অত্যাচার হুক করিল যে সে প্রণয়-পাজীর অভাবে আপন মনে বসিয়া

প্রেম-পত্র লিখিত। তাহার পত্রগুলির মধ্যে অর্থহীন ভাষায় সে শুধু এইটুকুই বুঝাইয়া দিত যে শূন্য মন্দির তাহার আর সঙ্গ হইতেছে না।

প্রেম-পত্র লিখন ও ক্ষুণ্ণতালে বন্ধ-হারমোনিয়ম বাজাইয়া অগতঃ নিজের স্বর-বোধের অভাব জ্ঞাপন ব্যতীত, ছাদে দাঁড়াইয়া চারিদিকের বাড়ীগুলিতে তাহার ‘প্রিয়া’ ‘মানস প্রতিমা’ ‘হৃদয়েশ্বরী’ ‘কুহকিনী’ অথবা ঐ জাতীয় কিছু হইবার উপযুক্ত কেহ আছে কিনা দেখাও তাহার একটা কাজ হইয়া দাঁড়াইল।

পাশের বাড়ীতে জানালার ধারে বসিয়া কে একটি নারী সেলাই করিত। তাহার মুখ নরহরি দেখিতে পাইত না, কিন্তু দেখিত, সে একখানা আধ-ময়লা ধূসর রংএর শাড়ী পরিয়া নিজ কাজে ব্যস্ত থাকে। সে ভাবিত—হয়তো ঐ মেয়েটির অবস্থা খারাপ, অন্ন-সংস্থানের জন্ম হয়তো উহাকে কাজ করিতে হয়। নরহরি স্থির করিল তাহাকে সাহায্য করিবে। কিন্তু অপরিচিতের দান কি সে গ্রহণ করিবে? যদি সে বলে যে উহাকে ভালবাসে তাহা হইলে হয়তো প্রেমের খাতিরে সে নরহরির দেওয়া অর্থ গ্রহণ করিতে পারে। ইহার পর কয়েক ঘণ্টার মধ্যেই নরহরি ঐ মেয়েটির সহিত ভালবাসায় লিপ্ত হইয়া পড়িল। অর্থাৎ সে বুঝিতে পারিল যে ঐ মেয়েটির প্রতি ভালবাসায় তাহার হৃদয় ভারাক্রান্ত হইয়া রহিয়াছে এবং সে ভার লাঘব করার একমাত্র উপায় তাহাকে পত্র-লিখন।

যথা চিন্তা তথা কার্য। কয়েক ঘণ্টার মধ্যেই নরহরি প্রণয়ের হতাশাসে ভরা একখানি পত্র একটি টাকায় মুড়িয়া সেই জানালার মধ্য দিয়া ঘরের মধ্যে ছুঁড়িয়া ফেলিল। সে আশায় আশায় রহিল যে এমন গভীর প্রণয়ের প্রতিদান পাইবেই।

বিকাল বেলা মেসের এক তলায় তুমুল কোলাহল শুনিয়া নরহরি দেখিতে গেল কি ব্যাপার। গিয়া দেখিল এক জন শীর্ণকায় ব্যক্তি নিজ মস্তকের সযত্নরক্ষিত কয়েক গাছি চুলও রাগে প্রায় উপড়াইয়া ফেলিবার জোগাড় করিতেছে। ক্রোধে তাহার শ্রামবর্ণ মুখখানা উহারই মধ্যে একটু লাল হইয়া উঠিয়াছে। সে বলিতেছে, তাহার বৃদ্ধা পিসিমাতার সহিত অকথা-রকম পত্রালাপ করিয়া রসিকতা করিবার চেষ্টা যে ব্যক্তি করিয়াছে, তাহার লজ্জা এবং প্রাণভয় দুয়েরই অভাব দেখা যাইতেছে। সে নাকি ইচ্ছা করিলে মেসে আগুন ধরাইয়া মেসবাসী সকলের মাংসে কুকুর বিড়াল ও অন্যান্য অনেক রকম জানোয়ারের ভোজের বন্দোবস্ত করিতে বিশেষ স্বিধা বোধ করিবে না। তাহার অধীনে নাকি কলিকাতার বেশীর ভাগ গুণ্ডা ও অপর প্রকার দুর্জন কাজ করে এবং তাহার পিসিমাতাকে পত্র-লিখন যমরাজকে নিমন্ত্রণ-পত্র প্রেরণের সর্বাপেক্ষা হুলত উপায় ইত্যাদি।

বহু কষ্টে তাহাকে থামাইয়া মেসের অধ্যক্ষ সকলকে ডাকিয়া নানাপ্রকার কঠিন কথা শুনাইলেন। নরহরির তখন আর কিছু শুনিবার মত অবস্থা নহে। এক নিমিষে বাহিরে প্রাণ-প্রতিমা ঘোঁষন বা কৈশোর হইতে অকস্মাৎ বার্ককো উপনীত হইয়া যায়,

তাহার মর্মবেদনা অপরে কি বুঝবে? তাহার সমস্ত অন্তরখানি জুড়িয়া কালো মেঘের মত একটি নিবিড় বেদনা সকল আশা ও সকল আনন্দের আলোক গভীর তিমিরাচ্ছন্ন করিয়া ফেলিল। যে তাহার প্রিয়া হইতে হইতে হইল না, যাহার প্রণয়দৃষ্টি তাহার পানে চাহিতে চাহিতে চাহিল না, যাহার কুহকে সে ভুলিতে ভুলিতে ভুলিল না, যে তাহাকে আত্মিক খেলা খেলাইয়া চিরদিনের মত বিদায় গ্রহণ করিল, তাহার কথা নরহরি কে প্রাণে ভুলিবে? অদৃষ্টের এই গুপ্ত-ঘাতকের মত ব্যবহারে নরহরির নবীন হৃদয় নিরাশার হলাহলে বিবর্ণ হইয়া উঠিল।

(৬) বর্তমান

অতঃপর গল্পের সূচনায় যে প্রেমিক নরহরির বর্ণনা করা হইয়াছে তাহার কথা বলা প্রয়োজন। তাহার ঐরূপ অবস্থা বিনা কারণে হঠাৎ হয় নাই। কি করিয়া সে ঐরূপ বিপদজনক-রকম প্রেমে পড়িল, সেই কথাই এখন বলা হইবে।

নরহরি আজকাল মেডিক্যাল কলেজে পড়ে। পিতা ঠিক করিলেন, পুত্র ডাক্তার হইলে তাঁহার প্রতিপত্তি শহরে অক্ষুণ্ণ থাকিবে; সুতরাং পুত্র, ডাক্তার হইবার পক্ষে সকল প্রকার অল্পযুক্ততা থাকা সত্ত্বেও, পিতৃ-আজ্ঞা পালনার্থে মেডিক্যাল কলেজে চলিল। কিন্তু এখানে যেমন এক দিকে আহত ভেকের উপর ছুরি চালাইতে নরহরির সর্বিশেষ বেদনা বোধ হইত, অপর দিকে তেমনি সহপাঠিনী অনেকগুলি থাকাতে ভেকের সহিত তাহার সহানুভূতি দেখাইবার অবসর অত্যধিক ছিল না। সহপাঠিনীদের মধ্যে অনেকেই নরহরির নিকট অপরূপ গায় রূপসী প্রতীয়মান হইতেন, কেননা ক্ষুধা থাকিলে রক্তনের দোষ ক্রটি সহসা দৃষ্টিগোচর হয় না। নরহরির নিকট প্রেমে পতন একটা নৈতিক প্রয়োজন, একটা বিশেষ কর্তব্যের রূপ ধারণ করিয়াছিল। সুতরাং সে যে সহপাঠিনী স্ববসনার সহিত ভালবাসায় পড়িবে তাহার আর আশ্চর্য্য কি? কিন্তু স্ববসনা তাহার সেই গোপন ভালবাসার কারণ হইলেও, সে বিষয়ে তাঁহার কোন জ্ঞান ছিল না। শত শত ছেলের মধ্যে যে এক জন বিশেষ করিয়া তাঁহারই জন্ত টেড খেলাইয়া টেডি কাটে, অভিনব সাজে শীর্ণ দেহ সজ্জিত করে ও ক্লাসের কর্তব্য অবহেলা করিয়া তাঁহারই সৌন্দর্য্য উপভোগে তন্ময় হইয়া থাকে, তাহা তিনি জানিবেন কি করিয়া? শত শত টেডি সাজ সজ্জা ও আবুল চাহনির মধ্যে কোনগুলির মূলে তিনি নিজেই রহিয়াছেন তাহা না বুঝিলে কি স্ববসনাকে দোষী বলা চলে?

নরহরি তাঁহার নিকটে বসিবে বলিয়া সকল কার্য্য ফেলিয়া, প্রস্তুতি দেখিয়া শুধিবে প্রত্যহ অনেক সময় থাকিতে ক্লাসে যাইতে আরম্ভ করিল। কখন তাঁহার নিকটে আসিতে পারিলে ব্যাকুল নয়নে তাঁহার দিকে চাহিয়া সশব্দে দীর্ঘনিশ্বাস ফেলিত। কিন্তু স্ববসনা

চেতনাহীনের ছায় নরহরির সকল চেষ্টা, সকল নীরব আবেদন অগ্রাহ্য করিয়া আপন মনে পড়াশুনায় ব্যস্ত থাকিতেন।

এই প্রকারে ছয় মাস কাটিয়া গেল। নরহরির জীবন নিরাশার বিষে অর্জরিত হইয়া উঠিল। প্রত্যেক দিন দিবা অবসানে সে বিদেশী ছারিকেন মিঝাইয়া দিয়া প্রদীপ জালিয়া উপন্যাসে যেরূপ বিবরণ আছে, সেইরূপ করিয়া মনঃকণ্ঠে আহত বৃশ্চিকের ছায় ছটফট করিত। শত শত নায়ক তাহার পূর্বে যেরূপ ধূলায় পড়িয়া কাঁদিয়াছে; নরহরিও, সেই



আহত বৃশ্চিকের ছায় ছটফট করিত

বিশাল প্রেমসেবক সন্ধ্যেরই এক জন বলিয়া, নিত্য কখন ধূলায় লুটাইয়া ও কখন প্রচণ্ডরূপে বুক চাপড়াইয়া ক্রন্দন করিয়া সজ্জন্ম পালন করিত। কষ্টে ও আবেগের তাড়নায় তাহার মুখ বিবর্ণ, আকৃতি বিকৃত ও চুল সজ্জার কাঁটার মত খাড়া হইয়া উঠিত। সে কোকিল ডাকিলে কঠোর কর্তব্যের খাতিরে সজ্জোরে দীর্ঘনিশ্বাস না ফেলিয়া জলগ্রহণ করিত না। আকাশে যেন দেখিলে তাহার উন্মত্ত হৃদয় স্বদূরের পানে চাহিয়া স্ববসনার কটা চোখদুটিকে কাজল রাখি বলিয়া মনে পড়াইত। প্রেমের নিত্যকর্মপদ্ধতি পালনে তাহার দিন বেশ কাটিয়া যাইতেছিল কিন্তু এক দিন মূর্হুর্তের মোহে ভুলিয়া সে একটা নির্বুদ্ধিতা করিয়া ফেলিল।

সেদিন কলেজের এক জায়গায় সিঁড়ি দিয়া নরহরি নামিয়া আসিতেছিল। মনে তাহার একটা শাস্ত নির্বিকার ভাবই বিরাজ করিতেছিল। হঠাৎ দেখিল স্ববসনা সিঁড়ি দিয়া উপরে উঠিতেছেন। দেখা মাত্র তাহার মনে পড়িল সেই উপন্যাসটির কথা, যাহার

নারক সিঁড়ি দিয়া গড়াইয়া নারিকার পদতলে পড়ার ফলে উভয়ের মিলন অসম্ভব-রকম সহজ হইয়া যায়। নরহরি হঠাৎ কি প্রকার পাগলের মত হইয়া গেল। তাহার মনে হইল, এখনি সে স্ববসনার পদতলে পড়িয়া হয় আত্মবলিদান দিবে, নয় তাঁহার প্রেমলাভে সক্ষম হইবে।

কলেজের এক জন ছেলে, যে নির্দোষ আমোদ বলিয়া লজিক পড়িত এবং পরে নরহরির ব্লড-প্রেসর সহজে মত প্রকাশ করিয়াছিল, সেই ছেলেটি, ঘটনাস্থলে উপস্থিত ছিল। সে বলে যে সে দেখিল সিঁড়ির উপর গড়াইয়া নরহরি হঠাৎ কি রকম যেন কঠিত লাগিল। তাহার মুখখানা বিবর্ণ হইয়া গেল এবং চক্ষুটি একটু টেরা হইয়া যেন লজিকার দোষ গুণ পরীক্ষা আরম্ভ করিল। কিছুক্ষণ টলিয়া হঠাৎ নরহরি একেবারে তিন চার ধাপ গড়াইয়া মাটিতে আসিয়া পড়িল। সম্ভবত তাহার একেবারে জ্ঞান লোপ পায় নাই, কেননা তাহার পড়ার মধ্যে আত্মরক্ষার একটা আভাস ছিল। বেচারী স্ববসনা নরহরির পতনের তিন চার মুহূর্ত্ত পূর্বে হঠাৎ কি মনে করিয়া সিঁড়িতে না উঠিয়া পার্শ্বের ঘরে চলিয়া যান, তাহা না হইলে সে নাকি তাঁহারই উপর মুচ্ছিত হইয়া পড়িত। লজিক-পড়ুয়া ছেলেটি পরিশেষে বলিল, নরহরির ডিম্ব ভক্ষণ ত্যাগ করা নিতান্তই উচিত।

নরহরি জ্ঞান হইয়া দেখিল এক জন ডোম তাহাকে বাতাস করিতেছে। ফুৎকারে তাহার আশার বৃদ্ধ ভয় হইয়া গেল দেখিয়া সে হঠাৎ উঠিয়া পড়িল এবং অনেকের বারণ অগ্রাহ করিয়া মেসে চলিয়া গেল। ইহার পর কিছু দিন সে স্ববসনা ব্যতীত অন্য বিষয়েও একটু মন দিল। কিন্তু হৃদয়ে যে আগাছা একবার বাড়িয়া উঠে, তাহাকে অল্প সময়ের মত ছাটিয়া কাটিয়া ছোট করিয়া রাখা যাইলেও তাহার মূল যত দিন থাকে তত দিন তাহা কচুরিপানার মত শত অত্যাচার সহ করিয়া বারে বারে মাথা তুলিয়া উঁচু হইয়া উঠে। জোর করিয়া তাহাকে ছাটিলে কাটিলে তাহা আরও দ্রুতবেগে বাড়িয়া উঠে মাত্র।

কয়েক সপ্তাহ যাইতে না যাইতে নরহরি আবার কল্পনা-রাজ্যে স্ববসনার পরম আদরের ধন হইয়া বিচরণ করিতে লাগিল। কখন জ্যোৎস্নাবিবশ নিশীথে কল্পনা-সৈকতে স্ববসনা তাহাকে সমগ্র হৃদয় ঢালিয়া প্রেম জ্ঞাপন করে কখন বা নিভৃত রজনীর কোলে তাহার দুই জনে হাত-দরাদরি করিয়া, অনন্তের পানে দুই বাহু বাড়াইয়া 'আসি, আসি' বলিয়া ছুটিয়া চলে। কখন আবার নির্জন সমুদ্র-সৈকতে নরহরি যখন ভয়ব্যাকুল চাহনিতে দূরে তরণী আছে কি নাই দেখিতে ব্যস্ত, তখন আলুলায়িতকুম্বলা স্ববসনা সুমিষ্ট বংশী-বিনিন্দিত কণ্ঠে পশ্চাৎ হইতে বলিয়া উঠে, "পথিক, তুমি পথ হারাইয়াছ ?"

নরহরি দেখিল স্ববসনা ব্যতীত জীবন-ধারণ অসম্ভব কঠোর খাতিরেও তাহার পক্ষে অসম্ভব। সে ধেমল করিয়া হটক স্ববসনার ভালবাসা পাইবেই পাইবে স্থির করিল।

অমৃতবাজার-পত্রিকার একটি বিজ্ঞাপনে সে দেখিল এক ব্যক্তি শাস্ত্রসম্মতভাবে মানুষকে উর্দ্ধি পরাইয়া সর্বক্ষেত্রে সফলতার পথে অগ্রসর করিয়া দিবে এইরূপ আশ্বাস

দিয়াছে। খরচও তাহাতে কমই হইবে। নরহরি খিদিরপুরে তাহার নিকটে উপস্থিত হওয়াতে, সে ব্যক্তি দুই মিনিটের মধ্যেই বুঝিতে পারিল যে কোন কঠিন-হৃদয়্যার নির্ধম কবলে পড়িয়াই নরহরির সকল স্বথ-শাস্তির অবসান হইয়াছে। সে বলিল যে বাম বকের উপর উর্কশীর মূর্তি লাল ও নীল রঙে দুই-পূর্ণ-তেরোর-তিন ইঞ্চি করিয়া উদ্ধি করিলে প্রেমে সফলতা ও টাকপড়া নিবারণ—এক টিলে দুইটি পক্ষী আহত করার মতই স্বথকর ও সহজভাবে সাধিত হইবে। এ বিষয়ে এক জন মুক্তিয়ারের সলেকফা প্রশংসাপত্রও সে দেখাইতে প্রস্তুত আছে। মোট খরচ তেরো টাকা বারো আনা মাত্র। নরহরি এত সহজে অল্প খরচে কার্য সাধিত হইবে জানিয়া তৎক্ষণাৎ তাহার জামা খুলিয়া ফেলিল ও দুই ঘণ্টা ধরিয়া উদ্ধিকারের সূচিকার দংশনে অর্জরিত হইয়া ও তেরো টাকা বারো আনা পরমাৎ করিয়া হৃদয়ের উপর রক্তাক্ত ব্যাণ্ডেজের অন্তরালে উর্কশীকে লইয়া যখন মেসে ফিরিল, তখন তাহার মুখদর্শনে মনে হইল যে, প্রাণের ব্যথা হয়তো বা সত্যকার ব্যথার মতই মর্ষভেদী। কিন্তু হায়, উর্কশী নরহরির হৃদয়ে চির দিনের মত স্থান পাইলেও তিনি সে অধিকারের মূল্য-স্বরূপ তাহাকে সুবসনার ভালবাসা আহরণ করিয়া দিলেন না। লাভের মধ্যে এই হইল যে নরহরি অতঃপর মেসের কলতলায় স্নান করা ত্যাগ করিল। ক্ষুদ্র স্নানের ঘরের সম্মুখে তৃষিত চাতকের মত প্রত্যাহ তাহাকে স্নানার্থে অপেক্ষা করিতে দেখা যাইত।

এই সময়ে মেডিক্যাল কলেজের ছাত্রীগণ স্থির করিলেন তাঁহারা টেনিস খেলিবেন; এবং তাঁহাদের উৎসাহে শীঘ্রই একটি কোর্ট ছাত্রীদিগের জন্ত নির্দিষ্ট হইয়া গেল। সেই কোর্ট এক অভিনব টেনিসের লীলাভূমি হইয়া দাঁড়াইল। কিন্তু ছাত্রীদের টেনিস-জ্ঞানের সপক্ষে একটু বলা দরকার যে প্রত্যাহই তাঁহাদের মধ্যে কেহ না কেহ অন্তত একবার বলটিকে র্যাকেটের সাহায্যে আঘাত করিতেন এবং সপ্তাহে প্রায় দুই তিনবার বলটি যথাস্থানে গমন করিত।

(৭) সমাপ্তি

প্রোফেসর ক—এর কনিষ্ঠ ভ্রাতা নিবারণ। সে টেনিস খেলায় খুবই উৎসাহী ও তৎপর। সেই কারণে তাহাকে কলেজের সকলেই খুব পছন্দ করিত। প্রত্যাহই তাহাকে সর্বাত্মে ক্রীড়াক্ষেত্রে দেখা যাইত এবং সেই সর্বশেষে উক্ত স্থান ত্যাগ করিত।

ছাত্রীদিগের ক্লাবের কাপ্তেন ছিলেন স্বয়ং সুবসনা। তাঁহার ক্রীড়াতে খুবই দ্রুত উন্নতি দৃষ্ট হইতেছিল। এমন কি সকলে বলিতে আরম্ভ করিল যে শীঘ্রই সুবসনা অনেক পুরুষ খেলোয়াড়কে সহজেই পরাকৃত করিতে পারিবেন। তাঁহার নাকি ওভারহোল্ড নাম নারক মারখামি অভ্যন্তই হুস্পন্ন হয় এবং সার্ভিসও তাঁহার বিশেষ উন্নতিশীল।

কিছু দিন পরেই দেখা গেল যে ছাত্রীদের ক্লাবে ছাত্র ও প্রোফেসর-জাতীয় খেলোয়াড়গণ নিমন্ত্রিত হইতেছেন এবং মিক্সড ডাব্লস অর্থাৎ এক জন পুরুষ ও এক জন নারী একদিকে হইয়া খেলা খুবই প্রচলিত হইয়া গেল। কিন্তু সকল ছাত্রেরা সে নিমন্ত্রণ পাইত না, কেবল ছাত্রী-খেলোয়াড়দিগের বন্ধুবর্গই সে সম্মানে সম্মানিত হইত। প্রোফেসর ক—এবং তাহার ভ্রাতা নিবারণ প্রায়ই মিক্সড ডাব্লস খেলিতেন এবং তাহাদের উৎসাহেই নাকি ঐরূপ খেলার ক্ষমতা উন্নতি হইতেছিল। ইহাতে কলেজে নিবারণের প্রতিপত্তি আরও বাড়িয়া গেল এবং যে সকল ছাত্র কদাপি কোন প্রকার খেলার ছায়াও মাড়াইত না, দেখা গেল তাহারাও টেনিস-ক্লাবের সভ্য হইতে দলে দলে অগ্রসর হইতেছে।

নরহরি সকল প্রকার খেলাধুলাকে আজন্ম শিক্ষা ও প্রেম-দর্শনের প্রভাবে বর্ধিততা ও পাশবিকতার মধ্যে ফেলিয়া রাখিয়াছিল। কিন্তু স্ববসনার হস্তে টেনিস র্যাকেট দেখিয়া তাহার এই আজীবন যত্নে প্রতিপালিত মনোধর্মে একটা সাংঘাতিক নাড়া পড়িল। সে হঠাৎ দেখিল যে এই খেলাই যুগধর্ম। তাহার পর বন্ধুবান্ধব ও সম-প্রেমিকগণকে বিশ্বয়-সাগরে হাবুডুবু খাওয়াইয়া নরহরি সতের টাকা দিয়া একখানা র্যাকেট কিনিয়া ফেলিল; এবং উক্ত যন্ত্র হস্তে লইয়া যখন সে নিবারণকে গিয়া বলিল যে, সে টেনিস খেলিবে, তখন একান্তই সুস্থ শরীর বলিয়া টেনিস-কাপ্তেনের সে যাত্রা আকস্মিক মৃত্যু হইল না।

নরহরি সাত দিনের মধ্যেই বুঝিয়া ফেলিল যে র্যাকেট দিয়া বলটাকে আঘাত করিয়া জালের অপর পার্শ্বে পাঠানই টেনিস-খেলার উদ্দেশ্য। প্রথমে সে ভাবিয়াছিল যে, অপর ব্যক্তি দ্বারা প্রেরিত বলটিকে বাঁচাইয়া চলাই খেলার উদ্দেশ্য এবং র্যাকেটখানা আত্মরক্ষার একটা শেষ অস্ত্র মাত্র। ইহার পরেও নরহরি বহুকাল ধরিয়া বুঝিতে সক্ষম হইল না যে কেন র্যাকেটখানা বলের অহুসরণ করিবে না এবং তাহার তুল ধারণার ফলে তাহার সহিত খেলা একটা সাহসের কার্য বলিয়া গণ্য হইত। কিন্তু হায়, ছাত্রীদের ক্লাবে নরহরির ডাক আর আসে না! সে হতাশ হইয়া উঠিতেছিল। অনেক ভাবিয়া সে স্থির করিল, যে নিবারণের সহিত ভাব করিলে তাহার স্ববসনার ক্লাবে নিমন্ত্রিত হইবার সম্ভাবনা আছে। সুতরাং সে বিশেষ চেষ্টা করিয়া নিবারণের সহিত ভাব করিতে ব্রতী হইল। প্রথম প্রথম সে নিবারণকে তাহার নিজের লিখিত কবিতা পড়িয়া শুনাইবার চেষ্টা করিল; কিন্তু খোলা হাওয়া ও প্রচুর ডঙ্কণের পক্ষপাতী নিবারণ সে প্রলোভন খুব সহজেই সম্বরণ করিতে তাহাকে অশ্রু উপায় খুঁজিতে হইল। অতি অল্পায়াসেই সে বুঝিতে পারিল যে নিবারণের বন্ধুত্ব-ভাবপ্রবণতার কেন্দ্র হৃদয় নহে, উদর। এবং এই জ্ঞানলাভের ফলে নরহরির বহু কলেজের অঙ্ককার রেস্টুরাণ্টিতে পরহস্তগত হইতে লাগিল। নিবারণ অতি সহজেই নরহরিতে আত্মসমর্পণ করিল এবং কলেজের সকলে বলিতে লাগিল, নরহরি মাদুর হইয়া উঠিতেছে। এক দিন সন্ধ্যার কিছু পূর্বে নিবারণ নরহরিকে বলিল, “ওহে, আচ্ছা, আমরা মেয়েদের কোর্টে টেনিস পেটা যাক। তোমার যা খেলা তাতে তারা খুশী বই হইবে।”

না।” নরহরি বহু কষ্টে হৃদয়ের আনন্দ-ক্রন্দন সম্বরণ করিয়া ক্লককণ্ঠে বলিল, “আ—ছা।” আজ তাহার কি শুভদিন! যে নিদারুণ বিরহ-বেদনা তাহার জীবন ব্যাপিয়া আজ এতকাল ধরিয়া তাহাকে জীবন্ত করিয়া রাখিয়াছে, বুঝিবা আজ গোধূলির স্নিগ্ধ আলোকে তাহার অবসান হইতে চলিল। হৃদয় তাহার কোন্ এক অজানা আনন্দের স্পন্দনে চঞ্চল হইয়া উঠিল।

“নরহরি, আজ তোমার প্রেমের তপস্বী পূর্ণ হইতে চলিল। ভক্তহৃদিনিঃসারিত রক্তে আজ দেবতা তুষ্ট হইয়া ভক্তকে ঈপ্সিত ধনে পুরস্কৃত করিবেন। নরহরি, যে ক্ষিপ্ত প্রেমজ্বালা তোমায় জীবনের সুদীর্ঘ দিবসগুলির ভিতর দিয়া কুকুরের শৃগাল-তাড়নের মত করিয়া দৌড় করাইতেছিল, আজ বুঝি তাহার কবল হইতে তুমি সফল প্রেমের শাস্তিময় গহ্বরে আশ্রয়লাভ করিতে চলিলে। হৃদয় তোমার আনন্দের অশ্রুজলে সিক্ত সরস হইয়া উঠিতেছে। নরহরি, তুমি সাধক, তুমি তাপস, তুমি বুদ্ধের মত বাস্তব-পঙ্কিতামুক্ত, প্রেমের অনলে তোমার হৃদয় শোধিত স্বর্গের গায় পবিত্র, উজ্জ্বল।”

বুদ্ধের উপরে উর্ধ্বশীর মূর্তিখানি চন্দনে অভিষিক্ত করিয়া, টেনিসের পোষাক পরিয়া নরহরি নিবারণের সহিত মেয়েদের ক্লাবে খেলিতে গেল। পরনে তাহার আর সেই নীল পাঞ্জাবিও নাই, সেই লপেটাও নাই, সেই বিচিত্র পাড়ের বস্ত্রও নাই। সাদা পাতলুন পরিয়া তাহাকে কোন পাশ্চাত্য কবির শ্রামবর্ণ সংস্করণ বলিয়া মনে হইতেছিল। হাতের ব্যাকেটখানা সে তিন আঙুলে ধরিয়া নিজের অস্তরের ঐশ্বৰ্য্যের পরিচয় দিতেছিল।


হঠাৎ সে শুনিল নিবারণ বলিতেছে, “ইনিই নরহরিবাবু, কবি ও দার্শনিক। খুব ভাল লোক। ইত্যাদি।” দেখিল সম্মুখে সুবসনা কমনীয় হাস্তে টেনিস-কোর্ট আলোক করিয়া দণ্ডায়মানা। নরহরির রোমাঞ্চ হইল, কিন্তু সৌভাগ্যবশত তাহার কেশ তৈললিপ্ত থাকাতে সেই রোমাঞ্চের কোন চিহ্ন সেখানে দেখা গেল না।

নিবারণ বলিল, “নরহরি, তুমি এঁর সঙ্গে পার্টনারশিপে খেল, আমি মিস্—এর সঙ্গে খেলছি।” নরহরি এই পার্টনারশিপকে নিদর্শনাত্মকভাবে ব্যাখ্যা করিয়া আনন্দে শিহরিয়া উঠিল।

খেলা আরম্ভ হইল। নরহরি উপযুক্তপরি চার বার সার্ভ করিয়া জালে বল লাগাইয়া দেখিল সুবসনা তাহার দিকে প্রেমপূর্ণ নয়নে চাহিতেছেন। সে বিহ্বল আনন্দে অধীর হইয়া উঠিল। তার পর নিবারণের সার্ভিসের পালা। সে বেশ সজোরে সার্ভ করিল। কিন্তু সুবসনা সে সার্ভিস অত্যন্ত ফিরাটয়া দিলেন। ইতি দেখিয়া নরহরি ক্লিষ্ট হইল।

সে স্ববসনার অতি নিকটে আসিয়া পড়িয়াছে। স্ববসনা তখন মিস্—এর প্রকৃষ্ট একটি লব্ অর্থাৎ উর্দ্ধে উৎকৃষ্ট বল লইয়া ব্যস্ত। তাঁহার মুখে দৃঢ়প্রতিজ্ঞার ভাব আলোর মত ফুটিয়া উঠিয়াছে; ইচ্ছা বলটিকে মাথার উপর হইতে সজোরে আঘাত করিয়া বিপকের কোর্টে ফেলিবেন। তাঁহার এই প্রকার মার কলেজে বিখ্যাত।

নরহরি শুধু এক বার সেই শক্তিময়ীর মুখের দিকে চাহিল। শুনিল কে পরুষকণ্ঠে বলিতেছে, “গেট আউট ফ্রম হার নোজ, ইউ ইউ ডিউট!” তার পর সব অন্ধকার। স্ববসনার ওভারহেড শ্যাশ বলে না লাগিয়া তাঁহার ভক্তের মস্তকেই লাগিল, এবং কলে ভাবপ্রবণ নরহরির মূর্ছা ও পতন। সকলে ভীষণ অপ্রস্তুত হইয়া গেল। তাড়াতাড়ি নরহরিকে



নরহরির মূর্ছা ও পতন

উঠাইয়া একটা ঘরে লইয়া যাওয়া হইল। প্রোফেসর ক— নিকটেই ছিলেন। তিনি আসিয়া দেখিলেন বিশেষ কিছু হয় নাই এবং আঘাতকারিণীকে মিষ্ট ভৎসনা করিলেন। মিষ্ট ভৎসনার কারণ ছিল।

নরহরির তখন সবে জ্ঞান হইতেছে। সব-কিছু আবছায়া ও দুর্কোথ্য লাগিতেছে। সে শুনিল কে বলিতেছে, “মাই ডিয়ার, ইউ আর পারফেক্টলি ডেন্জারাস। ক্যান্সি শ্যাশিং ছাট পুওর ইন্ফ্যান্ট অন দি হেড! তোমার সহধর্মের মধ্যে ডাক্তারী পাঠ চলতে পারে, কিন্তু স্বামীকে অতিক্রম করে পরাক্রম দেখান উচিত নয়।” নরহরি ভাবিতেছিল, কে কাহার স্বামীকে অতিক্রম করিল? এমন সময় নিবারণ বলিয়া উঠিল, “বৌদি, তুমি বাপু বিলেতে গিয়ে উইম্বল্ডনে খেলো। এ প্ৰীহাগ্রন্থ-দেশে তোমার স্থান নেই।”

নরহরি একটা ভয়ঙ্কর সন্দেহের বশীভূত হইয়া উঠিয়া বসিতে গেল। প্রোফেসর ক—
বলিলেন, “আপনি উঠবেন না। কিছুকণ বিখ্যাম করুন। আমার ছী আপনার কাছে
ব’সে অল্পতাপ করুন।”

স্ববসনা তাহার নিকটে আসিয়া বসিলেন। নরহরি সম্ভবত মাথার ঘন্নগাতেই বিকৃত
মুখ করিয়া চক্ষু বুজিল।



হার্জুঁল-রসিদের পুনর্জন্ম

কল্পনাশক্তিকে যদি কোন প্রকারে বিশেষ রকম উদ্দীপ্ত করিয়া তোলা যায় তাহা হইলে নানা-প্রকার অসম্ভব জিনিস মানসচক্ষে দেখা যাইতে পারে। যেমন শোনা যায়, ইংলিস্ক ঔপন্যাসিক এইচ. জি. ওয়েল্‌স মনে মনে বাঘে গরুতে এক ঘাটে জল খাওয়াইয়া মনে পাতি না পাইয়া একদা এক অপরূপ শার্দূল-বণ্ডের শূদ্র-নখর-গলকয়ল তীক্ষ্ণদৃষ্টিসম্পন্ন স্বপ্নচ্ছবি দেখিয়া পুলকিত হইয়া উঠেন এবং পর দিন প্রাতে তাহার বিখ্যাত 'ডক্টর মোরোজ আইল্যান্ড' নামক গ্রন্থ প্রণয়নে প্রবৃত্ত হন। এই গ্রন্থে তিনি ডক্টর মোরোরূপে বিবিধ জন্তর দেখে অস্ত্রচিকিৎসার সাহায্যে মনুষ্যজন্মের বিকাশ করান ও অবশেষে ঐসকল জন্তু-মানবের হস্তে ধ্বংসিত হইয়া উপন্যাসের সমাপ্তি করান। এইরূপ কল্পনা-প্রভাবে আরও বহু গ্রন্থকার অভিনব ও অসম্ভব বহু জীব ও জড়ের সাক্ষাৎ পাইয়াছেন। কেহবা রক পক্ষীর একটি মাত্র ডিঙে সহস্র অমলেট প্রস্তুতের উপকরণ পাইয়াছেন। কেহ কোন বোতল অথবা প্রদীপবাহন দৈত্যের সাহায্যে রাজ্য ও রাজকন্ঠা লাভ করিয়াছেন, কেহবা বেলুনে চক্রলোকে ভ্রমণ করিয়াছেন; কেহ আবার সূক্ষ্ম-গন্ধরে বিশাল নগরী আবিষ্কার করিয়াছেন ও তন্নগরীতে 'ল্যাণ্ড স্পেকুলেশন' করিয়া অশেষ ঐশ্বর্য লাভ করিয়াছেন। কিন্তু কল্পনায় যাহাই পাওয়া যাউক না কেন, সত্যের নিকট যাহা পাওয়া যায় তাহা কল্পনাশীত। এই জগুই ইংরেজ কবি, না দার্শনিক, না আর কেহ বলিয়াছেন,—যাহা বলিয়াছেন তাহার স্থূল মর্ম এই যে, সহসা সম্মুখে সত্যের আবির্ভাব হইলে গল্পের পিতৃনাম-বিশ্বাসি ঘটে। কল্পনাশিখরে আরোহণ করিয়া মানুষ অসম্ভবের চক্রনেমীর দর্শনলাভে পুলকিত হইয়া উঠিতে পারে বটে; কিন্তু সত্য যে চতুর্দিকে অনন্ত বিস্তৃত, তাহার সীমা নাই—কালের কোলে তাহা মানবের, সুতরাং মানব-কল্পনার জন্মের অনন্ত কোটি বৎসর পূর্বে হইতে উপস্থিত, স্থিতির ক্ষেত্রে তাহা মানব-কল্পনাকেন্দ্র এই ব্রহ্মাণ্ডের চতুর্দিকে আরও অসংখ্য ব্রহ্মাণ্ড জুড়িয়া অবস্থিত। সুতরাং গল্প বা উপন্যাস অপেক্ষা সত্য ঘটনাই অধিক রোমাঞ্চিক, লোমহর্ষণকারী, আশ্চর্য্য ও অভাবনীয়। আমি যে কাহিনী বলিতে যাইতেছি তাহা সত্য, অতএব কল্পনাশীত-রূপে কাল্পনিক; অনিলে তাহা অসম্ভব মনে হইলেও তাহা ঘটিত-ঘটনা ব্যতীত আর কিছুই নহে।

শব্দরা জাতিতে ব্রাহ্মণ, নিবাসে অড়ৈয়, স্বভাবে ছিঁচকে ও ব্যবসাতে আমার খাস-বেয়ারা। দৈর্ঘ্যে সে তাহার নিজ হস্তের দারু তিন হস্ত ও মাপকাঠির চার ফুট সাড়ে দশ

ইকি, বর্ষে সে উজ্জল করিব, কেশে টাকপ্রবণ ও চেটোসম্মেও অহুদগত টিকি, দস্তে কদাচ মুচু ও আয়তনে অমিতোদর। শরীর কার্যে তৎপর, খৈর্ষে ফুটবল ও চৌর্ষে পারদর্শী, পারিলে ডাকটিকিট হইতে গরুটুকু চুরি করিয়া চাটিয়া খায় এবং আমার অবর্তমানে আমারই চাহের টেবিলে বসিয়া আমারই অহুকরণে মহোন্মাদে চা পান করে। সে কোন্ শার্ভের সহিত কোন্



.....চা পান করে

সুট মোজা অথবা টাই মানাইবে তাহা ঠিক জানে, পাঞ্জাবি গিলে করিতে অথবা কাপড় কুঁচাইতে সুপটু এবং জুতা পালিশ করিতে অদ্বিতীয়। জাতিতে ব্রাহ্মড় হইলেও তাহার কোন কার্যে আপত্তি নাই, কোন খাণ্ডে অরুচি নাই, শুধু স্বজাতীয় দ্বিতীয় ব্যক্তির সমক্ষে সে সনাতন হিন্দুধর্মের খাচারূপে উপস্থিত হয় এবং গঙ্গান্নান, পূজা-অর্চনা ব্যতীত অপর প্রসঙ্গে কদাচ কোন কথা বলে না।

অতি প্রত্যাষে শরীর আমার নিদ্রাভঙ্গ করে ও চা আনিয়া নাকের ঠিক নীচেই ধরিয়া তদগন্ধে জাগরণ সুসম্পন্ন করে। তৎপরে সে আমার দৈনিক কাগজগুলি আনিয়া টেবিলে রাখে, স্নানের জল ঠিক করে, “বেলা হইল” বলিয়া অতিষ্ঠ করিয়া তোলে ও

আফিসের গাড়ীতে আমার খাতাপত্র পোর্টফোলিও ছাড়াও সব গুণিয়া তুলিয়া দেয়। আফিস হইতে ফিরিলে শহুরা আমার ছাড়া পোষাক ভাঁজ করিয়া রাখে, কোন পকেটের নিরান্না কোণে ব্যাগজট খুচরা রেজকি বা পয়সা থাকিলে আত্মসাৎ করে ও সাক্ষ্যভোজন ও ভ্রমণের ব্যবস্থা করিয়া দেয়। শহুরা গৃহে বন্ধু-সমাগম হইলে ঘাড়করের স্তায় অসম্ভব উপায়ে ছুশ্রাপ্য খাদ্যদ্রব্যাদি আহরণ করিয়া আনে, তাদের প্যাকেট সরবরাহ করে ও নিকটস্থ স্বদেশবাসীর বিপণিজাত তাম্বুল-সস্তারে আসর ভাসাইয়া দেয়।

আমি নিম্নতরীক আইবুড়ো, বয়স অল্প, বেতন অধিক। একান্নবস্তী নহি, সুতরাং গৃহে একান্ন জন নিরক্ষা লোক বসিয়া অন্ন ধ্বংস করে না। আমার গৃহে যে শহুরার স্তায় ভৃত্য বসবাস করিবে ইহা তেমনই স্বাভাবিক যেমন স্বাভাবিক অন্নপ্রোত নদীতে কচুরি-পানা, অন্নবুন্ধি লোকেতে ভার্যা ও অকালপক বালকের মুখে জ্যাঠামি বা বিড়ি।

এ-কেন শহুরা একদা ছুটি লইয়া কোথায় যেন গমন করিল। বাজা-কালে প্রশ্ন করিলাম, "কোথায় বাচ্চিস, কবে আসবি?"

উত্তরে শহুরা বলিল, "ঘর যাইব, বাটতি আসিব; হজুর, বদলি দিল কাজ করিবি।"

বদলি অপর এক জন উড়িয়া, শহুরার গুণগুলির কোনটিই তাহার নাই, দোষের ভাগ কিছু অধিক। কিছু কাল তাহার অভ্যাসের সহ্য করিলাম। অবশেষে এক দিন আমার সাধের মিলিটারি চুলের বুরুষ দিয়া নিজ ঝিকি আঁচড়াইতে দেখিয়া তাহাকে কান মলিয়া গৃহের বাহির করিয়া দিলাম।

অতঃপর একটি কাঁধিনিবাসী বাঙ্গালী ভৃত্য আসিয়া আমার গৃহে আস্তানা গাড়িল। তাহার করকমলের ঘাড়ুর সাহায্যে আমার দৈনিক অভাব কিছু কিছু কমিল বটে, কিন্তু তাহা অপেক্ষা অনেক অধিক কমিল ধুতি, পাঞ্জাবি, গেঞ্জি প্রভৃতি পরিধেয় এবং বাড়িল পান, সিগারেট ও সোডা লেমনেডের বিল। এই ব্যক্তি যে প্রকার অবাধে পরদ্রব্য নিজ অদম্য আকাঙ্ক্ষা ও লোভের গর্হস্বরে লোষ্ট্রবৎ নিক্ষেপ করিত তাহাতে মনে হইত উপযুক্ত শিক্ষা ও সুযোগ পাইলে লোকটা বড় এক জন রাষ্ট্রনেতা হইয়া উঠিতে পারিত।

আমি লোকটা কিছু শাস্তিপ্রিয় ও নির্ঝিবাদী। সেই জন্ত এই মহাপুরুষের সুখ স্বাস্থ্যের জন্ত বহু অর্থ ব্যয় ও কষ্ট স্বীকার করিয়াও তাহার চরিত্রহীনতার বিরুদ্ধে লড়াই করিবার আমার প্রবৃত্তি হইত না। আর যাহাই হউক লোকটি ভদ্র ছিল। সে আমার চিরুণী বুরুষ ব্যবহার করিত না, আমার হিসাবে দোকান হইতে নিজ ইচ্ছামত দ্রব্যাদি ক্রয় করিয়া লইত। আমার জামা জুতা সে সম্বন্ধে এক পার্শ্বে রাখিত ও আমার খরচে প্রস্তুত নিজের কাপড়-চোপড় লইয়াই সঙ্কট থাকিত। সে লেখা পড়া কিছু কিছু জানিত এবং লম্বা লম্বা কাগজের ফালিতে ইংরেজীতে তারিখ ও বাংলায় হিসাব লিখিয়া আমার নিকট উপস্থিত করিত—পয়সা আদায় করিবার জন্ত। আমি হিসাব না দেখিয়াই তাহাকে অর্থ দান করিয়া মুক্তি লাভ করিতাম। লোকটা আমার শহুরার অভাব কথকিং দূর



বহু-বাক্যের সময়েই অকিঞ্চিৎকর ব্যবহার... "দাদা, দাদা" বসিতে বসিতে আশার কোমল আশিরা বসিরা পড়িল।

করিয়াছিল। তার নাম ছিল চৈতন্য, কিন্তু এক দিন বধন সে সন্ধ্যাকালে সব খাইয়া আমার অনেকগুলি বন্ধু-বান্ধবের সম্মুখেই অর্ধচৈতন্য অবস্থায় টলিতে টলিতে বৈঠকখানায় প্রবেশ করিয়া আধ আধ কর্তে "দাদা, দাদা" বলিতে বলিতে আমার জোড়ে আসিয়া বসিয়া পড়িল ও হাউ হাউ করিয়া কাঁদিতে লাগিল, তখন তাহাকে ঘাড় ধরিয়া রাজপথে নিজ বর্ধা সহোদরের সন্মানে বাহির না করিয়া দেওয়া ছাড়া অন্য উপায় আর রহিল না।

তার পর আসিল রাখাল। বাড়ী পূর্ববঙ্গে। বেজায় 'পেট্রিয়ট'। দিন কয়েক কাজ করিয়া এক দিন বিরুদ্ধ আদেশ সত্ত্বেও বদেশী দিয়াশলাই আনিয়া দিয়া আমার পকেটে আশুন ধরাইয়া দেওয়ার জন্য তিরঙ্কৃত হইয়া সে চাকুরিতে ইস্তফা দিয়া চলিয়া গেল। যাইবার সময় বলিয়া গেল, "আপনার মত লোকেদের জগুই এ দেশের এ দুর্গতি" এবং সঙ্গে লইয়া গেল আমার একটি সুইস-মেড হাত-ঘড়ি, একখানা রোজাসের ছুরি ও এক বাস্ম হাতানা সিগার।

শঙ্করা না থাকায় বাড়ীখানা যেন বিশ্বের চোর জোচোর ও অকর্ম্মার গুয়েটিং ক্রম হইয়া উঠিয়াছে। কেহ আজ আসে, কাল যায়, সঙ্গে লইয়া যায় কিছু। কাল অপর কেহ আসে—সেও তজ্জপ। অর্থাভাব নাই, যৌবন আছে তাই এ সকল যন্ত্রণার ভিতরেও বাঁচিয়া আছি; এমন কি স্বচ্ছন্দে খাই-দাই, আড্ডায় বসি ও ঘুমাই।



সকাল বেলা। ঘুম হইতে উঠিয়াছি কি উঠি নাই ঠিক বলা যায় না। বাহিরে টেরিয়ার কুকুরটা বিকট রবে কাহাকে যেন খেঁকাইয়া উঠিল, কে যেন পরিচিত স্বরে কি বলিল, কুকুরটাও চূপ করিল। চেনা ধরণের পায়ের আওয়াজ, রেওয়াজ মত দরজায় টকটক করিয়া ঘা দিয়া কে যেন ঘরে ঢুকিল। চোখ চাহিয়া বাহা দেখিলাম তাহাতে বিশ্বয় যেন স্থলস্থ লাভ করিয়া কামারের হাতুড়ির মতই আমার মস্তকে ধাঁই করিয়া পতিত হইল।

দুর্গা, দুর্গা! হরি হরি! রাধা মাধব!

শঙ্করা আসিয়াছে, কিন্তু এ কি ভীষণ দৃশ্য! তাহার মস্তকে ফেজ, পরণে লুঙ্গি এবং 'হে ডগবান এ কি দৃশ্য!'-মুখের উপর তাহার ঘন কৃষ্ণ দাড়ি। তাহার সেই ঘোর কৃষ্ণ স্নুলাধরোষ্ঠ কুতকুতে-চক্ষু বদনচন্দ্রের উপর ভাঙ্কুরের মস্তকে মুকুটের জায় ফেজ-ক্যাপ শোভমান। আর তাহার সে দাড়ি! সে দৃশ্য আমরণ আমার মানস-ক্ষেত্রে স্থম্পাষ্ট অঙ্কিত থাকিবে যেন আন্তাকুড়ের গায়ে ফণীমনসার ঝাড়। কি রকম একটা দারুণ ক্রোধ আমায় সহসা আক্রমণ করিল বলিতে পারি না। এতটা বিশ্বাসের

কল মন্তব্য : হাক্কিয়া উঠিলার, "দুয়ার কাঁহাকা, সকালে এসেছিল বহরুপী সোজা ভাবানো করতে। বোরো বাড়ী থেকে এখনি, নইলে ছুঁজিয়ে হাড় স্বেছে দেব।"



তাহার মন্তকে ক্ষেজ, পরণে লুঙ্গি

শহুরা আমার পায়ের কাছে সটান শুইয়া পড়িল ও আর্ন্তকণ্ঠে বলিতে লাগিল, "হুজুর মা বাপ, বহরুপী হইবি কি, হুজুর, মুসলমাড় হইল।"

আমি বলিলাম, "সর্বনাশ! সে কিরে ব্যাটা, মুসলমান হ'তে গেলি কেন? বামুনের ছেলে, এ রকম ভূতে ধরলে তোকে কি ক'রে?"

শহুরা কাঁদিয়া কাঁদিয়া যাহা বলিল, তাহাতে বুঝিলাম, যে তাহার বড় একটা দোষ নাই; সে একে উড়িয়া তায় অল্পবয়স্ক এবং কায়দাদোরস্ত। ছুটি লইয়া বাড়ী যাইবে বলিয়া

সে বাহির হইয়াছিল, কিন্তু ট্রেনে কথার কথার এক বৃদ্ধ মুসলমান ও তাহার নাতিনীর সহিত পরিচয় হওয়াতে খড়্গপুরে নামিয়া পড়ে। বৃদ্ধ তাহার আদব-কায়দা ও কথাবার্তায় খুবই সন্তুষ্ট হয় এবং প্রস্তাব করে যে, শঙ্করা যদি স্থগ্য কাকের-ধর্ম ত্যাগ করিয়া পবিত্র এহলাম-ধর্ম পরিগ্রহণ করে, তাহা হইলে তাহার সন্ত-ঘোষনা নাতিনীকে ধর্মপত্নীরূপে পাইতে পারে। যে-প্রেম কনিকের জন্ত স্বয়ং স্বয়ম্ভুব মহাদেবকেও অভিতুত করিয়াছিল, যে-প্রেম মহৎবংশজাত নৃপতি-তনয়কে ধীবর-কন্যার অমুগ্রহ ভিক্ষা করাইয়াছে, যে-প্রেমের তাড়নায় অনন্ত জ্ঞানের আধার শ্রীকৃষ্ণও আত্মবিস্মৃত হইয়াছেন, যে-প্রেমে পাণ্ডুপুত্র ভীমসেনের সহিত রাক্ষস-চুহিতা হিড়িম্বার মিলন হইয়াছিল, যে-শক্তির ব্যাধানে শত সহস্র কবি আত্মনিয়োগ করিয়াছে ও যাহার পূজায় জগতের শ্রেষ্ঠ শিল্পী ও সাহিত্যিক নিযুক্ত, আমার অশিক্ষিত গরিব বেচারী ভৃত্য শঙ্করা সেই প্রেমেরই ধাক্কায় টাল সামলাইতে না পারিয়া অপর ধর্মের গহ্বরে পতিত হইয়াছে। ইহাতে তাহার দোষ কি? রূপবতী যুবতী নায়িকার আকর্ষণে কত শত অতিমানব সর্বত্যাগী হইয়াছে—এক জন উড়িয়া ব্রাহ্মণ তাহার জন্ত ধর্মত্যাগ করিবে ইহাতে আশ্চর্য্য হইবার কি আছে? যাহার প্রভাবে মানব-হৃদয়ে নিত্য নূতন ভাব, ব্যাকুলতা, বিরহ, কিংকর্তব্যবিমূঢ়তা, অকারণ চাঞ্চল্য, ক্রন্দনেচ্ছা, আত্মঘাতেচ্ছা আরও কত কি সতত স্রুত গজাইয়া উঠে, তাহার প্রভাবে যে এক জন নিরক্ষর অল্পবুদ্ধি উড়িয়া ভৃত্যের মুখে দাড়ি গজাইবে ইহাতে অভাবনীয় কি আছে? যে মিলনাকাজির ধাক্কায় মানবের হৃদয় উৎক্লিষ্ট হইয়া অধরোষ্ঠে আসিয়া সংলগ্ন হয়, ক্ষুধা মাথায় উঠে, চক্ষু কপালে উঠে, তাহা যে এক উড়িয়ার মস্তকে একটা বিদেশীয় টুপি উঠাইবে তাহাতেই বা অসম্ভব কি আছে?

আমি বলিলাম, “শঙ্করা,.....”

শঙ্করা বলিল, “হজুর, শঙ্করা নাম ছাড়ি দিলা; নৃতড় নাম হারুড়ল-রসিদ হইল।”

আমি চটিয়া বলিলাম, “ব্যাটা, তবে তোর চাকরি গেল; হারুগল-রসিদ কি জাহাঙ্গীর বাদশ। ইতে চাস তো তোর খড়্গপুরের বিবির কাছে ফিরে যা। এখানে তোর জায়গা হবে না।”

শঙ্করা মুসলমান হইলেও হৃতবুদ্ধি হয় নাই। সে দুই পাটি দাঁত বাহির করিয়া বলিল, “হজুর, হারু বলিবে আমাকে।”

আমি দেখিলাম, তাহাতে ক্ষেপ্তর নাই। তা ছাড়া আমার অত মুসলমান-বিষেবও নাই। চাকর হইলেই হইল, তার পর সে নমাজ পড়িয়া চুরি করে অথবা গায়ত্রী আওড়াইয়া চুরি করে তাহাতে আমার বায় আসে না।

হারু আমার গৃহে আবার মোতায়ন হইল। সবই ঠিক আগের ন্যায়, শুধু তফাৎ পোষাকে ও দাড়িতে। পূর্বে শঙ্করা কোন অত্যধিক রকম চুরি কি ঠকামি করিলে যদি

আমি কোন প্রকার ভয়ঙ্কর করিতাম তাহা হইলে শৈশবে মিথ্যা কথা বলিয়া সে নিজের সত্যতা প্রমাণ করিত। এখন সে কথায় কথায় আতা ও কোরাড় শরীফ সাকী করিয়া নিজের অস্তরগুলিকে জ্ঞায় করিয়া তুলিত।

তাহার যে কোন পরিবর্তন হইল না তাহা নহে। সে নিজের পুরাতন বন্ধুবান্ধব-দ্বন্দ্বকে ত্যাগ করিয়া এক দল বিড়িওয়ালার সহিত জুড়িয়া গেল। তাহার উাহাকে 'এই উড়িয়া' বলিয়া ডাকিত কিন্তু অপর সকল বিষয়ে নিজের সহিত একভাবেই দেখিত। শুধু এক দিন শুনিয়াছিলাম হারু কাহাকে গালি দিয়া বলিতেছে, "শড়া, অড়িয়া অছি তো হইবি কি? তোর বাপর কি, তুর কি? শড়া, তোর আপড় বাপ চমার খিলি।" বুঝিলাম আভিজাত্যলোভী কোন অনির্দিষ্ট দেশী বিড়ি কিম্বা গাড়ীওয়ালার সহিতই হারু যুক্তিতেছে; এইরূপ বন্দ কিস্ত আমার জানে আর হয় নাই।

৪

হারু দিন কতক হইতে কি-রকম বেন উসখুস করিতেছিল। একবার বলিল, "খড়গপুর বাইব।" তাড়া দিয়া বলিলাম, "ব্যাটা, এই সে দিন পাঁচ রাত্রি কাটিয়ে এলি তোর খণ্ডরখানাংমে আবার যেতে চাস, লজ্জা নেই? ঘাস তো একেবারে ঘাবি।"

হারু মুখ কাঁচুমাচু করিয়া বলিল, "বেমারী....."

আমি ধমক দিয়া বলিলাম, "চূপ রও। যানে গা তো এক পয়সা তলব নাহি মিলে গা, আউর জুতি মারকে জান লে লেগা। পুলিসমে দেগা, জাহেল যায়গা আউর কুজাসে কাটায়গা, আউর..." আর কিছু ভয় দেখাইবার মত না পাইয়া বলিলাম, "আউর তুম চূপ রও একদম।"

আমি হিন্দী বলিলে হারু সত্যই ভয় পাইত। সে আর কিছু না বলিয়া বিড়বিড় করিয়া 'খোদার কশম' না কি আওড়াইতে আওড়াইতে নিজের ঘরে চলিয়া গেল। আফিস যাইবার সময় দেখিলাম ভীতচক্রে সে একখানা পোষ্ট কার্ডের দিকে চাহিয়া আছে, সম্ভবত ঘামিতেছেও।

আফিস হইতে ফিরিয়া যাহা দেখিলাম সে এক বিরাট অভিনয়। আমার বাড়ির গেটের এক পাশে কতকটা জায়গা পড়িয়াছিল। সেখানে বহু লোকসমাগম হইয়াছে। সকলেই পরস্পরকে কি সব বলিতেছে। প্রায় সকলেই উড়িয়া এবং এক আধ খণ্ড সীসার পাইপ অথবা কোন পাইপ মেরামত-সংক্রান্ত হাতিয়ার হস্তে। জনসঙ্ঘের মধ্যপ্রদেশ

হইতে একাধিক বামাকণ্ঠের তীব্র কাংশ্বনি মুহূর্ত্ত উখিত হইয়া চতুর্দিকের আবহাওয়ায় চাকলোর সৃষ্টি করিয়াছে। কে যেন আর্তনাদ করিতেছে ও কাহারো যেন পুরুষকণ্ঠে অপর কাহার উদ্দেশ্যে উৎসাহবাণী উচ্চারণ করিতেছে।

আমি গাড়ী হইতে ঘাড় উচাইয়া কিছু দেখিতে না পাইয়া দোতলায় চলিয়া গেলাম। সেখানে একদিকের বারান্দা হইতে ঘটনাক্ষেত্র অবধি চক্ষে দেখা যায়। আমি যাহা দেখিলাম তাহা ভীষণতা ও হিংসায় প্রাগ্‌ঐতিহাসিক, প্রাণবানতা ও প্রথরতায় বান্দী, বেদব্যাস অথবা হোমারের বর্ণনার উপযুক্ত এবং নারীশক্তির অভিব্যক্তিতে দশমুখের একত্রাবির্ভাবের সমতুল্য।

চতুর্দিকে দলে দলে সশস্ত্র উড়িয়াগণ দণ্ডায়মান। মধ্যে একটুখানি ফাঁকা জায়গা, তাহার এক পার্শ্বে এক জন উড়িয়া ব্রাহ্মণ আশ্রয় জালিয়া কি যেন করিতেছে। হস্তে তাহার এক তাল গোময় ও একটা খলিতে আর যেন কি সব রক্ষিত। অপর এক পার্শ্বে এক জন উড়িয়া ক্ষৌরকার একমনে একটি ক্ষুর শানাইতেছে। তাহার মুখে একটা নিস্পৃহ অবিচলিত হাস্যময় ভাব—যেন বলির সম্মুখে খড়্গ হস্তে পুরোহিত। মধ্যে হারু। সে কখন শূণ্ণে দৌহুলামান কখন ভূমিতে নিক্ষিপ্ত। তাহার উভয় পার্শ্বে তাহারই এক একটা কর্ণধারণ করিয়া অবস্থিত দুইটি মহিষমর্দিনী সদৃশ উড়িয়ানী। বিভীষণা বিকটদশনা সেই নারীদ্বয়ের কবলে হারু বিড়ালের মুখে নেংটি ইঁদুরের গায় নিস্তেজ ও নিষ্কীব। তাহাকে উক্ত স্ত্রীলোকদ্বয় কখন বাঁকি দিয়া খাড়া করিয়া দিতেছে কখন বা মাটিতে আছড়াইতেছে। নির্মম পুরুষগণ কাতারে কাতারে অবিচলিত চিত্তে স্বজাতীয় অপর এক পুরুষের এই অবমাননা দেখিতেছে—কেহ কেহ বাহবা দিতেছে। তার পর অতি অল্পকণের মধ্যেই সব শেষ হইল। মুণ্ডিতশস্ত্র হারু গোময় ভোজন করিয়া ও অপর প্রকার আর্থিক ও দৈহিক শাস্তি ও লাঞ্ছনা ভোগ করিয়া মুক্তি লাভ করিল।

স্ত্রীলোক দুই জন গর্ভিতমুখে নিজেদের স্থলবপু সঞ্চালনে ভিড় ভাঙ্গিয়া কোথায় যেন চলিয়া গেল। উড়িয়াগণও বিদায় হইল। রহিল শুধু কয়েকটা ছোকরা উত্তেজিত কথোপকথনে নিযুক্ত।

হারু উপরে আসিলে পর আমি বলিলাম, “হারু—”

হারু ব্যথিত কণ্ঠে বলিল, “হুজুর, হারুডল-রসিদ মরিল। আমি শঙ্করা।”

আমি বলিলাম, “কি সর্বনাশ, এর মধ্যে তোমার রাজত্ব শেষ হয়ে গেল? এখন বোগদাদের কি গতি হবে? ঐ খুনে মেয়েমানুষ দুটো কে রে?”

শঙ্করা উত্তর দিল, “আমার স্ত্রী।”

আমি অবাক হইয়া বলিলাম, “বাবা, তোমার সাহস আছে শঙ্করা! তুই অমন দুটি রেলের ইঞ্জিন ঘরে থাকতেও কোন্ সাহসে গিয়েছিলি আবার বিবি আনতে? তোমার ভয় ডর নেই? এখন তোমার বোখারার আমদানী খড়্গপুরের বিবির কি গতি হবে?”



বিভালের মূৰ্খ নেংটি ইহুয়ের স্থায়

শঙ্করা ম্লান মুখে বলিল, “তালুক দিব।”

আমি শেষ প্রশ্ন করিলাম, “আর এ ব্যাটারী তোকে আবার জ্বাতে নেবে তো। না, একুল ওকুল ছুকুল যাবে তোর?”

শঙ্করা বলিল, “নিবি না তো কি? পয়সা দিল, শুদ্ধি হইল, নিবি না তো কি?”



দি গ্যাশনাল সাইক্লোপিয়ান লীগ

অচ্যুতবাবু আফিসের ফিরতি-মুখে ট্রেন-টাইম হয় নাই বলিয়া একটু গা টিলা দিয়া চলিতেছিলেন। তিনি সকল ব্যক্তিকে ভাল করিয়া নিরীক্ষণ করিয়া অগ্রসর হইতেছিলেন এবং সকল ব্যক্তিও তাঁহাকে উত্তমরূপে পর্যবেক্ষণ করিতেছিল। কারণ, অচ্যুতবাবুর দেহটি প্রমাণ সাইজের কিছু উপরে। দেহের গঠনের মধ্যে সচরাচর যে পরিমাপ-গত বৈষম্য দেখা যায়, অচ্যুতবাবুর কলেবরে সে সকলের প্রায় কোনই লক্ষণ ছিল না। দৈর্ঘ্য ও প্রস্থের, ঘাড় ও গর্দানের, বুক ও পেটের মধ্যে যে সকল পার্থক্য অহরহ পথে ঘাটে লক্ষিত হয়, অচ্যুতবাবুর নিটোল শরীরে সে সকলের একান্তই অভাব। সার্ক চারি মণ অচ্যুতবাবু বহুবিজ্ঞাপিত আধুনিক নার্সারিজাত কোন অভি-অলাবুর জায়ই পথ বাহিয়া চলিতেছিলেন, বোটা ছেঁড়া কলেরও যে প্রাণ থাকে তাহারই একটি জীবন্ত প্রমাণের মত।

টাউন-হলের কাছাকাছি আসিয়া অচ্যুতবাবু অহুভব করিলেন ভিড়টা যেন একটু অধিক। কারণ অহুসন্ধান করিবার জন্ত ঘাড় নাড়িবার ব্যর্থ চেষ্টা না করিয়া যথাসম্ভব ইতস্তত তাকাইয়া দেখিলেন, বহু লোক টাউন-হলের সিঁড়ি বাহিয়া উপরে উঠিতেছে। বুঝিলেন মিটিং। ট্রেনের তখনও প্রায় দেড় ঘণ্টা বিলম্ব, তাই অচ্যুতবাবু স্থির করিলেন, কিয়ৎকাল জাতীয়জীবন-প্রবাহে অবগাহন করিয়া চিন্তাশক্তি করিয়া লইবেন। আধুনিক জীবনে মিটিং করা তীর্থ করার সামিল, ভোটযুদ্ধ ধর্মযুদ্ধের সমান। পূর্বের ধর্মপ্রাণ লোকে কীর্তন করিয়া 'দশা' পাইতেন, বর্তমানে তাঁহারা অর্থহীন বক্তৃতা করিয়া জ্ঞান হারাইয়া সেই আদর্শ বজায় রাখেন। পূর্বকালের টিকি ও বর্তমানের গান্ধী-ক্যাপ, পূর্বের উপবীত ও বর্তমানের খন্দর, পূর্বের কাশীবাস ও এখনকার জেলে বাস ইত্যাদি অপরাপর সাদৃশ্যও অনেক আছে। তাই অচ্যুতবাবু ভাবিলেন, আফিসের দাসত্বপাপ টাউন-হলের অদম্য স্বাধীনতার শ্রোতে কথঞ্চিৎ কালন করিয়া লইবেন। কিন্তু হায়, এ প্রতিযোগিতার যুগে পুণ্য করিতে হইলেও না বুঝিলে চলে না। টাউন-হলে যত লোক ধরে তাহা অপেক্ষা অধিক লোক তথায় প্রবেশ করিতে চাহিলে কাহাকেও না কাহাকেও যে বাহিরে থাকিতেই হইবে এ কথা কে না বুঝে! তাই ভিড়ের সহিত মূলদেহে কিয়ৎকাল ধস্তাধস্তি করিয়া অচ্যুতবাবু দেখিলেন যে, শ্রোতের বিপরীতগামী সস্তরণকারীর গায় তিনিও পশ্চাত্তানে বহু দূর অগ্রসর হইয়া আসিয়াছেন। উচ্চ আদর্শে বিফল, ব্যর্থচিত্ত অচ্যুতবাবু অগত্যা ট্রাম ধরিয়া হাওড়ার পথে চলিলেন। ট্রেনের তখনও বিলম্ব ছিল তাই তিনি ইস্টারের

টিকিট লইয়া দ্বিতীয় শ্রেণীর গয়েটিং কমে চুকিলেন। যথালভ, গয়েটিং কমে কু-সিলটেম তখন প্রবর্তিত হয় নাই। ঠকাইয়া ছারপোকীর কামড় খাইতেও স্থখ হয়।

একখানা 'মহাশক্তি' পত্রিকার পাতায় চোখ বুলাইতে বুলাইতে অচ্যুতবাবু চুলিতে লাগিলেন। যুমস্ত চোখের সম্মুখে স্বপ্নছবি; কখন দেখিলেন যেন একটা চরখা ছোট হইতে ক্রমে বাড়িতেছে। বাড়িতে বাড়িতে সূর্যের পথ অবরুদ্ধ করিয়া প্রলয়ের চক্রের স্তায় ঘুরিতেছে। সে ঘূর্ণীর পাকে পড়িয়া সৃষ্টি পের্জা তুলার অবস্থা প্রাপ্ত হইয়াছে। যেন কোন অদৃশ্য অঙ্গুলি তাহা হইতে অনায়াসে সূতা কাটিয়া চলিতেছে। বিরাম নাই, তুলার শেষ নাই, সূতারও শেষ নাই। আবার নূতন ছবি, কে যেন বলিতেছে, "দেশের সকল ছারপোকা অরপ্যানাইজ করিয়া ইংরেজদিগের পিছনে লেলাইয়া দিলে অচিরে স্বরাজ লাভ হইবে।" আর এক জন বলিতেছে, "না না, অহিংসার পথই শ্রেষ্ঠতর পথ।" আবার পটপরিবর্তন— অনন্ত শৃঙ্খল বন্ধ চিরিয়া কালির বস্তা ছুটিয়া বাহির হইয়া আসিল ও শূন্যে লিখিত হইল, "শুধু ভুল বকিয়া যাও, ভুল লিখিয়া যাও; ইংরেজী ভুল, বাংলা ভুল, হিন্দী ভুল; সকল ভাষা ভুলের ভেজালে এমন হইয়া উঠিবে যে, ইংরেজ পিতৃনাম বিশ্বত হইয়া মস্তকে ভিজা তোয়ালে জড়াইয়া এ দেশ ত্যাগ করিবে। শরীরে কাবু করিতে না পারিলেও ইংরেজকে মস্তিকে কাবু করিতে আমাদের বেশীক্ষণ লাগিবে না।" অচ্যুতবাবু শিহরিয়া জাগিয়া উঠিলেন। যাহা দেখিলেন তাহাতে তাহার মন প্রাণ যুগপৎ আনন্দ ও বিষ্ময়ে অভিভূত হইয়া গেল। পৃথিবীতে কখন কখন আপনা হইতে একরূপ ঘটনা ঘটিয়া যায় যাহার



প্রথম মিলন

ফল বহু দূর পর্যন্ত পৌছায় অথচ তাহার মূল অহুসকান করিলে কোন বিধিব্যবস্থা দেখা যায় না। এই সকল মহা মহা আকস্মিক ঘটনার কারণ গ্রহবৈগুণ্য বাতীত আর

কিছু বলিতে আমরা পারি না। অচ্যুতবাবু দেখিলেন তাঁহার তত্ক্ষণাত্বে আরও পাঁচ জন লোক ওয়েটিং রুমে আসিয়া উপবিষ্ট হইয়াছেন। তাঁহারা সকলেই আরও অচ্যুতবাবুর সমতুল্য, উনিশ বিশ হইতে পায়ের কিল্ল কেহই তাঁহাদের পাজ নহেন।

আকৃতিগত বা চরিত্রগত সাদৃশ্য থাকিলে মানুষ স্বভাবতই মানুষের প্রতি আকৃষ্ট হয়। সুতরাং অতি শীঘ্রই অচ্যুতবাবুর সহিত আনন্দবাবু, গোবর্দ্ধনবাবু, সহায়রামবাবু, চিন্তামণিবাবু ও ঘটাবাবুর বেশ আলাপ জমিয়া উঠিল। সকলেই ভেলি প্যাসেঞ্জার, সকলেই কেরানি এবং প্রত্যেকেই সকল বিষয়ে অসন্তুষ্ট। কিছু কাল নানান বিষয়ে আলাপ হইবার পর ঘটাবাবু বলিলেন, “আর মশাই, যেখানেই যাই, বত ব্যাটা সিটকে চীৎকার ক’রে ওঠে ‘ঐরে, ঐ মোটাটা আসছে, এবারে চার জনের জায়গা জুড়ে বসবে।’ বলি, মোটা হয়েছে তা নিজের পেয়েই হয়েছে, তোমারও গাঁটে কড়ি থাকলে আর হজম করবার ক্ষমতা থাকলে তুমিও মোটা হ’তে।”

সহায়বাবু বলিলেন, “যা বলেছেন মশায়। এর একটা বিহিত করা দরকার। এখন দিন কাল এমন যে লোকে বোঝে না রোগা মোটার তফাৎ কি। সমস্ত জাতটা যে রোগা হ’তে হ’তে নিরাকার হয়ে যাবার পথে চলেছে তা কি কেউ বোঝে? ৩৫১৩ সন নাগাদ বাবাজিদের সব মাকড়সায় গিলে থাকবে, দেখবেন এখন। মোটামোটা লোকেরা হচ্ছে প্রাচীনপন্থী। জীবনী-শক্তি আছে মশায়, তাই তো যা খাই গায়ে লাগে। তা নইলে ঐ ফুটো কাঁসার মত, এক ফোঁটা জল ধরে না অথচ খ্যানখ্যানানির চোটে হুনিয়া মাং, ওতে কি হবে?”

আনন্দবাবু উত্তেজিত কণ্ঠে গলকঙ্কল সদৃশ চার থাক চিবুক তরঙ্গায়িত করিয়া বলিয়া উঠিলেন, “এজিটেশন করা দরকার মশায়, এজিটেশন আর প্রপ্যাগাণ্ডা দরকার, তা নইলে কিছু হবে না। এ যেন রাঘব বোয়ালের বুকে কুঁচো চিংড়ি লাথি মারে! হাঘরে হায়; আমরা যে ওদের পিষে মেরে ফেলতে পারি।”

অচ্যুতবাবু এতক্ষণ চুপ করিয়া ছিলেন। তিনি গলাটা পরিষ্কার করিয়া লইয়া বলিলেন, “তা আসুন না একটা পার্টি গড়া যাক। একথা ঠিক জানবেন, আমাদের যা পারসোনালিটি আছে তাতে আমরা অবশ্য দেশব্যাপী একটা আন্দোলন করতে পারব। একটা নতুন ভোটনীতি খাড়া করা যেতে পারে। ‘ভোট অ্যাক্টিং টু ওয়েট’ অর্থাৎ কিনা যে মানুষের ওজন যত তাই দেখে তার ভোট তত কম বেশী হবে। এক মণ ওজন এক ভোট, দু মণ দু ভোট, তিন মণ তিন ভোট এই রকম, বুঝলেন না?”

চিন্তামণিবাবু স্বল্পভাষী লোক বেশী কথা বলিলে হাঁপ ধরে, তিনি বলিলেন, “হঁ হঁ হঁ... শুভস্তু শীঘ্রম্... হঁ হঁ হঁ।”

আনন্দবাবু বলিলেন, “ঠিক বলেছেন, বাঙালীর স্নেন, একটা ড্রাফ্ট কমিটিটিউশন খাড়া ক’রে ফেলে এক দিন প্রভিঞ্চনাল মিটিং ক’রে সব ঠিকঠাক ক’রে ফেলা যাক আর কি? দেরি ক’রে লাভ কি?”

কথায় বলে যে জিনিষ যত অল্পক্ষণ জলন্ত থাকে তাহাতে আগুন ধরে তত শীঘ্র, আর তাহার প্রথম হলকা তত প্রবল হয়। যেমন খড়ের গাদার আগুন আর কয়লার গাদার আগুন। একটা দপ করিয়া জলিয়া ওঠে আর চট করিয়া নিভিয়া যায় আর অপবটি ধরিতে সময় লাগিলেও জলে বহুক্ষণ ধরিয়। আমাদিগের ষড়-বিপুলের উৎসাহ ঠিক বাংলার রেওয়াজ যত হঠাৎ এবং প্রবল বেগে জলিয়া উঠিল। মেন লাইন, নিউ কর্ড ও বি এন আরের বিভিন্ন ট্রেন ধরিয়। উপরোক্ত ছয় মহাপুরুষ গৃহগামী হইবার পূর্বেই স্থির হইয়া গেল যে, অবিলম্বে 'দি গ্রাশনাল সাইক্লোপিডিয়ান লীগ' নাম দিয়া এই বিরাট সংস্থার পত্তন করা হইবে।

২

অচ্যুতবাবু, ঘটাবাবু প্রভৃতির ইচ্ছা ছিল যে শেষ অবধি তাঁহাদের লীগের ত্রাণ ভারতের সর্বত্র প্রতিষ্ঠিত করিবেন; কিন্তু বর্তমানে শুধু বাংলা দেশে তাহার কার্য



অতিকার-সংঘের শহর প্রদক্ষিণ

চালাইবেন স্থির করিলেন কারণ বাংলা দেশে বৃহদায়তন জমিদার, উকিল, আফিসের বড়বাবু, দালাল, উত্তমর্ণ প্রভৃতির অভাব নাই, এবং সিদ্ধিদাতা গণেশের সহিত সাদৃশ্য বশত উক্ত আকৃতির লোকেরা সাধারণের শ্রদ্ধার পাত্র না হইলেও আকর্ষণের বস্তু অবশ্যই বটে। অচ্যুতবাবুরা এক জন শেয়ারের দালালের সহিত বন্দোবস্ত করিয়া তাহার টেলিফোনটা ব্যবহার করিবার অসম্মতি লইলেন। তাহার বাড়ির দরজায় একটা সাইন বোর্ডও লাগাইলেন। তাহারই বৈঠকখানায় তাঁহাদের ছয় জনের একটা

বিরাট সভা হইল। সভায় স্থির হইল যে, যেহেতু শারীরিক, মানসিক, সামাজিক, আধ্যাত্মিক, রাজনৈতিক ও অন্যান্য বিভিন্ন কারণে বাংলা দেশের অতিকায় ব্যক্তিবর্গের ব্যক্তিগত ও সমষ্টিগত উন্নতি অপরূপ মণ্ডলীর ও সম্প্রদায় সমুদয়ের উন্নতির সহিত একাভিমুখী নহে, সেই জন্য উক্ত অতিকায় ব্যক্তিগণ সভায় স্থির করিতেছেন যে, প্রথমত, সরকার বাহাদুরকে স্বীকার করিয়া লইতে হইবে যে 'জ্ঞানমাল সাইক্লোপিডিয়ান লীগ' একটি বিশেষ সম্প্রদায়; দ্বিতীয়ত, সরকার বাহাদুরকে উক্ত সম্প্রদায়ের সভ্যবর্গের অন্য বিশেষ প্রতিনিধি প্রেরণ ও ভোট দানের ব্যবস্থা করিতে হইবে (ওজন অনুপাতে ভোটের সংখ্যা কম বেশী হইবে এই আদর্শের পত্তন ঐ সভা আকাশকরেন); তৃতীয়ত, অতিকায় ব্যক্তিদিগের জন্য সরকার বাহাদুরের বিভিন্ন ক্ষেত্রে বিশেষ বিশেষ সুবিধাজনক ব্যবস্থা করা অবশ্য কর্তব্য, যথা—(১) রেলগাড়ীতে তাহাদিগের জন্য বিশেষ কামরা নির্ধারণ করা। সেই সকল কামরাতে 'টু সিট সিক্সটিন' না লিখিয়া 'টু সিট ফোর' (অথবা ঐ অনুপাতে) লিখিতে হইবে। সেই সকল কামরার দরজা দ্বিগুণ চওড়া করিতে হইবে। (২) সকল সরকারী আফিসে অতিকায়দিগের জন্য লিফ্টের ব্যবস্থা করিতে হইবে। (৩) ট্রামে ও বাসে অতিকায়দিগের জন্য অতিরিক্ত চওড়া সীট দিতে হইবে.....ইত্যাদি ইত্যাদি।"

'মহাশক্তি' আফিসে এক জন ইতিহাসে এম. এ. পাস ছোকরা পোলিটিক্যাল নোটস লিখিত। তাহাকে কিছু সাকার ও নিরাকার আপ্যায়ন করিতেই সে এই বিরাট সভার একটা বিরাটতর রিপোর্ট বিরাটতম হেডিং-টাইপ দিয়া ছাপাইয়া দিল। মহাশক্তি এই সভার অধিবেশনের রিপোর্ট ছাপাইয়া নিয়লিখিতরূপে মত প্রকাশ করিল—

"পথের কাঁকর মাথা তুলিয়া গৌরীশঙ্করের মস্তকে পদাঘাত করিবে যে দিন আর নাই। হিমাচল আজ জাগ্রত, বিপুল, বিরাট, ভয়ঙ্কর, হুঁহুঁ নির্ধোবে আজ আশঙ্কার কণ্ঠধর ধ্বনিত করিতেছে। হায় নিয়ন্ত্রণহীন মানব! কোম্যাগ্‌নের প্রাণশক্তি আজ যুঁহু অতিকায়রূপে তোমাকে 'মেজরিটি মাট বি গ্রাণ্টেড'-লীলার অধস্যায়ের সহাবে প্যালিওলিথিক প্রবলতার সহিত নিকেশ করিবে। সাইক্লোপিডিয়ান মাথা তুলিয়াছে, পর্বত শিখর টুটিয়া আজ তাহার হাতের অস্ত্র। ঘূর্ণীর পাক শাখত অকর্ষণ্যতার সংখ্য নিভিসতার ফলহীন কুঞ্জে লাগিয়াছে। মহাদেব তাণ্ডবে নৃত্যপরায়ণ। ঝড়ের উদ্যমতা আর স্থির পত্রের অনন্ত নিকেশ যাত্রা—এর শেষ কোথায়?"

মহাশক্তির ইংরেজী সংস্করণ—'হাউইটজার' পত্রিকায় উক্ত ঐতিহাসিক বুক প্যারাগ্রাফ লিখিল—

"The pebbles cramming the breast of the path lifts no more its head kicking the head of the mount Everest. Where is that day? The Mount Himalayas have arisen, awoken and is resounding its relentless voice in

the loud tone of eternal annihilation. Alas, thou Neanderthal man. The Cromagnon man rushes out with the life power personified and is casting you in the depths of the end of majority must be granted with true palaeolithic potency. The cyclop has lifted its head, the mountain head is broken by its weapon. The cyclone has touched the bower of beginningless inoffensiveness and callow fruitlessness. The God Mahadev is dancing Tandav. The madness of the storm and the objectless motion of decapitated tree leaves. Where is its end ?

সর্বত্র, মেসে, মাঠে, আফিসে, বাজারে সাড়া পড়িয়া গেল যে বাংলার রাজনীতি-ক্ষেত্রে একটা নবশক্তি উদ্ভূত হইয়াছে। তার পর অচ্যুতবাবু এক হাজার ভলাটিয়ার ও সাড়ে সাত লক্ষ টাকার জঞ্জ একটা প্রাণস্পর্শী আবেদন করিলেন। এক হাজার ভলাটিয়ার গিয়া গ্রামে গ্রামে প্রচার করিবে যে, দেশ স্বাধীন করিতে হইলে আরও অধিক যী খাওয়া প্রয়োজন; কারণ সমগ্র জাতি যদি ওজনে দ্বিগুণ হইতে পারে তাহা হইলে তাহার শক্তিও দ্বিগুণ হইবে। আনন্দবাবু একটা বক্তৃতায় বলিলেন, “এ নেশন মার্চেস অন ইটস ষ্টমাক’ স্লতরাং ষ্টমাক বাড়াও নতুবা মুক্তি নাই।” ঘটুবাবু বলিলেন, “আমরা যেন বিদেশী বণিকদিগের সম্মুখে সত্যই পর্বতের ন্যায় বিরী অটলভাবে দাঁড়াইতে পারি।” সহায়বাবু বলিলেন, “ইংরেজগণ আমাদের দেশে আছে খাবার লুঠ করিবার জঞ্জ। আমরা যদি পূর্বাঙ্কেই সকল খাবার গলাধঃকরণ করি তাহা হইলে লুঠের মাল মশলার অভাবে ইংরেজ আপনা হইতেই চলিয়া যাইবে।” চিন্তামণিবাবু কাশিতে কাশিতে উঠিয়া এক সভাতে বলিলেন, “হু...হু...হু...সকলে সমান মোটা হ’লে...হু...হু... আর ভেদাভেদ থাকবে না...হু...হু...সব ভাই এক ঠাই...হু...দূরে কেউ যাবে না।”

এক দিন সকলে পতাকা প্রভৃতি লইয়া একটা লরি করিয়া শহর প্রদক্ষিণ করিতে বাহির হইলেন। —তারিখের হরতালের পর বহু কাল এত ভিড় কলিকাতার রাজপথে হয় নাই। যেখানেই তাঁদের লরি উপস্থিত হইল সেখানেই যেন শহর ভাঙিয়া পড়িল। সকলে বলে, “ঐ, ঐ।” ঘটুবাবু সহায়বাবুকে বলিলেন, “শুনছেন কি বকয়, ‘অন্ন জয়’ বলে চীংকার করছে সকলে!”



বিরী আমার, বিপুল আমার, আমার মাংস আমার মেদ,
দূর ক’রে দাও ভারত হইতে রোগা মোটা সুরু সুলের ভেদ।
এ দীন দিবসে ফুকরি ডুকরি, ‘কোথা গেল হায় চতুর্বেদ’!
মহাভারতের অর্জুন আর করে নাকো আজ লক্ষ্যভেদ।

আঠার পুরাণ খাড়া কর ফের প্রাণপণে ফেলে মাথার শ্বেদ,
বিরাট বিরাট লেখ গো কেতাব দূর ক'রে শত চূটকি-ক্রেদ।
বিরাট আমার, বিপুল আমার, আমার মাংস আমার মেদ,
স্বাধীনতা পাবে হ'লে অতিকায় পরাধীনতায় পূর্ণচ্ছেদ।

গোবর্ধনবাবু সাইক্লোপিয়ান পার্টির গাইয়ে লোক। তিনি যখন তাঁর বাঘটি ইঞ্চি ছাতিখানা ফুলাইয়া সত্তরের কোঠায় লইয়া গিয়া উপরের গানটি গাহিতেন, তখন সভাস্থ সকলের অশ্রুসম্বরণ করা কঠিন হইত। তার পর একে একে জাতীয় অতিকায়-সম্ভের সভ্যবৃন্দ নিজ নিজ বক্তব্য অতিকায়োচিত ভাষায় বলিতেন। একটা সভার বিবরণ নীচে দেওয়া হইল। ইহা হইতে সাধারণত অতিকায়-সম্ভের মিটিং কি ভাবে হইত তাহার একটা সুস্পষ্ট ধারণা পাঠকের হইবে।

[স্থান—অ্যালবার্ট হল। কাল—অপরাহ্ন। পাত্র—অধিকাংশই শ্রোতা। কয়েকজন মাত্র বক্তা ডেইসের উপর আসীন, তাঁহাদের সকলেরই আকার অতিকায়। হলের নানাদিকে স্থলকায় যুবক ও ভলাষ্টিয়ারবৃন্দ বিচক্ষমান, তাহাদের কোমরের ক্রশ-বেল্ট মেদের খাঁজে অদৃশ্যপ্রায়। দেয়ালে বিভিন্ন প্রকারের পোষ্টার ঝুলান রহিয়াছে, তাহাতে স্থল ও কুশের পার্থক্য নানা প্রকারে দেখান হইতেছে। কোন পোষ্টারে একটি অতিকৃত্র মানবের পার্শ্বে একটি অতিকায়ের চিত্র; সঙ্গে লেখা, “কাহার শ্রায় হইতে চাও?” অপর চিত্রে এক জন লোক নানান উপকরণ লইয়া বসিয়া ভোজনে বাস্ত; তাহার নিম্নে লিখিত “স্বাধীনতা অর্জনের প্রকৃত পন্থা।” তৃতীয় এক পোষ্টারে দেখান হইতেছে যে, পৃথিবীর শ্রেষ্ঠ শ্রেষ্ঠ কত লোক স্থলকায় ছিলেন। প্রাচীন সাহিত্যের সাহায্যে স্থলস্বের মূল্য বুঝাইবার জন্ত অপর দুইটি পোষ্টারে ঘটোৎকচের কুরুকুল ধ্বংসের ও কুন্তকর্ণের মহায়ুদ্ধের চিত্র দেখান হইয়াছে ইত্যাদি ইত্যাদি। পাতলা রেশম অথবা কার্পাস বস্ত্রের স্থলস্ব অতিকায় সম্ভের আদর্শ বিরুদ্ধ বলিয়া মোটা কিংখাব ও মখমলের দ্বারা তৈয়ারী বহু রং বেরঙের পতাকা চারিদিকে ঝুলান হইয়াছে। সভা গমগম করিতেছে। সঙ্গীত সবে শেষ হইয়াছে]

সভাপতি [নূতন সভ্য ঝুনঝুনিয়া পার্টকলের বেনিয়ান; নূতন ওজন-কেন্দ্রিক ভোট-নীতি প্রবর্তিত হইলে সাত ভোটের অধিকারী হইবার আশা রাখেন] বলিলেন, “সমবেত ভক্তমহোদয়গণ, আজ আমরা যে মহান ব্রত উদ্‌যাপন করিতে বদ্ধপরিকর হইয়াছি তাহার উপর আমাদের ভূত ভবিষ্যৎ বর্তমান, জন্ম মৃত্যু বিবাহ, মরণ বাচন, অগ্র পশ্চাৎ, দারা পুত্র পরিবার সকল-কিছুই নির্ভর করিতেছে। এর জন্ত আমাদের কাম ক্রোধ লোভ মোহ মদ মাংসর্ষা, ক্ষিত্তি অপ তেজ মরুৎ ব্যোম, প্রাণ অপান সমান উদান ব্যান, আমলকী হরতাল অট্টালিকা, স্বার্থ পরার্থ পরমার্থ, ধনাঢ্য আঢ্য সকল-কিছুই ত্যাগ করিতে হইবে। এরই অল্পপ্রাণনায় উত্তরে দক্ষিণে পূর্বে পশ্চিমে ঈশানে নৈঋতে

বায়ুতে অগ্নিতে উর্কে অধে ধাইয়া চলিতে হইবে। রোরব কুস্তীপাক পুরাম, বিন্দুশিলা, অগ্নিমান্দ্য, উনপকাশ প্রাবল্যকে ভয় না করিয়া আগুয়ান হইলে তবেই লভ্য পাইব। চর্ক চোষা লেছ পেয়, দধি চুর্ক যুত, কীর সর নবনী, রূপ রস গন্ধ স্পর্শের পথেই আমাদের মুক্তি।” (ঘন ঘন করতালি) অজ্ঞানবিত বাহ মহামেদ লম্বোদর আমরা, আমরাই ভারতের আশার স্থল। (সঘন করতালি ও সভাপতির আসন গ্রহণ)”

চিন্তামণি বাবু।—“হ...হ...হ...মুক্তি...হ...হ...।”

এক জন কৃশকায় ব্যক্তি স্নায়ুচাঞ্চল্য দমন করিতে না পারিয়া লাকাইয়া উঠিয়া কি বলিতে যাওয়ায় তাহার স্বন্ধে তৎক্ষণাৎ দশ জোড়া মহাভূজ স্তম্ভ হইয়া তাহাকে ধরাশায়ী করিল। অচ্যুতবাবু যথাসম্ভব দ্রুত গতিতে উঠিয়া দাঁড়াইয়া বলিলেন, “মিটিঙে উদ্ভাম ব্যবহার অতিশয় জঘন্য। এই যে কৃশকায় ছোকরাটি অতিকায়-সজ্জ সজ্জ নিজকল্পনা-প্রসূত বিবেচন বশত বিসদৃশ আচরণে মিটিঙের পবিত্র আবহাওয়া কলুষিত করিল, ইহাকে আমরা সর্বাঙ্গঃকরণে ক্ষমা করি কিন্তু ইহার যেন প্রাণে অমৃত্যুতাপ জাগ্রত হয়।” (ঘন করতালি)

হুন্দুভি ঘটক নামক নবলক পাটি ছইপ মহাশয় মস্ত মাতঙ্গ গতিতে এদিক ওদিক ঘুরিয়া ইহার উহার কানে ফিসফাস করিয়া নানা কথা বলিয়া সজ্জের সলিভারিটি রক্ষা করিতেছিলেন। আরও চার পাঁচ জন বক্তৃতা দিবার পর সভা ভঙ্গ হইল এবং মিটিঙের রিপোর্ট ভাবিয়া চিন্তিয়া লিখিবার জন্ত সজ্জের বড় বড় নেতাগণ চিন্তামণিবাবুর বাড়িতে ডিনারে জড় হইবার জন্ত রওয়ানা হইলেন।

৪

বাংলায় যেন একটা নূতন যুগ আরম্ভ হইল। সহরে সহরে, গ্রামে গ্রামে ঘরে ঘরে জাতীয় অতিকায় সজ্জের আদর্শ ও জীবনযাত্রা প্রণালী ছড়াইয়া পড়িতে লাগিল। দেশ-ব্যাপী একটা বিরাট অ্যাণ্টি-কৃশতার বান ডাকিয়া গেল। রোগা ছিপছিপে সোকে আর চাকুরি পায় না, সমাজে আদর পায় না এমন কি বিনা পণে বিবাহ করিতে পর্যন্ত বাধ্য হয়। কৃশকায় লোকেরা সর্বত্র অপদস্থ হইতে লাগিল। বহু লোকে উপরের জামার অন্তরালে মোটা তুলার জামা পরিয়া নকল স্থূলতার অত্যাচারে গরমে ঘামিয়া পচিয়া আত্মসন্মান বজায় রাখিতে লাগিল। কাউন্সিলে প্রসিদ্ধ বক্তা অতিরঞ্জন তালুকদার কৃশতা নিবন্ধন সভাপতিত্বের যুগে সাড়ে ছয়মণি কাউন্সিলার অলিফান মিঞার কাছে পরাস্ত হইলেন। অলিফান সহি করিবার কক্ষতার অভাবে টিপ সহি মারিয়া নিজের উচ্চ পদের কার্য চালাইতে লাগিলেন।

ইহা ব্যতীত সাহিত্যে, শিল্পে, শিক্ষায় সর্বক্ষেত্রে এই অতিকায়-নীতির টেউ পৌছাইল। সরকার বাহাদুর যদিও ঠিক প্রকাশে 'ভোট একর্ডিং টু ওয়েট'-পন্থা মানিয়া লইলেন না তবুও সকলেই বলাবলি আরম্ভ করিল যে অনতিবিলম্বেই দেশের কৃশ মেজরিটি বহু ভোটধারী অতিকায় মাইনরিটির দ্বারাই শাসিত লইবে। সাহিত্যে কৃশতাবাদ, টিউবার-কিলোসিসবাদ, চন্দ্রালোকপানবাদ প্রভৃতি উঠিয়া যাইবার জোগাড় হইল। তরুণ প্রেমিক প্রণয়িনীকে উদ্দেশ্য করিয়া লিখিতে আরম্ভ করিল—

মস্ত হস্তিবৎ প্রিয়ে, তোমার বিহনে
নিরাশা-রূহের মূলে খুঁড়ে মরি মাথা;
হৃদয়-কটাঁহে ফুটমান ইকুরস সম
উন্মাদিনী প্রেমজ্বালা গাঁজিয়া উঠিছে
সদা। ইত্যাদি—

ইংরেজী শিক্ষিত নায়িকা নায়ককে আর "ওগো হৃদয়-কুঞ্জের বুলবুল" কিম্বা ঐ জাতীয় কিছু বলিয়া সম্বোধন করিতে রাজী হইলেন না। কেহ কেহ "হে প্রেমসমুদ্রের কাচালট হোয়েল" কিম্বা, "ওগো আমার প্রাগৈতিহাসিক মর্ম্ম-বনানীর ম্যাটোডন" লিখিয়া প্রাণের আবেগ চরিতার্থ করিলেন। শিল্পে স্থূলের আদর বাড়িতে লাগিল। জমিদার পুত্রগণ গ্রে হাউও পোষা ছাড়িয়া হুঁষা মেঘ শিকলে টানিয়া হাওয়া খাইতে বাহির হইতে আরম্ভ করিল। স্থূলে "ফ্যাটেট বয়" প্রাইজের উদ্ভাবনা হইল। বিশ্ববিদ্যালয় হইতেও স্থূলতম ছাত্রের জন্ম বিশেষ জলপানির চেষ্টা চলিতে লাগিল।

এহেন সময়ে, যখন বাংলার আকাশে অতিকায় সূর্য্য প্রখরতম তেজের সহিত দেদীপ্যমান, তখন আর একটা বিপদ ঘনীভূত হইয়া ঘন কৃষ্ণ মেঘের মত সেই আকাশে দেখা দিল। কাউন্সিল ইলেকশনে জয়ী হইয়া যখন অতিকায়গণ সমগ্র বাংলার একছত্র অধিপতি তখন এক অজ্ঞানিত অকল্পিত কোণ হইতে এই ভীষণ বিপদটা গহ্বর হইতে সদ্যজাগ্রত অজগরের স্তায় বাহির হইয়া আসিল।

কিছুকাল হইতেই বাংলায় নারী-জাগরণ চলিতেছিল। "নারীকে ভোট দাও" "নারীকে পুলিশ ফোর্সে গ্রহণ কর" প্রভৃতি নানা প্রকার কথা শুনা যাইতেছিল। কিন্তু আসল বিপদটা জাতীয় অতিকায়-সজ্জের অ্যাঙ্কুয়াল কনফারেন্সে কাল-বৈশাখীর ঝড়ের মত হঠাৎ আসিয়া দেখা দিল। সে সভার সভাপতি গণপতিবাবু অ্যাড্বেস পাঠ করিয়া ঘন ঘন করতালির মধ্যে সবে আসন গ্রহণ করিয়াছেন, এমন সময় সভাস্থলের প্রবেশপথে তুমুল কোলাহল উপস্থিত হইল। অচ্যুতবাবু আনন্দবাবু প্রভৃতি সেইদিকে তাকাইয়া বাহা দেখিলেন তাহাতে তাঁহার চক্ষু স্থির হইয়া গেল। দেখিলেন ভলান্টিয়ার দলের নেতা চার ভোটের অধিকারী শর্করীবদন ঘোষ একটি মহিবর্দিনী মহিলার কবলে পড়িয়া পাচিকার হস্তে কৈ-মৎসের স্তায় ছটফট করিতেছে। অপরাপর ভলান্টিয়ারগণ



অতি-মানবিন্মিঙ্গের সভা অধিকার

কেহ কোন কথা বলিল না। শত ঐরাবত বৃথের দ্বারা এই মহিলাসকল গিয়া
উঠিলেন। বাহাদের সেখানে স্থান হইল না তাহারা ডেইস ঘিরিয়া দাঁড়াইয়া রহিলেন।

যুধেন্দ্রী গভীর নির্যোষে শব্দে টেবিল চাপড়াইয়া বলিলেন—

“সমবেত অতিকায় ও স্বল্পকায় নরনারীগণ! আমাদের জীবনের এক মহা সঙ্কট
উপস্থিত। পুরুষ এতকাল বুদ্ধির দোহাই দিয়া নারীকে ও তৎসঙ্গে জগতকে উৎপীড়ন
করিয়া ছুনিয়া বিষময় করিয়া তুলিতেছিল। বুদ্ধিতে যখন নারী তাহাকে পরাস্ত করিল,
তখন সে অতিকায়তার দোহাই পাড়িয়া নিজের গতপ্রায় প্রাধান্য ফিরিয়া পাইবার জন্য
সচেত হইল। কিন্তু পাপ যাহা তাহা কি করিয়া জয়ী হইবে? তাই আজ আমরা, বাংলার
অতি-মানবিনী সভা, বলপূর্বক এই সভাস্থল অধিকার করিলাম। আমরা কেহই পাঁচ
অপেক্ষা কম ভোটের অধিকারী নই। আমি নিজে বর্তমানে আট ভোট দাবী করিতে
পারি। আমাদের পনেরো শত ত্রিশ জন সভ্যের সমবেত ওজন ৮০৩১৥ মণ; গড়-পড়তা
সভ্য পিছু ওজন পাঁচ মণ দশ সের। এ অবস্থায় এই সকল চুনো পুঁটি নরকীটগণ কি করিয়া
আশা করে যে, আমরা তাহাদিগকে মানিয়া চলিব? এই ইহাদিগের সভাপতি। এই তো
ইহাকে আমি ধাক্কা দিয়া ডেইস হইতে নীচে ফেলিয়া দিলাম। এ আত্মরক্ষা করুক
দেখি!” (চতুর্দিকে ভয় ও বিস্ময়মিশ্রিত ধ্বনি)।

যথা কৰ্ম তথা কাজ। মহিলাস্বরমন্দিরী দুর্দান্ত আক্রমণে গণপতিবাবু ধোপানী-
নিক্শিত বিরাট একটা ময়লা কাপড়ের বস্তার ন্যায় নীচে গিয়া গড়াইয়া পড়িলেন। সভাস্থল
ছাড়িয়া অস্ত্রাস্ত্র অতিকায়গণ যথাসম্ভব দ্রুতবেগে পলাইতে লাগিলেন। শীঘ্রই সভায়
অতিমানবিনী ব্যতীত আর কেহ রহিল না।

পরদিন ‘মহাশক্তি’ কাগজে লিখিত হইল—

“তুফান আর বড়, বড় আর তুফান। প্রবল শক্তিতে মাতঙ্গিনী যখন অরণ্য-
গামিনী হই তখন কে তাহাকে ধামাইবে। হরিণ শিক্ত? না কখনও না। তাই বাংলায়
আজ বান ডাকিয়াছে। কে মের ময়লা কাপড়কে ধরিয়া নাড়া দিতেছে। মা, মহাশক্তি
জাগিলে কি? মা!”

‘হাউইটবারে’ লেখা হইল—

‘Famine and ... When in indomitable

their object lesson in peace. Mother of great strength have you awoken?
Mother!



ওয়েটিং রুমে ঢুকিয়া অচ্যুতবাবু তাঁর চিন্তাকষ্ট-জর্জরিত কৃশ দেহভার চেয়ারের উপর স্তম্ভ করিয়া তুলিতে লাগিলেন। ইচ্ছা, দেশে মা বোন প্রভৃতিকে দেখিয়া কিছু দিনের জন্ত সিঙ্গাপুরে গিয়া বাস করিবেন, নতুন একটা কাজ লইয়া। কখন ঘুমাইয়া পড়িয়াছিলেন, হঠাৎ জাগিয়া চমকিয়া উঠিলেন। দেখিলেন আনন্দবাবু, গোবর্দ্ধনবাবু,



শেষ বিদায়ের বেলা

ঘটুবাবু, চিন্তামণিবাবু ও সহায়রামবাবুও তাঁহারই শ্রায় কৃশকায় হইয়া আশে পাশে বিভিন্ন গম্ভীয়া স্থানের লেবেলমারা লগেজ লইয়া বসিয়া আছেন। ছয়খানি ভগ্ন হৃদয়ের যেন একগাছি মালা—শুষ্ক, ম্লান, শীর্ণ। কেহ কাহাকেও কিছু বলিলেন না। সবাই সকলের সব দুঃখ নীরবেই বুঝিয়া নীরবেই সহানুভূতির কারুণ্যে করুণ নয়নে শূন্য মার্গে তাকাইয়া রহিলেন।

হেতুয়া ক্লাব

MOOH BEHAR.

[পত্নীর পবেশালক জেতাযুগের পর]

কলিকাতার হেতুয়া সরোবরের উত্তর প্রান্তে একটি রানীগঞ্জ টালি আচ্ছাদিত চালা আছে। সেই চালার অভ্যন্তরস্থ বেঞ্চিগুলি অধিকার করিয়া সকাল সন্ধ্যা উত্তর-কলিকাতার যাবতীয় পরলোকের পথের পথিকগণ গল্প গুজব করিয়া ডাক আসিবার পূর্বের সময়টুকু আনন্দে অতিবাহিত করিয়া থাকেন। সেদিন বৈকালেও এখানে চিরাচরিত প্রথামত আড্ডা বসিয়াছিল। হট ডিস্কাশন। বিষয়—সিডিশন।

প্রমথবাবু বলিলেন, “দেখ গভর্নমেন্টের যদি বুদ্ধি থাকত তাহলে তারা সিডিশন থামাবার জন্য আরও গোটা কয়েক কাউন্সিল, এসেম্বলি ইত্যাদি বাড়িয়ে দিত আর তাতে ঢোকবার ইলেকশনের নিয়ম-কানুন এমন করে দিত যে কোন ভদ্রলোক আর তাতে ঢুকতে পারত না। তাহলে দেখতে যে, জাল জুচ্চুরি করে যারা তাতে ঢুকত তারা এমন লম্বা লম্বা বক্তৃতা দিত আর এত খাটো খাটো কাজ করত যে দেশে সত্যি সত্যি রিভোলিউশন করবার মত লোক যদি কেউ থাকত তো তারা উপযুক্ত রকম বক্তৃতা দেওয়ার ক্ষমতার অভাবে শীঘ্রই পাত্তা ডি গুটিয়ে মুদির দোকান খুলে দেশের দেশাত্মবোধের হাত থেকে আত্মরক্ষা করতে লেগে যেত। সিডিশনের আসল দাওয়াই হচ্ছে উপযুক্ত হাঁদের পলিটিক্স; কি বলেন মধুবাবু?” মধুবাবু কান্নর মতে মত দেন না; দিলে, ভারতের নেশা খরচা সত্ত্বেও অকালে ছুটিয়া যায়। তিনি বলিলেন, “আরে মশায়, সেও কি কথা! কাউন্সিল যত বাড়বে সিডিশনও তত বেড়ে চলবে। সিডিশন করে জেলে না গেলে লোকে কাউন্সিলে ঢুকবে কিসের জোরে? অবিশ্বি বলতে পারেন যে, এতে বড় রকম সিডিশন, যেমন খুন-খারাপি, তা কমবে, কিন্তু ছোটখাট সিডিশন, যেমন কাগজে ‘ইস্‌কো শীর লেও, উস্‌কো গর্দান লেও’ বলে আন্দোলন করা, কি চোরঙ্গীর মোড়ে ফিরিঙ্গী সার্কেটকে লেজি মেরে ফেলে দেওয়া, এসব এতে বাড়বে। আজকালকার দিনে ঐ রকম কিছু না করলে কেউ দেশের কাছে মাথা তুলে দাঁড়াতেই পারে না। ধরুন না কেন, আমাদের হাতু, তার আর কি কমতা ছিল? ওষহরের ৫ই তারিখের হরতালের দিন সে গণেশ ময়রার দোকানের পিছনের দরজার ফাঁক দিয়ে জিবে-গজা কিনে খাচ্ছিল। এমন সময় ‘রৈ রৈ’ করে সেই পথ দিয়েই ভিড় আর তার পিছনে পুলিশ ছুটল। হাতু শুধু পেয়ে এদিক ওদিক পালাবার চেষ্টা করে ‘অন সাম্পিসন’ গ্রেপ্তার হয়ে গেল। আর কি রক্ষা আছে! নগদ চার টাকা জরিমানা। এদিকে, হাতুর মামাবাড়ি বর্ধমান। সেখানে রাষ্ট্র

আমার তো মনে হয় সিডিশন এদেশে নেই-ই, সুতরাং তা কি ক'রে বন্ধ করা যায় তার আলোচনা এক দিক দিয়ে নিশ্চয়োজন। তবে বলতে পারেন, এত বেশ হয় কেন আজ কাল? সিডিশন থাকা আর সিডিশন-কেন্স থাকা এক কথা নয়। কেন যে আছে তার কারণ কি জানেন? গ্রেটেই গুড অব দি গ্রেটেই নাথার, জনহিতকর ব্যাপার আর কি, বুঝেন না? এই যেমন দেশে স্বদেশভক্ত ছেলের চেয়ে পুলিশের সংখ্যা বেশী হয়ে গেছে এবং সিডিশন না হ'লে পুলিশের লোকগুলির অন্ন মারা যায়। একে সংখ্যায় বেশী তার পুলিশের বাবুদের সকলেই প্রায় ছাপোকা মামুষ এবং বৎসরান্তে, ইত্যাদি। এ ক্ষেত্রে সিডিশন না হ'লেই টোটালে দেশের লোকের কষ্ট বেশী হবে। তাই জাতীয় মঙ্গলের দিক দিয়েই এর একটা দাম আছে বলা যায়। কি বল, প্রমথ?"

প্রমথ—“আজ্ঞে, যা বলেছেন। ওর উপর কি আর কথা চলে?”

নিরাড়ম্বরবাবু বলিয়া চলিলেন, ‘আর যদি এই সিডিশন বন্ধ করতে চাও তাহ'লে এক কাজ কর। এই যত পুলিশের বাবু আছেন, তাঁদের সকলের চাকরির নিয়ম ক'রে দাও যে, দেশে যত সিডিশন কম হবে তাঁদের তত বেতন বাড়বে এবং সিডিশন হ'লেই জরিমানা হবে। আরও নিয়ম ক'রে দাও যে যার যার এলাকায় যত সিডিশন কম হবে তিনি তাঁর আফিসে তত বেশীসংখ্যক নিজের ভাগে, সম্বন্ধী প্রভৃতিকে চাকরি দিতে পারবেন; এই সব নিয়ম কর, দেখ দুদিনে দেশে শান্তির বান ডেকে যাবে, ছেলেরা বোমা ছেড়ে টিল শুক আর ছুঁড়বে না।’

সকলে নিরাড়ম্বরবাবুর কথা শুনিয়া ধস্তা ধস্ত করিতে লাগিল, কারণ সারবান কথার আদর কে না করে? নিরাড়ম্বরবাবুও কিয়ৎকাল নিজের যশের স্রোতে গা ছাড়িয়া দিয়া চূপ করিয়া সেই সুখ উপভোগ করিতে লাগিলেন। তার পর বলিলেন, “সিডিশনের কথা বলতে মনে প'ড়ে গেল, এ সিডিশন ব্যাপারটা শুধু এই কলিযুগের ব্যাপার নয়। অতি প্রাচীন কাল থেকেই এর প্রভাব সকল দেশে দেখা গিয়েছে। স্বয়ং যে ভগবান রামচন্দ্র, তাঁর রাজত্বেও সিডিশন দেখা দিয়েছিল। সে কথা রামায়ণে লেখে না, কিন্তু ঋষি মহলে এখনও অনেক কথা শুনেতে পাওয়া যায়, যা কেতাবে নেই। এই ঘটনাটা আমি শুনেছিলাম বদরিকাশ্রমের শ্রীশ্রীউড্ডীয়ানন্দ মহাপ্রভুর কাছে। আরও অনেক কথা তিনি আমার শুনিয়েছিলেন কিন্তু এইটাই শোন আপাতত—

২

অযোধ্যায় তখন আইনত রাম-রাজত্ব; কিন্তু রামচন্দ্র অযোধ্যায় নাই। তিনি কৈকেয়ীর ষড়যন্ত্রে সীতা ও লক্ষ্মণের সহিত বনে। ভারত তাঁহার চন্দনের খড়মজোড়াকে

সিংহাসনে বসাইয়া সৌর্ভোগ প্রতাপে রাজ্য শাসন করিতেছেন। ভরত সকল পন্থায়ামাতে
খড়মের ছাপ লাগাইয়া সবে তাহা আহ্বিত করিতেন। সকল পেশাদার আদালতে আদালতে



ভরত তাঁহার চন্দনের খড়মজোড়াকে সিংহাসনে বসাইয়া রাজ্য শাসন করিতেছেন

খড়ম মার্কা তক্কা পরিয়া ঘুরিত ফিরিত। রাষ্ট্রশক্তির নিদর্শন হইয়া দাঁড়াইয়াছিল ঐ খড়ম-
জোড়াটা। এমন কি টোল পাঠশালার বকাটে ছেলেরা ভরতের রাজনীতির নাম দিয়াছিল
খড়মতন্ত্র। ভরতের সময়কার সকল টাইটুল ও খেতাবও খড়ম-সম্পর্কিত ভাবে প্রতিষ্ঠিত
হইয়াছিল। যেমন, রাষ্ট্রের বিশেষ কোন উপকার করিলে মানুষ কার্যের গুণানুসারে
রৌপ্য বা স্বর্ণ নির্মিত খড়মাকৃতি পদক পুরস্কার পাইত। তদব্যতীত খড়ম-নায়ক,
খড়ম-তিলক, খড়ম-মহানায়ক, খড়ম-অধিনেতা প্রভৃতি খেতাব পাইবার জগুও সকল রাজকীয়
কর্মচারী যথাসাধ্য চেষ্টা ও রেবারেবি করিতেন। কাহাকেও সম্মান দেখাইতে হইলে
খড়ম-সম্বল, খড়ম-সেবক বলিয়া সম্বোধন করা রীতি ছিল।

ভরতের রাজ্যে শাসন ছিল সবিশেষ কড়া রকমের; কারণ, ভরতের একমাত্র আদর্শ
ছিল রাজ্যটাকে রামের অবর্তমানে ঠিক মত খাড়া রাখা। সেই জন্ত তাঁহার রাজ্যে কেহ
কোন প্রকার রাজ-অসম্মান-সূচক কার্য করিলে তাহার তৎক্ষণাৎ প্রতিবিধান করা হইত।
খড়ম যে পায়ে পরিবার জিনিষ, মস্তকে ধারণ করিবার নহে, এ কথা বলা নিষিদ্ধ ছিল।
খড়ম কথাটি উচ্চারণ করিতে হইলে নিয়ম ছিল যে তৎপূর্বে “শ্রীশ্রী” অথবা “জয়” কথাটি
যোগ করিতে হইবে। খড়মের চিত্র লাল, সোনালী অথবা রূপালী রঙে ছাড়া অপর
রঙে আঁকিলে তাহাও দণ্ডনীয় ছিল।

ভরত যাহা কিছু যথেষ্টাচার করিতেন, সকল কিছুই খড়মের আজ্ঞাবহ স্তূত্যরূপে

করিতেন এবং খড়ম ধর্ম ও শ্রায়ের নিদর্শন, এই অখণ্ডনীয় যুক্তির উপর যে ক্ষেত্রে ভরতশাসিত অযোধ্যার সকল বিচার ও সকল শাসন চলিত, সে ক্ষেত্রে ভরতও বস্তুত সকল সমালোচনার উপরে ছিলেন। অর্থাৎ ভরত কোন অশ্রায় করিলেও তাহা শ্রায়, ভরতের খেয়াল অযোধ্যাবাসীর জনমত, ভরতের নায়েবগণ অযোধ্যার জনসঙ্ঘের প্রতিনিধি এবং ভরতের অর্থশালায় ঐশ্বর্য বৃদ্ধি পাইলে তাহাতে অযোধ্যার সাধারণের সম্পদ বৃদ্ধি পায়, ইত্যাদি বহুল প্রকার অসম্ভব সত্যের উপর অযোধ্যার রাষ্ট্রনীতি প্রতিষ্ঠিত ছিল। প্রত্যহ প্রত্যুষে অযোধ্যার মন্দিরে মন্দিরে রাষ্ট্রীয় অর্থে পুষ্ট পূজারীগণ খড়ম-রাজস্বের গুণ কীর্তন করিত এবং তাহারা যাহা বলিত তাহার বিরুদ্ধে কেহ কোন কথা বলিলে তাহাদের তৎক্ষণাৎ কারাগারে আবদ্ধ করিয়া রাখা হইত। ভরতের প্রধান পূজারী এই সকল অবিচারের সাক্ষী গাহিয়া বলিতেন যে, অবিচার, স্ত্রবিচার, অশ্রায়, শ্রায় প্রভৃতির কোন বাহ্যিক অস্তিত্ব নাই, এ সকলের একমাত্র স্থিতি মানুষের অন্তরে। কোন মানব যদি উৎপীড়িত হইয়াও খুশী থাকে, তাহা হইলে ধরিতে হইবে যে তাহার উপর কোন অশ্রায় করা হয় নাই। কেহ যদি প্রভূত স্ত্রবিচার লাভ করিয়াও উৎপীড়িত বোধ করে তাহা হইলে ধরিতে হইবে তাহার উপর অবিচার হইয়াছে। সুতরাং কোন রাজ্যে শ্রায় ও বিচার পূর্ণমাত্রায় প্রতিষ্ঠিত করিতে হইলে তাহার উপায় সেই রাজ্যের সকল অসম্ভট প্রজাকে রাষ্ট্র হইতে বহিস্কৃত করিয়া দেওয়া অথবা বন্দী করিয়া রাখা। কারণ এই উপায় অবলম্বন করিলে সে রাজ্যে আর কোন অসম্ভট প্রজাকেই দেখা যাইবে না—অর্থাৎ রাজ্যে শ্রায় ও স্ত্রবিচার ব্যতীত আর কিছু থাকিবে না।

ভরতকে অপরাপর পূজারী প্রভুগণও বুঝাইয়াছিলেন যে, যেমন বাগান সুন্দর রাখিতে হইলে আগাছাগুলিকে মধ্যে মধ্যে নিষ্কাশিত করিয়া দেওয়া প্রয়োজন হয় তেমনি রাজ্যের সুশৃঙ্খলা ও শ্রায়ের আদর্শ অক্ষুণ্ণ রাখিতে হইলে মধ্যে মধ্যে রাজ্যের অসম্ভুক্ত আগাছার সমতুল্য অসন্তোষের অবতার অবাধ্য প্রজাদিগকেও বাছাই করিয়া রাষ্ট্রীয় জীবন-ক্ষেত্রের বাহিরে স্থাপন করিতে হয়। ভরতও বুঝিয়াছিলেন যে এই যুক্তি অকাট্য এবং তিনি সেই কারণে পূজারীদিগকে প্রভূত ক্ষমতা দিয়া রাজ্যে পূর্ণভাবে শাস্তি ও সন্তোষ প্রতিষ্ঠিত করিবার ব্যবস্থা করিয়াছিলেন।

রাম-রাজত্ব, খড়মতন্ত্র অথবা ভরতের রাজ্যে এইরূপে শাস্তি অক্ষুণ্ণ ছিল। সমগ্র রাষ্ট্রে শুধু উঠিতে বসিতে সকলে 'জয় খড়মের জয়' ছাড়া অপর কোন কথা বলিত না। অশ্রান্য রাজ্যের প্রতিনিধিগণ সে সময়ে অযোধ্যায় আসিলে দেখিয়া অবাক হইয়া বাইত যে এত সুব্যবস্থা ও সুশৃঙ্খলার সহিত এত বড় একটা রাজ্য কিরূপ অবাধে শাসিত হইতেছে। তাহারা দেখিত, শিরশ্রাণের উপর খড়ম বাঁধিয়া দলে দলে শাস্ত্রিগণ শাস্তিরক্ষা করিয়া পথে পথে বিচরণ করিতেছে। বৃহৎ বৃহৎ অট্টালিকার শীর্ষে খড়মচিহ্নিত পতাকামালা পতপত করিয়া উড়িতেছে। পথের পাশে ও রাজধানীর উদ্যানে উদ্যানে প্রসিদ্ধ খড়ম-অধিনায়ক-

দিগের মর্দর-মুর্তি। পাঠশালার বালকগণ প্রত্যহ উচ্চৈঃস্বরে খড়মের গুণগান করিয়া তবে পাঠে বসত হয়। পথে ঘাটে বাগানে গৃহে সর্বত্র শুধু খড়মের গুণগান। রাজ্যে শান্তি ও সম্ভাব্যের অপ্রতিহত প্রভাব।



রামরাজ্য যখন এইরূপ অসাধারণ গৌরব ও সৌষ্ঠবমণ্ডিত ভাবে চলিতেছে, এমন সময় এক দিন বিনামেঘে বজ্রাঘাতের জ্বায় একটা দারুণ দুর্ঘটনা উপস্থিত হইয়া রাজ্যের কর্ণধারদিগের মনে সবিশেষ চাঞ্চল্য ও আতঙ্কের সৃষ্টি করিল। সেদিন রবিবার। সূর্য্যবংশীয় রাজাদিগের চিরানুসৃত প্রথামত সেদিন বিশেষ আড়ম্বরের সহিত সভার কার্য হইতেছিল। পুষ্প, মালা, চন্দন, ধূপ, ধূনা, শঙ্খধ্বনি, স্তুতিগান, মন্ত্রোচ্চারণ প্রভৃতির সাহায্যে সভাস্থ সকলে প্রায় আত্মহারা হইয়া খড়মমাহাত্ম্য উপভোগ করিতেছিলেন।

হঠাৎ সভা একেবারে নিস্তেজ হইয়া গেল। সকলে দেখিল, আঠার জন দীর্ঘকায় দাসের স্বক্কে একটা বিরাট সিংহাসন ধীরে ধীরে সভায় প্রবেশ করিতেছে। অমনি চারিদিক হইতে “জয় খড়মের জয়” ধ্বনিতে সভা মুখরিত হইয়া উঠিল। সিংহাসনটি ক্রমে সভার একপ্রান্তে, যেখানে ভরত কুশাসনের উপর উপবিষ্ট ছিলেন, সেখানে আনিয়া রাখা হইল। ভরত সসম্মানে উঠিয়া সিংহাসনের সম্মুখে সাষ্টাঙ্গে প্রণাম করিলেন। অমনি সভাজনের সহস্রকণ্ঠে ধ্বনিত হইল, “জয় শ্রীশ্রীখড়মের জয়”। তার পর রাজপুরোহিত মহাশয় উঠিয়া সিংহাসনের নিকটে গিয়া খড়মের উপর বহুমূল্য কিংখাবের আবরণখানি উত্তোলন করিলেন। করিয়াই তিনি একটা বিরাট চীৎকার করিয়া মুচ্ছিত হইয়া পড়িলেন। সকলে ব্যস্ত হইয়া উঠিল, “কি হইল কি হইল” শব্দে সভা পূর্ণ হইয়া উঠিল। ভরত তাড়াতাড়ি সিংহাসনের নিকটে গিয়া যাহা দেখিলেন, তাহাতে তিনিও “হা হতোশ্মি” বলিয়া অজ্ঞান হইয়া পড়িলেন। তাহা দেখিয়া কয়েক জন নিকটবর্তী সভাসদ উঠিয়া সিংহাসনের নিকটে ছুটিয়া গেলেন। গিয়া দেখিলেন স্বর্ণ সিংহাসনের বক্ষে যে স্থলে রামের খড়মজোড়াটি সতত রক্ষিত হয়, সে স্থলে রহিয়াছে মাত্র এক পাটি খড়ম।

অতি তীব্রবেগে এই দুঃসংবাদ সভায় ছড়াইয়া পড়িল। সকলে কপালে করাঘাত করিতে থাকে আর শুধু “হায় হায়” বলিয়া আর্ন্তনাদ করে। কিয়ৎকাল এইরূপে কাটিবার পর ভরতের জ্ঞান হইল। তিনি উঠিয়াই বলিলেন, “খড়মের অপমান রাজ্যজোহ। খড়মের এক পাটি অপহরণ রাজশক্তিতে হস্তক্ষেপের চেষ্টা। এ ভীষণ রাজজোহের প্রতিকার চাই, উচ্ছেদ চাই, ইহাকে সমূলে উৎপাটিত করা চাই।”

সভাস্থ সকলে বলিল, “সাধু সাধু, উৎপাটিত করা চাই-ই।”

ভরত প্রথমত আদেশ করিলেন যে, খড়মের সেবায় যত লোক নিযুক্ত আছে সকলকে তাহার নিকট উপস্থিত করিতে। সকলে উপস্থিত হইল এবং ভরতের প্রধান শাস্তিসচিব তাহাদিগকে বিশেষ জেরা করিলেন। জেরায় দেখা গেল যে, যদিও কেহ খড়ম অপহৃত হইতে দেখে নাই তবুও শুধু খড়ম অপহৃত হয় নাই, একরূপ প্রমাণ আছে। খড়মের প্রসাদ যে প্রত্যহ ভোগের পর লইয়া যাইত, সেই ভৃত্য বলিল যে সেই দিন প্রাতে ভোগের বাসনপত্র পরিষ্কার করিতে গিয়া সে দেখিল যে, একটি খড়ম খালিকা কম রহিয়াছে। তদ্ব্যতীত ভোগের ফলমূল পায়সায় প্রভৃতিও ইতস্তত বিক্ষিপ্ত অবস্থায় রহিয়াছে। পাছে তাহাকেই চোর বলিয়া সন্দেহ করা হয়, সেই ভয়ে সে এই সকল কথা পূর্বে বলে নাই। ভরত এ সকল কথা হইতে কিছু বুঝিতে পারিলেন না। সেই জন্ত আদেশ দিলেন, “রাজদ্রোহের মূল গভীর এবং একটা যে বিরাট ষড়যন্ত্র এই রাজদ্রোহের মূলে আছে তাহা নিঃসন্দেহ। এই ষড়যন্ত্র ধরিবার জন্ত বিশেষ চেষ্টা অতঃপর হইবে। আপাতত খড়মের রাজশক্তি যে এখনও অপ্রতিহত আছে তাহার প্রমাণস্বরূপ খালিকা-অপহরণ-আবিষ্কারক ভৃত্যের প্রাণদণ্ড এবং সিংহাসনবাহক অষ্টাদশ শূদ্রের পৃষ্ঠে এক শত কষাঘাত করিতে হইবে।” সভাস্থ সকলে “ধন্য ধন্য” করিতে লাগিল। ইহাকেই বলে রাজশক্তি! যে রাজশক্তি কখন অশ্রান্তের প্রতিকারে তীব্রবেগে প্রজার পৃষ্ঠে পতিত হয় না, সে আবার কি প্রকার রাজশক্তি? রাজা অর্থে ইহা অবশ্য বুঝায় যে, রাজা প্রজার মনোরঞ্জন করিয়া চলিবেন কিন্তু তৎসঙ্গে ধর্মধ্বংসি প্রজার রক্তে রাজ্যকে রঞ্জিত করাও রাজারই কর্তব্য। রাজার কার্যে প্রজার জীবনের পূর্ণতা লক্ষিত হইবে। তাহার মধ্যে, সৃজন পালন সংহার এই তিনটিই পূর্ণরূপে থাকা চাই।

সকলে বুঝিল, খড়মের এক পাটি অপহৃত হইলেও রাজার রাজশক্তি পূর্বের মতই ধরধার আছে।

৪

অতঃপর অযোধ্যায় অরাজকতার প্রতিকারস্বরূপ যে রাজকতার সূত্রপাত হইল, তাহা অরাজকতার অপেক্ষাও ভয়ঙ্কর ও নির্ধম। ভরত রাজ্যের সকল শাস্তিরক্ষক রাজকর্মচারীকে বলিয়া দিলেন যে, রাজ্যে বিদ্রোহ মাথা তুলিয়া দাঁড়াইবার চেষ্টা করিতেছে। সুতরাং সকল কর্মচারীর কর্তব্য, যে স্থলেই অল্প রাজদ্রোহিতা দেখিতে পাইবেন সেই স্থলে তৎক্ষণাৎ কঠিন হস্তে তাহার নিপাত করা। কারণ, পাপকে বাড়িতে দিতে নাই। সর্পশিশুর মত পাপকেও বাড়িবার পূর্বেই বিনাশ করা প্রয়োজন। এই

উপদেশের ফলে রাজ্যের সর্বত্র রাজকর্মচারীগণ সজাগ হইয়া উঠিলেন এবং সর্পের অভাবে সর্পশিশু বধ করিয়া কর্তব্যপরায়ণতার পরিচয় দিতে লাগিলেন।

অযোধ্যার পূর্ব-সীমানার একটি শুকরিণীতে দশ বারো জন বালক উলঙ্গ হইয়া স্নান করিতেছিল। এক জন বড়বন্ধাধেয়ী কর্মচারী তাহাদিগকে বড়বন্ধের অভিযোগে পাকড়াও করিয়া আদালতে উপস্থিত করিলেন। সেখানে বিনা কষ্টে প্রমাণ হইয়া গেল যে ঐ বালক-সম্ম একত্র হইয়া এক যোগে, এক প্রকার পরিচ্ছদে, কোন এক অজানা কার্যে লিপ্ত ছিল। ফলে তাহাদিগের উপর দশ ঘা করিয়া বেজাঘাতের আদেশ হইয়া গেল।

অযোধ্যার রাজ-প্রাসাদের এক পাচিকার সহিত এক ব্যক্তির প্রণয় ছিল। সে রাজ-প্রাসাদের উচ্চানে সন্দেহজনক ভাবে ঘোরা-ফেরা করিতেছিল বলিয়া বৃত্ত হইল। তাহার নিকট একখানা লিপি পাওয়া গেল তাহা নিম্নরূপ—

“প্রাণ-প্রতিমাসু,

তোমা অদর্শনে প্রাণ ব্যাকুল। তুমি কি আমার প্রতি বিরূপা? আমার বকে কি আর সেইরূপ করিয়া ঝাঁপাইয়া পড়িবে না। আগামী কল্য অমাবস্তা; আমি উচ্চান-বাটিকার দক্ষিণপ্রান্তে উপস্থিত থাকিব। তোমার দর্শন চাই-ই চাই। না আসিলে মৃতদেহ দেখিবে।”

লিপিখানি পাঠ করিয়া রাজসভার এক নৈয়ামিক কর্মচারী বলিলেন, যে উহা গূঢ়লেখ বা সাক্ষেতিক ভাবে লিখিত। উহার উদ্দেশ্য রাজপ্রাসাদের অভ্যন্তরবাসী কোনও এক সহ-বড়বন্ধকারীকে অমাবস্তা রাত্রিতে খড়মের অপর পাটিটিও অপহরণ করিয়া লেখকের হস্তে তাহা অর্পণ করান। কারণ ‘প্রাণপ্রতিমা’ বলিতে খড়ম ব্যতীত আর কি কুঝাইতে পারে? তৎপরে ‘তোমা অদর্শনে প্রাণ ব্যাকুল’ ইহার অর্থ এক পাটি খড়ম অপর পাটিকে না দেখিয়া অর্থাৎ নিকটে না পাওয়াতে বড়বন্ধকারীগণ বিশেষ ব্যাকুল হইয়া উঠিয়াছে। ‘আমার বকে’ ইত্যাদির তাৎপর্য এই যে পূর্বে যেকোন খড়মের পাটিটিকে প্রাসাদের অলিন্দ হইতে নিক্ষেপ করিয়া বড়বন্ধকারীকে দেওয়া হইয়াছিল এই বারও সেইরূপ করিতে হইবে। বড়বন্ধকারী অমাবস্তা নিশিতে উচ্চানের দক্ষিণ প্রান্তে উপস্থিত থাকিবে, তাহাকে অপর পাটি খড়ম না দিলে বাহিরের বড়বন্ধকারীগণ প্রাসাদ-অধিবাসী বড়বন্ধকারীকে অবশ্য হত্যা করিবে।

এই ব্যাখ্যার পরে যে, বেচারী পাচিকা-প্রণয়ীর প্রতি শূলে চড়িবার আদেশ হইল তাহা কি বলিয়া দিতে হইবে?

এইরূপ বহু শত অভিযোগে অযোধ্যারাজ্যের সকল বিচারালয় পূর্ণ হইয়া উঠিল। কোথাও তিন চার জন মুক গোপনে নৌকা আরোহণে সরস্বতীকে বড়বন্ধ করিতেছিল; কোথাও কেহ শুধু একাকী গৃহের ছাদে বসিয়া কি যেন কি কুচিন্তা করিতেছিল; এইরূপ অভিযোগের ফলে অযোধ্যার বহু শত মুক অথবা কারাকন্ড হইল। অবশ্য সমগ্র রাজ্যের

উপকারের জন্য সামান্য কয়েকজন লোক কষ্ট ভোগ করিলে ইহার মধ্যে অন্যায় কিছুই ছিল না।

বিচারালয়ে যখন বিচার চলিতে লাগিল, সেই সময় অসোধ্যার গৃহে গৃহে রাজকর্মচারীগণ প্রবেশ করিয়া হুত খড়ম পাটিটির জন্য খানাতলাসি করিতে লাগিল। কেহ যে কিছু লুকাইয়া রাখিবে এমন উপায় রহিল না। লোকের সিন্দুক, তোরঙ্গ, পুঁটুলি, হাঁড়ি, লেপ, তোষক, এমন কি ঘরের মেঝে পর্যন্ত খুঁড়িয়া খানাতলাসি হইতে লাগিল। কিন্তু পাওয়া গেল কিছুই না। রাজ-প্রাসাদে নানা স্থলের খানাতলাসি-লব্ধ বহু ছোট বড় নূতন পুরাতন খড়ম আসিয়া গাদা হইতে লাগিল। কিন্তু রামচন্দ্রের সেই শ্রীশ্রীখড়মের পাঁচ যেমন নিরুদ্দেশ তেমন নিরুদ্দেশই রহিয়া গেল।



রাজ-প্রাসাদের এক বৃহৎ উঠানে সারি সারি গণংকারগণ খড়ি পাতিয়া বসিয়া হারান খড়মের ঠিকানা অন্বেষণে লাগিয়া গেল। কেহ বলিল যে, তাহা এক দল দস্যুর আন্তানায় বিক্র্যাচলের এক গুহা মধ্যে রহিয়াছে। অপর কেহ বলিল, উহা লইয়া এক জন ডাইনী রামচন্দ্রের প্রাণনাশের জন্য তুকতাক করিতেছে। এক এক জন এক এক কথা বলে এবং সেই অনুসারে রাজ্য ওলট-পালট হয়। কখন বিক্র্যাচলের গুহায় গুহায় রাজার সেনাগণ ঘুরিয়া মরে, কখন বা বৃদ্ধা স্ত্রীলোকদিগের গৃহে গিয়া সান্দ্রীগণ অত্যাচার করে। কিন্তু কোনই ফল হয় না। তুল পথে চালাইবার জন্য এক জনের পর এক জন গণংকারকে উর্টা গাধায় চড়াইয়া রাজ্যের বার করিয়া দেওয়া হয়।

ভরত ষড়ষন্ত্রের ভয়ে কাতর। রাতে তাঁহার নিদ্রা হয় না। অন্ধকারে তিনি ছুরিকা দেখেন, খাঞ্চে বিষ দেখেন এবং সর্বত্র গুপ্ত ঘাতকের ছায়া দেখিয়া চমকিয়া উঠেন। তাঁহার জন্য প্রাসাদের সর্বত্র সারা রাত্রি প্রদীপ জলে। ভোজনকালে খিড়ালশাবকরা রাজ-ভোগের ভাগ পাইয়া পাইয়া স্থূল বর্জু লাকার হইয়া উঠে এবং রাজ-প্রাসাদের প্রহরীর সংখ্যা নিত্য বৃদ্ধি হয়।

এমন সময় এক দিন রাজার প্রধান পুরোহিত অতি প্রাতে নিদ্রা ত্যাগিয়া রাজার সরযু নদীতে অবগাহন করিতে গেলেন। সরযু নদীর স্নানের ঘাটের উপর একটি পুষ্কর ছায়ায় এক বৃদ্ধা বসিয়া বসিয়া পুষ্প, মালা, তৈল প্রভৃতি বিক্রয় করে এবং রাজার ফোঁটা কাটিবার জন্য স্নানার্থীদিগকে চন্দন সরবরাহ করে। পুরোহিত মহাশয় অত্যন্ত ক্লান্ত হইয়া জলে অবস্থান করিয়া উঠিয়া আসিয়া শিখার জন্ত একটি পুষ্প ও তিলকের জন্ত কিছু চন্দন আহরণার্থে বৃদ্ধার নিকট গিয়া দাঁড়াইলেন। সে তাঁহাকে সাষ্টাঙ্গে প্রণিপাত করিয়া একটি

ফুল দিল ; কিন্তু চন্দন দিতে গিয়া দেখিল, চন্দনের পাত্র শূন্য । ইহা দেখিয়া সে ঠাকুরকে বলিল, “প্রভু আপনি দয়া করিয়া অল্পকণ অপেক্ষা করুন, আমি আপনার জগ্ন চন্দন বাটিয়া দিতেছি ।” রাজপুরোহিত দাঁড়াইয়া আছেন । বৃদ্ধা চন্দন বাটিতে আরম্ভ করিল । হঠাৎ পুরোহিত ঠাকুর বিকটস্বরে, “আ, কি সর্বনাশ !” বলিয়া চীৎকার করিয়া তীব্রগতিতে বৃদ্ধার সম্মুখ ত্যাগ করিয়া উর্দ্ধ্বাসে পলায়ন করিলেন । চারিদিকে ভিড় জমিয়া গেল । বৃদ্ধাও কিছু বুঝিতে না পারিয়া “হায় কি হইল” বলিয়া আর্ন্তনাদ করিতে লাগিল ।

পুরোহিত ঠাকুর কিন্তু অনতিবিলম্বে কয়েকজন প্রহরী লইয়া সেই স্থলে ফিরিয়া আসিলেন এবং খুব জোর গলায় বলিলেন, “ঐ বৃদ্ধাকে শৃঙ্খলাবদ্ধ কর এবং উহার পুঁটুলি খুলিয়া কি আছে দেখ ।”

প্রহরীগণ বৃদ্ধার পুঁটুলি খুলিতেই তাহার ভিতর হইতে হারান সোনার থালাখানি ও খড়মের পাটিটি বাহির হইয়া পড়িল । সকলে স্তম্ভিত । বৃদ্ধাকে তৎক্ষণাৎ শিকলে বাধিয়া টানিতে টানিতে রাজার সভায় লইয়া যাওয়া হইল ।



বৃদ্ধাকে তৎক্ষণাৎ শিকলে বাধিয়া টানিতে টানিতে রাজার সভায় লইয়া যাওয়া হইল

ভরত খড়ম ও বাবিকা বৃদ্ধার বিকট পাওয়া গিয়াছে শুনিয়া তাহাকে তাহার সহ-বড়বন্ধকারীদের নাম বলাইবার জন্ত নিযাতন করিতে আদেশ দিলেন । কিন্তু বৃদ্ধা সহস্র নির্যাতন সত্ত্বেও কিছু বলিল না । ভরত তখন গম্ভীরকণ্ঠে বলিলেন, “রে নারী, তুই কি জানিস না যে তোর এ অপরাধের শাস্তি প্রাণদণ্ড ? তবে তুই কেন বৃথা নিজের পাপ গোপন করিতে চেষ্টা করিতেছিলি ?”

বৃদ্ধা বলিল, “প্রভু, আমি কি করিয়াছি জানিলে বলিতে পারি, সে বিষয় আমি কি জানি।” ভারত-উদ্ভেদিতকণ্ঠে পার্শ্ব সমরসচিবকে জিজ্ঞাসা করিলেন, “কি, ইহাকে ইহার অপরাধের কথা বলা হয় নাই?”

সমরসচিব ভীতকণ্ঠে বলিলেন, “প্রভু, কি অপরাধ তা তো সকলেই জানে; বলিব আর কি?”

বৃদ্ধা কাতর হইয়া বলিয়া উঠিল, “প্রভু, সকলেই জানে আমি বাতীত।”

ভারতের আদেশে তখন বৃদ্ধাকে বলা হইল যে, সে অপর বহুব্যক্তির সহিত বড়ঘর করিয়া রামচন্দ্রের খড়মের এক পাটি অপহরণ করিয়াছে ও রাজ্যে বিদ্রোহের চেষ্টা করিতেছে, এই অপরাধে সে ধৃত হইয়াছে।


বৃদ্ধা সকল কথা শুনিয়া কাঁদিতে কাঁদিতে বলিল, “প্রভু, বিগত মাসের প্রথম ভট্টারক-বারের প্রাতে আমি যখন আমার ব্যবসায়স্থলে বসিয়া আছি, এমন সময় আমার মাথার উপরে বৃক্ষশাখায় আওয়াজ শুনিয়া চাহিয়া দেখি একটা বানর আমার উদ্দেশে বিকট মুখভঙ্গি করিতেছে। তাহার হস্তে কি একটা চকমক করিতেছিল। আমি তাহা দেখিয়া তাহার প্রতি একটা লোষ্ট্র নিক্ষেপ করিতেই সে সশব্দে আমার পদপ্রান্তে তাহার হস্তস্থিত বস্তু নিক্ষেপ করিয়া পলায়ন করিল, আমি দেখিলাম একখানা উৎকৃষ্ট পিত্তল থালিকা, কিছু অখাদ্য ভোজ্য বস্তু ও এক পাটি চন্দন কাষ্ঠের খড়ম। আমার নিকটে তৎকালে চন্দন কাষ্ঠ অল্প থাকাতে আমি থালিকা ও পাদুকা সম্বন্ধে তুলিয়া রাখিলাম ও ভোজ্যগুলি দূরে নিক্ষেপ করিলাম। সেই দিন হইতে আমি খড়মের পাটিটি ঘষিয়া সকলকে চন্দন-প্রলেপ সরবরাহ করিতেছি। প্রভু, ভগবান আমার প্রতি সদয় হইয়া আমাকে পিত্তল থালিকা ও চন্দনকাষ্ঠখণ্ড দান করিয়াছেন, ইহাতে আমার অপরাধ কোথায়?” সকলে এই কাহিনী শুনিয়া ভোঁ অরাক! ভারতের মানস-চক্ষের সম্মুখ দিয়া মাসাধিককালের অকারণ বিভীষিকার দৃশ্যগুলি যেন পুনর্বার অভিনীত হইয়া গেল। তিনি অদ্ভিতকণ্ঠে বৃদ্ধাকে খড়মের ভোগের প্রতি ‘অখাদ্য’ কথাটি প্রয়োগ করার অপরাধে পাঁচ ঘা বেজাবাত করিতে আদেশ দিয়া সভা ভঙ্গ করিয়া অন্তর মহলে চলিয়া গেলেন। এত ভীতি, এত হস্তগোল, সব কিনা একটা বানরের জন্ত! ছি, ছি, তিনি কি করিয়া সভাস্থলে মুখ দেখাইবেন! সেই দিন রাজ্যেই একটা বিশেষ আদেশ-পত্র সকল সভাসদের নিকট চলিয়া গেল; যেন তাঁহারা কেহ খড়মসংক্রান্ত আসল খবর প্রকাশ-না করেন এবং তৎপরে দেশের সর্বত্র রাষ্ট্র করা হইল যে, বড়ঘর ধরা পড়িয়াছে, খড়মের পাটিটি বহু কষ্টে বড়ঘরকারীদিগের কবল হইতে উদ্ধার করা হইয়াছে, কিন্তু ভারত-রাজের অতিশয় দয়ার শরীর, তিনি তাই বড়ঘরকারী বন্দীদিগকে অবিলম্বে মুক্তি দিবার আদেশ দিয়াছেন। তাহাদিগকে শুধু একটা অঙ্গীকারপত্রে স্বাক্ষর করিতে হইবে যে, তাহারা ভবিষ্যতে আর কখন কোনরূপ বড়ঘর করিবে না। খড়মের যে দিকটা প্রলেপের উদ্দেশে ঘষিত হইয়া কল্পপ্রাপ্ত হইয়াছিল,

সেই দিকে হুদুক কারিগর দিয়া একটা চন্দন কাঠের তালি লাগাইয়া লওয়া হইল এবং রাজ-প্রাসাদের বাতায়নগুলিতে বানরের প্রবেশ নিবারণার্থ গরাদে বাসন হইল।”

৩

নিরাড়ম্বরবাবু গল্প শেষ করিয়া ঘড়ির দিকে তাকাইয়া বলিলেন, “সর্বনাশ! রাত প্রায় ন’টা বাজে। আজ আর নয়; চলি।”





আবেদন
পাকডালী

ভূমিকা

এই বৎসর কলিকাতায় যতগুলি বাঙালী শিশু জন্মগ্রহণ করিয়াছে তাহার মধ্যে শতকরা প্রায় কুড়িভূজনের নাম রাখা হইয়াছে আবেদন। অকস্মাৎ বাঙালী-সমাজে এই নামটির প্রতি এইরূপ পক্ষপাতিত্বের যে সূচনা হইয়াছে তাহা যে অকারণ নহে ইহাই প্রমাণ করিবার জন্ত এই কাহিনী লিপিবদ্ধ করা হইতেছে। গত দুই তিন বৎসর যাবৎ বঙ্গসমাজের চোখের মণি, হৃদয়ের ধন, প্রাণের প্রাণ রূপে যিনি আমাদের মধ্যে বিরাজ করিতেছেন, সেই শ্রীআবেদন পাকডালীর প্রতি আন্তরিক শ্রদ্ধা ও ভক্তির নিদর্শনস্বরূপই বাঙালী আজ তাঁহার নামে নিজ সন্তানের নাম রাখিয়া তাঁহার নাম বাংলাদেশে চিরধ্বনিত রাখিবার চেষ্টা করিতেছে। বাংলার সকল পাঠশালা ও স্কুল খুঁজিয়া বেড়াইলেও দুই একটির অধিক রামমোহন, রামকৃষ্ণ, ঈশ্বরচন্দ্র কিম্বা কেশবচন্দ্র পাওয়া যাইবে না; কিন্তু দুই চার বৎসরের মধ্যেই বাংলার স্কুলে স্কুলে বিভিন্ন 'আবেদন'দিগকে পরস্পর বিচ্ছিন্ন রাখিয়া পুরস্কার ও শান্তি বিতরণ করা যে এক নিদারুণ সমস্যা হইয়া দাঁড়াইবে সে বিষয়ে আর সন্দেহ নাই। যে বীরপূজার অদম্য তাড়নায় আশ্রা অযোধ্যা ও বিহারের অর্ধেক লোক আজ 'হুম্মান' এবং উড়িষ্যার অর্ধেকের অধিক 'জগন্নাথ' সেই বীরপূজার আবেগই আজ আবার বাংলার নগরে নগরে, গ্রামে গ্রামে ও ঘরে ঘরে 'আবেদন' নামোচ্চারণের ভিতর দিয়া প্রকাশ পাইতেছে। গঙ্গোপাধ্যায়, বন্দ্যোপাধ্যায়, সার্যাল ও মিত্র হইতে আরম্ভ করিয়া

পিতৃভি, নন্দন ও ভড় সকল প্রকারের 'আবেদনে'ই যে অচিরাৎ বাংলা পূর্ণ হইয়া উঠিবে এ বিষয়ে কিছুমাত্রও সন্দেহ নাই। যে পুণ্যস্থিতি ও মহাত্ম্যতিমান অতিমানবের নাম কোন এক ভাগ্যবান জনকজননী সর্বাগ্রে আবেদন রাখিয়াছিল তাঁহাকে মনে মনে সাষ্টাঙ্গে প্রণাম করিয়া কাহিনীর ভূমিকায় নিযুক্ত হই।

১০

আবেদনের পিতা নীলাধর পাকড়াশীমহাশয় একদা আফিস হইতে গৃহে আসিবার পথে অকারণ পুরাতন পুস্তকের দোকানে চুকিয়া সস্তায় ডাবুউইনের জগদবিখ্যাত 'জীবজাতির উৎপত্তি' (Origin of Species) নামক পুস্তকখানি ক্রয় করেন। ঘরে পৌছিয়াই শুনিলেন, পত্নী একটি পুত্র-সন্তানের জননী হইয়াছেন। নীলাধরবাবু ভাবিলেন, তাই তো, কখন তো আমার পুস্তক ক্রয়ের ইচ্ছা হয় না। তবে আজই বা কেন এইরূপ ইচ্ছা হইল? ইহার কি তাহা হইলে কোন গুঢ় অর্থ আছে? ঈশ্বর কি আমায় এই অকারণ পুস্তক ক্রয়েছার ভিতর দিয়া গোপনে কোন আদেশ জানাইতেছেন।

নীলাধরবাবু সমস্ত রাত্রি জাগরণ করিয়া পুস্তকখানি পাঠ করিলেন। পাঠ করিয়া বুঝিলেন, মানুষের যে উন্নতি, তাহার যে ব্রহ্মের সহিত মিলনের পথে অনন্ত উদ্যম গতি, তাহার সমস্তটিই ভবিষ্যতের বৃকে নিহিত রহিয়াছে। অতীতে যে মানব বানর ছিল, ভবিষ্যতে সে হইবে দেবতা। যুগে যুগে, পলে পলে নিত্য নূতন ব্যক্তির জন্ম ও জীবনের ভিতর দিয়া কোন এক অজানা সৃজন-শক্তি নিরবচ্ছিন্ন আবেগে আপন আত্ম-প্রকাশে মাতিয়া উঠিয়াছে। ইহার পরিণতি কি, কোন আদর্শ সম্মুখে রাখিয়া এই বিশ্বশক্তি অগ্রসর হইতেছে তাহা অচিন্তনীয়। আমরা জানি, শুধু আমরা এই ক্রমবিকাশ লীলা-উন্নত সর্বনিয়ন্ত্রার ক্রীড়নক মাত্র। আমরা প্রতিমূহূর্তে সম্মুখে চলিয়াছি, অতীত আমাদের পায়ের নীচে—অতীতের ধাপ বাহিয়া আমরা ক্রমশ উর্দ্ধে আরও উর্দ্ধে উঠিতেছি। সন্তান যে, সে পিতার তুলনায় ব্রহ্মের নিকটতর।

সৃষ্টিশক্তি সন্তানের ভিতর দিয়া তাহার যে আবেদন (আকাঙ্ক্ষা), তাহা প্রকাশ করিতেছে। নীলাধরবাবু শিহরিয়া উঠিয়া বুঝিলেন, যশোদা কেন কৃষ্ণের মুখবিবরে বিশ্বরূপ দেখিয়াছিলেন। আজ এই যে সন্তান তাঁহার ঘরে জন্মগ্রহণ করিয়াছে ইহার মধ্য দিয়া ভগবান আপনার আদর্শের আরও কতখানি প্রকাশ করিবেন তা কে বলিতে পারে? নীলাধরবাবু একবার এই সন্তানের উদ্দেশে প্রণাম করিলেন।

পাশের ঘরে সদ্যোজাত সন্তানের ক্রন্দনে নীলাধরবাবুর চমক ভাঙিল। তিনি উঠিয়া পাশের ঘরে গমন করিলেন। কিছুকাল সন্তানের দিকে অপলকনে চাহিয়া থাকিয়া নীলাধরবাবু যখন তাহাকে কোঁড়ে না লইয়া ভূমিষ্ঠ হইয়া প্রণাম করিলেন, তখন

বুঝা খাই কাত্যায়নী ওরফে কাতু “ওমা কি হ’ল গো” বলিয়া বিকট চীৎকার করিয়া বাহিরের দালানে দৌড়িয়া বাহির হইয়া গেল এবং গোলমাল করিয়া বাড়ির অপরাপর লোকদিগকে আতুড়ঘরের দরজায় আনিয়া জড় করিল। নীলাধরবাবু শ্বিতহাস্তে সকলকে অভ্যর্থনা করিয়া বলিলেন যে, ব্যাপার কিছুই নহে, তাঁহার মস্তিষ্ক ঠিক পূর্ববৎই আছে; শুধু তিনি ভগবানের আদেশেই অনন্তের আদর্শকণিকা এই শিশুকে ভক্তি নিবেদন করিতেছেন। সবাই অবাক! নীলাধরবাবু সকলকে বুঝাইয়া বলিলেন যে, এই শিশু মধ্যে যে সৃষ্টির আবেদন নিহিত রহিয়াছে, তাহার তুলনায় শঙ্করের দর্শন, গৌতম বুদ্ধের দিব্যবাণী, চৈতন্যের প্রেমের আহ্বান অতি নিম্নস্তরের ব্যাপার। নূতন যে আসিয়াছে সে তো অতীতের সকল সঞ্চিত উন্নতির আধার বটেই—তা ছাড়া তাহার ভিতর রহিয়াছে অনন্তের আলোক, ঝরণার পুণ্য নীরের আর এক অঙ্গলি। সৃষ্টির প্রারম্ভ হইতে মানব ভগবানের চরণে তমসো মা জ্যোতির্গময় বলিয়া যে প্রার্থনা জানাইয়াছে বর্ষে বর্ষে নিত্য-নূতন শিশুর-জন্মের ভিতর দিয়া ভগবান মাহুষকে সেই প্রার্থিত পূর্ণজ্যোতি এক এক রশ্মি করিয়া দান করিতেছেন। নীলাধরবাবুর মুখ হৃদয়ের আবেগে আলোকিত হইয়া উঠিয়াছিল এবং সকলে তন্ময় হইয়া তাঁহার কথা শুনিতেছিল। তিনি সম্ভবত আরও অনেককণ সমান তোড়ে কথা বলিয়া যাইতেন; কিন্তু তাঁহার বুঝা পিসিমাতা এইসব শুনিয়া হঠাৎ হাউহাউ করিয়া কাঁদিয়া উঠিলেন। তার পর তীরবেগে ছুটিয়া পাশের ঘর হইতে একটা শাঁখ আনিয়া জ্বোরে জ্বোরে বাজাইতে লাগিলেন ও অন্তান্ত স্ত্রীলোকদিগকে উলু দিবার দ্রুত দম লইবার ফাঁকে ফাঁকে আদেশ করিতে লাগিলেন।

(সশব্দে)

“ওরে, ঘরে দেবতা এসেছেন, উলু দে, উলু দে!”

“ও খেঁদীর মা, শাঁখটা বাজা না মা, বুকে যে আর জ্বোর নেই।”

(রাগত)

“ওরে পোড়াকপালে দরোয়ান মিন্বে গেল কোথায়? জ্বোরপাড়া থেকে একটা শানাই আনতে যাক না।”

(আবেগভরে)

“ও নীলু, তুই কি পুণ্ডি করেছিলি রে!”

(ফুঁপাইয়া)

“দাদা দাদা, তুমি বেখে যেতে পারলে না!”

(হাঁপাইয়া)

“উঃ ওরে, ওমা খেঁদী, একটা মোড়া এনে দে না, আর তো পারি না।”

গিসিয়া একাই নানান আবেগের ঐক্যতানে আঁতুড়মঞ্চ এমন সরগরম করিয়া তুলিলেন যে, স্বয়ং নীলাধরবাবুও মিনিট পনের ডাবুউইন ও ক্রমবিকাশ তুলিয়া 'থ' অবস্থা প্রাপ্ত হইয়া রহিলেন। তার পর দুই দিন ধরিয়া বাড়িতে পাড়ার লোকের ভিড়ে ইহর বিড়ালেরও স্থান রহিল না। নীলাধরবাবুর গিসিয়া সর্বত্র রটাইয়া দিলেন যে, 'আমাদের নীলু'কে স্বয়ং মা দশভুজা স্বপ্ন দিয়াছেন যে, তাহার বাড়িতে এক অবতারের আবির্ভাব হইবে। ফলে গিনি হাফগিনি হইতে আরম্ভ করিয়া আধুলি ও কিং এডওয়ার্ডের ছয়ানি অবধি সকল প্রকার স্বর্ণ ও রৌপ্য মুদ্রায় নবজাত শিশুর তক্তপোষের পাদদেশ ভরিয়া উঠিল।

১০

নীলাধরবাবু আকিসের ডেসপ্যাচ ক্লাক ধরনীনাথের সহিত পুত্রের নামকরণ সম্বন্ধে বহু আলোচনা করিয়া তাহার নাম রাখিলেন আবেদন। ধরনীনাথ বলিল, সে অনেক নামে অত্যাধি চিঠিপত্র প্যাকেট ইত্যাদি পাঠাইয়াছে, কিন্তু আবেদন নামটি কখন তাহার চোখে পড়ে নাই। সৃষ্ট জগতের আবেদন শিশুর জীবনের ভিতর দিয়া প্রস্ফুট হইয়া উঠিবে বলিয়াই নীলাধরবাবু এই নামটি নির্দ্ধারিত করিলেন।

আবেদন বাড়িয়া উঠিতে লাগিল। চারিপাশে তার পিতা মাতা হইতে আরম্ভ করিয়া দূর সম্পর্কের কাকা মামা ও মাসিরা তাহাকে একাধারে পুত্রের গ্রায় স্নেহ ও দেবতার গ্রায় ভক্তি করিয়া তাহার মনোভাব চাকরিতে সচনিযুক্ত ইংরেজ ছোকরা সিভিলিয়ানের সমতুল্য করিয়া তুলিল। ভবিষ্যতে সে কমিশনার বা গভর্নর হইবে, এই কথা স্মৃতিতে চিরজাগ্রত রাখিয়া যেমন বৃদ্ধ ডেপুটি ও সাব-ডেপুটিগণ ছোকরা সিভিলিয়ানের সকল দোষত্রুটি ও ধুষ্টতাকে স্বেচ্ছায় ও স্বচ্ছন্দচিত্তে গুণ ও অমায়িকতা বলিয়া ভ্রম করে, আবেদনের সকল অগ্রায় আবদার ও অশোভন ব্যবহার তেমনি তাঁহার গুরুজনদিগের স্নেহ ও ভক্তিকাতর চক্ষে সরলতা নামে অভিহিত হইয়া আবেদনকে বাচালতা ও অশিষ্টতার ক্রমবিকাশ-মার্গে দ্রুত অগ্রগামী করিয়া তুলিল।

নীলাধরবাবু কোথায় যেন পড়িয়াছিলেন যে, প্রাচ্যের কোন এক মহাশক্তিশালী জাতির লোকেরা পূর্বপুরুষের পূজা করে। তিনি ডাবুউইনের কেতাবখানি পাঠ করিবার পরে স্থির করিয়াছিলেন যে, নিবৃদ্ধিতার ইহা অপেক্ষা স্পষ্ট উদাহরণ আর পাওয়া সম্ভব নহে। যে পূর্বপুরুষগণের অন্বেষণে অধিক দূর যাইলে বৃক্ষে আরোহণ করিতে হয় সেই পূর্বপুরুষের পূজা। হায় মুচ নর! এত কাল কি নিদারুণ অজ্ঞানতার মধ্যেই ডুবিয়া ছিলে! নীলাধরবাবু বলিলেন, "মাতৃষকেই যদি পূজা করিবে তবে যাহার মধ্যে ভগবানের ছায়া গাঢ়তম হইয়া পড়িয়াছে তাহাকে পূজা কর।" তিনি আবেদনের জন্মের তিন চার



সন্তান-পূজা

মাস পর হইতেই গৃহে নিয়মিতভাবে মাসে একবার করিয়া “সন্তান-পূজা” করিতে লাগিলেন। শিশু অবস্থায় আবেদন পিড়িতে শায়িত অবস্থায় পূজা গ্রহণ করিত, পরে তাহাকে একখানা আবলুস কাঠের চৌকিতে বসাইয়া পূজা করা হইত। সে ফুল

আলো শাঁখ ও ঘণ্টা যতটা পছন্দ করিত, তাহা অপেক্ষা অনেক অধিক পছন্দ করিত নিজের ভোগটি। আবেদনের প্রসাদ অনেক সময় পিঁপিড়ার পক্ষেও বধেই হইত না।

এইরূপে আবদার ও পূজা পাইয়া সন্তান-দেবতা আবেদন ক্রমশ বড় হইতে লাগিল। দেবতার আসনে অধিষ্ঠিত হওয়ার ফলে সে শিশু অবস্থা হইতেই নির্ধিকারচিত্তে ছোটবড়নির্ধিকেশে সকলকে সর্বপ্রকার উপদেশ দিতে পারিত। খৃষ্টীয়ানদিগের ভগবান যখন অনন্ত অঙ্ককারে বসিয়া বসিয়া হম্মরান হইয়া হঠাৎ বসিয়া উঠিয়াছিলেন, “আলো হউক” তখন যেমন তাঁহার চিত্তে এরূপ কোন সন্দেহ জাগে নাই যে, তাঁহার অত্ৰাস্তবাণীতে আলো না হইয়া একটি উর্ক-লাজুল গো-বৎসও হইতে পারে, আবেদনও তেমনি যখনই কিছু উচ্চারণ করিত তখন কদাপি তাহার নিজের মত বা ইচ্ছার বিরুদ্ধে কিছু ঘটতে পারে এরূপ কল্পনাও করিতে পারিত না। সেই যে সে সকল মতামত ও ইচ্ছা-অনিচ্ছার একমাত্র নিয়ন্তা এই ধারণা আবেদনের অন্তরে দৃঢ়নিবদ্ধ ছিল। আবেদন বাড়িতে লাগিল।

১০

আবেদনের যখন আট বৎসর পাঁচ মাস বয়স সেই সময় এক দিন সন্তান-পূজা-নিযুক্ত অবস্থায় নীলাধরবাবু অরবিকার রোগাক্রান্ত হইয়া কয়েক দিন ভুগিয়া পূর্বপুরুষদিগের অনুসরণ করিলেন। এই ঘটনার ফলে সকল বিষয়েই একটা বিশৃঙ্খলা আসিয়া পড়িল। আবেদনের এক কাকা বিলাত-প্রত্যাগত ও কুসংস্কার-বিষেবী ছিলেন। তিনি এত দিন নীলাধরবাবুর কার্যকলাপ দেখিয়া শুধু দূর হইতে নাক সিটকাইতেন। আজ নীলাধরবাবুর মৃত্যুতে তিনি যেন একটা উচুদরের স্রবিধা পাইয়া গেলেন। তিনি নীলাধরবাবুদের বাড়িতে আসিয়া সকল বিষয়ের তত্ত্বাবধান স্বরূপ করিলেন। আবেদন প্রথম দিনই তাঁহাকে বলিল, “তুমি যে ভারি আমার প্রণাম করলে না?”

কাকা বিস্ময়কণ্ঠে বলিলেন, “তোমার পূজা ভাল করে করব বলে একটা চাবুক আনতে পাঠিয়েছি।”

আবেদন বলিল, “চাবুক কাকে বলে?”

কাকা তাহাকে বলিলেন যে, সে এক প্রকার জিনিষ যাহার স্বাদ একবার পাইলে আর কখন ভুলা যায় না। এত দিন আবেদনের অক্ষর পরিচয়ও হয় নাই। কাকা তাহাকে ছুঁলে ভক্তি করিবার জন্ত লইয়া যাইবেন বলায় আবেদন বলিল, “লেখাপড়া তো বারা চাকরি করে তারা করে, আমি কেন লেখাপড়া করতে বাব?”

কাকা তাহাকে কানে ধরিয়া হেয়ার ছুঁলে ভক্তি করিয়া দিলেন।

অতঃপর কিছুকাল আবেদন ছুলের সহপাঠীদিগের নিকট প্রহার ও মাষ্টারদের কাছে তাড়া খাইয়া সন্তান-দেবতা ভাব কথঞ্চিৎ ভুলিবার পথে অগ্রসর হইতে লাগিল।

কিন্তু শিশুকালে যে ভাব মনের উপর গভীর হইয়া একবার বসিয়া যায় তাহা সম্পূর্ণরূপে অপমৃত কোন কালেও হয় না। আবেদন আগের ছাত্র আর আজকাল সকল কথায় কথা বলিত না বটে, কিন্তু যখন কথা বলিত, তখন তাহার প্রতি অক্ষরে বক্তৃতা ও ভাবকেশরের মোহস্তম্বিত একটা ভাব পরিষ্কার ফুটিয়া উঠিত। এইরূপে আবেদন জুলজীবন অতিবাহন করিয়া সংসারযাত্রার সেই চৌরাস্তার আনিয়া উপস্থিত হইল, যেখানে দাঁড়াইয়া যাক্ষুণ স্থির করে সে উকিল, মোস্তার, ডাক্তার, হাড়ুড়ে, লেখক, নিকর, এঞ্জিনিয়ার, ওডারসিয়ার, ধর্মপ্রচারক, শেয়ারের দালাল, প্রকেসর, আই. সি. এস., মোটর ড্রাইভার, অভ্যর্থনাসাধ্যার, স্বরাজিষ্ট ইত্যাদি নানা প্রকার জীবের মধ্যে কোন যুথের অঙ্গসংগণ করিবে।

কাকা বলিলেন, “আবেদনের যে রকম উৎকৃষ্ট ধরণের মগজ, তাহাতে তাহার লেখা-পড়ার দিকে না যাইয়া কোন হাতের কাজে মনোনিবেশ করা উচিত।” পিসিমা বলিলেন, “ও এল.-এ. পাশ দিয়ে ওকালতি করুক। ও পরে ঠিক ডেপুটি হবেই হবে।” জ্যাঠা বলিলেন, “দিদি, তুমি যা বোঝ না সে বিষয়ে কথা বল কেন? ওরকম করে ডেপুটি মহাভারতে নকুল-সহদেব হয়েছিল শুনেছি, আজকাল ওরকম হয় না। দেখ আবেদনকে তার চেয়ে ডাক্তারি পড়াও।” কাকার আপত্তি সত্ত্বেও আবেদন ডাক্তারি পড়িবে ঠিক করিয়া আই. এস-সি. পড়িতে আরম্ভ করিল। তবে দুই বৎসর পরে যখন তার নাম পাস-লিটে রেজিষ্ট্রারের সহির অতি নিকটেই দেখা গেল তখন সকলে তাহার ডাক্তার হওয়ার আশা ত্যাগ করিয়া তাহাকে ভেটেরিনারি কলেজে গরু ঘোড়ার চিকিৎসক হইতে পাঠাইলেন। কাকা বলিলেন, “যাহার যে-জাতীয় জীবের সহিত সাদৃশ্য ও সহানুভূতি অধিক তাহার পক্ষে সে জাতীয় জীবের সহিত কারবার করাই শ্রেয়।”

১০

আবেদনের মাতামহ বড় পাখোয়ানী ও গাইয়ে ছিলেন। আবেদনের জীবনে বংশানুক্রমিতার জগ্ন সঙ্গীত ও নিজ প্রতিষ্ঠানক গুণে হোমিওপ্যাথি, এই দুইটি জিনিষের বিশেষ প্রভাব তাহার বাল্যকাল হইতেই দৃষ্ট হয়। জনন-বিজ্ঞানে বলে যে বংশানুক্রমিক গুণাগুণ এক পুরুষ ছাড়িয়া তৃতীয় পুরুষেই অধিক প্রকাশ পায়। এক্ষেত্রে এই ধারণার নিভুলতা প্রমাণ হইয়াছিল। অতি বাল্যকাল হইতেই আবেদন সকল আবদার ও ক্রন্দন স্থর করিয়া করিত। যথা সে ভাত খাইবার সময় হইলে চীৎকার করিত—

॥	॥ ^১ A	॥	॥ ⁺ A	॥	॥ ^৩	॥ ^২
র	গ	র	গ	র	গ	র
আ	মি	ভা	ত	খা	বব

তাহার শিতার যুত্কার কিছুকাল পূর্বে সে “ওরে নীল আকাশের পাখী, আমার খাঁচায় আসবি না কি” বলিয়া একটা গান বাঁধিয়া সকাল হইতে রাত্রি অবধি গাহিত। এই গানের সুরটাকে রামকেনি-মিশ্রিত বেহাগ বলিলে ভুল হইবে না। তাহার এত অল্প বয়সে এরূপ সুরসিদ্ধতা দেখিয়া সকলে অবাক হইয়া গিয়াছিল। অতি অল্প বয়সে একবার ভুল করিয়া হোমিওপ্যাথিক মোবিউল এক মুঠা খাইবার পর হইতেই হোমিওপ্যাথির প্রতি আবেদনের একটা বিশেষ ভালবাসার সূচনা হয়। এই ভাব ক্রমে বাড়িয়া তাহাকে বাল্যে গোড়া হোমিওপ্যাথি-ভক্ত করিয়া তুলে। এমন কি, সে হাত পা কোথাও কাটিয়া-ফুটিয়া গেলে কদাপি আর্নিকা ছাড়িয়া টিংচার আইয়োডিন ক্ষত স্থানে লাগাইতে দিত না। স্কুলে পাঠের সময়েও সে পাঠ্য ও অপাঠ্য জাতীয় সকল পুস্তক ফেলিয়া চিলে-কোঠায় বসিয়া ‘সরল হোমিওপ্যাথিক শিক্ষা’র মনোনিবেশ করিত। আবেদন যে সময়ে ভেটেরিনারি কলেজে ভর্তি হইল সে সময়ে তাহার হোমিওপ্যাথি-প্রীতি বিশেষ গভীরতা লাভ করিয়াছিল।

১/০

কিছুকাল ভেটেরিনারি কলেজে পাঠের পরে আবেদনের অন্তরে একটা দারুণ সমস্যা ক্রমশ প্রকট হইয়া উঠিতে আরম্ভ করিল। তাহার আত্ম-সম্বন্ধ জানে আবেদন বুঝিয়াছিল যে, অ্যালোপ্যাথি মতে চিকিৎসা ও ঔষধের সহজে সৃষ্ট প্রাণীগণকে বিষ পান করান একই কথা। তাহা ব্যতীত সার্জারির উগ্রভাব তাহার কোমল প্রাণে বড়ই অসহ্য ঠেকিত। কিন্তু ঘোড়ার হাসপাতালে সবই অ্যালোপ্যাথি ও সার্জারি; কথায় কথায় বিষবৎ ঔষধ প্রয়োগ ও ছুরি কাঁচি সঞ্চালন। বেচারি অবলা জীব-জন্তুদিগের প্রতি এ অবিচার ও অত্যাচার দেখিয়া আবেদনের প্রাণ কাঁদিয়া উঠিল।

এক দিন সে দেখিল, একটা অশ্বতরের খুব কাটিয়া চাঁছিয়া কি যেন করা হইতেছে। সেখানে উচ্চপদস্থ কর্মচারীদিগের মধ্যে কেহ উপস্থিত ছিলেন না। আবেদন বলিল, “আরে, কেন শুধু শুধু জানোয়ারটাকে কষ্ট দিচ্ছ ? একটু খুঁজা খাটি লাগিয়ে দাও, আর এক ডোজ ঘাসের সঙ্গে মেখে খাইয়ে দাও, ব্যাস, সব ঠিক হয়ে যাবে।”

তাহার মুখের আশ্চর্যবিশ্বাসের ভাব দেখিয়া অল্প-বেতনভোগী নিরক্ষর যে লোকটি অশ্বতরের চিকিৎসায় নিযুক্ত ছিল সে অবাক হইয়া বলিল, “সে কি-রকম ওহুদ মসাই ? তাও আবার হয় নাকি ? কই, দিন তো দেখি, কেমন খুব ঠিক হয়ে যায় !”

আবেদন তাড়াতাড়ি বাইসিকুল চড়িয়া নিকটবর্তী এক হোমিওপ্যাথিক দোকান হইতে ঔষধটি আনিয়া দিল। খাওয়ান হইল। খুরে লাগাইবার সময় লোকটি আবেদনকে বলিল, “নিম্ন মসাই, আপনার ওহুদ আপনিই লাগান। শেষে বলবেন, লাগাইবার ভুলের

অশ্বে ব্যায়রাম সারল না।" আবেদন অগত্যা অশ্বতরের নিকটে গিয়া তাহার খুরে খুঁজা খাটি ঘষিতে আরম্ভ করিল। কিন্তু হঠাৎ কি হইল বলা যায় না, কার দোষে হইল তাহাও বলা যায় না, দেখা গেল পায়ের বাঁধন চামড়ার ট্রাপটি পা হইতে খুলিয়া ফেলিয়া অশ্বতরটি সবেগে আবেদনের প্রতি পদ-সঞ্চালন করিল। আবেদন তীব্রবেগে নিজেকে রক্ষা করিবার জন্য খুঁজার শিশি মাটিতে নিক্ষেপ করিয়া তির্যাক্গতিতে পলায়নপর হইল বটে, কিন্তু



জিনের কোটের উপর অশ্বতরের খুরের একটি ছাপ—

তাহার পৃষ্ঠে জিনের কোটের উপর অশ্বতরের খুরের একটি ছাপ, একটা মাঝারি গোছের পতন ও তজ্জাত কয়েকদিনস্থায়ী গাঙ্গ-বেদনা হইতে সে নিজেকে বাঁচাইতে পারিল না।

এই ঘটনার পর হইতে কলেজে তাহার খ্যাতি ছড়াইয়া পড়িল। সে সকলের

নিকট হান্সাপ্পদ হইল, কলেজের প্রিন্সিপাল তাহাকে ডাকাইয়া এ বিষয়ের জ্ঞাত্তিরস্বারও করিলেন, কিন্তু আবেদনের নিজের হোমিওপ্যাথির প্রতি বিশ্বাস ইহাতে টলিল না।

তার পর কিছুকাল আবেদন বিবেকের দংশন সহ করিয়াও চুপচাপ রহিল; কিন্তু যে দিন আসন্ন-বাহুর একটি রুম গাভী করণনেত্রে তাহার দিকে তাকাইল, সে দিন সে নিজের ভবিষ্যৎ প্রভৃতি সকল কথা ভুলিয়া গাভীটিকে খড়ের সহিত এক ভোজ পালসেটিলা সিন্ধু-এক্স দিয়া ফেলিল। ঘটনাচক্রে এক জন পদস্থ কর্মচারী সেই দিক দিয়া যাইতেছিলেন। তিনি আবেদনকে এদিক ওদিক তাকাইতে দেখিয়া তাহাকে জেরা করিয়া ঔষধ দেওয়ার কথা বাহির করিয়া ফেলিলেন। আবেদনের নামে রিপোর্ট হইল—আবেদন গরু-ঘোড়ার হাসপাতাল হইতে বিতাড়িত হইয়া গৃহে ফিরিয়া গেল।

১৭০

দিন কতক আবেদন নিষ্কর্মা হইয়া বাড়িতে বসিয়া রহিল। হোমিওপ্যাথির জ্ঞাত্তিরস্বারের নিকট এইরূপ অবিচার পাইয়া ও লাহিত হইয়া তাহার মনটি বিষাক্ত হইয়া উঠিয়াছিল। সে হোমিওপ্যাথির ফ্যামিলি বক্স ও পুস্তকাদি একটা ভাঙা টেবিলের দেয়ালে বন্ধ রাখিয়া তাহার জীবনের অপর অবলম্বন সঙ্গীতের উন্মাদিনী সুরতরঙ্গে সকল-কিছু ভুলিয়া ঝাঁপ দিয়া পড়িল। সে সঙ্গীতকে অন্তরের বেদনা ব্যক্ত করিবার শ্রেষ্ঠ পথ বলিয়া বুঝিয়াছিল। তাই তার হোমিওপ্যাথির জ্ঞাত্তিরস্বার আত্মবলিদানের ব্যথা আজ সে ভৈরবী ও যোগিয়ার সুরঙ্গ মুর্ছনায় ভোরের পাখীর সঙ্গে সঙ্গেই একতানে ঈশ্বরের চরণে নিবেদন করিল। সেই একই বেদনার উচ্ছ্বাস আবার শুনা যাইত গভীর নিশীথে চল্লিকা-চকিত তিন-তলার ছাদে নিঃস্বাছীন আবেদনের আবেগক্লিষ্ট কণ্ঠের বেহাগ-নিমাদে। সেই কম্পমান কড়িমধ্যমের চেউ জ্যোৎস্বাসিক্ত পবন-হিল্লোলে বাহিত হইয়া যখন অর্ধস্বপ্ন প্রতিবেশীদিগের কর্ণকুহরে প্রবেশ করিত, তখন তাহার ঘাঘা বলিত তাহা এ কাহিনীর অন্তর্গত নহে।

ছয় মাস বাইশ টাকা মূল্যের একটি হারমোনিয়ম ও মাতামহের আমলের একটি তানপুরাকে প্রতিবেশীদিগের সহিত সমবেদনায় কাঁদাইয়া আবেদন অবশেষে তাহার কাকাকেও সজাগ করিয়া তুলিল। তিনি বলিলেন, “ছোড়াকে চাবকিয়ে আমি সিধে করব।” কিন্তু কার্যের বেলা দেখা গেল, আবেদনের মাতা, পিসিমাতা ও জ্যেষ্ঠতাতের সহিত পরামর্শ করিয়া তিনি আবেদনকে আমেরিকায় পাঠাইবার বন্দোবস্ত করিতে লাগিলেন। আমেরিকা হোমিওপ্যাথির তীর্থস্থান। ছেলেটির যখন হোমিওপ্যাথির দিকেই এতটা টান রহিয়াছে, তখন না হয় ও হোমিওপ্যাথিই শিক্ষা করুক। আবেদন অতঃপর এক দিন দুইটি চাদনীর হাল ফ্যাশনের স্ট্রট এবং একটি গোলাপী রঙের পাগড়ি লইয়া আমেরিকার পথের পথিক হইল, সঙ্গে লইল সে তার তানপুরাটি।

নিউইয়র্কের এক হোমিওপ্যাথিক কলেজের পুরাতন খাতাপত্র খাটিলে এখনও আবেদনের নাম পাওয়া যাইবে। সেখানে সে বেশী দিন ছিল না, কিন্তু এখনও কলেজের কেহ কেহ তাহার নাম করিলে সহাস্তমুখে তাহার কথা স্মরণ আছে বলিয়া স্বীকার করিয়া থাকে। যে দিন সে প্রথম গোলাপী পাগড়িটি পরিধান করিয়া কলেজে যায়, সেই দিন হইতে কলেজের সকলে তাহাকে দেখিলেই অকারণে মুচকি হাসি হাসিত। ইহাতে আবেদন যেন বড় ব্যথা পাইল। সে হোমিওপ্যাথির জন্ত সব সঙ্কট করিতে প্রস্তুত ছিল। কিন্তু অপরে যে তাহাকে লইয়া অযথা তামাসা করিবে, ইহা তাহার পক্ষে সঙ্কট করা একটু দুঃস্থ হইয়া দাঁড়াইল। কলেজের একটা ক্লাবের সেক্রেটারি তাহাকে এক দিন বলিল, “মিষ্টার পাকড়াশী, তুমি এক দিন আমাদের ভারতবর্ষ-সম্বন্ধে কিছু বল না?”

আবেদন বলিল, “আমি আর কি বলতে পারি বল না? কোন বিশেষ বিষয় বললে চেষ্টা করতে পারি।”

ইয়াকি ছোকরাটি বলিল, “এই ভারতীয় সঙ্গীত ও হোমিওপ্যাথি সম্বন্ধেই কিছু বল।”

আবেদন বলিল যে, সে চেষ্টা করিবে। সে দিন বাসায় ফিরিয়া আবেদন অনেক চিন্তা করিল, এ বিষয়ে কি বলা যায়। অনেক ভাবিয়া সে একটা সিদ্ধান্তে উপনীত হইল। পর দিন কলেজে গিয়া সে ক্লাবের সেক্রেটারিকে বলিল, “আচ্ছা, তুমি যে বিষয়ের নাম করেছ, সেই বিষয়েই আমি কিছু বলব।” যে দিন বিকালবেলা আবেদনের বলিবার কথা সে দিন সে কলেজে যাইবার পূর্বে দেশ হইতে আনীত একখানা সঙ্গীত সংক্রান্ত পুস্তক হইতে অনেক-কিছু একটা কাগজে টুকিয়া লইল। কলেজেও সে কাগজখানা বাহির করিয়া মধ্যে মধ্যে পড়িয়া লইতে লাগিল। সন্ধ্যাবেলা সকলে একজোট হইলে পর আবেদনকে তার বক্তৃতা দিবার জন্ত একটা বড় টেবিলের উপর সকলে উঠাইয়া দিল। আবেদন যাহা বলিল, বাংলা ভাষায় তাহার সার মর্ম এই—

“সৃষ্টির সঙ্গে সঙ্গেই সঙ্গীতের আরম্ভ। প্রথমে ছিল সৃষ্টিকর্তা ব্রহ্মের ইচ্ছাশক্তির প্রচণ্ড প্রবাহের শব্দহীন তরঙ্গ-সংঘাতের অশব্দ সঙ্গীত। তার পর সৃষ্টির বস্তু-রসের উৎসর্গ আলাপ। তার পর এসেছিল নানান প্রাণীর জন্ম-পরাজয়; আনন্দ-বেদনার নিঃশব্দ সর্বশেষে এসেছিল মানুষ, আর এসেছিল তার কর্তৃনিঃসৃত মনোজ্ঞানের অস্বীকার। এই যে নাদ বা স্বর জীবব্যয়ক শব্দ ইহাই ব্রহ্মের স্বরূপ প্রকাশ করে। আমাদের শাস্ত্র বলে—

ন নাদেন বিনা জ্ঞানং ন নাদেন বিনা শিবম্।

নাদরূপং পরং জ্যোতির্নাদরূপী স্বয়ং हरिः ॥

পাইতেছে। স্বর্গের স্বপ্নের স্বপ্ন

স্বর। উহা সা, রে, গা, মা, পা, ধা, নি ষ

স্বরের ভিতর দিয়াই সৃষ্টিশক্তি আত্মপ্রকাশ করিতেছে। ইহাদের এক একটি করিয়া লইলে ইহারা এক একটি ভাব প্রকাশ করে। এক একটিকে প্রাধান্য দিয়া অপরগুলি দিয়া তাহাকে হাল্কা বা ডাইলিউট (dilute) করিয়া ভিন্ন ভিন্ন রাগ-রাগিণী রচিত হয়। হোমিওপ্যাথিতে যেরূপ মাদার টিংচার যত অধিক ডাইলিউট করা যায়, ততই তাহার শক্তি বৃদ্ধি পায়, সঙ্গীতে সেইরূপ যে রাগ-রাগিণীতে মূল বা প্রধান বা বাদী স্বরের সহিত অল্প স্বরের মিশ্রণ যত অধিক দেখা যায়, তাহা তত ভাব-উদ্দীপনায় শক্তিশালী। এইরূপে অধিক স্বরবর্জিত রাগ-রাগিণী অল্প স্বরবর্জিত বা সম্পূর্ণ রাগ-রাগিণী অপেক্ষা অল্পশক্তিশালী; কিন্তু হোমিওপ্যাথির লোয়ার ডাইলিউশনের শ্রায় তাহাদের ভাব-প্রকাশ-ক্ষমতা ক্ষত কার্যকরী। যথা যোগিয়া ও বঙ্গালী নামক রাগিণীস্বরের মূল স্বর একই। কিন্তু বঙ্গালীতে মা ও নি ব্যবহার না হওয়াতে উহার মিশ্রণ বা ডাইলিউশন অল্প। সুতরাং মনের ভাব প্রকাশে যোগিয়া ও বঙ্গালী একইরূপে উপযোগী। যোগিয়াতে উহা সময়-সাপেক্ষ, কিন্তু গভীর; বঙ্গালীতে উহা শীঘ্র হয়, কিন্তু যোগিয়ার শ্রায় গভীররূপে হয় না।”

ইয়াক্বিরা চীৎকার করিয়া উঠিল, “Give us a Yogi! Give us a Yogi!”
(একটা যোগী গাও! একটা যোগী গাও!)

আর এক দল ভীষণ টেবিল চাপড়াইয়া গাহিয়া উঠিল, “Bong, Bong, Bong,”
(বং বং বং), give us a song! (একটা গান গাও)।

আবেদন আকুলকণ্ঠে বলিল, “আরও বলবার আছে, ধাম। রাগ-রাগিণীর ডাইলিউশন সম্বন্ধে আরও আছে, একটু গোলমাল ধামাও।”

কিন্তু কেইবা কার কথা শুনিবে? সকলে আবেদনকে কাঁধে করিয়া রাস্তায় বাহির হইয়া পড়িল ও গাহিতে লাগিল, “Bong, Bong, Bong.”

ইয়াক্বিরা হুজুগ করিতে আসিয়াছিল; হুজুগ করিয়া চলিয়া গেল; কিন্তু আবেদন মর্মান্বিত হইয়া গৃহে ফিরিয়া আসিয়া আর তিন দিন কলেজে গেল না। তার পর এক দিন সে নিউ ইয়র্কের হাওয়া অসহ্য দেখিয়া ক্যালিফোর্নিয়ার টিকিট কিনিয়া অদৃশ হইয়া গেল।

নিউইয়র্কে হোমিওপ্যাথির ছাত্রদের লঘুচিত্তের পরিচয় পাইয়া আবেদন আমেরিকা-সম্বন্ধে প্রায় হতাশ হইয়া উঠিয়াছিল। কিন্তু ক্যালিফোর্নিয়ায় যখন সে পৌছাইবার দুই ঘণ্টার মধ্যে একটা সিনেমা কোম্পানীতে ভারতীয় হাবভাব শিখাইবার কাজ পাইয়া গেল, তখন তার মনের হারান শাস্তি কতকটা ফিরিয়া আসিল। সে, সিনেমার কারখানায় যে সকল লোক ভারতীয় কোন ভূমিকায় অভিনয় করিত, তাহাদের পোষাক ও হাবভাব ঠিক হইত কি না দেখিত।

সিনেমার 'স্টার', খেঁচ অভিনেত্রীর নাম ছিল, মাদমোয়াজেল ফিফি। তাঁর চেহারাটা ঘোহারা ও বয়স একশ হইতে বাহারর মধ্যে কিছু-একটা। তিনি আবেদনকে দেখিয়া ও



“কাখে করিয়া রাস্তার বাহির হইয়া পড়িল ও গাহিতে লাগিল, “Bong, Bong, Bong”

তাহার নিকট ভারতীয় দর্শন, বিশ্বপ্রেমের বার্তা, অসহযোগ আন্দোলন, অহিংসা, ভারতীয় নাট্যকলার আদর্শ ইত্যাদি নানা বিষয়ে অনেক বহুমূল্য কথা শুনিয়া তাহাকে বড়ই পছন্দ করিয়া ফেলিলেন। সুবলচন্দ্র মিত্র মহাশয় প্রণয়ের যে সংজ্ঞা দিয়াছেন, ইহা ঠিক তাহা নহে। আবেদনের মতে ইহার ভিতর ছিল প্লেটোর নিস্পৃহতার আদর্শ, আর ছিল দুইটি জিজ্ঞাসু আত্মার পরস্পর-পরিচয়ের আকাঙ্ক্ষা।—আবেদন ফিফিকে ভারতীয় রাজকণ্ঠা সাজাইয়া একটি সতীদাহ ও জলস্ত প্রেমের দুঃসাহস-সংক্রান্ত নাটিকা “রিলিজ” (প্রকাশ) করার, তাহাতে নাটিকা মোটরকার ও এরোপ্লেন যোগে কলিকাতায় কেওড়াভনার ঘাট হইতে রাজা রামমোহন রায়ের পরিচিত বন্ধু এক কাশ্মীরী রাজপুত্রের সহিত সমস্ত পথ অশ্বারোহী সৈনিকদিগের দ্বারা অহুমত হইয়া ত্রীনগরে পলায়ন করিলেও উক্ত সিনেমা-চিত্র চিকাগো বুটোর নামক সংবাদপত্রে প্রশংসিত হইয়াছিল। সেই কাগজে ঐ উপলক্ষে আবেদনের একটি ছবি বাহির হয়; তাহাতে তাহাকে ভারতীয় নাট্যকার, দার্শনিক, বৈজ্ঞানিক, গায়ক ইত্যাদি নানা আখ্যায় ভূষিত করা হয়।

এইরূপ আরও কয়েকটা ছবি প্রস্তুত করাইতে পারিলেই আমেরিকায় আবেদন

এনিছ হইয়া উঠিতে পারিত। তাহাকে অনেকে তখনই স্বামীজি বলিয়া সম্বোধন করিতে আরম্ভ করিয়াছিল। কিন্তু এমন সময় আর একটি দুর্ঘটনার ফলে আবেদনকে কালিফোর্নিয়া ত্যাগ করিতে হইল। আবেদন এই সময় আর একটি চিত্রনাটিকা লইয়া ব্যস্ত ছিল। এক জন ইয়াকি কলিকাতার ঠনঠনিয়া কালীবাড়ির কালীর গহনাপত্রের মধ্য হইতে একটি নারিকেলের সমান বৃহৎ হীরক অপহরণ করে। তাহার ফলে দুই জন দিগবর জৈন সন্ন্যাসী তাহাকে জাহাজের খালসী সাজিয়া নিউইয়র্ক অবধি অহুসরণ করে ও শেষ অবধি তের জন স্ত্রীলোক ও আঠার জন পুরুষের জীবন বিপন্ন করিয়া হিপ্‌নটিজমের সাহায্যে হীরকটি পুনরুদ্ধার করিয়া ভারতে ফিরিয়া আসে। এই ঘটনাটি লইয়াই নাটিকাটি রচিত। যে দিন শ্রীমতী ফিফি হীরক-চোর ইয়াকির সহযোগিনীরূপে জৈন সন্ন্যাসীদিগের দ্বারা কূপে নিক্ষিপ্ত হইয়া বহু ঘণ্টা চিত্তে ছটফট করিবেন সেই দিন চিত্র উঠাইবার কয়েক ঘণ্টা পূর্বে তাঁর নিদারুণ মাথা ধরিল। তিনি অ্যাস্পিরিন খাইয়া শুইয়া থাকিতে যাইতেছেন, এমন সময় তাঁর মেথা হইল আবেদনের সহিত। আবেদন ব্যাপার কি শুনিয়াই বলিল, “আরে করছ কি? ওতে কিছু হবে না। তুমি এক ভোজ নল্পভমিকা সিল্‌ খেয়ে শুয়ে থাক, সব ঠিক হয়ে যাবে।” ফিফি তার কথায় নল্পভমিকা সেবন করিয়া শুইয়া রহিলেন। কিন্তু তাঁর মাথা-ধরা ক্রমে বাড়িতে লাগিল। সব বন্দোবস্ত ঠিক, একট্টা লোকেরা ঠেঙ্গে আসিয়াছে। ম্যানেজার, ব্যস্তসমস্ত হইয়া ফিফির খোঁজ করিতে পাঠাইলেন। ফিফির তখন নড়িবারও শক্তি নাই। সে দিন ছবি তোলা হইল না এবং তাহাতে ফিফির কিছু আর্থিক ক্ষতি হইল। ইহাতে ফিফির সমস্ত রাগ গিয়া পড়িল আবেদনের উপর। তিনি আবেদনকে একটা প্রকাশ্য স্থলে নিক্ষেপ ও হাতুড়ে বলিয়া খুব গালি দিয়া দিলেন। আবেদন পুনর্বার হোমিওপ্যাথির জন্তু লাহিত হইয়া শোকে আজ আত্মহারা হইয়া উঠিল। সে সিনেমার কার্যে তখনই ইস্তফা দিয়া বাহির হইয়া গেল। তাহার আর কালিফোর্নিয়ায় থাকিবার কিছুমাত্র ইচ্ছা রহিল না। সে সেই দিনই কোথাও চলিয়া যাইত; কিন্তু যাইবেই বা কোথায়? তাহা ব্যতীত কয়েক দিন হইতেই তাহার বৃড়ো আত্মলে একটা ভীষণ ব্যথাও হইয়াছিল। তাহাতেও সে বিশেষ কাবু ছিল।

আত্মলে আত্মলহাড়া লইয়া আবেদন একাকী কালিফোর্নিয়ার এক নির্জন প্রান্তরে বসিয়া আসে। ভীষণ টনটনে ব্যথা। যাতনায় বেচারার মুখখানা নীল উঠিয়াছে, কিন্তু কিছু না বলিয়া সে একমনে দূরের কতকগুলি গাছপালার দিকে চাহিয়া আছে। ভাবিতেছে কেন সে এই নিজঘোষে হতাদর হোমিওপ্যাথির জন্তু এত কষ্ট করিল! তার আত্মলটা টনটন করিয়া উঠিল। মনে হইল, বেলেডোনা খাটি। কিন্তু না, আর এ জীবনে হোমিওপ্যাথির সে ছায়াও মাড়াইবে না। এমন সময় পিছন হইতে মজার গলায় কে বলিল, “হিন্দু ম্যান ভেলি সলি?” (হিন্দু মানুষ অতিশয় দুঃখিত ?)

আবেদন কপালকুণ্ডলার আস্থানে সচকিত নবকুমারের স্ত্রীর চমকিতা উঠিয়া দেখিল, এক জন চীনা তাহাকে সম্বোধন করিতেছে। অল্প আলাপেই লাং চি ফং বুঝিয়া ফেলিল যে আবেদন আমেরিকার কুব্যবহার পাইয়া মর্মান্বিত ও আকুলে তাহার আকুলহাড়া হইয়াছে। লাং চি ফং বলিল, “মি দকতল্ গিব মেদিসিন” (আমি ডাক্তার ঔষধ দিব)।

আবেদন তাহার সহিত চলিল। কিছু দূর গিয়া লাং চি ফং চীনা ভাষায় আনন্দজ্ঞাপক একটা চীৎকার করিয়া রাস্তা ছাড়িয়া প্রান্তরের মধ্যে দৌড়িয়া চলিয়া গেল এবং অনতিবিলম্বেই কয়েকটা গাছগাছড়া হাতে করিয়া আবেদনের নিকট আসিয়া বলিল, “তু যিনিং কিওল্” (তু মিনিটে রোগশাস্তি)। লাং চি ফং পাতাগুলি চিবাইয়া আবেদনের আকুলে লাগাইয়া দিবার ছুমিনিটের মধ্যে সত্য সত্যই তার ব্যথা একেবারে সারিয়া গেল। আবেদন অবাক! সে লাং চি ফং-কে অনেক ধন্যবাদ দিল এবং অল্প কয়েক কাজ না থাকায় তাহার সহিত তাহার বাসায় চলিল। আবেদন দেখিয়া অনিয়া বুঝিল যে চীন দেশটি খুব প্রকাণ্ড, তাহার সভ্যতা অতি প্রাচীন এবং দর্শন, বিজ্ঞান, শিল্পকলা সাহিত্য, নাট্য, সঙ্গীত ইত্যাদি সকল বিষয়েই চীনারা পৃথিবীতে অগ্রগামী। সে স্থির করিল চীন দেশে গমন করিবে।

লাং চি ফং আবেদনকে চীনা ভাষায় কয়েকটি কথা, একটি চীনা পোষাক ও কয়েক জন চীনা স্ত্রীলোকের নিকট পরিচয়পত্র দিয়া তাহাকে দুই তিন সপ্তাহ পরে এক দিন চীন দেশে রওয়ানা করিয়া দিল। যাত্রার পূর্বে আবেদন কাকাকে লিখিল, “যে চীন সভ্যতার চরমে পৌঁছাইয়া সহস্রাধিক বৎসর হিমালয়ের মতন স্থিরভাবে চকল বহির্ভাগকে রূপা-কটাকে দেখিতেছে, সেই চীন আজ আমার ডাক দিয়াছে। আমি চলিলাম। পিতা সন্তান-পূজা করিয়া আজ আমার জগতের চক্ষে হস্তাস্পদ করিয়া গিয়াছেন, আবার জাম্যমান হইলাম, দেখি পূর্বপুরুষ-পূজা-নিয়ম চীন আমায় কোন্ শিক্ষা দান করে!”

॥০.

পিকিংএ পৌঁছিয়া আবেদন দিন কতক ঘোরাঘুরি করিয়া দেখিল যে চীনানিগের কোন কোন মহাপুরুষের মধ্যে জাতীয়তার প্রাণ জাগ্রত রহিয়াছে। নবীন চীনা-দেশের প্রাণ লিয়াং চি চাও দার্শনিকশ্রেষ্ঠ কু হং মিং এবং নাট্যকার ও অভিনেতার রাজা বর্তমান চীনের শেক্সপিয়ার মে লাং ফং প্রথমত আবেদনের দৃষ্টি আকর্ষণ করিলেন। আবেদন একটা কার্ডে নিজের নাম তাহার নীচে “জমণকারী ও ঔৎকর্ষিত সেবাসেবক” (Tourist and Volunteer Servant to the Cause of Culture) এই কথাগুলি ছাপাইয়া

গইয়া সকলের সহিত সাক্ষাৎ করিয়া বেড়াইতে আরম্ভ করিল। তাহার মহাপুরুষ-দর্শনের কাহিনী সে নিয়মিতরূপে লিপিবদ্ধ করিয়া একটি বাংলা সাপ্তাহিকে প্রকাশ করিতে



তু মিনিং কিঙল

লাগিল। লিয়াং চি চাও তাহাকে বলিয়াছিলেন, “হে নবীন ভারতবাসী, তোমরা
ব্রাহ্মণ ও মন্দির ছলিয়া মাও এবং প্রতি গৃহে মন্দির ও প্রতি প্রাণে ব্রহ্মণ্য প্রতিষ্ঠিত
কর।”

আবেদন তাঁহাকে বলিয়াছিল, “আপনি যাহা বলিয়াছেন তাহা যথার্থ, তবে আমি বলি দুই প্রকার বন্দোবস্তই থাকুক।”

মেলাং ফং-কে ভারতীয় নাট্যকলা সম্বন্ধে প্রশ্ন করায় তিনি বলিলেন যে, উহা শুধু ভারতীয় নহে এবং নাট্য নহে আর সকল-কিছুই উহা হইতে পারে। তাঁহাকে আবেদন জিজ্ঞাসা করিল, “তবে কি আপনি ভারতীয় নাট্যের উপর গ্রীক সভ্যতার প্রভাবে বিশ্বাস করেন?” মেলাং ফং বলিলেন, “কোন প্রজাবের কথা আমি বলিতেছি না, কথা হইতেছে অভাবের।”

কু হং মিংকে আবেদন সাংখ্যদর্শনের বেদনার চিরনিরন্তর চেষ্টা ও টাও দর্শনের ‘পথ’ সম্বন্ধে কিছু বলিতে বলায় তিনি কিছু বলেন নাই, শুধু শিরঃসঞ্চালন করেন। আবেদন তাঁহাকে বলিয়াছিল যে তিনি যদি এই দুই দর্শনের মিশ্রণে টাংখ্য-দর্শন নাম দিয়া কোন নূতন মত প্রচার করেন, তাহা হইলে সে তাহাকে সাহায্য করিতে প্রস্তুত আছে। কু হং মিং পুনর্বার উভয় দিকে শিরঃসঞ্চালন করিলেন।

এইরূপ অনেক ইন্টারভিউ-(সাক্ষাৎকার)-এর কাহিনী আবেদন বাংলা দেশের পাঠকদিগের কৌতূহল নিরন্তর জন্ম পাঠাইয়াছিল।

সে সুপ্রসিদ্ধ চীনা অঙ্ক ও দর্শনবিৎ বেতলাং লামেংকে কেমন ভর্কে কোণঠাসা করিয়াছিল, চীনের সর্বপ্রধান সঙ্গীতজ্ঞ ও সাহিত্যিক লোমাং লোমাং তাহাকে কেমন করিয়া নিজের পার্শ্বে বসাইয়া সোইয়া-শিম সিঙ্ খাওয়াইয়াছিলেন ও চীনা অভিনেতা কা চা লং কি কারণে অগতের শ্রেষ্ঠ অভিনেতা বলিয়া গণ্য হইতে পারেন, এই সকল কথা আবেদনের লিখিত বিভিন্ন ভ্রমণ বৃত্তান্তের মধ্যে প্রাপ্তব্য। কিন্তু চীন দেশের সকল-কিছুর মধ্যে আবেদনের প্রধান আকাজকা ছিল চীনা সঙ্গীতটি ভাল করিয়া আয়ত্ত করা।

১/০

চীন-সম্রাট ফু সি ঙ্গি: পু: ২৮৫২ অঙ্কে সঙ্গীতে আবিষ্কার করেন। চীনারা সঙ্গীতকে জীবনে যত উচ্চ স্থান দিয়াছে পৃথিবীর অপর কোন জাতি সেরূপ দেয় নাই। তাহাদের মতে স্বপ্ন-লহরীর কমতার অতীত কিছুই নাই। স্বপ্নবিজ্ঞাসের সাহায্যে মানব-হৃদয়কে যে-কোন দিকে লইয়া যাওয়া যায়। এমন কি, এই যে সহস্র সহস্র বৎসর ধরিয়া চীনারা নিজেদের সভ্যতার ক্ষেত্রে অচল স্থির ও শক্তিশালী করিয়া রাখিয়াছে তাহার মূলে রহিয়াছে, চীনার চিন্তাবিকারের মহৌষধ চীন-সঙ্গীত। আবেদন এই সঙ্গীতের নাকি সুরের সাময়িক কষ্টকারিতা ও ঘণ্টা ও চক্কা নিনাদের কঠিন আবরণ ভেদ করিয়া ইহার অন্তরের মাধুর্যের স্বাদ গ্রহণ করিবেই বলিয়া মনস্থ করিল। সে তিন মাস কাল চীনা স্বর ও তাল সাধন করিল এবং প্রীলোক-বর্জিত চীনা রঙ্গমঞ্চের আর্টঘাট আরও দুই মাস ধরিয়া চিনিয়া

লইল। তার ইচ্ছা ছিল চি'ন, শে, মাপা, পিপা প্রভৃতি চীনা বাস্তব-বস্তুগুলিও আয়ত্ত করিবে, কিন্তু এক দিন যখন সে মহামতি লোমাং লোমাংএর কাছে যাইবে এরূপ মনস্থ করিতেছে, ঠিক সেই সময় একটা কেবুলগ্রাম আসিল যে তাহার কাকা গতায়ু হইয়াছেন। আবেদন ছিল তাহার কাকার একমাত্র উত্তরাধিকারী, সুতরাং তাহাকে প্রথম যে জাহাজটি পাওয়া গেল তাহাতেই দেশে ফিরিতে হইল। সঙ্গে রহিল কয়েকটি চীনা বাদ্যযন্ত্র ও কয়েকখানা ভ্রমণবৃত্তান্ত-পূর্ণ ডায়েরী।

৥০

জাহাজে আবেদনের একটি বান্ধবী জুটিয়া গেল। তাঁহার বাস ফিলিপাইন দ্বীপে। আবেদন প্রত্যহ তাঁহার সহিত জাহাজের ডেকে বসিয়া নানাপ্রকার গল্প ও আলোচনা করিত। সে যে কেন বিদেশে আসিয়াছিল, দেশে ফিরিয়াই বা সে কি করিবে ইত্যাদি সকল কথা সে এই ফিলিপাইন-দেশীয় মহিলাটিকে বলিত। ফিলিপিনো মহিলাটির মতে আধুনিক জগতের সকল দুঃখের মূলে রহিয়াছে পরের উপর প্রভুত্ব করিবার চেষ্টা ও পর-দাসত্ব দোষ।

আবেদন বলিল, “না, আমার মনে হয় এই যে, সকল দেশের সকল মানুষের ভিতরেই দেখা যাইতেছে যে, প্রাণের বা আকাঙ্ক্ষা ও আবেদন তাহা উপযুক্তরূপে ব্যক্ত করিতে কেহই পারিতেছে না, সকলেই অস্তরে নিহিত অব্যক্ততার বোঝা বহন করিয়া গুমরাইয়া মরিতেছে, ইহাই আমাদের সকল শোকের মূল। উপযুক্ত অভিব্যক্তির উপায় ও পথ পাইলেই মানব স্তরের চরমে পৌঁছাইবে।”

বান্ধবী বলিলেন, “এ উপায় কি তুমি মানুষের ভাষার প্রসার ও নববৈচিত্র্যের ভিতর পাইবে, না নৃত্যে পাইবে, না কর্মে পাইবে?” আবেদন বলিল, “না, ও সকলের ভিতর মানুষ শুধু তার ব্যর্থতার বেদনামাত্র প্রকাশ করিতে পারে। মনের অর্গল উহাতে সম্পূর্ণ খোলে না। উপযুক্ত সঙ্গীতেই একমাত্র মুক্তির পন্থা। স্বরসাধনের ভিতর দিয়াই মানুষ আত্মাকে সৈনিকের স্তায় শিক্ষিত ও গতিদক্ষ করিয়া তুলে।”

বান্ধবী বলিলেন, “তবে কি তুমি সঙ্গীতের সাহায্যে বিশেষ নব জাগরণ আনিতে পারিবে ভাব?”

আবেদন বলিল, “হাঁ, সঙ্গীতের ভিতর দিয়াই আত্মাকে যে কোন দিকে লইয়া যাওয়া যায়। চীন দেশে দেখ, সঙ্গীত সাগরের স্তায় কখন চঞ্চল, কখন উচ্ছ্বল, কখন শান্ত, কখন নিঃশব্দপ্রবাহিত, এমনি নানাভাবে চির প্রতিষ্ঠিত রহিয়াছে। চীনা আপনার হৃদয়ের সকল আবেগের নিবৃত্তি তাহার সঙ্গীতেই পাইতেছে। তাই বাহিরের সকল বন্ধাকে উপহাস করিয়া সে জীবন যাপন করিতে পারে।”

বাকবী তাহার কথা এইরূপ ঘণ্টার পর ঘণ্টা শুনিতেন ও আবেদন অনর্গল বলিয়া যাইত। আহাজ ভারতের দিকে দ্রুত অগ্রসর হইতে লাগিল।

০/৭৥

দেশে ফিরিয়াই আবেদন একেবারে নন-কো-অপারেশনের আবেদন পড়িয়া গেল। সে দিন কতক এখানে ওখানে বক্তৃতা দিল; দুই একটা ভারতীয় ও চীনা সঙ্গীত মিশ্রিত গানের মঞ্জলিশও করিল; কিন্তু দেখিল যে দেশের প্রাণ যে মহাত্মা গান্ধী, তাঁহাকে জাগ্রত করিতে না পারিলে কোন লাভ হইতেছে না। অসহযোগের আদর্শ তাহার ভালই লাগিয়াছিল। ভারত গভর্নমেন্ট হিন্দু সঙ্গীত ও হোমিওপ্যাথি উভয়ের প্রতিই আবহমানকাল হইতে দারুণ অনাদর দেখাইয়া আসিয়াছেন, সুতরাং সেই গভর্নমেন্টের প্রতি আবেদন যে সহজেই বাঁতরাগ হইবে, ইহাতে আশ্চর্য হইবার কি আছে?

আবেদন একটি ছাণ্ডব্যাগ লইয়া আহমেদাবাদ যাত্রা করিল। সেখানে অল্প চেষ্টা করিতেই এক দিন সে গান্ধীজির সাক্ষাৎলাভে সক্ষম হইল। তিনি আবেদনকে বৈকাল পাঁচ ঘটিকার সময় আসিতে বলিলেন। আবেদন সেদিন একটি খদ্দেরের ধুতির উপর একটি খয়ের রঙের খদ্দের কোট এবং মস্তকে বাসন্তী রঙের একটি গান্ধীক্যাপ পরিধান করিয়া নোট বই ও পেন্সিল পকেটে গান্ধীজির আশ্রমে উপস্থিত হইল। প্রণাম ইত্যাদির গোলমাল মিটিলে পরে মহাত্মাকে আবেদন জিজ্ঞাসা করিল, “আপনি সঙ্গীতের শক্তিতে বিশ্বাস করেন?”

মহাত্মা বলিলেন, “হাঁ, সঙ্গীত মানুষকে সুখ দুঃখ উভয়ই দানে বিশেষরূপে ক্ষমতাপন্ন, একথা আমি স্বীকার করি।” আবেদন বলিল, “না, আপনি আমার কথা বুঝিতে পারেন নাই। সঙ্গীতই যে মানুষকে জাগ্রত করিয়া তুলিবার ও তাহাকে চরিত্রে ও কর্মে অটল ও সক্ষম করিয়া তুলিবার শ্রেষ্ঠ অস্ত্র, একথা কি আপনি মানেন?”

মহাত্মা বলিলেন, “কিভাবে ইহা সম্ভব আমায় বুঝাইয়া বলুন।”

আবেদন বলিল, “ধরুন, আপনার অসহযোগ আন্দোলন। ইহার জন্য আপনি কত বক্তৃতা, কত লেখা, কত তর্ক করিতেছেন। এ সকল, প্রথমত, সর্বক্ষেত্রে মানুষকে অসহযোগী করিয়া তুলিতে সক্ষম হয় না; দ্বিতীয়ত, যদি কোন উপায়ে মানুষের **অন্তর্ভেদ** আপন হইতেই অসহযোগী আকাজক্ষা জাগ্রত হইয়া উঠে, তাহা হইলে তাহা অপেক্ষা বাহির হইতে অসহযোগ প্রচার করিয়া অর্ধ-সক্ষম হওয়া নিশ্চয়ই শ্রেয় নহে—।”

মহাত্মা বলিলেন, “উত্তম কথা। কিভাবে এই অসহযোগ-আবেগ মানুষের মনে সুস্ফুর্তক না দিয়াই জাগাইয়া তোলা সম্ভব, তাহা বলুন।”

আবেদন বলিল, “হিন্দু-সঙ্গীতের এক একটি স্বর এক একপ্রকার আবেগ প্রাণে

জাগ্রত করিয়া তোলে। যথা সা শাস্ত ভাব, রে করুণা, গা তনয় প্রেম, মা ভয়, পা সংসাহস, ধা পরার্থপরতা, নি যুদ্ধাকাজ্জা এবং এই সকল স্বরের কড়ি কোমল ও পরম্পর মিশ্রণের সাহায্যে যে কোনভাবে মানুষকে অনুপ্রাণিত করিয়া তুলি যায়। তাহার জ্ঞান যুক্তি লাগে না, তর্কও লাগে না। আমি নি-বজ্জিত পা-গা-প্রধান একটি রাগিণী রচনা করিয়াছি। ইহার নাম দিয়াছি অসহযোগিয়া রাগিণী। ইহার স্বরতরঙ্গে যে একবার পড়িবে সে আর কখন বিদেশীর সহিত সহযোগে কিছু করিতে চাহিবে না। যেমন বহু উর্দ্ধগামী ও জল নিম্নগামী স্বভাবতই হয়, তেমনি এই রাগিণীর স্পর্শে মানব-হৃদয় স্বভাবতই এরূপ অবস্থা প্রাপ্ত হয় যে তাহার পক্ষে স্বভাবতই ব্যথার ব্যথী ব্যতীত আর কাহারও সহিত কোন সম্বন্ধ রাখা সম্ভব হয় না। আমার অনুরোধ, আপনি ভারতের এক প্রান্ত হইতে অপর প্রান্ত অবধি এই স্বরের আশুন জালাইয়া দিন। দেখুন, অচিরে কি অপরূপ ফল আপনি পাইবেন।”

মহাত্মা আবেদনের সকল কথা শুনিয়া উদ্ভাসিতবদনে একবার হাস্য করিলেন।

তার পর নিজের টেকোটি বাহির করিয়া কিয়ৎকাল কোন কথা না বলিয়া সশ্মিতমুখে সূতা কাটিতে লাগিলেন। অল্পকাল পরেই আবেদনকে তিনি একগাছি সূতা স্বহস্তে উপহার দিলেন। একজন চেলা আবেদনকে বলিল, “বাবুজি, এইবার চলুন।”

আবেদন মহাত্মাকে প্রণাম করিয়া ব্যাগ লইয়া বাহির হইয়া গেল।

আহমেদাবাদ হইতে ফিরিয়া আসিয়া আবেদন আচার্য্য প্রফুল্লচন্দ্র ও আচার্য্য জগদীশচন্দ্রের সহিত সাক্ষাৎ করিল। রাসায়নিকশ্রেষ্ঠ প্রফুল্লচন্দ্র তাহার অসহযোগী রাগিণীর কথা শুনিয়া তাহার বুক জোরে জোরে কয়েকটা ঘুসি মারিয়া বলিলেন, “ইয়ংম্যান, তোমার তো দেখছি গায়ে বেশ জোর আছে—তুমি ধন্দর বিক্রি করে বেড়াও; পারবে।” আবেদন তাঁহাকে প্রণাম করিয়া ক্ষুণ্ণমনে চলিয়া গেল।

আচার্য্য জগদীশচন্দ্রের নিকটে সে ধন্দর ছাড়িয়া রেশমের একটি চীনা কোট পরিয়া গমন করিল। আচার্য্যকে আবেদন অনুরোধ করিল যে, তিনি যেন উদ্ভিদের উপর রাগ-রাগিণীর প্রভাব তাঁহার আবিষ্কৃত ক্রেস্কোগ্রাফের সাহায্যে যাচাই করিয়া দেখেন। আচার্য্য সে কথায় বিশেষ কান না দেওয়াতে আবেদন রাগতভাবে বাহিরে গিয়া গাড়ীতে উঠিতে যাইবে, এমন সময় প্রসিদ্ধ মনোবিজ্ঞানবিৎ ডাক্তার গিরীন্দ্রশেখর বসুর সহিত দেখা হইল। আবেদন তাঁহার সহিত বহুকাল গাড়ীতে বসিয়া আলাপ করিল এবং শেষ অবধি তাঁহাকে বলিল যে প্রত্যেকটি স্বরের মানুষের শরীরের আভ্যন্তরীণ ডাক্ট্রেশন মাণ্ডের কার্যের উপর বিভিন্ন প্রকার প্রভাব আছে, তিনি এ বিষয়ে এক্সপেরিমেন্ট করিয়া দেখিলেই সকল কথা বুঝতে পারিবেন। অমায়িক ডাক্তারবাবু তাহাকে বলিলেন, “অবশ্যই হইতে পারে। তবে কিনা এ বিষয়ে এক্সপেরিমেন্ট করা কঠিন।” আবেদন তাঁহাকে এ বিষয়ে আর পীড়াপীড়ি না করিয়া নিজ স্থানে গমন করিল।



বদমাশ গাফী হাত্ত করিলেন

মহাত্মা গান্ধীর ও অশ্বাশ্ব লোকদিগের নিকট কোন উৎসাহ না পাইয়া আবেদন শান্তিনিকেতনে রবীন্দ্রনাথের সহিত সাক্ষাৎ করিতে গেল। সেখানে বিশ্বকবি তাহার ভ্রমণ প্রভৃতির কথা শুনিয়া তাহাকে সাদরে নিকটে বসাইয়া বলিলেন, “আপনি তো আমেরিকা ও চীন অনেক ভ্রমণ করিয়া দেখিলেন, জগতের অনেক সমস্তার কথাও শুনিলেন; এখন এই যে জগদব্যাপী দুঃখ ও দৈন্তের তাণ্ডব লীলা, ইহার শেষ কোথায় বলিয়া আপনি অনুমান করেন?”

আবেদন বলিল, “হিন্দু সঙ্গীতের উচ্ছ্বসিত আলাপ, তাহার সহিত চীনের ভাবমাত্রিক ছন্দের তালে তালে ঘণ্টাধ্বনি, এতদুভয়ের ঐক্যতানে যদি বিশ্বকে প্রাবিত করিয়া দিতে পারেন, তাহা হইলে এবং শুধু তাহা হইলেই এই দুঃখদৈন্ত প্রশমিত হইবে।”

রবীন্দ্রনাথ স্তম্ভিত হইয়া বলিলেন, “সে কি?”

আবেদন বলিল, “যেমন আলোকের সম্মুখে অন্ধকার আপনা হইতেই মিলাইয়া যায়, তেমনি এই ঐক্যতানের স্বরজ্যোতিঃপ্রসূত হৃদয়বেগের সম্মুখে অপরাপর মনোভাব কোথায় যে স্রোতের মুখে তুণের গায় ভাসিয়া যাইবে, তাহার কুল কিনারা মিলিবে না। আমরা যদি ষথাযথ স্বরবিদ্যাসে নূতন নূতন ভাবোদ্দীপক রাগরাগিনী সৃজন করিতে এবং ভারতীয় সঙ্গীতের তালের শৃঙ্খল ছিন্ন করিয়া তাহা চীনা তালে গাহিতে পারি, তাহা হইলে কি না হইতে পারে?”

রবীন্দ্রনাথ কিছু বলিবার পূর্বেই তাঁহার পাশে উপবিষ্ট একজন প্রসিদ্ধ বাঙালী গায়ক বলিয়া উঠিলেন, “মশায়ের দেখছি তালের উপর বড় রাগ। কেন, অপরাধ?”

আবেদন বলিল, “ভারতীয় তাল ভাবকে, মনের দরদকে তাহার শেষ সীমা অবধি যাইতে দেয় না। উদ্দীপনার অর্ধপথে তাল তাহার মস্তকে সমের মুণ্ডর বসাইয়া সকল-কিছু ডঙুল করিয়া দেয়। চীনারা সুরকে খেলাইয়া খেলাইয়া চরমে লইয়া যায়; স্থান, কাল, পাত্র বিশেষে এ সুরের নেশা চরমে পৌঁছিতে কম-বেশী সময় লাগিয়া থাকে। যখন চীনা তালজ্ঞ ভাব চরমে পৌঁছিয়াছে বলিয়া বুঝিতে পারে, শুধু তখনই সে চং করিয়া ঘণ্টা বাজাইয়া ভাবের ঢেউ নিয়ন্ত্রণ করিয়া দেয়। আবার ভাবের অভাব যখন চরমে পৌঁছায় তখন সে আবার চং করিয়া ঘণ্টা বাজাইয়া ঢেউএর গতি পুনর্বার ফিরাইয়া দেয়। ইহার মধ্যে সুর ঠাক তাল ধা ঘেনে নাগ্ দিগ্ বা চৌতালের ধা ধা দিন্ তা, এ জাতীয় কোন বন্ধনের উৎপাত নাই।”

আবেদনের কথা শুনিয়া তাহার আলোচকের মুখ রাগে লাল হইয়া উঠিতেছে দেখিয়া কবি তাঁহাকে অল্প কথায় ভুলাইবার জন্ত বলিলেন, “ঢেউও তো তার নিজের নিয়মে ঝাঁধা। সে কি কখন নিজের আকৃতি ও প্রকৃতিকে ছাড়িয়া সমচতুষ্কোণ-আকার ধারণ করিতে পারে? যেমন তার নিজের স্বভাবের বন্ধনের মধ্যেও ঢেউ পূর্ণতা পাইয়া থাকে, তালের বন্ধনের মধ্যেও সুর তেমনি বিকাশের চরমে পৌঁছাইতে পারে।”



রবীন্দ্রনাথ স্তম্ভিত...ওস্তাদটি বলিলেন, "আপনাকে পুলিশে দেওয়া উচিত!"

আবেদন বলিল, “আপনার উপমা চমৎকার ; কিন্তু আমার যুক্তি আপনি বুঝিলেন না। যুক্তি ও উপমা এক নহে। ভাল সুরের স্বভাব নহে……”

সঙ্গীতজ্ঞ লোকটি কথা শুনিয়া অতিষ্ঠ হইয়া উঠিয়া বলিলেন, “আপনাকে পুলিশে দেওয়া উচিত !” বলিয়া তিনি উঠিয়া দাঁড়াইতেই সকলে আবেদনকে পাশের ঘরে লইয়া গিয়া সন্দেশ রসগোল্লা সরবৎ ইত্যাদিতে তুষ্ট করিয়া বাড়ি পাঠাইয়া দিলেন। আবেদন প্রতিজ্ঞা করিল, সে আর প্রসিদ্ধ লোকদিগের সহিত সাক্ষাৎ করিবে না ; নিজেই সে জগতের সম্মুখে দাঁড়াইবে।

৫০

বাঙালীর একটি গুণ আছে। সে সকল ব্যক্তি ও মতকেই কিছু দিনের মত আকাশে তুলিয়া ধরিতে কখনও নারাজ হয় না। আরব্যোপন্যাসে কে যেন শুধু এক দিনের জগ্ন রাজা হইতে চাওয়াতে সম্রাট হার-উন-অল-রসিদ তাহাকে সানন্দে এক দিনের জগ্ন নিজের সিংহাসন ছাড়িয়া দিয়াছিলেন। ইহাতে সম্রাটের ঔদার্য্যই প্রমাণ হয়। বাঙালীও এই ঔদার্য্য-গুণে গুণী। যে কেহ উচ্চকণ্ঠে যাহা হইতে চায়, সে তাহাকে ক্ষণতরে তাহাই হইতে দেয়। এইরূপে বাংলায় নিতাই নব নব বাঙ্গালী, তানসেন, ভীমসেন, যুধিষ্ঠির, বিক্রমাদিত্য, শ্রীকৃষ্ণ, শ্রীচৈতন্য, কালিদাস, ভবভূতি, ছইটুমান, গরুকী ইত্যাদির আবির্ভাব হয়। তাঁহারা আসেন যান মাত্র দুদিনের জগ্ন। কাজেই বাঙালী তাঁহাদের আশায় নিরাশ করে না। এই সকল ক্ষণপূজিত মহাপুরুষদিগের মধ্য হইতেই আবার কেহ কেহ চিরকালের দেবতারূপে থাকিয়া যান। সে কথা থাকুক।

আবেদন যখন কয়েকটি মেস ও কলেজ হোষ্টেলে যাইয়া নিজের মত প্রচার এবং তৎসঙ্গে হারমোনিয়ম তানপুরা ও চীনা ঘণ্টা সহযোগে স্বরচিত সঙ্গীত ও পররচিত সঙ্গীতের নূতন সুর আলাপন করিয়া সকলের চিত্তের উৎকর্ষ সাধনে যত্নবান হইয়া উঠিল, তখন অতি শীঘ্রই সে ছাত্রমহলে সুপ্রসিদ্ধ হইয়া উঠিল। এমন কি, কয়েক মাসের মধ্যেই সে রাস্তায় বাহির হইলে লোকে তাহার দিকে অঙ্গুলি নির্দেশ করিয়া বলিত, “ঐ ঐ দেখ আবেদন পাকড়াশী যাচ্ছে।” মফস্বল হইতেও ছোকরারা আসিয়া তাহার গান শুনিত এবং কলিকাতার ছোকরাদিগের সহিত একজোটে হাততালি দিত। আবেদনের গানের মজলিশ শীঘ্রই সহরে ও বাহিরে প্রসিদ্ধ হইয়া উঠিল। সা রে গা মা পা ধা নি নির্বিশেষে সে যে-কোন স্বরপ্রধান রাগিণীরই আলাপ করুক না কেন, তাহার ফলে শুধু দেখা যাইত শ্রোতাদিগের উদ্যম উৎসাহ ও আবেদনের প্রতি উচ্ছ্বসিত ভক্তিপ্রকাশ। এক জন ইতিহাসের ছাত্র বলিয়াছিল, “বর্তমান কালকে আবেদনের যুগ (The Age of Abedan) বলা যাইতে পারে।”

৫/০

চারিদিকে ছুল কলেজের ছাত্রদের ভিড়। সকলেই ঘাড় উচাইয়া কি যেন দেখিতেছে, কাহার যেন আশায় রহিয়াছে। হঠাৎ বৃহৎ হলের দরজা খুলিয়া গেল এবং নানা বর্ণের পাঞ্জাবি পরিধান করিয়া ও দীর্ঘ কেশকলাপে মুখশ্রী বাড়াইয়া কয়েক জন ভক্ত আবেদনকে ঘিরিয়া বক্তৃতা-মঞ্চের উপর আনিয়া বসাইল। সকলে করতালি দিয়া উঠিল। আবেদন ঈশ্বর লক্ষ্যে মুখ আলোকিত করিয়া প্রোতাদিগের দিকে চাহিয়া এক বার তাহাদের অভিবাদন করিল। সকলে নিস্তব্ধ হইলে আবেদন উঠিয়া দাঁড়াইয়া বলিল, “আজ আমরা……”

সকলে চীৎকার করিয়া উঠিল, “গান, গান।” আবেদন পার্শ্বের এক জন ভক্তকে ইঙ্গিত করিল, একটি হারমোনিয়ম পৌ করিয়া উঠিল, দুটি তানপুরা ঝ্যাঙ ঝ্যাঙ করিয়া সুর ধরিল—আবেদন তাহার নব রচিত সরমিয়া রাগিণীতে (পানি বন্ধিত ঔড়ব, গা বাদী, মা সখাদী, ছুই গা ইত্যাদি) গান ধরিল—

সরমে গরম হইল গাল,
কপাল ও কর্ণমূল লাল,
হায় সখা মোর ঘোমটা খুলিয়া দেখো না।
পায়ে ধরি সখা অধুরে অধর রেখো না ॥

সকলে “বা ভাই, বা ভাই,” বলিয়া চীৎকার করিয়া উঠিল। আবেদন অধিক দরদ দিয়া গাহিল,—

অধরেঁ এঁ এঁ এঁ ঔঁ...ধঁ...রঁ...রেখো না

অমনি চং করিয়া এক জন ভক্ত ঘণ্টাটি বাজাইয়া দিল। আবার তুমুল করতালি। আবেদন উঠিয়া দাঁড়াইল। কি বলিতে গেল, কিন্তু সকলে চীৎকার করিয়া উঠিল, “গান, গান।” পিছনের বেঞ্চিতে জায়গা লইয়া তিন চার জনে মারামারি হইয়া গেল। সকলে বলিল, “মার, মার, বের ক’রে দাও, দূর ক’রে দাও!” আবেদন গান ধরিল—

আমার হৃদয়-সরসে কি ফুটালে সখি
রক্ত কমল-কলিকা,……

গান থামিতেই হলের এক প্রান্ত হইতে কে বলিয়া উঠিল, “একটা যদি ঠাকুরের গান হোক।”

আবেদন উঠিয়া দাঁড়াইয়া বলিল, “ব্যাপার হচ্ছে কি, তাঁর গানে অনেক স্থলে কথার সহিত সুরের সামঞ্জস্য নাই। আমি কিছু সুর বদলাইয়া একটি গান গাহিতেছি।” এই কথা বলিয়া সে গান ধরিল—

“গানের সুরের আসনখানি পাতি পথের ধারে”

এবং বলিল, “এই যে রকম সুরে গাহিলাম, ইহাতে আসন পাতার ভাব ঠিক প্রকাশ পাইতেছে না। ‘আসনখানি পাতি’ এই কথাগুলি এই রকম সুর করিলে ভাবটা অনেক পরিষ্কার হয়।”

নূতন সুরটি করিতেই এক জন লম্বা চৌড়া কৃষ্ণবর্ণ ও বৃষক্ক যুবক আন্ত্রিন গুটাইয়া উঠিয়া দাঁড়াইয়া বলিল, “আপনি কোন্ অধিকারে এ রকম অপরের গানের সুর বিকৃত করিয়া গাহিতেছেন।” সকলে হৈ হৈ করিয়া উঠিল এবং ধস্তাধস্তি করিয়া যুবকটিকে হল হইতে বাহির করিয়া দিল।

এইরূপে দিনের পর দিন মজলিশ, সভা, আড্ডা ইত্যাদির ভিতর দিয়া আবেদন বাঙালীর বুকে নিজের আসন চিরস্থায়ী করিয়া লইতেছিল। তার পর এক অন্তর্ভক্ণে সে কয়েকটি রকমক-পাগল বন্ধুর পাল্লার পড়িয়া নাট্যের দিকে মন নিয়োগ করিল।

৬০/০

বন্ধুরা বলিল, “আবেদন, যদি সমাজকে তাহার ভিত্তি অবধি নাড়া দিতে চাও, তাহা হইলে রকমকের দিকে মন দাও। নাট্যে বাঙালী যেমন মজিবে, আর কিছুতেই তেমন হইবে না।”

আবেদন বলিল, “কিন্তু আমাদের দেশের রকমক আর নাট্যকলা না ভারতীয়, না নাট্য; তাহার ভিতর যাওয়া কি আমার পক্ষে সমীচীন হইবে?”

বন্ধুরা বলিল, “রকমক তো তোমার হাতে, তাহাকে গড়িয়া পিটিয়া ঠিক করিয়া লও, সীন, ষ্টেজ, নাটক, অ্যাক্টর, অ্যাক্ট্রেস সব নিজে ঠিক কর।”

আবেদন বলিল, “অ্যাক্ট্রেস? অ্যাক্ট্রেস তো একেবারে বাদ। চীন জাপানে নটীর স্থান নাই। কা চালং, যাহার অপেক্ষা কমতালশালী অভিনেতা চীনে গত তিন শত বৎসরের মধ্যে জন্মান নাই, তিনি আমার নিজে বলিয়াছেন যে, স্ত্রীলোক স্বভাবতই সকল কার্যে অভিনয় করিয়া থাকে বলিয়া তাহার পক্ষে স্বেচ্ছায় সজ্ঞানে অভিনয় করা সম্ভব নহে। নাট্য আমাদের নিজেদের লিখিয়া লইতে হইবে এবং সীন প্রয়োজন নাই। ষ্টেজ এবং বাস্তবদিগের বসিবার স্থান থাকিলেই চলিবে। প্রত্যেক দৃশ্যের পূর্বে এক জন চীংকার করিয়া দর্শকদিগকে বলিয়া দিবে, কি প্রকার অবস্থায় দৃশ্যস্থিত ঘটনাবলী ঘটিতেছে। দর্শকগণ সীন কল্পনা করিয়া লইবে।”

সকলে বলিল, “ঠিক বলিয়াছ। এই তো যথার্থ আর্ট। ইহাতেই মনের প্রসার বাড়িবে। কি বিষয়ে নাটক লিখিবে?” আবেদন বলিল, “প্রণয়। প্রণয়ের উচ্চ আদর্শ মাহুকের নিকট খাড়া করিতে পারিলে সমাজের বহু উন্নতি হইবে।” বন্ধুরা

বলিল, “ঠিক বলিয়াছ; প্রণয়ই ঠিক হইবে। সীতা, সাবিত্রী, সতী, ইহার মধ্যে একটা কিছু লও।”

উত্তর হইল, “উহঁ।”

“তবে বেহলা, ফুলরা, খুলনা কিবা সংযুক্তা?”

“উহঁ।”

“বয়সতী, শঙ্কুলা, কপালকুণ্ডলা?”

“উহঁ, ওসবে হবে না। নির্ঘাতন সহ করা চাই, প্রণয়ের জন্ত পাগল হওয়া চাই।”

তখন এক বন্ধু গাণ্ডীবপ্রসাদ বলিল, “তবে সূৰ্পণখার লক্ষণ-প্রেমের বৃত্তান্ত লইয়া তোমার নাটক লিখ। সূৰ্পণখার ব্যর্থ প্রেমের কারণ কাহিনীতে পাষণ্ড গলিয়া যায়। কবিতনাসা ও কবিতকর্ণ সূৰ্পণখা বধন পাগলের ন্যায় বিলাপ করিবে, তখন দর্শকগণ নিশ্চয়ই বিশেষরূপে মুভ্‌ড্‌ (moved) হইবে।”

আবেদন উৎসাহিত হইয়া বলিল, “ঠিক বলিয়াছ। সূৰ্পণখাই ঠিক হইবে।”

তার পর কিছু দিন ধরিয়া নাটক-স্থিধনকার্য চলিল। আবেদন সূৰ্পণখার প্রণয়ের জন্ত নির্ঘাতন সহ করা লইয়া অনেকগুলি নূতন গান ও সুর রচনা করিল। তাহার মধ্যে কোমল গাঙ্কার ও কড়ি মধ্যমে রচিত একটা আর্ন্তনাদের সুর শুনিয়া গাণ্ডীব বলিল, “নিছক মার্টার্ডমের (আত্মবলিদানের) আওরাজ।”

ইহার পর আরম্ভ হইল রিহাস্যাল। আবেদন নিজে সূৰ্পণখা সাজিল; গাণ্ডীব সাজিল লক্ষণ।

অভিনয়ের প্রথম রাত্রি ক্রমে ঘনাইয়া আসিল। আবেদন ‘চন্দ্রমা’ থিয়েটারটি ভাড়া লইয়া টেজটি সকল সীন-বিমুক্ত করিয়া প্রস্তুত করিয়া লইল। কয়েক জন চীনাঁকে সে অভিনয় কালে অর্কেষ্ট্রা বাজাইবার জন্ত নিযুক্ত করিল।

আবেদন ত্রীলোক সাজিয়া অভিনয় করিবে এবং নাসিকা-কব্ধিত রূপে গান করিবে শুনিয়া দলে দলে স্কুল কলেজের ছাত্রবৃন্দ টিকিট কিনিয়া থিয়েটারে হাজির হইল। প্রথম দৃশ্যে সূৰ্পণখা লক্ষণকে দেখিয়া প্রেমে পড়িয়াছে। তাহার হৃদয় উত্তেজনা ও অবসাদের আবেগে মুহুমুহু কম্পিত। চীনাঁ অর্কেষ্ট্রার বাদকগণ সঘনে ঘেঁতালা ঘণ্টা-নির্নাদ আরম্ভ করিল। টং টং, ঢঙা ঢং, ঢং ঢং ঢং, ঢং ঢং ঢং শব্দে সকলের কর্ণ বধির হইয়া যাইবার সূচনা হইল। সকলে চীৎকার করিয়া চীনাঁদিগকে থামিবার জন্ত বারবার অস্বরোধ করিতে লাগিল। কিন্তু তাহারা সে চীৎকারকে প্রশংসা ভাবিয়া আরও জোরে ঘণ্টা বাজাইতে লাগিল; প্রথম দৃশ্য শেষ হইল। সকলে যেন হাঁক ছাড়িয়া বাঁচিল। ইন্টারভ্যালের সময় সকলেই বলিতে লাগিল, “একে সীন নেই, তাতে এই ঘণ্টার গোলমাল, এ যেন দক্ষয়জ্ঞ আরম্ভ হয়েছে।”

দ্বিতীয় দৃশ্যের আরম্ভেই এক জন আসিয়া চীৎকার করিয়া বলিয়া গেল, “ভাবুন, গাণ্ডীব

অরণ্যের দৃশ্য। কাঁটা বন ও শাল বৃক্ষ। পশ্চাতে একটি ক্ষুদ্র নদী। তাহাতে দুইটি কুস্তীর ভাসিভেছে।” সকলে দীর্ঘ নিশ্বাস ফেলিয়া ভাবিতে আরম্ভ করিল। তার পর আবেদন সূৰ্পণখার ভূমিকায় রজনঞ্জে আসিয়া বিলাপ আরম্ভ করিল। তাহার ঠিক নাকি স্মরণ—

“কোথায় লক্ষণ, কোথায় লক্ষণ,
নিরাশা বুক করছে ভঙ্গণ

অন্তরে আজ জ্বলে আমার কুর প্রেমের ত্বা।

কেমনে কাটিবে বল এ বিরহনিশা ?”

সকীতে থিয়েটার পূর্ণ হইয়া উঠিল। কিন্তু সে যখন আবার স-দরদে “হায় কেমনে এঁ এঁ এঁ” বলিয়া তান ধরিল এবং চীনারা ঘণ্টার সহিত একটা বেশমের সূতাধাধা যন্ত্রে ‘কোঁও, কোঁও’ আওয়াজ শুরু করিল, তখন গ্যালারির এক দল ছোকরা ষ্টেজে কতকগুলি কদলী ও লেবু নিক্ষেপ করিয়া রাস্তায় বাহির হইয়া গেল। তাহাদের মধ্যেই কে এক জন কাছাকাছি একটা বাড়ি হইতে টেলিফোনে ফায়ার ব্রিগেডকে খবর দিয়া দিল যে চন্দ্রমা থিয়েটারে আগুন লাগিয়াছে।

দেখিতে দেখিতে ফায়ার ব্রিগেড আসিয়া পড়িল। থিয়েটারের সামনের ছোকরার দল ব্রিগেডের লোকদিগকে বলিল, “হাঁ, থিয়েটারের ষ্টেজে আগুন লাগিয়াছে এবং ভিতরে সীন ইত্যাদি পুড়িয়া ভাঙিয়া পড়িতেছে।” ফায়ারম্যানরা তখন জলের পাইপ হস্তে জল চালাইয়া থিয়েটারে ঢুকিতে আরম্ভ করিল।

ভিতরে তখন দ্বিতীয় অঙ্ক আরম্ভ হইয়াছে। সূৰ্পণখা কঠিত-নাসা হইয়া আৰ্ত্তনাদ করিতেছে ও চীনারা উন্নতের স্তায় ঘণ্টা ইত্যাদি বাজাইতেছে। প্রায় আগুন লাগারই মতন আওয়াজ চারিদিকে। কে এক জন, “আগুন, আগুন” বলিয়া বিকট চীৎকার করিয়া উঠিল। তার পর প্রলয়। আছাড় খাইয়া, জল খাইয়া লোকে দরজার দিকে ছুটিল। এক দল ষ্টেজে গিয়া উঠিল, চীনারা উর্দ্ধ্বাসে সব-কিছু ফেলিয়া পলায়ন করিল। রহিল শুধু ষ্টেজের এক কোণে হতভম্ব হইয়া দাঁড়াইয়া আবেদন। ফায়ারম্যানরা আগুন না পাইয়া চলিয়া গেল। বাহিরে টিকিট আফিসে দারুণ মারামারি টিকিটের পয়সা ফেরত লইবার জন্ত। গাণ্ডীব আসিয়া বলিল, “আবেদন, বাড়ি চল।” আবেদন কলের পুতুলের মতই তাহার সহিত বাহির হইয়া গেল।

(সমাপ্ত)

থিয়েটারের ঘটনার পর দিন সকল কাগজেই এই ব্যাপার লইয়া খুব হৈ চৈ করিল। এ নাটিকার সাফল্যের আর কোন আশা রহিল না। আবেদন দেবতার

পর হইতে কিছু দিনের অল্প ছুটি লইয়া শিলঙে চলিয়া গেল। এক দিন সে বেশ ছাড়িয়া কোথায় চলিয়া গেল। তার পর এক দিন সেই সাপ্তাহিকটিতে দেখিলাম—

আবার উধাও

শ্রীআবেদন পাকড়াশী।






হাস্তবাবু

পাঠ্য পুস্তিকাতে হাস্তবাবু নামের একজন ছাত্রের জন্মলা বাড়িখানা দেখেছি ওটি বাংলার বিহারী যে যন্ত্রণা পান তা নয়, ... হাস্তবাবু বি. এল., প্রিন্সিপাল কাম্পিউট হন। হাস্তবাবু এরূপ পাঠ্য পুস্তিকাতে অনেক করেছেন। C. S. P. C. A. এর ভারবাহী জীবের স্বাস্থ্য

অনুসন্ধান সভার সভ্যরূপে হাস্তবাবু "Pyrotechnical Publicity and its Vertibrate Associates of the Vehicular Traffic on the Howrah Bridge and Elsewhere" নামে একটি প্রকরণ সভায় উপস্থিত করেন। ইহাতে হাস্তবাবু দেখিয়েছেন যে, অত্যন্ত আলোকমালাশোভিত সিগারেট, বিস্কুট প্রভৃতি দ্রব্যের বিজ্ঞাপনের উজ্জ্বল ও খামখেয়ালী-রকম জ্বলা ও মিথ্যার জন্ত ভারবাহী ঘোড়া, গরু ও মহিষদের বিশেষ স্বাস্থ্যবিক অনিষ্ট হয়। তাঁহার মতে, হয় ঐ সব বিজ্ঞাপন তুলে দেওয়া দয়কার, নয় ঐ সকল জীবজন্তুদের জন্ত নীল কাচের চশমার বন্দোবস্ত করা বিধেয়।

আর একটি পুস্তিকায় হাস্তবাবু দেখিয়েছেন যে, বঙ্গ দেশের জমির মাটির প্রকৃতির সহিত তাহার মহাপুরুষদের আবির্ভাব বিশেষরূপে জড়িত। তিনি দেখিয়েছেন যে, হালি-সহর (রামপ্রসাদ), নামের ... গাছতুলনীয়। Diagnosis (রোগানুসন্ধান) রাখানগর (রাগানুসন্ধান করা অঙ্ককারে ছিল ছোড়ার চেয়ে কি আর কম হ'ল? ... বলেন, "জাতিভেদ, মূর্তিপূজা, পর্দা, নিরক্ষরতা, পরাধীনতা, ম্যালেরিয়া"

(বহিঃসম্পর্ক) প্রকৃতি সকল স্থানের মাটিই এক প্রকার অর্থাৎ alluvial (পলিপড়া)। আর বেশী লিখিবার প্রয়োজন বোধ হয় নাই। হসন্তবাবু যে এক জন অসাধারণ ব্যক্তি এ কথা সকলেই স্বীকার করেন। তিনি রবীন্দ্রনাথের বলাকার 'ছবি' কবিতাটিকে "Theory of Relativity"র কাব্যানুবাদ প্রমাণ করে কবি-মহলে খ্যাতিলাভ করেছেন এবং জীবজন্তুর ও আরাবল্লি অঞ্চলে ভ্রমণ করে রামায়ণটি তন্ন তন্ন করে টাঙি করে "Recruitment and Mobilisation of Infantry in Ancient India" নামক প্রবন্ধ লিখে স্বয়ং জঙ্গি-লাটের ধনুবাদ লাভে সক্ষম হয়েছেন। শ্রীহসন্তচন্দ্র তরফদারের মাম জ্ঞানরাজ্যের সর্ব্বঘণ্টে বিদ্যমান, তাঁর জ্ঞানচ্ছায়া "নর্শরি"র (চারাবাড়ির) মত বিভিন্ন জ্ঞানবৃক্ষের চারাকে পুষ্ট করে বাড়িয়ে তুলেছে। বাৎসায়ন থেকে Havelock Ellis (হাভেলক এলিস); বেদব্যাস থেকে H. G. Wells (এইচ. জি. ওয়েলস); Plato (প্লেটো) থেকে Bertrand Russel (বার্ট্রান্ড রাসেল) Bergson (বার্গসন) ও Giovanni Gentile (জিওভানি জেন্টিলে); Laoze (লাওটসে) ও Confucius (কনফুসিয়াস) থেকে Paul Richard (পল রিচার্ড); Adam Smith (অ্যাডাম স্মিথ) থেকে ভাস্কর প্রমথ বন্দ্যোপাধ্যায়; তানসেন থেকে কাজি নজরুল ইসলাম; Herodotus (হেরডোটাস) থেকে অধর মুখোপাধ্যায়; জীন মহাবীর থেকে Jinarajadasa (জীনরাজোদাস); চাণক্য থেকে চিত্তরঞ্জন দাশ; বাণভট্ট থেকে যাদবেশ্বর তর্করত্ন; Michael Angelo (মাইকেল এঞ্জেলো) থেকে হেমেন যজ্ঞদার; পাণিনি থেকে লোহারাম শর্মা; Homer (হোমার) ও Aristophanes (অ্যারিস্টোফেনিস) থেকে Hillaire Belloc (হিলোয়ার বেলক) ও পাঁচকড়ি বন্দ্যোপাধ্যায় ইত্যাদির মারফতে প্রাপ্ত সর্ব দেশকাল-প্রসূত জ্ঞান-সম্ভার হসন্তবাবুর মস্তিষ্ক-মিউজিয়মে সযত্নে সংরক্ষিত আছে।

হরকুমার ব্যাকরণবাগীশ মহাশয় যখন জ্যেষ্ঠ পুত্রের নাম হসন্ত রেখেছিলেন তখন তাঁর একবারও ব্যাকরণপূজা ব্যতীত অল্প কোন কথা মনে হয় নি। কিন্তু তাঁর প্রতিভা-সম্পন্ন পুত্র নিজের নামটি একের অধিক উপায়ে সার্থক করেছিলেন। হসন্তবাবুর শক্তি ছিল অনেক, যদিও সর্বদাই কোন না কোন আদর্শ বা ব্যক্তির পিছনে ব্যঞ্জনবর্ণের পিছনে হসন্তের () মত লেগে থাকতেন। ব্যঞ্জনবর্ণবর্জিত হসন্তের যেমন কোন স্বতন্ত্র অস্তিত্ব কেহ জানে না, কোন মহাপুরুষের বা মহান আদর্শের সংস্রব-বর্জিত হসন্তচন্দ্র তরফদারের অস্তিত্বও সেই রকম কেহ কল্পনা করে না। আত্মবিলোপ আর কাহাকে বলে?  সতত ভ্রমণ করে শাদ্দুল-বনানীর অনন্ত

‘শ্রাশনাল ডিকারেন্‌সিয়া’ ফাইলটাতে হসন্তবাবু আমাদের সকল প্রকার জাতীয় অনগ্রসাধারণতার হিসাব রাখতেন। আমাদের জাতি অন্যান্য জাতির তুলনায় কোথায় কোথায় বিভিন্ন, কি কি দোষগুণ আমাদের আছে যা অপর জাতির নেই এই সবেই খবর হসন্তবাবুর এই ফাইলটির মধ্যে পাওয়া যেত। চার পাঁচ বছর আগে শ্রীশ্রী অত্যাচানন্দের পিছনে হসন্তবাবু কিয়ৎকাল যুক্ত ছিলেন। স্বামীজিই প্রথম হসন্তবাবুর দৃষ্টি আমাদের জাতীয়তা ও জাতীয় অবনতির দিকে আকর্ষণ করান। হসন্তবাবু তখনই বলেছিলেন যে, জাতীয় অবনতির কারণ প্রকৃষ্টরূপে নির্ধারণ না করে জাতীয় উন্নতির



হসন্তবাবু। এমনি কি... .. ?

হাতুড়ে ডাক্তারের চিকিৎসার সহিত তুলনীয়। Diagnosis(রোগনির্ণয়)ই যদি
ন, তাহলে চিকিৎসা করা অন্ধকারে ডিল হোড়ার চেয়ে কি আর কম হ'ল?
ই বতই বলেন, “জাতিভেদ, মূর্তিপূজা, পর্ক, নিরক্ষরতা, পরাধীনতা, ম্যালেরিয়া

হুকওয়ার্ম, তাড়িখানা, আফিম ও গাঁজা” হসন্তবাবু ততই বলেন, “প্রমাণ কি, যে ঐ সব কারণেই আমাদের এই দুর্দশা হয়েছে? হর্ষবর্জনের সময় কি জাতিভেদ ছিল না? বর্তমান রোমান ক্যাথলিক ও প্রাচীন প্রতাপশালী সাম্রাজ্যবান জাতিরা কি মূর্তিপূজা করত না? আকবরের সময় কি পর্দা ছিল না? রাণী এলিজাবেথের আমলে কি ইংরেজরা সকলে লেখাপড়া জানত? স্বচরা ও পোলরা পরাধীন হ’লেও তারা কি কখন আমায় মত দুর্দশাগ্রস্ত হয়েছিল? ইতালীতে কি ম্যালেরিয়া নেই? অন্যদেশে কি হুকওয়ার্ম ও নেশা করবার মালমশলা নেই, না আমাদের দেশেই হুকওয়ার্ম ও নেশাহীন লোকেরা খুব উচুদরের মানুষ?” ইত্যাদি। তর্কে হেরে গিয়ে স্বামীজি বললেন, “তবে এই দুর্দশা, একি স্বপ্নস্বব মহাদেবের প্রলয়লীলা?”

হসন্তবাবু ঈষৎ হেসে তখন বলেছিলেন, “না। Mythology, theosophy—groping in the dark (অন্ধকারে হাতড়ান)। ওসবে হবে না। চাই ঠিক মত ও যথেষ্ট পরিমাণে Statistics। Facts and Figures, বুঝলেন? আমায় facts and figures দিন, আমি আপনাকে জাতীয় উন্নতি অবনতি সব-কিছুর পরিষ্কার মীমাংসা করে দেব। Blue Print (ব্লু প্রিন্ট) দেখে যেমন যন্ত্রের নাড়ী নক্ষত্র সব জানা যায় আমিও তেমনি ক’রে সব-কিছু আপনাকে দেখিয়ে দেব। কেবল চাই Statistics।”

সেই দিন থেকে হসন্তবাবু আমাদের জাতীয় দোষ গুণের যেখানে যা কিছু নিদর্শন পেতেন সব সযত্নে ফাইল-বন্ধ করতেন। তাঁর উদ্দেশ্য ছিল এই উপায়ে বের ক’রে ফেলবেন কি কি বিষয়ে ও কি কি পরিমাণে আমরা অন্য জাতি অপেক্ষা বিভিন্ন এবং এই বিভিন্নতার মধ্যেই আমাদের জাতীয় অবনতির কারণ খুঁজে বের করবেন। আজ প্রায় পাঁচ বৎসর ব্যাপী কঠিন পরিশ্রম করে হসন্তবাবু হাজার জাতীয় বিভিন্নতার উদাহরণ সংগ্রহ ক’রে ফেলেছেন। তাতে দেখা গেছে আমরা অতিভোজনপ্রিয়, ঘরোয়াবিবাদ-অভিলাষী, চলন্ত ট্রেনে ও ট্রামে ওঠা নাবার পক্ষপাতী, খালি পায়ে হাঁটা চলায় অভ্যস্ত, স্ত্রীনির্ধ্যাতক, মশক-দংশন-উদাসী ইত্যাদি। কিন্তু সর্বাপেক্ষা অধিক বিভিন্নতা পাওয়া গেছে আমাদের দেশের নারীদের মধ্যে। তাঁরা ভয়-রোগে বিশেষরূপে ক্লিষ্ট। হসন্তবাবু আজকার ‘কেস’টি সমেত ৪৫৫৩টি নারীর ‘কাপুরুষতা’র উদাহরণ পেয়েছেন। কোথাও নারী ভয়-ব্যাকুলতার জন্ত পুত্রকে কর্তব্যবিমূঢ় করেছে, কোথাও স্বামীকে বিপদে ফেলেছে, কোথাও কুপথগামী হয়েছে, কোথাও পিতার ব্যবসা ফেল পড়িয়েছে, কোথাও বাকদত্ত প্রণয়ীকে বিবাহের জন্য ঘুরিয়ে ঘুরিয়ে বাতগ্রস্ত করেছে ইত্যাদি। সব দেখে হসন্তবাবু একটি সাময়িক কাগজে লিখেছিলেন—

হায় ভীত ভারত-ললনা,

তব দোষে ছুট মোরা; সত্য কথা, নহে এ ছলনা।

অন্য জাতি বানিয়েছে কলকজা কত ;
মোরা কি সতত
থাকিব এ দুর্দশায় নিমজ্জিত, হায় ?
দেশ যায় যায় ।

ওঠ, জাগ, ভারতের মেয়ে,
সাহসের নিদর্শনে ফেল দেশ ছেয়ে,
বাধ কেশ, কোমর যতনে,
ভোল আজ মুর্ছা ও পতনে ।

জাগরণ চাই,
কাঁদবে কাঁপবে ভয়ে, সে সময় নাই ।
হ'তে হবে বীরের জননী,
শুন সবে শুন হিন্দু ইন্দু-নিভাননী ;
তোমাদের ভয় ব্যাকুলতার বন্ধনে,
তোমাদের হৃদয়ের ক্রন্দন-স্পন্দনে,
কাতর ভারত আজ ।

তাই তোরা "সাজ, সাজ"
ভারতের মেয়ে,
ছুটে আয় ভয় ভূলে ধেয়ে ?

কবিতাটি পড়ে সকলেই বলেছিল যে, হসন্তবাবু যদি সিরিয়ামূলি কবিতার চর্চা করতেন তাহ'লে হয়তো জ্ঞানের রাজ্যের অনেক নীরসতাকেই সরস কবিতায় ব্যক্ত করতে পারতেন । তিনি যে অতি দুর্লভ ব্যাপার কবিতায় পরিশ্ফুট করতে পারেন তার প্রমাণ স্বরূপ হসন্তবাবু Kant's Critique of Pure Reason এর এক অংশ অমিত্রাকর ছন্দে তর্জমা করেন । এ ছাড়া বড় বড় ভাব ও অধিক জটিল ব্যাপার কবিতায় ব্যক্ত করার উদাহরণ স্বরূপ তিনি Plotinus এর Absolutc Nons, Leibnitz এর Monad, Momentum, Anaphylaxis ইত্যাদি বিষয়ে কয়েকটি সনেট রচনা করেছেন ।

যাই হোক, ভারতনারীর কাপুরুষতার এত ভূরি ভূরি উদাহরণ পাওয়ার ফলে হসন্তবাবু ভাবতে আরম্ভ করলেন যে, এইটাই আমাদের জাতীয় অবনতির কারণ । বীরপ্রসবিনী ভারতমাতা যদি নিজে বীর না হন, তাহ'লে: তাঁর বীরপ্রসব কার্য কিছুতেই অক্ষুণ্ণ থাকতে পারে না । মাতৃজাতিই শিশুকাল থেকে সন্তানের দেহ ও মনের পুষ্টি ও ঔশাণ্ডের সকল দায়িত্ব গ্রহণ করেন । তাঁরাই যদি সাহসহীনতা দোষে ছুট হন, তাহ'লে

শিষ্ট কি করে আর বীর পুরুষ হয়ে উঠতে পারে? হসন্তবাবু ভাবতে আরম্ভ করলেন, কি করে ভারতে আবার লক্ষ লক্ষ বীরজননীর সৃষ্টি করা যায়।

স্বামী অভ্যুত্থান ইতিমধ্যে এক দিন এসে হাজির হলেন। হসন্তবাবু তাঁকে তাঁর ফাইল বের করে দেখালেন কত বিভিন্ন ক্ষেত্রে কত বিভিন্ন রূপে নারীর কাপুরুষতার কুফল ফলছে। স্বামীজি বিশেষ উৎসাহ দেখিয়েই বললেন যে, এত দিন পরে হসন্তবাবু ভারতের রোগ ঠিক ধরেছেন। হসন্তবাবু একটু বিনয়ের হাসি হেসে বললেন, “এখন ও data যথেষ্ট পাওয়া যায় নি; তা ছাড়া এইটাই যে ভারতীয় অবনতির কারণ এই conclusion (সিদ্ধান্ত)টি এখনও সব রকম logical test (স্থায় বিচার) করে establish (প্রতিপন্ন) করা হয় নি। এ ঘটনাটি যে সময়ে ঘটে তখন হসন্তবাবুর হাতে মাত্র ৩৫০০টি উদাহরণ জমা ছিল।” কিন্তু আরও হাজারখানেক কেস না পেলে তিনি কিছুই সঠিক বলতে পারছিলেন না। কিন্তু আজ তাঁর ফাইলে ৪৫৫৩টি কেস হওয়াতে তিনি তাঁর কাজে লেগে গেলেন। প্রথমত, তিনি স্ত্রী-কাপুরুষতার উদাহরণগুলিকে ভাল করে শ্রেণীবদ্ধ করে নিলেন। তার পর প্রত্যেক শ্রেণীজাত কুফলাবলি লিপিবদ্ধ করে ফেললেন। তার পর সেই সমস্ত কুফলের সঙ্গে আমাদের জাতীয় অবনতি যে যে রূপে প্রকাশ পায়, সেই সেই অবস্থা ও ঘটনা-নিচয়ের সঙ্গে মেলে কি না দেখে নিলেন। তার পর দেখলেন স্ত্রী-কাপুরুষতা ব্যতীত অন্যান্য জাতীয় বিভিন্নতার ফলাফলের সঙ্গে জাতীয় অবনতির সম্বন্ধ কি! এইরূপ নানা উপায়ে ভেবে, চিন্তে, কষে, খড়িপেতে হসন্তবাবু শেষ অবধি নিম্নলিখিত রূপ কতকগুলি সিদ্ধান্তে উপনীত হলেন। যথা—

- ১। নারীর কাপুরুষতা একটি সত্তা।
- ২। এই সত্তার নানা প্রকার রূপ আছে অর্থাৎ ইহা নানা কার্য ও ব্যবহারের মধ্য দিয়া প্রকাশ পায়।
- ৩। এই সত্তার প্রাবল্য বিবিধ প্রকার অর্থাৎ কোথাও ইহা ক্ষীণভাবে প্রকাশ পায় ও কোথাও প্রবলরূপে প্রকাশ পায়।
- ৪। এই সত্তা ফল-প্রসূ অর্থাৎ ইহা নিজের মধ্যে সম্পূর্ণ নয়, ইহা দ্বারা ফলাফলের উৎপত্তি হয়।
- ৫। এই সত্তার ফলাফল সাধারণত জাতীয় গুণ ও দোষ রূপে পরিগণিত হয়।
- ৬। এই সত্তার অভাবে জাতীয় গুণের প্রকাশ দেখা যায় এবং ইহার বিদ্যমানতায় জাতীয় দোষ প্রকৃষ্ট হয়।
- ৭। এই সত্তার বিদ্যমানতায় জাতীয় দোষ ইহার প্রাবল্যের অনুপাতে কম বা বেশী দেখা যায়।
- ৮। এই সত্তা অবিনাশ নহে।
- ৯। এই সত্তা আমাদের জাতীয় দুর্গতির প্রধানতম কারণ।

এ ছাড়া তিনি একটা গ্রাফ এঁকে দেখিয়ে বলেন যে, নারী-কাপুরুষতা ও জাতীয় অবনতির উদাহরণ কোন নির্দিষ্ট সময়ে একই ভাবে বাড়ে বা কমে অর্থাৎ এ দুটি *positively related*। হাসন্তবাবু এই সিদ্ধান্তগুলিতে হঠাৎ উপনীত হলেন না, অনেক তর্ক মীমাংসা করে তবে এগুলি তিনি স্থির নিশ্চয় বলে প্রচার করলেন। প্রথমত তিনি “The Nine Points of National Narcolepsy” বলে একটি পুস্তিকা বের করে ফেললেন। এতে তিনি দেখালেন যে, আমাদের জাতি এই যে কোন কিছুতেই সক্ষম হয় না, এই যে আমাদের জাতি কিছুতেই এক টানা জাগ্রত অবস্থায় উন্নতির পথে এগিয়ে চলতে পারে না, এই যে সর্ব্ব ঘটে আমাদের জাতি মাত্র অর্ধ-জাগ্রত, এই যে আমাদের জাতি দুঃখে দারিদ্র্যে নিরুন্ন হয়ে পড়ে রয়েছে, এ সবের কারণ আমাদের নারীদের সাহসের অভাব এবং তৎপ্রসূত সন্তানদের উপর এই ব্যাধির প্রভাব।

“Hasanta's Nine Points” শীঘ্রই ভারতময় ছড়িয়ে পড়ল। নানা জায়গায় জাতীয় অবনতির কারণ-নির্ধারক এই বৈজ্ঞানিক অনুসন্ধানের বিচার নিয়ে মীটিং ইত্যাদি হ'তে আরম্ভ হ'ল। হাসন্তবাবু চারি দিক থেকে কনগ্রাচুলেশন পেতে লাগলেন কংগ্রেসেও এই নিয়ে বেশ একটা নাড়াচাড়া প'ড়ে গেল। কয়েকজন নারীসভা তাঁদের নামে এই অপবাদ শুনে রাগে উদ্ভস্তের মত হয়ে পুরুষ সভ্যদের সঙ্গে প্রায় হাতাহাতি লাগিয়ে দিলেন। হাসন্তবাবু যে দু'চারখানা মারের ভয়-দেখান বেনামী চিঠিও না পেলেন, তা নয়। যাই হোক, শেষ অবধি সকলেই হাসন্তবাবুর অকাটা Statisticsএর কাছে হার মানতে বাধ্য হলেন এবং ভারতকে আবার তার লুপ্ত গৌরব ফিরে দেবার জন্য বিশেষ চেষ্টা হ'তে লাগল। হাসন্তবাবু প্রেস ও পাবলিককে জানালেন যে, নারীদের আবার সাহসী করে তোলবার একটা স্কীম তাঁর খসড়া করা আছে; আর্থিক সুবিধার আশা দেখলে তিনি সেটা *finally set up* করাতে রাজি আছেন। এই আশা পাবামাত্র ‘বীরপ্রসূ প্রসবিনী ভারত’ নামে একটি সজ্জ মাসিক অঞ্চলে গঠিত হয়ে টাকা তোলার কাজে উঠে প'ড়ে লেগে গেল। হাসন্তবাবুও তাঁর স্কীমটাকে ঘষে মেজে ঠিক করতে লাগলেন।

২

হাসন্তবাবুর স্কীমটা ছিল খুবই সিম্পল এবং সহজবোধ্য। হাসন্তবাবুর যখন বয়স খুব অল্প তখন তাঁর দূর সম্পর্কের এক পিসেমশায়কে কেপা কুকুরে কামড়েছিল। তাতে তাঁকে কসৌলি যেতে হয় ও সেখানে মহামতি পাস্তরের আবিষ্কৃত প্রণালী অনুযায়ী চিকিৎসা করে তিনি জলাতকের আশঙ্কা থেকে মুক্তি লাভ করে কলিকাতায় ফিরে আসেন। পাস্তরের চিকিৎসার মূলমন্ত্র মানুষের কোন বিষয়ে ক্রমশ শক্তিশালতের ক্ষমতায় বিশ্বাস। যে বিষ শরীরে অধিকমাত্রায় অকস্মাৎ প্রয়োগ করলে মানুষ অচিরে দেহত্যাগ করে, সেই

বিবই যদি ক্রমশ তাকে সহজে অল্প অল্প ক'রে ক্রমবর্ধনশীল মাত্রায় তার প্রতি প্রয়োগ করা যায়, তাহ'লে তার অপকার তো কিছু হয়ই না, বরং উক্ত বিষয়সম্বন্ধে তার এমন একটা প্রতিরোধক ক্ষমতা ও অব্যাহতি জন্মায় যে, বেশীমাত্রায় ঐ বিষয়ে আক্রান্ত হ'লেও তার আর কিছু হয় না। পাগলা কুকুরের বিষ প্রতিরোধ করবার ক্ষমতাও মানুষের মধ্যে ঐ রকম উপায়ে ক্রমশ উৎপন্ন করা হয়। বাল্যকালের এই জ্ঞানটুকু এতদিনে হসন্তবাবুর কাজে লেগে গেল। তিনি ভাবলেন, জলাতন যদি চিকিৎসা, তাহ'লে সর্ক... নয় কেন? অর্থাৎ ক্রমশ ভয় প্রতিরোধ করবার ক্ষমতা বাড়িয়ে বাড়িয়ে সব-ভয় কেন একেবারে দূর করা যাবে না?

তাঁর এক ভাগ্নের (বিভক্তির বড় ছেলে তদ্বিতকুমারের) বড় আধারের ভয় ছিল। হসন্তবাবু তাকে প্রথমে কিছুদিন ৩২ ক্যাণ্ডল পাওয়ার আলোযুক্ত একটা ঘরে বন্ধ ক'রে রাখলেন, তার পর আলোর ক্যাণ্ডল পাওয়ার ক্রমশ কমিয়ে কমিয়ে শেষ অবধি তাকে একেবারে নিরেট অন্ধকারে রেখে দেখলেন তদ্বিতের অন্ধকারের ভয় আর নেই। এই এক্সপেরিমেন্টটা সফল হওয়ায় হসন্তবাবু আর বিলম্ব না ক'রে তাঁর নারীজাতির ভয় দূরীকরণের স্কীমটা প্রকাশ ক'রে ফেললেন। তাতে তিনি লিখলেন যে, অনেক গবেষণা ক'রে তিনি ভয় জিনিষটাকে তিন ভাগে ভাগ করেছেন—১। শারীরিক ভয়, ২। মানসিক ভয়, ৩। আধ্যাত্মিক ভয়; এবং দেখেছেন যে, এই তিন প্রকার ভয়ই চিকিৎসা ক'রে দূর করা সম্ভব। চিকিৎসার প্রধান ও একমাত্র উপায়, অল্প অল্প ক'রে ভয় সহ্য করিয়ে মানুষকে ক্রমশ ভয়শূণ্য ক'রে তোলা। যথা, শারীরিক ভয় দূর করতে হ'লে ছারপোকাকার ভয় থেকে আরম্ভ ক'রে বাঘ ভালুকের ভয় অবধি সহজে সহজে দেখাতে হবে। মানসিক ভয় দূর করতে হ'লে, একলা থাকা কিম্বা অন্ধকারের ভয় থেকে আরম্ভ ক'রে ক্রমশ খুব বেশী রকম ভূতের ভয় অবধি দেখাতে হবে। আধ্যাত্মিক ভয়ও ঐ উপায়ে 'মাষ্টার মশাই রাগ করবেন' ব'লে ভয় দেখান থেকে শুরু করে, 'ভগবান বিমুখ হবেন' অবধি ব'লে সারান যাবে।

হসন্তবাবু ঠিক করলেন মেয়েদের ভয় ভাঙবার জন্য কোন স্বাস্থ্যকর স্থানে একটা Central Institute খুলবেন; সেখানে ভারতবর্ষের সব জায়গা থেকে মেয়েরা সব রকম ভয় বিমুক্ত হবার জন্য তাঁর তত্ত্বাবধানেই চলবে। তিনি একবার তাড়াতাড়ি মাদ্রাজ চ'লে গেলেন। সেখানে 'বীরপ্রসূ প্রসবিনী ভারত' সম্বন্ধে সভ্যরা তাঁকে একটা তুমুল-রকম রিসেপশন দিল; সকলে একবাক্যে হসন্তবাবুকে উক্ত সম্বন্ধে কীর্তিকা-প্রধান (Working President) মনোনীত করলে; এছাড়া এক জন সার্জপ্রধান (Vice-President) এক জন সর্কার্থাধার (Treasurer), তেরো জন ভ্রাম্যমান প্রতিনিধি (Travelling Agents), ও বিয়াল্লিশ জন নৈতিক কার্যনাটক (Members of the General Committee) নিযুক্ত হ'ল। হসন্তবাবু পরম উৎসাহে কলিকাতায় ফিরে এলেন এবং

শীঘ্রই অনেক হাজার টাকা তুলে ফেললেন। তার পর চার পাঁচ মাস ধরে খুব হৈ চৈ চারি দিকে লোকের মুখে শুধু এক কথা—“বীরপ্রসূ প্রসবিনী ভারত”। সকলে শুধু ‘The Nine Points of National Narcolepsy’ আওড়ায় ও বলে, “এইবার হসন্তবাবু জাতীয় অবনতির একটা হেণ্ড-নেস্ট না করে ছাড়বেন না।”



মধুপুরে একটা মস্ত বাড়ি আর বাগান নেওয়া হয়ে গেছে। যারা নিজেদের মেয়েদের ভয় ভাঙাবার জন্তু ব্যস্ত, তাদের লেখা আবেদন-পত্রে হসন্তবাবুর দপ্তর গিজগিজ করছে। Imperial Bankএ “বীরপ্রসূ প্রসবিনী সঙ্ঘ”র account বেশ ভারি হয়ে উঠেছে। এখন শুধু কাজ আরম্ভ হ’লেই হয়; হসন্তবাবু সঙ্ঘের কীর্তিকার-প্রধান হিসেবে কাগজে দুই জন সৎ, কর্মক্ষম ও বয়স্ক মেট্রনের জন্তু বিজ্ঞাপন দিলেন। অনেকে দরখাস্ত করলে এবং বহু কষ্টে হসন্তবাবুর আবিষ্কৃত Honesty ও Efficiencyর Infallible Nose Test পাস করে (নাকের মাপ ও আকারের সাহায্যে হসন্তবাবু মানুষের চরিত্রবিচার করতে পারতেন) দুই জন খৃষ্টধর্মাবলম্বিনী মহিলা মেট্রন নিযুক্ত হলেন। অতি শীঘ্রই মধুপুরের বাড়ি ছাত্রীতে ভরপুর হয়ে উঠল। হসন্তবাবু তারাপদ নামক এক্সপেরিমেন্ট্যাল সাইকলজি পাস এক জন ছোকরাকে নিয়ে সেখানে সব বন্দোবস্ত করতে চলে গেলেন। ছাত্রীদের দৈহিক এবং বংশ ও জাতিগত কোন অবস্থার জন্তু তাদের মধ্যে ভয়ের প্রতীতি হ’লে কি না নির্ণয় করবার জন্তু হসন্তবাবু তাদের বিষয়ে নানাপ্রকার Statistics নিলেন। যথা, তাদের মাথার মাপ, চুলের ও গায়ের রং, নাকের দৈর্ঘ্য, ভুরুর আকৃতি, ওজন, শরীরের দৈর্ঘ্য, ফোর-আর্ম বাইসেপ্‌স, চুই, ওয়েস্ট ইত্যাদির মাপ, তাদের দেহে কোথায় কোথায় তিল আছে, তাদের জাতি, গোত্র, পারিবারিক খবরাখবর, বাল্যকালে হাম হয়েছিল কি না, তাহারা অত্যধিক চা পান করে কি না ইত্যাদি ইত্যাদি। তারাপদ বললে, অত data :সে একলা ক্লাসিফাই ও রেকর্ড করতে পারবে না। হসন্তবাবু তাতে তারাপদের সাহায্যার্থে তিন জন বি. এ. ফেলেরানি নিযুক্ত করে দিলেন।

তার পর আরম্ভ হ’ল প্রত্যেকটি মেয়ের Fear Survey অর্থাৎ তার কি কি প্রকার ভয় আছে এবং সেই সব ভয়ের প্রাবল্য কতটা ইত্যাদি। কাকর নামের পাশে হয়তো লেখা হ’ল Physical, minimum—cockroach ; Mental, minimum—darkness five candle ; Spiritual, minimum—maternal uncle go away for ever, অর্থাৎ উক্ত বালিকার আরম্ভলা মাত্র দেখলেই ভয় হয়, অন্ধকারে এবং পাঁচ ক্যান্ডেল পাওয়ার আলো থাকলেও ভয় হয়, একই মামা তাকে ছেড়ে চিরতরে চলে যাবেন এইটুকু মাত্র আশঙ্কা হ’লেই

ভয় হয়। অজ্ঞাত সব মেয়েদের নামে এইরকম সকল জাতব্য বিষয় লেখা এক এক খানা কার্ড তৈরি হ'ল। সেগুলি triplicateএ রেকর্ডেড হ'ল।

সমস্ত তথ্য সংগ্রহ করা হয়ে যাবার পরে হসন্তবাবু দেখলেন যে, শারীরিক ভয় জিনিষটাই মেয়েদের মধ্যে খুব বেশী এবং অধিক সংখ্যক মেয়েরই বাল্যকালে হাম হয়েছিল এবং প্রায় সকলেই চা পান করে। হসন্তবাবু এর ফলে 'বীরপ্রসূ প্রসবিনী সম্মেলন'র সভায় মধ্যে বিতরিত হবার জন্ত একটা নোট লিখলেন—Physical Fear and its Probable Relation to Infantile Measles and Excessive Tea Drinking.

এর পর তিনি সকলের জন্ত কন্টিন তৈরি ক'রে দিলেন। Emil Cone আবিষ্কৃত Auto-suggestionএর নিয়ম অনুসারে এবং প্রত্যাহ দুই ঘণ্টা ক'রে "আমি বীরনারী হব, হবই হব" ইত্যাদি জপ করবার একটা গাথা তৈরি করে দিলেন। মধুপুরের বাড়িতে একটা প্রকাণ্ড লেকচার হল ছিল। সেখানে প্রত্যাহ মেয়েদের হসন্তবাবুর জ্ঞানগর্ভ ও উপদেশপূর্ণ বক্তৃতা শুনতে হ'ত। প্রথম দিনকতক তিনি ভয় যে শুধু একটা negative অথবা অভাবাত্মক বা নেতিগর্ভ জিনিষ সে সম্বন্ধে মেয়েদের ভাল ক'রে বোঝালেন। অর্থাৎ সাহসের অভাবই ভয়, অর্থাৎ সাহস নেই বলেই ভয় আছে, অর্থাৎ সাহস থাকলে ভয় থাকতে পারে না ইত্যাদি। এ কথাও বললেন যে, ভয়টা নেতিগর্ভ বলেই তার ঠাকানা-ধাকার কোন মানে হয় না, অর্থাৎ ভয় না থাকলেই সাহস আছে প্রমাণ হয় না, সুতরাং না-ভয়-না-সাহসাত্মক এই যে একটা neutral বা নির্লিপ্ত বা অনির্দিষ্ট অবস্থা, প্রথমত তাদের মনের মধ্যে সেই অবস্থাটা আনতে হবে, তার পর Positive Courage বা অস্ত্যাত্মক সাহস গড়ে তুলতে হবে, ইত্যাদি।

এই প্রকার কথাবার্তা শুনিয়া মেয়েদের মধ্যে চিকিৎসার জমি তৈরি ক'রে হসন্তবাবু এক দিন কলকাতায় চলে এলেন। উদ্দেশ্য প্রথম যাত্রা ঔষধের বন্দোবস্ত ক'রে মধুপুরে ফিরে যাওয়া ও বখারীতি চিকিৎসা শুরু করা। দু তিন রাত্রি জেগে, অনেক ভেবে ও স্বামী অত্যাচ্ছানন্দের সঙ্গে অনেক পরামর্শ ক'রে হসন্তবাবু চিকিৎসার প্রথম যাত্রা হিসেবে মেয়েদের কি ভয় দেখাবেন তা ঠিক করলেন। খুব ছোটখাট রকম ভয় দেখান হবে এটা ঠিকই ছিল, তবু ঠিক কি ভয় দেখান হবে সেটা হঠাৎ না ভেবে নির্ধারণ করা উচিত নয় বলেই এতটা দেরি হ'ল।

এই জিনিষটা ঠিক হয়ে যাবার দিনচারেক পরেই হসন্তবাবু দুটি বড় বড় কাঠের সিন্দুক নিয়ে মধুপুরে ফিরে গেলেন। কেউ জানতে পারলে না যে, সেগুলিতে কি আছে। মেট্রনরাও না। পর দিন সকালবেলা হসন্তবাবু মেয়েদের লেকচার হলে হাজির হতে বললেন। সিন্দুক দুটি আগেই সেখানে ঠিক মত ক'রে বসান হয়েছিল। মেয়েরা সকলে এল। কিছু একটা মজার ঘটনা হবে ভেবে মেট্রন কাদম্বিনী ও স্মৃতিবালাও এসে বসলেন। হলের চার দিক বন্ধ। শুধু হসন্তবাবুর আসনের পিছনে একটা বড় ও

আধ-ভেজান দরজা। প্রথমত, মেয়েরা সকলে দণ্ডায়মান হয়ে বীরনারী হওয়ার গাথাটা সম্বন্ধে আবৃত্তি করলে। যথা—

বীরনারী গাথা

তারাপদ রচিত *

তামিল, তেলেগু অথবা বাঙালী হইব রমণী বীর,
পতিতাস্ত্যজ, ব্রাহ্মণ, কেবট তুলিব উচ্চ শির।
হায়, নহিক বীরের নারী,
তাহে মোরা কি করিতে পারি—
নিজেরা সবলা হইয়া আমরা দূরিব লাজ পতির—
(মোরা) মাথা খাড়া করি তুলিব দেশের লাজ অবনত শির।

স্বামী কাপুরুষ, কাপুরুষ পিতা, ভ্রাতা কাপুরুষ হোক—
বীর সম্ভান গর্ভে ধরিয়া সৃজিব নূতন লোক!

মোরা আনিব নূতনালোক,
সখি ভুল' তবে মিছে শোক—
এলায়িত চুলে কোমর বাঁধিয়া হও সবে সৃষ্টির—
নূতন শিক্ষা কর পস্তন উচাইয়া তোল শির।

ভাব জ্রোপদী, Joan†, তারাবাই আর বগিবিন্দীর‡ কথা,
Sangerদিদি উঠে লেগেছেন ঘুচাতে মোদের ব্যথা।

ভেঙে ফেল ক্ষীণ দেহলতা,
ধর পাদপের সবলতা ;
মহু, পরাশর, সোপেনহাউরে যে ভাবে ভাবুক পীর—
তাদের রচিত শাস্ত্রে লাধিয়া তুলিব উচ্চ শির।

মোরা 'বীরনারী হব, বীরনারী হব' জপে যাব অবিরাম ;
গম্ভীর নাদে কাঁপাইব বীর-প্রসু-প্রসবিনী-ধাম।

* হসন্তের সেক্রেটারি

† Joan of Arc

‡ দীনবন্ধু মিত্রের 'জামাইবারিক' কষ্টব্য

মোরা দাঁড়াব আপন পায়ে—
 নহে পুরুষের পদছায়ে ;
 এ মহামন্ত্রে পর্দা জেনানা ফেটে হবে চৌচির—
 জয় হসন্ত রূপায় বাহার উচা করিয়াছি শির ।

তার পর হসন্তবাবু তাঁর বেগুনে রেশমের চাদরটা একটু ভাল করে গায়ে জড়িয়ে নিয়ে বললেন, “আজ আমরা এখানে যে জন্ত সমবেত হয়েছি সে একটা খুব উচ্চ আদর্শ নিয়েই। এই ঘটনা হয়তো প্রথম দর্শনে চমকপ্রদ নয়, কিন্তু এরই প্রভাব ভারত ইতিহাসের অতি দূর ভবিষ্যৎ অবধি পৌঁছাবে। আপনারা সকলে একান্ত মনে আমাদের বীরপ্রসূ প্রসবিনী সন্তের মহান আদর্শের কথা চিন্তা করুন ও ‘আশুহাসিনী ভারতমাতা’ গানটি সকলে মিলিয়া করুন।” হসন্তবাবু এই উপায়ে মেয়েদের মধ্যে একটা অতর্কিত ভাব জাগাচ্ছিলেন কেন না ডয় দেখান জিনিষটা আকস্মিকতার উপর বিশেষরূপে নির্ভর করে। গান আরম্ভ হ’ল।

আশুহাসিনী ভারতমাতা

(স্বামী অতুলানন্দ রচিত)

আশুহাসিনী ভারতমাতা—

অভাগা এ তোর সম্মান দলে

মুখ তুলে চেয়ে হরষে মাতা’।—

একবার হাস মা

তুমি অনেক কৈদেছে অনেক কেটেছ

স্বথ-নীরে একবার ভাস মা ;

দুখ নিশি ভোর হ’ল হ’ল ওই

চোখ চেয়ে একবার হাস মা ।

ওমা ভেঙেছে মোদের মোহ মায়া ঘোর

বুকে বেঁধে লব হাসি দেখে তোর ;

জেনে দেখ নহ জড়িত-নয়না

নাহি শুধু তব ছিন্ন কাঁথা ।

আশুহাসিনী ভারতমাতা ।

একবার হাস মা—

সেই পুরানো-যুগের সুবেশ-সাজে

দৈন্ত মোদের নাশ মা—

সেই হেম-ঝলঝল রজত-ধবল

প্রাণ খোলা হাসি হাস মা ।

আপান হাসিছে হাসিতেছে চীন,

বিক্ হাসে হাসে তুর্কী নবীন—

তুমি হাস যোগে বৃকেতে তোমার

আর ইংরেজ পেয়ে না জাঁতা ।

আন্তহাসিনী ভারতমাতা ॥

মেয়েরা যখন অন্তরাতে এসেছে ও “প্রাণ খোলা হাসি হাস মা” বলিয়া ভৈরবীতে ভারতমাতাকে হাস্য করতে আহ্বান করছে, এমন সময়ে হসন্তবাবু একটা দড়িতে সজোরে টান দিলেন । অমনি সিন্দুকের ডালা ছুটি খুলে গেল এবং তার ভিতর থেকে কিচকিচ শব্দে হল মুখরিত ক’রে প্রায় হাজার খানেক ছোট বড় ইঁদুর লাফ দিয়ে বেরিয়ে এল । গানটাও হঠাৎ থেমে গেল ।

তার পর যা দৃশ্য, তার বর্ণনা অসম্ভব । ভয়ব্যাকুল মেয়ে সকলে সম্মুখে ই..... করে একটা বিকট চীৎকার ক’রে উঠল । ছচার জন দৌড়ে হসন্তবাবুর পিছনের দরজাটির দিকে চলল । তাদের দেখাদেখি বাকি সকলেই একটা প্রবল বন্টার মতই দরজার দিকে ছুটল । ঘরময় তখন ইঁদুরের ছড়াছড়ি । মেয়েরা এ ওর ঘাড়ে প’ড়ে ও পরস্পরকে সরিয়ে আগে পালাবার চেষ্টায় জামা কাপড় ছিঁড়ে, নখের আঁচড়ে ক্ষতবিক্ষত হয়ে দরজার উপর গিয়ে পড়ল । হসন্তবাবু একবার উঠে তাদের থামাতে গেলেন, কিন্তু সেই সর্বসংহারিণী বন্টার মুখে তিনি রেশমের জামা কাপড় সমেত কোথায় যে তলিয়ে গেলেন, তা বোঝাই গেল না ।

কয়েক মিনিট ঘরে যেন ঝড় বয়ে গেল ; তার পর বেশীর ভাগ মেয়েরা পালিয়ে যাকার পর দেখা গেল, ঘরে অসংখ্য জীবিত, মৃত ও পদদলিত ইঁদুর, দুই একটি মুচ্ছিত মেয়ে, কয়েকপাটি জুতা ও কিছু চুড়ি বালা ও ব্রোচ । আর দেখা গেল, এক পাশে হসন্তবাবুর ধূলিমলিন ছিন্নবস্ত্র ভগ্নচশমা রূপ । তিনি সর্ব্বাঙ্গে উচু ‘হীলে’র আঘাতে অর্জ্জরিত হয়ে বহু কষ্টে উঠবার চেষ্টা করছেন, শুধু মেট্রন কাদম্বিনী পলায়ন কালে তাঁর হাঁটুর উপর ব’সে পড়ায় তন্মত বেদনায় উঠতে পারছিলেন না । শেষে বহু কষ্টে তিনি হামাগুড়ি দেবার ভাবে এগিয়ে গিয়ে মানিব্যাগটা কুড়িয়ে নিলেন, তার পর খানিকক্ষণ কাতুকুতু আক্রান্তভাবে ছটফট করে একটা ইঁদুরকে ল্যাজ ধ’রে পাঞ্জাবির ভিতর থেকে টেনে বের

করে ছুঁতে দেখে যেন। তিনি হাথা দিয়ে কখন কখনের দিকে এগিয়ে চললেন ও বলতে
 লাগলেন, "Overdose, overdose, ইফরটা না দিয়ে আনন্দমাত্রা বিশেষে ঠিক হ'ত।



Overdose ! Overdose !!

খালি স্বামিজীর কথায় এটা করলাম। এর evil effect দূর করতে এখন অস্ত্র ছ সপ্তাহ
 লাগবে। তার পর আবার আনন্দমাত্রা দিয়ে কাজ আরম্ভ করব। *Vulneratus non
 victus !**"

পাঁচুগোপাল ডিটেক্টিভ

সে এক ব্যাপার! এখনও মনে করলে হাসি পায়। পাঁচুগোপালের পক্ষে বেখায়া রকম কাজ করা অবশ্য কিছু-একটা আশ্চর্য্য ব্যাপার নয়, কিন্তু সে বার পাঁচু নিজেকেও হার মানিয়েছিল।

ছেলেবেলা থেকেই পাঁচুর মনে একটা বৈজ্ঞানিক ভাবের ধারা বইত। বৈজ্ঞানিক পাঁচু যে সারাক্ষণই খুব উত্থানের বিজ্ঞান নিয়ে নাড়াচাড়া করত তা নয়; এই যাকে বলে কিনা অ্যাপ্রায়েড সারেন্স্ অর্থাৎ কলিত বিজ্ঞান, তার উপরেই ছিল তার আসল ঘোঁক। পাঁচুর একটা ধারণা ছিল যে, পুরান কাজ নতুন রকমে ক'রে, অথবা নিত্য নতুনতর কোন আবিষ্কার ক'রে জগতের উপকার করার জগুই বিজ্ঞানের সৃষ্টি। কথাটা আশ্চর্য্য রকম নতুন কিছু নয়, কিন্তু সে কথা নেপথ্যে বলাই ভাল; পাঁচুর কানে গেলে আর রক্ষা নেই।

সব-কিছুই বৈজ্ঞানিক ভাবে দেখা পাঁচুর স্বভাব ছিল এবং তার জগু সে বিপদেও বড় কম পড়ে নি।

আমরা তখন কলেজে পড়ি এবং এক মেসেই থাকি। পাঁচু সপ্তাহ খানেক খুব গম্ভীর হয়ে কি ভাবত। অনেক সাধ্য-সাধনার ফলে সে বললে যে, সে একটা নতুন জ্ঞান লাভ করেছে, এবং সেই জ্ঞান জগতে বিস্তার করাই সেই সময় থেকে তার জীবনের উদ্দেশ্য। সে নাকি বুঝতে পেরেছে যে, মহুষ্-জাতির জ্ঞানশক্তি ক্রমশ লোপ পেয়ে যাচ্ছে এবং এর বৈজ্ঞানিক কারণ অনুসন্ধান ক'রে সে জানতে পেরেছে যে, মানুষ জ্ঞানশক্তির যথেষ্ট ব্যবহার করে না বলেই তার এমন অমূল্য শক্তিটি হেলায় হারাচ্ছে। এই বিষয়ে চেষ্টা ক'রে সে কলেজে একটা বিতর্ক (debate) করলে। আমরাও মজা দেখবার জগু তাকে খুব উৎসাহিত করলাম। বিতর্কে পাঁচু উঠে বললে, "If necessity is the mother of invention, she is the grand-mother of existence—অর্থাৎ প্রয়োজন যদি উদ্ভাবনার মাতা হয়, তাহ'লে তা অস্তিত্বের মাতামহী।" কথাটার মধ্যে পাঁচুর মতে সমস্ত দর্শন বিজ্ঞানের সারাংশটুকু ছিল। এগার রাত্রি জেগে বিজ্ঞান-বারিধির ভিতর থেকে সে গুণীজনের মত এই কীরটুকু সংগ্রহ করেছিল, কিন্তু কলেজের ছেলেরা তার এমন জ্ঞানের প্যাচটা না বুঝে অথবা তার নাম grandfather of existence, অর্থাৎ অস্তিত্বের ঠাকুরদাদা দিয়ে দেওয়ায় পাঁচুর মনে বড়ই আঘাত লেগেছিল। আমাদের আশা সে ছেড়ে দিলে। কিন্তু পাঁচু কখনো ছেলে ছিল না, সে বললে, "যদি তোর ডাক শুনে কেউ না আসে, তবে একলা চল রে।" সে ঠিক করলে যে, যে সব পণ্ডিতগণশক্তি খুব

ব্যবহার করে, তাদের মত জীবন-যাত্রা নির্বাহ করে সে নিজের জ্ঞানশক্তি অসাধারণ রকম বাড়িয়ে ফেলবে। অল্প-প্রত্যক্ষের ব্যায়াম করে যেমন সার্কাসের জোরালো লোকেরা অমাহুতিক শক্তি সঞ্চয় করে, তেমনি পাঁচুও তার জ্ঞানশক্তিকে ব্যায়াম করিয়ে শক্তিশালী করে তুলবে ঠিক করলে।

তখনও ছুটির অনেক বাকি; কাজেই হঠাৎ জ্ঞানশক্তির ব্যায়াম করা সম্ভব হয়ে উঠল না। এতে পাঁচুর মনে একটা চাপা উত্তেজনা থেকে গেল। সে ভাল করে ঘুমাতে পারত না।

খগেন আমাদের মেসের গল্পবাজ ছিল। সে একটা কথা পাঁচুর নামে রটিয়ে দিলে। অবশ্য তাতে পাঁচুর বিশেষ যায় আসে নি। খগেন তার রুমমেট ছিল। সে এক দিন সকালে উঠে চা খাবার সময় বললে, “কাল রাত দুটোর সময় পাঁচু কি করেছে জান হে?” আমরা জিজ্ঞেস করলাম, “কি করেছে?” “হঠাৎ ছপুর রাতে এক লোমহর্ষক চীৎকার করে পাঁচু তক্তার উপর সটান উঠে বসল। চুলগুলো খাড়া, মুখ লাল। আমি একেবারে ভড়কে গিয়েছিলাম। একটু গৌঁ গৌঁ করে ঘুমন্ত অবস্থাতেই ও বলতে লাগল— ‘কাইনেসিস, কাইনেসিস! ব্যায়াম ও ব্যবহারই অনন্ত উন্নতির চোরঙ্গী! এমন দিন আসবে যখন সমাজে গুপ্তঘাতককে শিক্ষিত জ্ঞানশক্তির সাহায্যে তার গোপন আবাস থেকে টেনে হিঁচড়ে এনে স্ত্রিচারের মমতাহীন কবলে আছড়ে ফেলে দেবে। মানুষের মন অনন্ত ক্ষমতার আবাস। চাই জাগিয়ে তোলা—উন্মেষ—বিকাশ। কিসের এ বর্তমান! কাইনেসিথেরাপি, অর্থাৎ সঞ্চালন-চিকিৎসায় মানব কি না হবে!’ এই বলতে বলতে পাঁচু এতটা উত্তেজিত হয়ে গেল যে আমি ওর গালে সজোরে এক চড় বসিয়ে না দিলে কাল রাতে একটা অঘটন কুঘটন কিছু ঘটে যেত।” আমরা এক চোট হেসে নিলাম। পাঁচু সেখানে ছিল না। চাকরকে খোঁজ করতে বললাম। সে এসে বললে, “পাঁচুবাবু মুখ হাঁ করে ছাদে রোদ পোয়াচ্ছে। জিজ্ঞেস করলাম, চা খাবে নি বাবু? বাবু বললে, দাঁতের ব্যথার চিকিচ্ছে করছে রোদ দিয়ে। হ্যাঁ বাবু, রোদে কি ব্যথা শুকায়?”

সে বার ছুটির সময় পাঁচু তার জ্ঞানশক্তি বাড়াবার বিশেষ চেষ্টা করেছিল। রোজ সে ঘরে নানা রকম শিশিতে নানা রকম জিনিষ রেখে চোখ বুজে কোন্টা কি তা শুঁকে ঠিক করতে চেষ্টা করত। বাগানের গাছপালা সব শুঁকে চিনবার চেষ্টা করত। এতে তার সত্যিই অনেকটা উপকার হয়েছিল। কিছু দিন পরে সে চোখ বুজে, হামা দিয়ে চলত। ঘরে বাগানে নানা রকম জিনিষ রেখে দিত, আর শুঁকে পথ ঠিক করতে চেষ্টা করত। কখনও কখনও, সে অচেনা গন্ধ পেত এবং তার অনুসরণ করত। এক দিন তাই করে সে নাকি একটা ধরগোস প্রায় ধরে ফেলেছিল। এতে তার উৎসাহ খুব বেড়ে গেল। কিন্তু আর এক দিন সন্ধ্যা বেলায় বাগানে শুঁকে শুঁকে একটা অজানা জায়গায় গিয়েই কিছু কালের মত তার উন্নতির পথে বাধা পড়ে গেল।

কে একটা জাঁতিকল বাগানে পেতে রেখেছিল। চোখ বুজে যেতে যেতে তার নাকটা তাতে আটকে গেল। ফলে ভীষণ গোলমাল ও ছুটোছুটি পড়ে গেল। নাকটা বাঁচল বটে, কিন্তু নাকের ডগায় জাঁতিকল ঝুলিয়ে বৈজ্ঞানিক পুত্র যখন পিতৃসম্মর্শনে উপস্থিত হলেন, তখন পুত্র-গৌরবে মুগ্ধ পিতা বলতে বাধ্য হলেন যে, ঐ রকম পাগলামো করলে তিনি তাকে ত্যাজ্যপুত্র না ক'রে পারবেন না। অগত্যা মত না বদলালেও পাঁচু প্রকাশে স্পষ্ট শক্তিকে আর জাগাতে চেষ্টা করত না। নাকের দাগটা তার অবশ্য গেল না, কিন্তু পাঁচু তাতে কিছু মাত্র লজ্জা বোধ করত না।

এর থেকে বোঝা যায় যে, পাঁচু সাধারণ মানুষ নয়। সে নিজেও তাই ভাবত।

এর পর সে বৈজ্ঞানিক ভাবে মহাভারত বিশ্লেষণ শুরু করলে। ভারতবর্ষ জগৎকে এক দিন যে জ্ঞান দিয়েছিল, সেই লুপ্তজ্ঞান আবার জগতে ফিরিয়ে আনতে তার খুব একটা উৎসাহ দেখা গেল এবং ফলে আমাদের বাঁচা দায় হ'ল। তার উদ্ভাবনী-শক্তি হঠাৎ এত বেড়ে গেল যে, এমন কি বৈজ্ঞানিক মেসে ঝি চাকর টেঁকা দায় হয়ে উঠল। নানাপ্রকার অস্ত্রশস্ত্র, ফাঁদ-কল ইত্যাদি সে তৈরি করতে শুরু করল এবং মেসের সকলেরই হাত পা সেগুলির অস্তিত্ব সম্বন্ধে এমন সচেতন হয়ে উঠতে লাগল যে, কলিযুগের কুরুক্ষেত্র ঠেকিয়ে রাখা আমাদের পক্ষে এক সমস্যা হয়ে দাঁড়ল। অবশেষে যখন সে নাগপাশ অথবা অটোম্যাটিক মালটি-লুপ ল্যাসো (Automatic Multi-loop Lasso) তৈরি করলে, তখন আমরা অগত্যা একটা খারাপ রকম ষড়যন্ত্র ক'রে সেটা পুড়িয়ে তবে নিজ হস্তে রাখা বাজার ও বাসন মাজার হাত থেকে নিস্তার পেলাম। দেখে দেখে আমাদের চোখে ওসব এমন সয়ে গিয়েছিল যে, প্রথমে যখন ছাদের উপর দড়ি দড়া কাঠ বাঁশ ইত্যাদির সাহায্যে সে আর একটা কি তৈরি করলে তখন আমরা অতটা নজর দিই নি। কিন্তু এক দিন স্নানের সময় আমরা চার জন ছেলে, দুজন চাকর ও ঝি গোবিন্দর মা উঠানের কলতলায় গিয়েছি, এমন সময় হঠাৎ রূপ ক'রে অনেকগুলি দড়ির ফাঁস আমাদের গায়ে পড়ল এবং কোন গোলমাল করবার আগেই আমরা ফাঁসে বাঁধা অবস্থায় দশ বার হাত শূন্যে উঠে গেলাম।

হতভম্ব হয়ে ছাদের দিকে চেয়ে দেখলাম পাঁচু মূন দিয়ে একবারটি আমাদের দেখলে এবং 'ঠিক হয়েছে' বলে একটা হাতল ঘুরিয়ে আমাদের নামিয়ে দিলে। গোবিন্দর মা শুধু টাল সামলাতে না পেরে চৌবাচ্চায় পড়ে গেল। ভিজে কাপড়ে বিক্ষারিত নেত্র উপরে একবার তাকিয়েই সেই যে সে বাড়ি গেল, তার পর তাকে আর দেখি নি। এই নাগপাশ পুড়িয়ে দেওয়ায় পাঁচুর কি রাগ!

এর পরে সে অভিমত্বার বাহ-ভেদের মূলমন্ত্রটা এক দিন হঠাৎ আবিষ্কার ক'রে ফেললে। এমন নাকি একটা উপায় আছে যা জানলে অতি ভীষণ ভিড়ের মধ্যে এক জন মানুষ অবাধে ঢকে যেতে পারে এবং তাও আবার কোন রকম অস্ত্র শস্ত্রের সাহায্য না

নিয়ে। টেবিলের উপর দেশলাই-কাটি সাজিয়ে আঁকজোক কেটে পাঁচু কত রাতের পর রাত কাটিয়ে দিলে। তার পর এক দিন ভোরবেলা সে চেষ্টা করে বললে যে, অভিমুখ্যর গুণজ্ঞান সে পুনরাবিষ্কার করেছে এবং বর্তমান বিজ্ঞানের ভাষায় জিনিষটা জলগতি-বিজ্ঞানের (Hydrokinetics) মধ্যে পড়ে। খগেন বললে, “খুব বেশি ভিড় ভেদ করে যাওয়া অবশ্য ঐ জাতীয় সমস্যা, সে সম্বন্ধে সন্দেহ নেই।” পাঁচু মানে না বুঝে এতে খুব খুশি হয়েছিল।

আমাদের সকলের ফুটবল খেলা দেখার বেশ ঝোঁক ছিল। সেদিন মোহনবাগানের সঙ্গে ক্যালকাটার ম্যাচ। আমরা চারটে না বাজতেই যথাস্থানে হাজির,—কিন্তু তবু দেখি ভীষণ ভিড়। ‘মোহনবাগান’ নামটার মধ্যেই কিছু আছে কিনা জানি না, কিন্তু গুণের খেলা দেখতে বাংলা দেশ ভেঙে পড়ে। আবার মজা এই যে, যে মানুষ খেলা যত কম বোঝে, সে তত আগে খেলার জায়গায় ভিড় করে। ভিড় দেখে পাঁচু বললে, “আমার নিজের কোনই ভয় নেই, কেন না আমি অবাধে সামনে গিয়ে হাজির হব—তবে তোমাদের জন্তে আমার দুঃখ হচ্ছে”—ইত্যাদি। আমরা অবশ্য কিছু বললাম না। একটু দাঁড়িয়ে পাঁচু পকেট থেকে একটা টুক-বই বের করে একবার কি সব দেখে নিলে, এবং বিড়বিড় করে নিজের মনে দুর্কোষ্য ইংরেজি কথা অনেকগুলি বলে নিলে। তার পরেই দেখলাম পাঁচু হঠাৎ ভিড়ের মধ্যে মিলিয়ে গেছে। অভিমুখ্যর লুপ্তবিষ্ঠা পাঁচু তবে নিশ্চয়ই ফিরে পেয়েছে ভেবে আমরা মনে মনে পাঁচুকে হিংসা করছি এবং নিজেরদের অক্ষমতাকে গাল দিচ্ছি, এমন সময় সামনে একটা ভীষণ গোলমাল উঠল। গোলমালের মধ্যে কার একটা সরু মোটা সরু মেশান গলা পরিষ্কার শোনা যেতে লাগল— “বে-আক্কেলে—আমার পাঁজরে কনুয়ের গুঁতো দিয়ে ‘সামনে যাচ্ছিল; উঃ বাপ! যা লেগেছে—মার...” তার পর সে গলাটা আর শোনা গেল না। খুব একটা ‘মার মার’ ধ্বনি এবং অনেক সঙ্কট-বৈচিত্র্য-সূচক শব্দ মিশে এক তুমুল গোলমাল শুরু হ’ল। হঠাৎ এক জায়গায় ভিড়টা একটু ফাঁক হয়ে তার পরমুহূর্তেই সেইখান দিয়ে পাঁচু ছিটকে বেরিয়ে এল। গানের জামা তার ছেঁড়া, চুলও বোধ হয় কিছু কম, চটি জোড়ার একটা নেই; হাতে কেবল সেই পকেট-বুকটা আঁকড়ে ধরে সে ছমড়ি খেয়ে এসে বাইরে পড়ল। এক জন বেশ কালো মোটা লোক বিকট হকার দিয়ে, এক এক বারে প্রায় বার তের ইঞ্চি লম্বা লাফ দিয়ে দিয়ে তার দিকে এগিয়ে আসছিলেন। উদ্দেশ্য—তাকে ‘শিক্কা’ দেওয়া। আমরা দেখলাম বেজায় বিপদ। যা শিক্কা পাঁচু পেয়েছে তাতেই রক্ষা নেই, আরও পেলে সে নিশ্চয়ই ব্রহ্মশির কির্ষা পাণ্ডপত অস্ত্র আবিষ্কার করে একটা সর্বনাশ করবে; কাজেই আমরা সদলে পাঁচুকে বাঁচাতে ছুটলাম।

মোটা লোকটি তখন তেইশ লাফে বাইশ ফুট জমি পার হয়ে ঘর্ষনিক্ত কলেবরে পাঁচুর ঘাড়ের উপর প্রায় এসে পড়েছেন। জয়ের আশায় তাঁর চিবুকের চক্ষু থাক

নিশ্চয়োজন চর্কি নিচুর আনন্দে কেঁপে কেঁপে উঠছিল। অতি সূক্ষ্ম আঙ্গুর পাঞ্জাবির অস্ত্রালঙ্ঘিত তাঁর তেরো-তলা ছুঁড়িটি সদর্পে ছলে ছলে উঠতে লাগল। পাঁচুর প্রাণ ঐ ঘটোৎকচরূপীর আলিঙ্গনে পড়লে মহাভারতের বৈজ্ঞানিক ব্যাখ্যা ইহজন্মের মত ওইখানেই শেষ হ'ত। মরিয়া হয়ে ধগেন তাঁকে একটি লেজি মেরে 'অবস্থার গতি' সশব্দে ফিরিয়ে দিলে। এক জন নিরপরাধ পাহারাওয়ালাকে জড়িয়ে তাঁর উপুড়াবস্থা-লাভটা সকলের চোখে এতুই সরস লেগেছিল যে, তখনকার মত পাঁচুর অস্তিত্বের প্রমাণ-গুলো তারা সম্পূর্ণ ভুলেই গেল। সুবিধা দেখে পাঁচুও ইত্যবসরে স'রে পড়ল। মেসে ফিরে দেখি, পাঁচুর ঘরে খিল। রমেন ইয়ার বললে, "পাঁচু অভিমত্কার দাদা, সে শুধু ব্যাহ ফুঁড়ে ছুকতেই শিখেছিল, কিন্তু পাঁচু নিক্রমণটাও আবিষ্কার ক'রে ফেলেছে।"

২

এখন আসল গল্পটা বলি। এতক্ষণ পাঁচুর একটু পরিচয় দিচ্ছিলাম। পাঁচু আজকাল আর ছাত্র নয়। সে এম. এস-সি., বি. এল. পাস ক'রে ওকালতি করছে। অর্থাৎ পুলিশ-কোর্টের প্রত্যেকটি ইট পাথর আজকাল সে চিনে ফেলেছে। এ ছাড়া সে বর্তমানে বিবাহিত। তার স্বস্তর সরকারী কাজে শিমলায় থাকতেন, কিন্তু তাঁর পরিবারের অন্য সকলে কলকাতাতেই ছিলেন। পাঁচুর এতে কোনও আপত্তি ছিল না, কেন না সে স্বস্তরের চেয়ে স্ত্রীকেই বেশি প্রয়োজনীয় মনে করত। স্বস্তরের আবার বদরাগী ব'লে একটা দুর্নাম ছিল। কাজেই পাঁচুর স্বস্তর মহাশয়ের সঙ্গে আলাপ নেই ব'লে যে সে খুব কষ্টে ছিল তা বলা যায় না।

আমরা সকলেই তখন নানা কাজে নানা জায়গায় ছিলাম। পরস্পরের সঙ্গে মাঝে মাঝে দেখা হ'ত, কিন্তু অনেক কাল খুব জমিয়ে আড্ডা দেওয়া হয় নি। এতে বড় দুঃখ হ'ত। ধগেন তখন বর্তমানে ছিল। আমরা কয়েকটি বন্ধু মিলে ঠিক করলাম, দিন কতক তার ওখানে গিয়ে আড্ডা জমাব। অবশ্য পাঁচু না হ'লে আমাদের দল ঠিক পূর্ণ হবে না, কাজেই তাকে অনেক ক'রে ধ'রে নিয়ে যাওয়া হ'ল। বৈবাহিক, সামাজিক, আর্থিক বা বৈজ্ঞানিক কোন আপত্তিই তার শোনা হ'ল না।

ওকালতি শুরু করবার পর থেকেই সে তার বৈজ্ঞানিক বুদ্ধি অপরাধ-বিজ্ঞানের (criminology) চর্চায় লাগিয়েছিল। সে বলত, অপরাধ জিনিষটা যে বেধাঙ্গা একটা ঘটনা নয়, তারও একটা কারণ আছে, এটা প্রমাণ করা দরকার। আবার কারণটা বেশির ভাগ ক্ষেত্রেই অপরাধীর স্বভাবজাত, এ কথাটা বিশেষ ক'রে মনে রাখা প্রয়োজন। পাঁচু আরও বলত যে, পৃথিবী তার অবিশ্রাম গতির পথে বিশেষ বিশেষ কতকগুলি বৈজ্ঞানিক ক্ষেত্রের মধ্যে দিয়ে এক এক সময় যায়। সেই সময় পৃথিবীতে অপরাধাধিকা দেখা যায়।

অর্থাৎ ঐ বৈজ্ঞানিক ক্ষেত্রের মধ্যে মানুষের মন সামাজিকতা অবিচলিত রাখতে পারে না। কাজেই সে অসামাজিক কাজ করে। অপরাধ ও অসামাজিক কাজ একই কথা। বিদ্যুতের তড়ানায় না পড়েও অবশ্য বিশেষ করে অপরাধ করতে পারে, এমন লোক অনেক জন্মায়, এবং তারের ভাল করে চিনবার উপায় থাকলে যথাসময়ে গারল ব্যবহার করে সমাজকে অনেক অভ্যুত্থার উৎসাহ থেকে বাঁচান যায় এই জন্ত অপরাধীরা বেঁধে রাখার মত মানুষ (the criminal type) বিশেষ চর্চা প্রয়োজন। পাঁচুর মতে এমন দিন আসতে পারে, যখন জন্ম রেজেষ্টারি করবার সময়েই অপরাধপ্রবণতা-নির্দেশক কল (criminality indicator) দিয়ে সন্তোজাত শিশু ভবিষ্যৎ কালে কি প্রকার লোক হবে তা ঠিক জানা যাবে এবং অপরাধী-জাতীয় শিশুদের গোড়ার থেকেই বন্ধ করে রেখে জগৎ থেকে অপরাধ চিরকালের মত দূর করে দেওয়া যাবে।

তার মতে যুদ্ধ জিনিষটা নাকি বড় ধরনের অপরাধ-উৎসব; আর যুদ্ধ বাধে ঠিক সেই সময়, যখন ঘুরতে ঘুরতে পৃথিবী কোন একটা খারাপ রকম বৈজ্ঞানিক ক্ষেত্রের ভিতর এসে পড়ে। এই বিদ্যুৎ ঠিক কি ধরনের জিনিষ এখনও জানা যায় নি, কিন্তু শীঘ্রই যাবে এবং তার পর থেকে পণ্ডিতেরা ঠিক সময়ে জগৎকে যুদ্ধ প্রভৃতি বিষয়ে সাবধান করে দিতে পারবেন। যখনই পৃথিবী কোন খারাপ রকমের বৈজ্ঞানিক ক্ষেত্রের কাছে আসবে, তখন সকলে “বিদ্যুৎপ্রফ” (protective cloaks and masks) পোষাক ও মুখোশ পরতে বাধ্য হবে। ফলে, বাইরের যুদ্ধ বা অপরাধ-বল্লা (war or crime wave) মানুষকে ছুঁতে পারবে না। বিজ্ঞানের এমনই কত উন্নততর অবস্থার কথা ভেবে পাঁচু ভাবে বিভোর হয়ে যেত।

যাই হোক, আমাদের বর্তমানে দিন কাটছিল মন্দ নয়। পাঁচু লম্বোসোর ক্রিমিনাল টাইপস (criminal types) বইখানাকে একমাত্র ছেলের মত সাদরে কোলে আঁকড়ে বসে থাকত, আর আমরা অবোধের মত তাস-খেলা বা বাজে বকায় সময়ের অগচয় করতাম। পাঁচু কিছুতেই বুঝতে পারত না যে, কতকগুলো নোংরা ও বিলী মুখ আঁকা কাগজ হাতে করে লোকে অত চেঁচায় কেন! সে আমাদের ভালর দিকে আনবার চেষ্টা প্রায়ই করত। হতাশ হয়ে হাল ছেড়ে দিতে তাকে কখনও দেখতাম না।

তাকে এবারে লম্বোসোতে পেরেছিল। তাস ব্যাধিগ্রস্ত আমাদের সে কি শ্রেণীতে ফেলত জানি না, কিন্তু এ ব্যাধি থেকে মুক্ত করে আমাদের লম্বোসোগ্রস্ত করতে তার উৎসাহের অবসান কখনও দেখা যেত না। লম্বোসো নাকি অসাধারণ লোক ছিলেন— তা নইলে যে পাঁচু কখনও তাঁর কথা বলত না বা তাঁর বই পড়ত না, তা বলাই বাহুল্য। অপরাধীমানবত্ব বিষয়ে লম্বোসোর আবিষ্কার ও বিচার মহামূল্য এবং তাঁকে ঐ বিষয়ে যুগ-প্রবর্তক বলা চলে। তাঁর বিশ্বাস ছিল, কতকগুলি বাহ্য লক্ষণ দেখে অপরাধী ধাঁচের মানুষ চেনা যায়; এবং এ বিষয়ে বর্তমান বিজ্ঞান যাই বলুক না কেন, পাঁচুর লম্বোসোর

মতে দৃঢ় বিশ্বাস এক তিলও তাতে কমে নি। আমরাও এতে কোন আপত্তি করতাম না।

এক দিন আমাদের আড্ডা বেশ জমে আসছিল। পাঁচুও তার লম্বোসোখানা বন্ধ করে একমনে ডাবের শাঁস খাচ্ছিল। এমন সময় এক গোলমাল উপস্থিত হ'ল। বাইরে দরজার ছন্দায় ক'রে ঘা দিয়ে মোটা গলায় কে বললে, "বাবু, টেলিগ্রাম।" আমাদের সকলেরই মনে হ'ল, নিশ্চয় কিছু একটা দুর্ঘটনা ঘটেছে, নইলে টেলিগ্রাম কেন? পাঁচু শুধু নির্ঝিকার হয়ে ডাব খেতে লাগল। কিন্তু অদৃষ্টের ফের! দেখা গেল যে তারই শালার কাছ থেকে টেলিগ্রামটা আসছে। "পাঁচুর স্ত্রীর বেজায় অস্থখ; এখনই তাকে যেতে হবে।" বেচারী পাঁচু প্রায় কেঁদে ফেললে। বৈজ্ঞানিক হ'লেও তার মনটা বড় নরম ছিল। আমি বললাম, আমিও তার সঙ্গে যাব এবং যদি মিসেস পাঁচুর তেমন কিছু না হয়ে থাকে, তাহলে তাঁর অস্থখ সেরে গেলে দুজনেই আবার ফিরে আসব।

তাড়া-হড়ো ক'রে পঞ্জাব মেল ধরা গেল। ভীষণ ভিড়। বহু কষ্টে একখানা দ্বিতীয় শ্রেণীর কামরায় একটু জায়গা করে বসলাম। পাড়ীতে প্রাণহীন বাস, প্যাটার্স তো অসংখ্য এবং তা ছাড়া ছুটি ফিরিঙ্গি, এক জন পশ্চিম দেশীয় ভদ্রলোক এবং জনকতক বাঙালী। পাঁচু প্রথমটা চুপ করে বসে ছিল, কিন্তু আমার মনে হ'ল যে সস্তা চুপটের ও আক্রা এসেলের গন্ধে আমার অশিক্ষিত স্রাণশক্তিই আমার জীবনকে অতিষ্ঠ ক'রে তুলছে, না জানি বেচারী পাঁচুর অবস্থা কি সাংঘাতিক। কাজেই তাকে একটু প্রফুল্ল করার চেষ্টা করতে লাগলাম। কাজটা খুব শক্ত হ'ল না। লম্বোসোর কেতাবখানা পাঁচুর হাতেই ছিল এবং স্ত্রীর অস্থখ সম্বন্ধে আমি তাকে কিছু আশা দেবার পরেই সে বেশ উৎসাহিত হয়ে তার বৈজ্ঞানিক বিশ্লেষণে নিযুক্ত হ'ল।

একটি রোগী ফিরিঙ্গি নিজের শুঁটকো আঙুলগুলি নিয়ে ক্রমাগত নিজের হাতের উপর চটাপট লাগাচ্ছিল। ঠিক যেন বাঁরা-তবলা বাজাচ্ছে। পাঁচু খানিক নিরীক্ষণ করে বললে, "ওর ডাব শুকী দেখে মনে হচ্ছে ওর পকেট-কাটা ব্যবসা, অথবা ও লোহার সিন্দূকের তাল খুলতে ওস্তাদ।" আমি বললাম, "কেন হে, ওকে তো বেশ ভাল লোক ব'লেই মনে হচ্ছে।" পাঁচু আমায় খোঁচা দিয়ে সেই দিকে ফিরিয়ে দিয়ে বললে, "আরে না, দেখছ না, ওর আঙুলগুলি কেমন চঞ্চল; ক্রমাগতই নড়ছে, একটুও স্থির হ'তে পারছে না। তার কারণ ওর আঙুলের স্নায়ুগুলি বেজায় শক্তিশালী। অর্থাৎ আঙুল দিয়ে ও খুব শক্ত রকমের কাজ করতে পারে। ঐ ধরনের লোকেরাই পিকপকেট ইত্যাদি হয় ভাল।"

আমি বেচারী চুপ করে রইলাম। বইখানায় আবার খানিক ডুব মেরে একটু পরে মূৰ তুলে চোখের ইসারা ক'রে একটি লোককে দেখিয়ে পাঁচু বললে, "আর ঐ যে

